


স্বাভাবিক-স্বাভাবিক অধৈতবাদ ।

১৩০৩

# বীণাপানি

মাসিকপত্রিকা ও সমালোচনী



“বীণা-পুস্তক-রঞ্জিত হস্তে । ভগবতি, ভারতি, দেবি, নমস্তে ।”

৪র্থ খণ্ড । } মাঘ, ১৩০৩ সাল । { ১ম সংখ্যা ।

## সারদার প্রতি ।

থেকে থেকে পড়ে মনে, মরুময় এই প্রাণে,  
আলোক প্রতিমাখানি কি জানি কাহার ?  
কে যেন আসিয়ে হৃদে, ভাঙ্গা বুক দেয় বেঁধে,  
নিরাশা-সাগরে করে আশার সঞ্চার !  
চারিদিকে জ্বালাতন, নিয়ে এই মরা-মন,  
কেমনে বাঁচিয়ে থাকি বল গো আমার ?  
শুধু এক নীর-বিন্দু, প্রাণ-সঞ্জীবনী-সিক্ত,  
মরা-প্রাণে মরা-মনে, আবার জীয়ায় ;  
কা'র প্রেম-বিন্দু সেটা কহ গো আমার ?

অধীর উন্মাদমনে, মিষ্টভাষে সবতনে,  
কে আসি' গো থেকে থেকে প্রদানে সাস্বনা ?  
কা'র সে মধুর বালী, কা'র সেই মুখখানি,  
মরুময় মনে জাগে যখনি বেদনা,—

ক'র সেই প্রেম-মূর্তি, প'ড়ে মনে হয় স্ফূর্তি,  
 ক'র অখি সচঞ্চল বিদ্যুৎ খেলায় ?  
 নাশে হৃদি-অন্ধকার, আলোকের সুসঞ্চার,  
 ক'রে, <sup>মোর</sup> মরা-প্রাণে আবার জীবায়,  
 ক'র প্রেমালোক সেটা কহ গো আমার ?

কিন্তু বহুদিন হায়, অন্তর মরুভূপ্রায়,  
 কেন গো দেয় না দেখা সে প্রতিমাখানি ?  
 বোধ হয় চলে গেছে, আর না আসিবে কাছে,  
 আর না দানিবে সুখা সেই সুখা-খণি ;  
 কই কই কোথা' গেলো, কই সে প্রাণের আলো,  
 কোথায় কোথায় হায় জীবন-দায়িনী !  
 অন্ধকারে যাই মারা, কোথা' সে সারাংসারা,  
 মানস-মরালী মম প্রেম-সঞ্জীবনী ?  
 কোথায় কোথায় হায় জীবনদায়িনী !

৪

ডাকিলে পাইনে দেখা, কিন্তু নিজে দেয় দেখা,  
 কেন ওগো লুকাচুরি-খেলা মোর মনে ?  
 কি জানি কেন গো হায়, কোমলে কঠিনা প্রায়,  
 প্রেমের পাষাণীমূর্তি পড়ে মোর মনে !  
 ছেড়ে দে ছেড়ে দে বাণি, শ্বেতভূজে “বীণাপাণি”  
 প্রাণনাশা ওই তব লুকাচুরি খেলা !  
 আয়, বস, হৃদাসনে, পালাস্নেহে ক্ষণে ক্ষণে,  
 তব অদর্শনে আমি বড় ঝালাপালা !  
 ছেড়ে দে ছেড়ে দে বাণি ! লুকাচুরি খেলা !

৫

সংসারের জ্বালাতন, তায় মোর মরা-মন,  
 তুমি মোর এ জগতে জীবন সম্বল !

চাই না সন্তোষ-ভৃষ্টি, তাহে নাই পূর্ণ দীপ্তি,  
 তুমি আসি আলো কর হৃদয়-কমল।  
 চাইনা বিষয়-বিষ, কালকূট মহাবিষ,  
 বিলাস-কলুষ-বিষে করে জ্বর জ্বর ;  
 মানবের ভালবাসা, তাহে মোর নাহি আশা,  
 মিটিয়াছে সে পিয়াসা, তুমি কৃপা কর !  
 অঁধারহৃদয়ে বাণি ! তুমি আলো কর !  
 শ্রীকিরণচন্দ্র দত্ত ।

## অদ্বৈতবাদ ।

চেতনা ইহাতেই অদ্বৈতবাদের স্রষ্টি । জগতের সমুদয় <sup>দ্রব্য</sup>ই  
 অবস্থার দাস । মানুষের দেহের যেমন নানা অবস্থা হয়, যথা—শিশু,  
 শিশুক, যুবা ইত্যাদি ; সেইরূপ মানুষের কর্মের নানা অবস্থা হয়,  
 যেমন—ভাল কর্ম, মন্দ কর্ম, ঠকা কর্ম ইত্যাদি । আবার মানুষের  
 চৈতন্যের নানা অবস্থা হয়, যথা—রাগ, ভয়, শোক ইত্যাদি ।  
 সেইরূপ মানুষ চিন্তা করিতে করিতে চিন্তার নানা অবস্থা দেখিতে  
 পায়, যথা—সূক্ষ্ম চিন্তা, সূক্ষ্ম চিন্তা, মহাচিন্তা ইত্যাদি । এই মহাচিন্তার  
 র যে চিন্তা তাহাকেই “অদ্বৈত” চিন্তা কহে । এখানে আসিলে  
 ব একাকার ।

চিন্তা করিতে করিতে চিন্তার চরম স্থানে গিয়া দাঁড়াইয়া দেখিলে,  
 সমস্ত জগত একাকার বলিয়া বোধ হয় । মানুষের এই চিন্তাবস্থার নাম  
 অদ্বৈতাবস্থা । ঠাকুর বলিয়াছেন, “যেমন খোড়ের খোলা ছাড়াইতে  
 দাঁড়াইতে ক্রমে মাজে গিয়া উপস্থিত হইলে, আর তাহা ছাড়ান  
 যায় না । এই স্থলে দাঁড়াইয়া যদি চিন্তা করি যে, মাইজ কি বস্তু  
 এবং যে সকল খোলা ছাড়াইয়া আসিলাম, তাহাই বা কি বস্তু ? তাহা  
 লে আমরা এই জানিব যে, মাইজ এবং খোলা এক বস্তু দ্বারা নিশ্চিত  
 হইয়াছে । অর্থাৎ খোলায়ও যে বস্তু, মাইজেও সেই বস্তু ! যেমন,

খোলাতেও যে জল এবং ঐ জল খাইতে যেমন আশ্বাদন, মাইজেও সেই জল, খাইতেও ঐরূপ; খোলার যে বর্ণ, মাইজের সেই বর্ণ; খোলাতে যে ছাই আছে, মাইজেও সেই ছাই আছে। অতএব খোলা এবং মাইজে একাকার। তাহার পর যদি মাজ হইতে নামিয়া খোলায় আসি, তবে আর একাকার দেখিতে পাই না, তখন দেখি, খোলা স্বতন্ত্র মাইজেও স্বতন্ত্র; স্বতন্ত্র খোলা মানুষের ভক্ষ্য নহে; মাইজ মানুষের ভক্ষ্য। অতএব মাজ ও খোলায় স্থলে যেমন প্রভেদ, দ্বৈতবাদ এবং অদ্বৈতবাদেও সেইরূপ প্রভেদ। মাইজ এবং খোলা যেমন বৃক্ষের অবস্থার কথা, তদ্রূপ দ্বৈতবাদ এবং অদ্বৈতবাদ মানুষের চিন্তার অবস্থার কথা।”

খোলা ছাড়াইতে ছাড়াইতে যাওয়া, অর্থাৎ চিন্তা করিতে করিতে উপরে উঠার নাম “আরোহণ সূত্র” এবং মাঝে পৌঁছিয়া, আর পথ না পাইয়া, তথা হইতে নামিয়া আসার নাম “অবরোহণ সূত্র।”

বরফ লইয়া যদি চিন্তার আরোহণ সূত্র ধরিয়া উঠিতে থাকি, তাহা হইলে জলে গিয়া উপস্থিত হইব; আবার জল হইতে যদি ঐ সূত্র ধরিয়া উঠিয়া পড়ি, তাহা হইলে হাইড্রোজেন এবং অক্সিজেন গ্যাসে গিয়া দাঁড়াইব। অতএব জল, বরফ এবং বাষ্প বা গ্যাস এক জলের তিনাবস্থা। জলের শেষাবস্থা গ্যাস, এই অবস্থার ওদিকে আর যাইবার উপায় নাই; অতএব এই স্থান হইতে দেখিলে আমাদের এই বোধ হইবে যে, সেই এক অদ্বিতীয় বাষ্প জলে এবং সেই বাষ্পই বরফে, কাজেই এখানে একাকার। কিন্তু আবার অবরোহণ সূত্র ধরিয়া ঐ বাষ্প হইতে ক্রমে জলে এবং বরফে নামিয়া আসিলে দেখিব জলের সঙ্গে বরফের মিল নাই এবং বরফের সঙ্গে গ্যাসের মিল নাই জল তরল, বরফ কঠিন; জল যেকোন শীতল, বরফ তাহা অপেক্ষা অনেক বেশী শীতল, আর বাষ্পের ভ কথাই নাই, তাহা চক্ষে দেখা যায় না। জলের পিপাসা, গ্যাস খাইলে মিটে না; অথবা বরফের কার্য জলের দ্বারা সাধিত হয় না। ফোড়া কাটিবার সময় স্থানিক অসাড় করিতে বরফ ব্যবহৃত হয়, কিন্তু জলের দ্বারা সে কার্য হইতেই পারে না। অথবা মুখ ধুইবার কার্য বরফ দ্বারা হয় না। অতএব দ্রব্যের

এক অবস্থার সঙ্গে অপরাবস্থার মিল হয় না। শিশুর সহিত যুবকের মিল নাই এবং যুবকের সহিত প্রৌঢ়ার মিল নাই। এই সকল অমিল সূত্রকে দ্বৈতবাদ কহে, এবং মিল সূত্রকে অদ্বৈতবাদ কহে।

স্থলে বা দ্বৈতবাদে আমাতে, হরিতে, বা শ্রামেতে অথবা আমাতে এবং গাছেতে, অথবা আমাতে এবং পশু পক্ষীতে বড়ই প্রভেদ; কিন্তু স্থল বা অদ্বৈতবাদে এ সমুদয়ই একাকার।

সকল নরদেহই নিম্নলিখিত দ্রব্যসংযোগে সংগঠিত, যথা—অক্সিজেন, হাইড্রোজেন, অঙ্গার বা কার্বন, নাইট্রোজেন, ক্যালসিয়াম বা চুন, ফস্ফরাস, গন্ধক, সোডিয়াম, ক্লোরিন, পোটাসিয়াম, লৌহ, ম্যাগনেসিয়াম, সিলিকন, তাম্র, সিসা ও ম্যাগ্নেশিয়াম ইত্যাদি। এই সকল দ্রব্য আমাতে, হরিতে আছে, এবং শ্রামেতে রাখাতেও আছে। ইহা না থাকিলে, এক চিকিৎসা গ্রহ দ্বারা সকলের চিকিৎসা চলিত না। পরন্তু, বাতগেরু তারতম্যে ঐ সকল মূল দ্রব্য গরুতে, ভেড়াতে এবং মৎস্রতে বা সকলেতে আছে। যেমন তোমার আমার ভিতর যে নাইট্রোজেন, ময়দা ছোলার এবং ছাগ প্রভৃতি পশু মাংসের ভিতর সেই নাইট্রোজেন। আবার গাছের ভিতর, ফলের ভিতর, পশু পক্ষীর ভিতর এবং তোমার আমার ভিতর যে অঙ্গার, যে সোডা, যে গন্ধক, যে ফস্ফরাস আছে, পৃথিবীর সমুদয় দ্রব্যের ভিতর সেই অঙ্গার, সেই সোডা, সেই গন্ধক, সেই ফস্ফরাস সেই বালি, সেই চুন, সেই ছাই, সেই ভস্ম আছে; অতএব এখানে সব একাকার। কাজেই এ সকল যুক্তি অদ্বৈতবাদের উক্তি।

কিন্তু এই একাকার অবস্থা হইতে নামিয়া পড়িলে, ইচ্ছা করিয়া না নামিলেও তবু নামিতে হইবে। কারণ, একাকার অবস্থায় থাকা চলে না; “তঁাহাকে” দেখা চলে! যাহা হউক, নামিয়া আসিলে দেখিবে, গরু, ভেড়া, ছাগল, গাছ, পালা, গাছের পাতা, গাছের ডাল, গাছের ফুল; মানুষ,—যুবা, পুরুষ, নারী, বালক, শিশু, বৃদ্ধ প্রভৃতি স্ব স্ব প্রভেদ। এত প্রভেদ যে, প্রভেদের ভিতর প্রভেদ। ছই আত্র গাছ এক নহে, ছইটী মানুষ এক নহে। এই স্বতন্ত্র স্বতন্ত্র অবস্থার নাম দ্বৈতবাদ।

ঠাকুর বলিয়াছেন,—“গুরু শিষ্যকে কহিল, ‘দেখ বাপু! আম্র গাছে কাঁঠাল হয়, আর তাল গাছে নীচু হয়; কলা গাছে আম্র হয়।’ যে শিষ্য এই গুরুবাক্য ঈশ্বর বাক্যবোধে বিশ্বাস করিয়া গুরুকে উত্তরে বলিতে পারে যে,—‘প্রভো! তোমার অসাধ্য কি আছে? তুমি ইচ্ছা করিলে সবই করিতে পার। আপনার এক একটা অবস্থাতেই জগতের এই অবস্থা। মানুষ, গরু, ভেড়া তোমার অবস্থার কথা, বৃক্ষলতা তোমার অবস্থার কথা। মানুষের এক রক্তের অবস্থানুসারে সেই রক্ত যদি নখ, সেই রক্ত যদি মাংস, সেই রক্ত যদি চুল, সেই রক্ত যদি দুগ্ধ হইতে পারে, তাহা হইলে, আপনার অবস্থা বিশেষে (অর্থাৎ ঐশ্বরত্ববাদে) যে, কলাগাছে কচু এবং কচু গাছে কলা হইতে পারে না, ইহা কে বলিল? ঠাকুর সেই মন আমায় দাও, যেন তোমার সঙ্গে একাকার হইয়া যাই। ঠাকুর! তুমি যে চৈতন্য। তোমার সঙ্গে অদ্বৈত এবং নিত্যানন্দ না থাকিলে কি তোমাকে চেনা যায়?”

যখন উর্দ্ধদিকে দৃষ্টি করি, তখন এক আকাশ সকলের উপর দেখিতে পাই। আবার যখন সেই দৃষ্টিকে নিম্নদিকে নামাই, তখন আর অনন্ত আকাশ দেখিতে পাই না, আকাশ যেন খণ্ড খণ্ডভাবে বিভক্ত হইয়াছে। সেই অনন্ত আকাশ ঘটের ভিতর প্রবেশ করিয়া “ঘটাকাশ” এবং পটের ভিতর প্রবেশ করিয়া “পটাকাশ” জলের ভিতর প্রবেশ করিয়া “জলাকাশ” মানুষের ভিতর প্রবেশ করিয়া “মানুষাকাশ” মেঘের ভিতর প্রবেশ করিয়া “মেঘাকাশ” নাম ধারণ করিয়াছে। ঐশ্বরত্ববাদের অনন্তাকাশকে কেহ প্রাচীর দিয়া বন্ধ করিতে পারে না, কিন্তু নিম্নের সমুদয় আকাশকে প্রাচীর দিয়া বন্ধ করিতে পারে। ইহাই হইল আকাশের ঐশ্বরত্ববাদ।

ঐশ্বরত্ববাদে দাঁড়াইয়া মানুষ “তাহাকে” সকলের পিতা বলিতে পারে, কিন্তু ঐশ্বরত্ববাদে আসিলে, এক ঈশ্বরকে সকলের পিতা বলা চলে না, অর্থাৎ ঈশ্বর আমার পিতা, এবং আমার পিতার পিতা, কিরূপে হইবেন? তিনি যদি আমার পিতার পিতা হইলেন, তাহা হইলে তিনি আমার ঠাকুরদাদা হইয়া যান! বস্তুত, স্থলে অদ্বৈত বা ব্রহ্ম

বা ঈশ্বরের সম্পর্ক মীমাংসা করিতে গেলে, এইরূপ গোলযোগে পড়িতে হয়। নচেৎ যদি এইরূপ ভাবা যায় যে, এক মৃত্তিকা হইতে ঘট, ভাঁড়, কলসী, জালা, খুরি এবং সরি ইত্যাদি হইয়াছে; এখন খুরি, সরি, গাম্ভা, কলসী ও জালা সকলেই যদি তাহাদের সেই এক উপাদান-কর্তা মাটীকে জন্মদাতা পিতা বলিয়া উপাসনা করে, তাহা হইলে ইহা ভুল বলা হয় না। কারণ, যথার্থই উহার সেই এক অদ্বিতীয় মাটী হইতেই জন্মিয়াছে। তবে সরি, খুরি, জালা, কলসী প্রভৃতি মাটীর অবস্থা বিশেষের নাম মাত্র। অতএব আমরাও সেই এক অদ্বিতীয় ঈশ্বর হইতেই জন্মিয়াছি, তাই তিনি আমাদের সকলের পিতা। তবে যে, পিতা, পুত্র, ভ্রাতা প্রভৃতি নাম পাইয়াছি, ইহা আমাদের অবস্থা বিশেষের জন্ম।

এরূপ একাকার ভাবিতে পারি, কিন্তু একাকার করিতে পারি না। কারণ, খুরির কার্য কলসীতে হয় না; অথবা পুত্রের কার্য পিতা দ্বারা হয় না; স্বামীর কার্য স্বামীতে করিবে, ভ্রাতা দ্বারা কি সে কার্য মিটিবে? উর্দ্ধদৃষ্টিতে এক উপাদানে সকলকে মিলাইতে পারি, কিন্তু নিম্নদৃষ্টিতে যিনি যে স্থানের বা যে অবস্থাপন্ন, তাহাকে সেই স্থানে সেই অবস্থায় রাখিয়া থাকি। জামা, কাপড়, রুমাল, ঠকিন প্রভৃতি সকলই এক সূতা দ্বারা হইয়াছে, বিলক্ষণরূপে তাহা অবগত আছি, কিন্তু কাপড় পরিধান করিবার অবস্থানুরূপ, এ অবস্থায় জামাকে পরিধান করা চলে না; জামা যে অঙ্গের পরিধেয়, তাহাকে সেই অঙ্গে পরিধান করিতে হয়। রুমালের কাজ জামায় হয় না, অথবা জামার কার্য রুমালে হয় না; যদি হয়, তাহা হইলে জামাকে ছিঁড়িয়া রুমালে অগ্রে পরিবর্তন করিতে হয়; তবে ত জামা দ্বারা রুমালের কার্য হইবে। পরন্তু জামা ছিঁড়িয়া, রুমাল করিলে, তখন লোকে আর তাহাকে জামা বলিবে না, রুমালই বলিবে। এত পরিবর্তন তিনি না করিয়া দিলে হয় না। অতএব একাকার ভাবা চলে, করা শীঘ্র চলে না; বেগর তাহার রূপা ভিন্ন যোগ ভিন্ন হয় না। তবে তাহার কাছে যাইতে হইলে একত্রে একাকার হইয়া যাইতে হয়, নচেৎ নয়।

## একটি সনেট ।

বড়ই কঠোর এই মাটির ধরণী ;  
ভেঙ্গে চুরে গেছে হিয়া পেষণে তাহার ।  
কোথা মেহ-কোমলতা—সুধা সঞ্জীবনী,  
কোলে তুলে লও গুরু মাথাটি আমার ।  
কি মরণ বিভীষিকা—অঁধার জগৎ ;  
একাকী পথিক আমি জীবন-প্রান্তরে ।  
কোথায় কিরণ তুমি, দেখাও সে পথ,  
ঘুরিতে পারি না আর নিরাশ অন্তরে ।  
শোক-তাপ-দুঃখে প্রাণ অবসন্ন ক্ষীণ ;  
জীবনে বিশ্বাস নাই, হৃদয়ে সে বল ;  
আশারো সে ক্ষীণ রশ্মি সন্দেহে মলিন,  
তাও শেষে ধুয়ে লবে নয়নের জল !  
অনেক সহেছি আর সহেনা এ প্রাণে ;  
কোথা' তুমি নারায়ণ রাখ প্রেমদানে ।

শ্রীচারুচন্দ্র বন্দ্যোপাধ্যায় ।

## মহারাণা প্রতাপসিংহ ।

( পূর্ব প্রকাশিতের পর )

কালচক্রের আবর্তনে প্রতাপ সিংহ ক্রমশঃ বার্কক্যে উপনীত হইলেন । আমাদের ভাগ্যদোষে সেই বার্কক্য আবার অকালে উপনীত হয় ; ইহার কারণ এই যে, দুঃসহ চিন্তাসর্পের বিষম দংশন, অনন্ত মানসিক ক্লেশ ও সাংসারিক যন্ত্রণার কঠোরতম প্রহার । দিনের পর দিন অনন্ত কালমাগরে মিশিয়া গেল, প্রতাপের স্বর্গারোহণের দিনও ততই নিকটবর্তী হইতেছে কিন্তু চিতোরোদ্ধারের আশা তিনি ত্যাগ করিতে পারিলেন না । প্রাণাপেক্ষা প্রিয়তম চিতোরনগরী যবন-কর-কবলিত !

ইহা কি বীর হৃদয় প্রতাপ সহ্য করিতে পারেন ? মহারাণা প্রতাপসিংহ প্রসন্ন সলিলা পেশালা সরোবরের তটোপরি কতকগুলি কুটীর নিৰ্ম্মাণ করিয়া, তথায় শীত গ্রীষ্ম বর্ষা প্রভৃতির উৎপীড়ন হইতে আত্মরক্ষা করিতেন । মহারাণার ভাগ্য সুপ্রসন্ন, তথাপি কেন তিনি পূর্ণকুটীরে বাস করিতেন ! ইহার কারণ এই যে, যেহেতু তিনি চিতোর নগরীর উদ্ধার সাধন করিতে সক্ষম হন নাই, তজ্জগুই আজু প্রতিজ্ঞা পূর্বক তিনি পূর্ণকুটীরশায়ী সাধু সন্ন্যাসীর শ্রায় অবস্থান করিতেছেন । মিবারের চির-রাজধানী চিতোরনগরীর হীনাবস্থা দর্শন করিয়া তাঁহার চিত্ত বিগলিত হইয়া যাইত, তাই আজ তিনি ভোগবিলাস পরিত্যাগ পূর্বক এইরূপ ভাবে কালহরণ করিতেছেন । পাঠক ! সমগ্র জগতের ইতিহাস তন্ন তন্ন করিয়া দেখ দেখি, কোথাও এরূপ স্বদেশ প্রেমিক সন্ন্যাসীর অস্ত্র একটা দৃষ্টান্ত পাও কি না ?

বীরেন্দ্র কুলকেশরী প্রতাপ সিংহ আজ ঐহিক জীবনের চরম সীমায় উপনীত, তাঁহার পুত্র অমরসিংহও সুখ দুঃখের চিরসহায়, পরম বিশ্বস্ত ভীলগণ ও ক্ষত্রিয়বংশীয় সর্দারগণ তাঁহার শয্যাপার্শ্বে উপবেশন করিয়া তাঁহাকে সাহুনা করিতেছেন । প্রতাপ এই শেষ মুহূর্ত্তেও স্বীয় স্বদেশে প্রেমিকতা ও প্রতিজ্ঞা হইতে বিচ্যুত হওয়া দূরে থাকুক, স্বপ্নেও তাহা দেখেন নাই । প্রতাপ মিবারের পূর্ব স্বাধীনতা ও অনষ্ট গৌরব উদ্ধার করিতে সম্পূর্ণ সক্ষম হইলেন না বলিয়া অত্যন্ত দুঃখিত হইলেন । তাঁহার পুত্র ও সর্দারগণ পাছে তাঁহার মৃত্যুর পর যবনের স্বাধীনতা স্বীকার করেন, তজ্জগু তিনি শেষ মুহূর্ত্তেও সবিশেষ উদ্বিগ্ন ছিলেন । পরে তাঁহার পুত্র অমরসিংহ ও সর্দারগণ প্রতিজ্ঞা করেন যে, “যত দিন না মিবার ভূমির স্বাধীনতা পূর্ণ মাত্রায় উদ্ধার হয়, ততদিন আমরা কুটীরেই বাস করিব ও আপনার শ্রায় চিরদিনই যবনের শত্রুতা চরণ করিব।” এই কথাগুলি বীর হৃদয় প্রতাপের কর্ণকুহরে প্রবেশ করিলে তিনি সহাস্রবদনে, নিশ্চিতমনে ও প্রশান্তভাবে অমরধামে যাত্রা করিলেন । জনৈক স্বাধীনচেতা ইংরাজীভাবাপন্ন দেশীয় কবি তাঁহার এই প্রতিজ্ঞাসম্বন্ধে এইরূপ বলিতেছেন,—

প্রতাপ বলিলেন,—

“Now swear, my boy, upon thy sword,  
Thy country to defend,  
And swear that ne'er in homage mean,  
Thy royal knees shall bend.

“Eternal conflict thou must wage—

Such as thy sire begun—

To crush the haughty Moslem power,  
Or be thyself undone.

Then will my soul sleep sound in peace,  
This troubled spirit rest.—”

প্রতাপের সমতুল্য বীর মানবেতিহাসে অতীব বিরল। প্রবল পরাক্রান্ত হুরন্ত মোগল সেনাগণের সহিত একাদিক্রমে পঞ্চবিংশতি বৎসর যুদ্ধ করিয়া যে শুভ্র যশোরশি লাভ করিয়া গিয়াছেন, তাহা চিরদিনই ভারতেতিহাসে স্বর্ণাক্ষরে লিখিত থাকিবে। বীর ত অনেক আছেন, কিন্তু প্রতাপের স্থায় বীর কয়জন? কে এই অল্পমাত্র সৈন্ত সমভিবাহারে ভীমবিক্রান্ত বিপুল সহায় সম্পন্ন সুবিশাল রাজ্যাধিকারী বৈরীর বিরুদ্ধাচরণ করিতে সক্ষম হইয়াছেন? যে হৃদ্দিনে ভারতের ভাগ্য গগন হইতে প্রতাপরূপ উজ্জলতম নক্ষত্র কক্ষচ্যুত হইয়া কালগ্রাসে পতিত হয়, সে দিনের বিষয় স্মরণ করিলে আত্মপরাধীন হিন্দুজাতির হৃদয় শতধা বিদীর্ণ হইয়া যায়। তিনি যে অসাধারণ বীরত্ব প্রভাবে দিল্লীশ্বর আকবরের সহিত প্রচণ্ড প্রতিদ্বন্দীতা ক্ষেত্রে অবতীর্ণ হইয়াছিলেন, তাহাতেই তিনি স্বদেশ প্রেমিক সন্ন্যাসীগণের উচ্চতম আসনে স্থান পাইয়াছেন। “প্রতাপ নরকূলে দেবতা!” তিনি মাতৃভূমিকে ছুর্কিনহ ক্লেস হইতে উদ্ধার করিবার নিমিত্ত এ মহীমণ্ডলে জন্মগ্রহণ করিয়াছিলেন। এরূপ অসাধারণ ক্লেস, অসীম যত্নগা কি কখন মানবে সহ করিতে পারে? প্রতাপ আজীবনকাল অনন্ত ক্লেস সহ করিয়াও যে যবনের অধীনতা স্বীকার রূপ পাপময়ী চিন্তাকে

যে মানস-মন্দিরে স্থান দেন নাই, বরং অরাতিগণের সহিত সমরানল প্রজ্জ্বলিত রাধিয়া নিজেকে সার্থক বোধ করিতেন। তাঁহার হৃদ্দশা বতই ঘনীভূত হইয়াছিল, তিনি ততই উৎসাহিত হইয়া যবনের শক্রতা-চরণ করিয়া গিয়াছেন। বিপক্ষকে শত সহস্রগুণে সহায় সম্পন্ন জানিয়া, যে বীর কিছুমাত্র ভীত হইতেন না, তিনি কি মানব? ভারতের এক প্রান্ত হইতে অপর প্রান্ত পর্যন্ত যখন মোগলের অধীন, তখন তিনিই কেবল সম্রাটের বিরুদ্ধে অসিধারণ করিয়া অবিচলিত সাহস, অমানুষিক স্বদেশ-প্রেমিকতা, অসাধারণ বীরত্ব ও অলৌকিক স্বাধীনতা-প্রিয়তার পরিচয় দিয়া, হিন্দুজাতির মুখোজ্জল করিয়া গিয়াছেন। প্রতাপসিংহের কীর্তিস্তম্ভ অভ্রংলিহ হিমাঙ্গি অপেক্ষাও উন্নত, ধবলাগিরি অপেক্ষাও শুভ্রবর্ণ। যতদিন জগতে ইতিহাসের সম্মান থাকিবে, যতদিন একজন মাত্র ব্যক্তি আগ্রহ-সহকারে মানবকীর্তির অতীত সাক্ষী ইতিহাস অধ্যয়ন করিবে, ততদিন প্রতাপসিংহের নাম কেহ কখনও ভুলিবে না। ভারতকে যখন অমানিশা রজনী আচ্ছন্ন করিয়াছিল, তখন তিনিই স্বীয় অভূত ক্ষমতাবলে পূর্ণিমার শুভ্রালোক ভারতে বিস্তার করিয়া জগতের সম্মুখে হিন্দুজাতির মুখ উজ্জল করিয়া গিয়াছেন। যতদিন হিন্দুজাতির একজন মাত্র ব্যক্তি জীবিত থাকিবেন, যতক্ষণ তাঁহার ধমনীতে একবিন্দু শোণিত থাকিবে, ততক্ষণ তিনি প্রতাপকে স্বীয় মানস-মন্দিরে প্রতিষ্ঠা করিয়া শ্রদ্ধার পুষ্পাঞ্জলি দিতে কখনই ত্রুটি করিবেন না। সমগ্র জগতকে জিজ্ঞাসা কর—কে বিশাল রাজ্যের অধীশ্বর হইয়াও স্বদেশোদ্ধারার্থ এরূপ প্রচণ্ড প্রতিদ্বন্দীতা-ক্ষেত্রে অবতীর্ণ হইয়াছেন?—কে সুধা-ধবলিত সুখসেব্য অট্টালিকা পরিত্যাগ করিয়া বনে বনে, পর্বতে পর্বতে, কন্দরে কন্দরে নিঃসম্বল সন্ন্যাসীর স্থায় ক্রমাগত পঞ্চবিংশতি বৎসর ভ্রমণ করিয়াছেন? কে স্বদেশের স্বাধীনতা-উদ্ধারে কতকটা কৃতকার্য হইয়াও সামান্য ব্যক্তির স্থায় পর্ণকুটীরে বাস করিয়া শীত বর্ষাদি ঋতু হইতে আত্মরক্ষার্থ প্রয়াস পাইয়াছেন?—কে দুঃখফেননিভ সুকোমল শয্যা ও রাজভোগ পরিত্যাগ করিয়া স্বদেশের স্বাধীনতার নিমিত্ত কন্দমূল ফলে ক্ষুন্নিধারণ

ও তৃণশয্যায় শয়ন করিয়া আনন্দসর্গের চরম দৃষ্টান্ত দেখাইয়া গিয়াছেন?—কে শান্তির সুকোমল ক্রোড় সেছাপূর্বক পরিত্যাগ করিয়া ক্রমাগত পঞ্চবিংশতি বৎসর শত্রুগণ-কর্তৃক নির্দয়ভাবে লাঞ্চিত ও উৎপীড়িত হইয়াছেন? ইহার একমাত্র উত্তর—বীরেন্দ্র চূড়ামণি সংগ্রাম-পৌত্র প্রাতঃস্মরণীয় প্রতাপসিংহ ।

মহাত্মা টল্ড এইরূপ লিখিতেছেন ;—

“Had Mewar possessed her Thucydides or her Xenophon, neither the wars of the Peloponnesus nor the retreat of the “ten thousand” would have yielded more diversified incidents for the historic muse, than the deeds of this brilliant reign amid the many vicissitudes of Mewar.

\* \* \* There is not a pass in the Alpine Arvali that is not sanctified by some deed of Protap,—some brilliant victory, or oftener, more glorious defeat. Huldighat is the Thermopylæ of Mewar; the field of Dewir her Marathon”

শ্রীপ্রবোধচন্দ্র বন্দ্যোপাধ্যায় ।

## ঐশী-শাসন ও শাস্তি ।

স্বশৃঙ্খলা সংস্থাপনার্থ—শাসনবিধি—প্রয়োজনীয়, আর সেই সকল বিধির সম্যক পরিচালনায় প্রভু-শক্তির প্রয়োজন । এই শাসনবিধি আমাদের অন্তরে, বাহিরে, দেশে, সমাজে সর্বত্রই বর্তমান রহিয়াছে । কীটালুকীট হইতে অনন্তকোটি বিশ্বব্রহ্মাণ্ড পর্যন্ত এই নিয়মে নিয়ন্ত্রিত । এই বিধি প্রকৃতির প্রত্যেক অঙ্গে কার্য্য করিতেছে বলিয়াই জগতের ক্রিয়া আবহমানকাল সূচাকরূপে চলিয়া আসিতেছে ।

এই বিশ্বরাজ্যের এই সমস্ত বিধি-ব্যবস্থার পরিচালনে যে প্রভুশক্তি প্রযুক্ত হইতেছে, সেই শক্তিই পরমা শক্তি, আর সেই প্রভুই মহাপ্রভু । মহাপ্রভুর মহতীশক্তি প্রতিনিয়ত এই নিখিল বিশ্ব-শাসনে নিযুক্ত । সেই রাজার রাজা সেই প্রভুর প্রভু দুষ্টি-দমন শিষ্ট-পালনাদি রাজধর্ম্মে এই সুমহান বিশ্বরাজ্য শাসন করিতেছেন । তাহার বিচারের আর আপীল নাই, তাঁহার বিচারালয়ে উকীল কাউন্সিলের সমাগম নাই, তাঁহার বিচার-মন্দিরে আইনের কূটতর্ক স্থান পায় না ; সেখানে সেই ধর্ম্মরাজের ধর্ম্মাধিকরণে নিয়ত সত্য ও সত্যের ধারায় বিচার এবং শাস্তি হইতেছে । ত্রিভুবন তাঁহার বিচারে নতশির, তৎপ্রদত্ত শাস্তি মস্তকে ধারণ করিয়া কন্মফলালুসারে ফলভোগ করিতেছে ।

পাপী আমরা, সেই ধর্ম্মরাজকে চক্ষে প্রত্যক্ষ করিতে না পারিলেও তদীয় বিচারব্যবস্থা ও শাসন শাস্তি প্রতিনিয়তই প্রত্যক্ষ করিতেছি, আর শাস্ত্রগ্রন্থ অতীতের সাক্ষ্যপ্রদান করিতেছে । পাপীর পাপাচরণের শাস্তি দিতে, ভুতার হরণ করিতে, ধর্ম্মের জয় ঘোষণা করিতে, সত্যের মর্যাদা রক্ষা করিতে সেই চক্রধর কত চক্রান্ত অবলম্বন করিয়াছেন, মহাভারত—রামায়ণ—পুরাণাদি তাহার সাক্ষ্যপ্রদান করিতেছে । যখনই ধর্ম্মের গ্লানি উপস্থিত হয়, যখনই পাপের ভরা পরিপূর্ণ হয়, তখনই তিনি একবারে স্বয়ং সারে জামিনে তাঁহার এই বিশ্বরাজ্যে অবতীর্ণ হইয়া স্বীয় দোর্দ্দিগু প্রতাপে শাস্তি স্থাপন করিয়া থাকেন ।

আমরা অবোধ—আমরা বাহাকে হুঃখ, শোক, পরিতাপ, ব্যসন ইত্যাদি মনে করিয়া ম্রীয়মান হই, তাহা তাঁহার শাসন বই আর কিছুই নহে, আমাদের স্বকৃত অপরাধের ফলভোগ বই আর কিছুই নহে । অবোধ অজ্ঞান বালক হিতৈষী পিতার শাস্তিতে বিরক্ত হয়, অলস অননোবোগী ছাত্র জ্ঞানদাতা শিক্ষাগুরু শাসনে দোষারোপ করে, আর জ্ঞানাক্রম মোহাক্রম আমরা সেই পরম কারুণিক পরম পিতার, সেই অবিদ্যা বিনাশক বিদ্যাদাতার শাস্তিতে কতই হুঃখিত হই, কতই দোষারোপ করি ।

প্রেমময় পরমপিতার প্রেম-নিকেতনে এই বিশাল বিশ্বরাজ্য —

যাহাতে তাঁহার প্রজাবর্গ সর্বদা আনন্দে কালাতিপাত করিতে পারে, সেই ইচ্ছায় তিনি কত মঙ্গলকর, অশেষ হিতকর বিধি-ব্যবস্থার প্রণয়ন করিয়া রাখিয়াছেন, তাহার ইয়ত্তা নাই। এই বিশাল-বিশ্বের যে দিকে দৃষ্টিপাত করিবে, সেই দিকেই তদীয় প্রেমের অনন্ত প্রস্রবন প্রত্যক্ষ করিতে পারিবে।

তবেই আমাদের এত বাতনা, এত কষ্ট, এত ক্লেশভোগের কারণ— আমাদের ছুষ্কিয়া, আমাদের অবাধ্যতা, আর আমাদের স্বেচ্ছাচারিতা। আমরা বিচার পরিবর্তে অবিচার অর্জন করিয়া তত্ত্বজ্ঞানশূন্য বিজ্ঞানের জ্ঞানে অন্ধ হইয়া তদীয় অশেষ মঙ্গলকর বিধিব্যবস্থার অবমাননা করিতে গিয়াই, তাঁহার আজ্ঞা লঙ্ঘন করিতে গিয়াই আমরা শাস্তিভোগ করি, আর জ্ঞানের গর্ভে মত্ত হইয়া নানাবিধ কৃত্রিম উপায়ে সেই অমোঘ ঐশ্বরিক শাস্তি ব্যর্থ করিতে চেষ্টা পাই, ভাবি না, আমাদের সে চেষ্টা পক্ষুর গিরি-লঙ্ঘনের চেষ্টা অপেক্ষাও হানুজনক, বামনের চাঁদ ধরিবার চেষ্টা অপেক্ষাও বুধা।

সেই ধর্মরাজ আমাদের পাপাচরণের শাস্তি বিধানার্থ সচরাচর ত্রিবিধ উপায় অবলম্বন করিয়া থাকেন। এই ত্রিবিধ উপায়কে আমরা ত্রিবিধ দুঃখ বা “ত্রিতাপ” বলি।

আধ্যাত্মিক, আধিভৌতিক ও আধিদৈবিক এই ত্রিতাপ বা ত্রিবিধ দুঃখ দ্বারা সেই পরম কারুণিক ধর্মরাজ তাঁহার প্রজাবর্গের শাস্তি ও শিক্ষাবিধান করিতেছেন। আমাদের মানসিক বিকার ও তদোৎপন্ন শারীরিক বিকারাদি (যাহাকে আমরা রোগ বলি) প্রথমোক্ত শ্রেণীর অন্তর্গত, চোর-তস্করাদির অত্যাচারজনিত দুঃখই আধিভৌতিক আর অতিবৃষ্টি অনাবৃষ্টি ইত্যাদি প্রাকৃতিক ব্যাপারের বিলাট নিমিত্ত দুর্ভিক্ষাদি দুঃখই, আধিদৈবিক। কাল মাহাত্ম্যে, যুগ ধর্ম্মে আমাদের পাপাচরণ যতই বর্দ্ধিত হইতেছে, সেই সুবিচারক ততই আমাদের দমন করিবার জন্ত এই ত্রিবিধ শাস্তি উপযুক্তপরি ব্যবহার করিতেছেন। আমরা মোহে আচ্ছন্ন হইয়া, শিক্ষার গর্ভে উন্মত্ত হইয়া, রোগের নিদান নিরাকরণ করিতে না পারিয়া নানাবিধ কাল্পনিক

ঔষধের প্রয়োগ করিতেছি। বর্তমানে দুর্ভিক্ষের করাল কবল অবলোকনে আমরা প্রায়শই ভীত, কম্পিত ও জর্জরিত হইতেছি; মহামারি মার মার শব্দে প্রায়ই আমাদের আক্রমণ করিতে আসিতেছে। দিন দিন নূতন নূতন পীড়া আমাদের সর্বনাশের নিমিত্তই বুঝি জন্মগ্রহণ করিতেছে। আজ এই ভয়ঙ্কর মারিভয়, কাল ভয়ানক দুর্ভিক্ষ, একথা ত আমরা প্রায়ই শুনিতে পাইতেছি। এ আন, এ ভীতি, ঐশী-শাস্তি ভিন্ন আর কি বলিতে পারি?

আমাদের পূর্বপুরুষগণের শারীরিক ও মানসিক সুখ-শান্তির সহিত আমাদের বর্তমান অবস্থা তুলনা করিলেই ব্যক্তিমাতেই এত দুঃখের বিস্তর পার্থক্য দেখিতে পাইবেন। বল দেখি—৫৭ টাকা মাসিক বেতনের উপর নির্ভর করিয়া তোমার বৃদ্ধ প্রপিতামহঠাকুর দোল দুর্গোৎসবাদি করিয়া, পুত্র, পৌত্র, দৌহিত্র, দৌহিত্রী প্রভৃতি আত্মীয় স্বজনে পরিবেষ্টিত হইয়া যে সুখ শান্তিতে সুদীর্ঘজীবন অতিবাহিত করিয়া স্মরণার্থ করিয়াছেন, আজ মোটা বেতনের চাকরী করিয়াও সেই সুখ-শান্তি, সেই দীর্ঘজীবন তোমার নিকট, স্বপ্নবৎ প্রতীয়মান হইতেছে কি না? তাঁহাদের আর. ব্যয়, তাঁহাদের চিকিৎসকের খরচ ও তাঁহাদের পারিবারিক সুখ-স্বচ্ছন্দতার সহিত তোমাদের তন্তু বিষয়ের তুলনা করিয়া ভাব দেখি, আমাদের এত অধোগতি, এত বহুলা কেন হইতেছে? এ বিষয়ে আমাদের—পাপাচার কি একমাত্র কারণ নহে?

আমাদের অন্তরে যত অধিক সাত্ত্বিক ভাবের আবির্ভাব হইবে, পাপ-প্রবৃত্তি ততই তিরোহিত হইতে থাকিবে। এই সাত্ত্বিকভাবের আবির্ভাব বা তিরোভাব আমাদের আচার ব্যবহার ও আহার বিহারাদির উপর সম্পূর্ণ নির্ভর করে। এই জন্তই বহুদর্শী, ত্রিকালজ্ঞ বুধগণ আমাদের সাত্ত্বিকভাব রক্ষা করিবার জন্ত আচার ব্যবহার, আহার বিহারাদি বিষয়ে কতকগুলি হিতকর নিয়ম প্রণয়ন করিয়া দিয়াছেন। তাঁহারা মনে করিয়াছিলেন যে, সেই সকল নিয়ম পরিপালনে মানবের অন্তরে সাত্ত্বিকভাব প্রাচুর্য হইয়া, তামসিক ভাবকে নষ্ট করিয়া



ফেলিবে এবং সাত্বিকভাবে আধিক্যে অন্তরে ধর্মবলেরও আধিক্য ঘটিবে এবং ধর্মবলাধিক্যে আত্মার উন্নতি, স্মৃতরাং শারীরিক উন্নতিও সংসাধিত হইবে ; কিন্তু আমরা সে পথে না গিয়া—কেবল শরীর লইয়া ব্যস্ত হইয়াই, নিষিদ্ধ আচারের প্রশ্রয় দিয়া দিন দিন পাপের পথে অগ্রসর হইতেছি । পাপাচার আমাদের অন্তর কলুষিত করিতেছে, স্মৃতরাং আমাদের দেহও অন্তঃসার শূন্য হইয়া যাইতেছে । তাই আজ আমরা ঐশী-শাসনে এত জর্জরিত, ত্রিতাপে নিয়ত সন্তপ্ত হইতেছি ।

ধর্মই আত্মার বল, শুদ্ধাচারই আত্মার একমাত্র পরিপোষক ; আত্মার উন্নতিতেই মানসিক উন্নতি, আর মানসিক উন্নতিতেই শারীরিক উন্নতি । এইরূপ ক্রমাবলম্বনে শারীরিক উন্নতিবিধান না করিতে পারিলে, কখনই আমাদের উন্নতিবিধান হইবে না ; স্মৃতরাং কখনই আমরা এই ত্রিবিধ তাপের হস্ত হইতে অব্যাহতি পাইব না । ধর্মবলই এই ত্রিবিধ দুঃখনাশক । ধর্মবলের নিকট সকল দুঃখই নতশির ।

অতএব আমাদের এই সকল কষ্ট, দুঃখ ও বিপদাদি আমাদের আত্মাপরাধবৃক্ষের ফল বই আর কিছুই নহে, তাই নীতিশাস্ত্র বিশারদ বলিয়া গিয়াছেন—

“রোগ, শোক, পরিতাপ, বন্ধন ব্যসনানি চ ।

আত্মাপরাধ বৃক্ষানাম্ ফলস্বোতানি দেহিনাম্ ॥

শ্রীবিনোদনাল চট্টোপাধ্যায় ।

## প্রতাপ ।

( পূর্ব প্রকাশিতের পর )

### সপ্তম পরিচ্ছেদ ।

যাইয়া দেখিলাম, সুরো বস্তুতই আত্মহত্যা করিয়াছে । একখানি সুকোমল ছুঙ্কফেননিভ শব্যায় সুকুমার দেহলতাখানি স্থাপিত রহিয়াছে । আর সেই শব্যায় প্রাবিত করিয়া, বক্ষঃস্থল প্রাবিত করিয়া কুধির-ধারা ছুটিতেছে । চক্ষু দুইটা ধীরে মুদ্রিত হইয়া আসিতেছে । আর সেই মুদ্রিত চক্ষুকোলে বৃষ্টি দু-একটা অশ্রুকণা শুকাইতেছে ; অন্তনোন্মুখ সৌন্দর্য্যরাশি ঝলকে ঝলকে উছলিয়া পড়িতেছে । সুরো তখনো বিবাহের পটুসাড়ী পরিয়া ।

পার্শ্বে নবীনবাবু বসিয়া মর্মানভেদী আর্তনাদ করিতেছেন । মাটিতে তাঁহার স্ত্রী ধূলিবিলুপ্তিতা হইয়া চীৎকার করিতেছেন । দৌহার আর্তনাদে ঘর ফাটিতেছে । দিগ্ দিগন্তর কাঁপিয়া উঠিতেছে । অনুরে দাস-দাসীরা বসিয়া নীরবে অশ্রু বিনর্জন করিতেছে । আর সেই হতভাগা বর—জগদীশ নীরব নীম্পন্দ ভীতের স্তায়, চকিত বিস্মিতের স্তায় স্তম্ভীত হইয়া, দাঁড়াইয়া দাঁড়াইয়া আকুল নেত্রে চাহিতেছে ।

সে হৃদয়-বিদারক দৃশ্য দেখিতে কিছুতেই আমি সমর্থ হইলাম না । আমার হৃদয় শতধা-চূর্ণ হইয়া গেল । আমি উচ্চৈশ্বরে ক্রন্দন করিয়া উঠিলাম । বে কুসুমলতাটী আমি বাল্যকাল হইতে সহস্তু বন্ধিত করিয়াছি, আজ নেই লতাটীকে এ হেন অবস্থার দলিত দেখিয়া, আমার এক প্রাণ শত প্রাণ হইয়া ফাটিয়া বাহির হইতে লাগিল । আমার স্নেহের একমাত্র অবলম্বন, সেই সুরো আজ রক্তাক্ত কলেবরা ; কেশ পাশ দিয়া আজ রক্ত ঝরিতেছে, অফুট চম্পক কলির স্তায় অঞ্জুলীমালার রক্তস্রোত শুকাইতেছে, ক্রমচ্যুত বল্লরীর স্তায় দেহ-লতাখানি ভাঙ্গিয়া পড়িয়াছে । আমি আর দেখিতে পারিলাম না ; দ্রুতপদে পার্শ্বস্থ কুর্জীরে যাইয়া শুইয়া পড়িয়া উচ্চৈশ্বরে কাঁদিতে লাগিলাম । এইরূপ

অবস্থায় কতক্ষণ ছিলাম, বলিতে পারি না; কিছুকাল পরে একজন চাকর আসিয়া আমাকে ডাকিল,—“প্রতাপ বাবু!” আমি চমকিয়া চাহিলাম। সে বলিল, “বাবু আপনাকে ডাকছেন।” সে আসিয়া আমার হাত ধরিয়া উঠাইল, আমি চলিলাম।

\* \* \* \* \*

নবীন বাবু বলিলেন, “প্রতাপ! সুরো আশ্রয়হত্যা করিল কেন?”

আমি। কিছুই ত বুঝিতে পারিতেছি না—কিন্তু—

নবীন বাবু। কিন্তু কি প্রতাপ?

আমি। বিবাহের কিছু পূর্বে সে আমাকে ডাকিয়াছিল। ডাকিয়া বলিল যে, তোমার সঙ্গে হয়ত আমার আর দেখা হইবে না—আমার এই কোঁটাটি তুমি উপহার গ্রহণ কর; আমার অনুরোধে ইহা কল্যাণ খুলিও। আমি আর বলিতে পারিলাম না; আমার কণ্ঠস্বর রুদ্ধ হইয়া আসিল।

নবীন বাবু ক্ষতস্বরে হিরকণ্ঠে বলিলেন, “তার পর।”

আমি। তার পর আর কিছুই জানি না; সে ক্ষতপদবিক্ষেপে চলিয়া গেল। আমি বহির্বাটীতে ফিরিয়া আসিলাম। সে কোঁটা সেই রকমই পড়িয়া রহিয়াছে। আমি তাহা এখনও খুলি নাই।

নবীন বাবু দীর্ঘনিশ্বাস পরিত্যাগ করিলেন। ধীর অথচ কল্পিতস্বরে বলিতে লাগিলেন, “কোঁটার কথা আমার আগে বল নাই কেন? নকলই আমার ছরদৃষ্ট; প্রতাপ! কোঁটাটি শীঘ্র আমার কাছে লইয়া আইস।” আমি কোঁটা আনিতে চলিয়া গেলাম। নবীন বাবু পাগলের স্থায় বলিতে লাগিলেন,—“মহাত্মা আৰ্য্যঋষিগণ! তোমাদের দাল্য-বিবাহের ব্যবস্থা আমি তুচ্ছ করিতাম, আজ তাহার ফল হাতে হাতে পাইলাম। হিন্দুরমণী মনকেই সকল বিষয়ের সাক্ষ্য মনে করে; পাষণ্ডের হাত হইতে কেমন করিয়া নিজের অমূল্য সতীস্বরত্ন রক্ষা করিতে হয়, তাহা জানে। টাকা কড়ি, ধন দৌলত অতি তুচ্ছ মনে করিতে জানে; পার্থিব জিনিষে অতিমাত্র বীতস্পৃহ হইতে জানে। হায় হায়! আমি এতটা এতদিন বুঝিতে পারি নাই কেন? তাহা

হইলে বুঝি আজ আমার প্রাণের সুরো এমন করিয়া মরিত না। হায়! আমি যদি অষ্টম বর্ষে ইহাকে বিবাহ দিতাম, তাহা হইলে বুঝি এমন করিয়া আজ আমায় কাঁদাইত না। হায়! অদূরদর্শী ক্ষীণদৃষ্টি, পাপিষ্ঠ আমি, আৰ্য্যঋষিদিগকে কর্তব্যজ্ঞানশূন্য মনে করিতাম। জানিতাম না। হিন্দু-গৃহে লজ্জাশীলা রমণীর যুবতী-বিবাহ কীদৃশী ভয়াবহ। হায় প্রতাপ! তুমি দরিদ্র হইলে কেন?”

আমি কোঁটা লইয়া আসিলাম। নবীন বাবুর শেষ কথাটী আমার কণ্ঠকুহরে প্রবেশ করিল। আমি চমকিয়া উঠিলাম। দেখিলাম, নবীন বাবুর চক্ষু শুষ্ক, মুখমণ্ডল গস্তীর। কোঁটাটি তাহার সম্মুখে রাখিলাম। তিনি বলিলেন, “খোল।”

কোঁটাটি খোলা হইল। দেখিলাম তাহার মধ্যে খানচারেক স্বর্ণালঙ্কার। নবীন বাবু অলঙ্কারগুলি উঠাইলেন; উলটাইয়া পালটাইয়া তিনচারিবার দেখিলেন; বলিলেন, “এইগুলি সুরো বড় ভালবাসিত।” গহনাগুলি উঠান হইলে তন্নিম্নে একখানি সুদীর্ঘ পত্রিকা দেখিলাম। নবীন বাবু জিজ্ঞাসা করিলেন, “ওখানা কি?” আমি বলিলাম, “এক খানা পত্র।” নবীন বাবু বলিলেন, “পড়।” আমি পড়িতে লাগিলাম।

### অষ্টম পরিচ্ছেদ।

“প্রতাপ! যদি বিবাহ শুধু বহিিক আড়ম্বর না হয়, যদি নিতান্ত একটা লোকাচার নৃত্য-গীত-বাণ বিশেষের অঙ্গ না হয়, তবে প্রতাপ! বলিতে লজ্জা কি—কি জগ্ৰাই বা আর লজ্জা করিব—আমার বিবাহ হইয়াছে। আমার মনের মতন হৃদয়রত্ন স্বামী আমি পাইয়াছিলাম, আমি হতভাগিনী, তাই ভোগ করিতে পাইলাম না। তাহাকে যদি না পাইলাম, তবে এ ছার জীবন কিসের জন্য? ব হৃদয় একবার তাহার চরণপ্রান্তে উৎসর্গ করিয়াছি, কোন প্রাণে তাহার প্রতি বিশ্বাস-যাতিনী হইয়া অপরের প্রতি তাহা সমর্পণ করিব। সাবিত্রী বলিয়াছেন, “কর্ম্মের সাক্ষী মন।” আমি রমণী, আমিও সাবিত্রীর মত মুক্তকণ্ঠে

বলিতে জানি, “কর্মের সাক্ষী মন।” বাহ্যিক লোকাচার আমি মানি না। তবে আমি অসহারা, কিন্তু আমারও শক্তি আছে, মনে রাখিও, আমি শক্তিসম্পূর্ণ।

“প্রতাপ! আজ আমার লজ্জা নাই, বলিতে ভয় নাই, আজ আমি জগতের সমক্ষে নির্লজ্জা, নির্ভয়া; কারণ আমি আর জগতের সহিত, তোমার সহিত কথা কহিতে পাইব না। এ জগতে তুমি বই আর কেহ আমার স্বামী হইতে পারিবে না। কিন্তু তোমাকে ত পাইলাম না! যখন তোমায় পাইলাম না, তখন আমার মৃত্যুই শ্রেয়, আমি রমণীকূলে কলঙ্কিনী হইয়া জীবন ধারণ করিতে চাই না। পবিত্রা মাবিত্রীর কূলে কালিমারোপন করিতে চাই না। প্রতাপ! তোমার জন্য আমি মরিলাম না; তুমি ছুঃখিত হইও না। আমি মন্দভাগিনী। তাই আমার মরিতে হইল; তোমার কি দোষ?”

“প্রতাপ! প্রতাপ! ও প্রতাপ! আজ একবার প্রাণ ভরিয়া তোমার ডাকিয়া লই। তোমাকে ত আর পাইব না, এই জন্মে তোমাকে ত আর পাইব না, তবে আমার লজ্জা কি? আজ এ সময়ে আর লজ্জা করিব না, একবার হৃদয় ভরিয়া তোমায় ডাকি। হৃদয়েশ! স্বামিন্! প্রভো! সুরোর হৃদয়রত্ন—আমি ডাকি, তুমি শুন।

“তুমি বড় ছুঃখিত হইতে, তোমার কাছে যাইতাম না। কোন্ প্রাণে, কোন্ সাহসে তোমার কাছে যাইব? তুমি আমাকে প্রায়ই দিদি বলিয়া ডাকিতে—আমি তাহা সহ্য করিতে পারিতাম না—আমার হৃদয় তখন ফাটিয়া বাহির হইত। তাই তাড়াতাড়ি তোমার নিকট হইতে চলিয়া যাইতাম, কিন্তু তবুও তোমাকে বড় দেখিতে ইচ্ছা করিত, লুকাইয়া লুকাইয়া অনেক সময় চক্ষু ভরিয়া তোমাকে দেখিতাম, কিন্তু তোমাকে দেখিয়া আজও আমার সাধ মিটে নাই।

“তুমি দেবতা, তাই আমাকে ভগ্নির মত ভালবাসিতে, আমি মন্দভাগিনী, সে স্নেহের প্রতিদান করিতে পারি নাই। আমি আশ্বে আশ্বে উগ্র হলাহল পান করিয়াছি; এখন হৃদয় ভরিয়া উঠিয়াছে, তাই বাতনায় ছটফট করিয়া মরিতেছি। আমি দুর্বল হৃদয়কে

সংযত করিয়া রাখিতে পারি নাই—সামান্য তৃণের ছায় প্রবল তরঙ্গ-প্রোতে ভাসিয়া চলিয়াছি! জলস্ত বহি দেখিয়া প্রফুল্লহৃদয়ে পতঙ্গের মত ঝাঁপ দিয়াছি, তাই আজ মরিতেছি। প্রতাপ! তোমার কি দোষ! আমার জন্ম-ছুঃখিত হইও না।

“এ মন্দভাগিনী জন্মের মত তোমার নিকট বিদায় চাহিয়া চলিল। আমার মনে রাখিবে—তোমাকে দিব, এমন কিছুই নাই; তবে এই কথানা অলঙ্কার আমি বড় ভালবাসিতাম—ইহাই তোমাকে দিয়া বাইতেছি। প্রতাপ! যখন তোমার বিবাহ হইবে, তোমার স্ত্রীকে এই কথানা গহনা পরাইয়া আমাকে একবার মনে করিও—ইহাই আমার শেষ অনুরোধ।

“পিতাকে আমার শাস্ত করিও; বৃদ্ধের আর কেহই থাকিল না। তাহার এই মন্দভাগিনী কণ্ঠকে জন্মের মত ভুলিতে বলিও। পার্থিব সুখভোগ আমার কপালে ছিল না। পিতাকে যথাসম্ভব সাহায্য করিও। প্রতাপ! ভালবাসার যদি পুরস্কার থাকে, পরজন্মে কি তোমায় পাইব না? স্বামিন্ তোমাকে কি কখন সেবা করিতে পাইব না? তোমায় কি কখন হৃদয়ে ধারণ করিয়া সুখী হইতে পারিব না? আমার সময় কমিয়া আসিতেছে, আমি চলিলাম। ইতি—

মন্দভাগিনী সুরো।”

[ ক্রেশঃ ]

শ্রীমতী নলিনীবালা সেন।

## সমালোচনা ।

শ্রীকৃষ্ণের কলঙ্ক কেন ?—প্রথম ভাগ, শ্রীনবকুমার দেবশর্মা নিয়োগী কর্তৃক প্রণীত ও প্রকাশিত ।

হিন্দুধর্মবিদ্বেষীগণ হিন্দুদের দেবতাগণের নানা প্রকার কুৎসা রটনা দ্বারা স্বল্পজ্ঞান সম্পন্ন ব্যক্তিগণের হৃদয়ে হিন্দুদেবতাবিদ্বেষ জন্মাইবার চেষ্টা করিতেছেন। নিয়োগী মহাশয় শ্রীকৃষ্ণের চরিত্রে সেই কলঙ্ক অপনোদনার্থ বিশেষ পরিশ্রমের ও অনুসন্ধানের পরিচয় প্রদান দ্বারা বর্তমান পুস্তকখানি প্রণয়ন করিয়া সমাজের মহৎ উপকার সাধন করিয়াছেন ।

সরল গৃহ চিকিৎসা ।—রাণাঘাট, নদীয়া, ভিক্টোরিয়া কেমিকেল ওয়ার্কস্ হইতে ডাঃ জে, সি, মুখার্জী কর্তৃক প্রকাশিত, মূল্য ১০ চারি আনা মাত্র ।

“ডাঃ জে, সি, মুখার্জী” সহজে গৃহ চিকিৎসার জন্য এই পুস্তকখানির প্রণয়ন করিয়াছেন। উদ্দেশ্য ভাল। পুস্তক পাঠে কতকটা সে উদ্দেশ্য সিদ্ধ হইবে বলিয়া বোধ হয়। তবে এরূপ পুস্তক যেমন হওয়া উচিত, তেমন হয় নাই। ভাষা ও মুদ্রনের প্রতি একটু নজর করিলে ভাল হইত। মুষ্টিবোগগুলি পরীক্ষা করিয়া দেখিলে মন্দ হয় না।

চক্রচিন্তামণি ।—শ্রীযুক্ত দুর্গাচরণ তর্করত্ন ভট্টাচার্য্য মহাশয় প্রণীত। শ্রীজগদীশ ভট্টাচার্য্য এবং সুরেন্দ্র চন্দ্র বসাক কর্তৃক প্রকাশিত। দ্বিতীয়বার মুদ্রিত। মূল্য ৭/০ আনা মাত্র ।

ষট্চক্র নিরূপণ ও তত্ত্বদক্রম ইহাতে পদ্যে লিখিত হইয়াছে। বিষয় যেমন গুরুতর, বুঝান তেমন বিষদ হয় নাই। এ বিষয়ে গড়ে বিস্তৃত পুস্তক লিখিলেও সাধারণে তাহা বুঝিতে পারেন কি না সন্দেহ। যাহা হউক, পুস্তকের সহৃদয়ে জ্ঞান আমরা সুখ্যাতি করিতে পারি।

## বীণাপাণি ।

## মাসিকপত্রিকা ও সমালোচনী ।

“বীণা-পুস্তক-রঞ্জিত হস্তে । ভগবতি, ভারতি, দেবি নমস্তে ।”

৪র্থ খণ্ড ।

ফাল্গুন, ১৩০৩ সাল ।

২য় সংখ্যা ।

## প্রতাপ ।

[ পূর্ব প্রকাশিতের পর । ]

## নবম পরিচ্ছেদ ।

রজনী পোহাইল। কুঞ্জে কুঞ্জে বিহগ কুজিল, হেলিয়া ছলিয়া স্তম্ভছল অনিল বহিল। কত ফুল ফুটিল, কত ফুল মুদিল। রজনী পোহাইল, রোজ যেমনি করিয়া নবরঙ্গে হেলিয়া ছলিয়া রাত পোহায়, আজও তেমনি করিয়া পোহাইল। এ বিশ্বে একটা হৃদয়,—নবীন বাবুর মত বিশাল একটা হৃদয় যে ভাঙ্গিয়া গেল, একটা পরিবার যে ছার খার হইল, এত বিজ্ঞা, এত বুদ্ধি, এত লজ্জা যে, অনাদরে নষ্ট হইয়া গেল, এ অতুলনীয় সৌন্দর্য্য, অপার রূপরাশি, অতুলনীয় যৌবন যে ছু মিনিটে এমন করিয়া কুরাইয়া গেল, তবু রাত পোহাইল; তবু প্রকৃতির আনন্দ তরঙ্গের একটা তরঙ্গ কমিল না।

বেলা হইল । জগত ব্যাপিয়া সূর্যের স্নান ছটা হামিল । পৃথিবী কাছে ব্যস্ত হইল । আমাদের যে আজ সব কাজ ফুরাইয়াছে ; এত আনন্দ কোলাহল যে থামিয়া গিয়াছে, এত আদর যে অনাদর হইয়াছে, এত আনন্দ যে নিরানন্দ হইয়াছে, এত সুখ যে দুঃখ হইয়াছে, তবু পৃথিবী কাছে ব্যস্ত । আকাশে বেলা উঠিল ।

নবীন বাবু সহসা উন্নতবৎ উঠিয়া দাঁড়াইলেন । জলদ গম্ভীর স্বরে চীৎকার করিয়া বলিলেন—“প্রতাপ !” আমি ভীত হইলাম, তাহার মুখের দিকে ভয়ে ভয়ে চাহিলাম, নবীন বাবু বলিলেন “প্রতাপ এত বাজনা কেন থামিয়াছে, উহাদের কেন আনিয়াছিলাম ? সুরোর যে আজ বাদী বিবাহ । বাজনা বাজাইতে বল ।”

আমি আরও ভীত হইলাম । কিছুই বলিতে সাহস করিলাম না । কিয়ৎকাল উন্নতবৎ বেড়াইতে বেড়াইতে নবীন বাবু আবার বলিলেন “বাজনা বাজাইতে বল ।” আমি চূপ করিয়া দাঁড়াইয়া রহিলাম । কিন্তু নবীন বাবু বড় ব্যস্ত হইলেন, বলিলেন—“তুমি কথা শুনিলে না, আমিই বলিতেছি” নবীন বাবু বাহির বাটীতে চলিয়া গেলেন । আমিও পশ্চাৎ পশ্চাৎ চলিলাম ।

নবীন বাবু বাহির বাটীতে আনিয়া বাজনা ডাকাইয়া পাঠাইলেন, খাজাঞ্জিকে তলব করিলেন । পুরোহিত আসিতে বলিয়া পাঠাইলেন । আমি জিজ্ঞাসা করিলাম “কেন ?” তিনি পূর্ববৎ গম্ভীর স্বরে উত্তর করিলেন “কাজ আছে”—বলিয়াই চমকিয়া আমার দিকে ফিরিলেন । বলিলেন “তুমি এখানে কেন ? সুরো একলা রহিয়াছে, তুমি সেখানে যাও ।” আমি উত্তর করিতে সাহস করিলাম না, দাঁড়াইয়া রহিলাম । দেখিয়া আবার বলিলেন, দেরি করিতেছ কেন, যাও শীঘ্র যাও । আমি অন্তঃপুরে আনিলাম ।

\* \* \* \* \*

যখন আকাশে দ্বিপ্রহরের বেলা উঠিল, তখন শুনিলাম, সুরোর সাধের ফুলের বাগানে বড় বাজনা বাজিতেছে । আমি বড় ভীত হইলাম, নবীন বাবুর ভাব আমার বড় ভাল বলিয়া বোধ হইয়া ছিল না ।

বাজনা শুনিয়া আরোও ভীত হইলাম । সহসা একজন কর্মচারী আসিয়া বলিল “বাবু ডাকিতেছেন ।” আমি জিজ্ঞাসা করিলাম “বাবু কোথায় ?” কর্মচারী বলিল “দিদির বাগানে” আমি আর দাঁড়াইলাম না । কর্মচারীকে সুরোর মৃত দেহের নিকট বসিতে বলিয়া, তাড়াতাড়ি চলিলাম । পা বাড়াইয়া দেখিলাম, নবীন বাবু আসিতেছেন । আমাকে দেখিয়া নবীন বাবু বলিয়া উঠিলেন “সুরো কৈ ?” সুরোকে লইয়া চল, শীঘ্র এস, সময় যায়, বলিয়া নবীন বাবু আবার চলিয়া গেলেন । আমি কিছু বলিতে সাহস করিলাম না । সুরোর মৃতদেহ স্বন্ধে ফেলিয়া ধীরে ধীরে চলিলাম ।

বাগানে গেলাম, দেখিলাম চন্দন কাঠের চিতা সাজান হইয়াছে । পাশে কলসে কলসে স্নাত রহিয়াছে । শুগন্ধি তৈল, হলুদ, সিন্দূর, আলতা, পট্টনাড়ী, লাজ, চন্দন সব গোছান রহিয়াছে । কলসে কলসে জল রহিয়াছে, পার্শ্বে পুরোহিত দাঁড়াইয়া ।

নবীন বাবুর চোখে জল আসিল । আমার দিকে চাহিতে চাহিতে আমার স্বন্ধে সুরোর মৃতদেহ দেখিতে দেখিতে নবীন বাবুর চোখে জল আসিল । মুছিতে মুছিতে নবীন বাবু বলিতে লাগিলেন, “প্রতাপ আমার ক্ষমা কর, আমি তোমায় স্নেহ করিতাম, কিন্তু গরীব বলিয়া ঘৃণা করিতাম । তোমায় বিচার জ্ঞ, তোমার বিনয়ের জ্ঞ, পবিত্র সত্যাবের জ্ঞ, তোমার স্নেহ করিতাম, তুমি দরিদ্র, আমি অর্থ পিশাচ, তাই তোমায় ঘৃণা করিতাম । সেই ঘৃণার ফলে, আমার সুরো আজ মরিয়াছে, আমার নীচ হৃদয়ের জ্ঞ সুরো আজ মরিয়াছে । আমার পাপের প্রায়শ্চিত্ত করিবার জ্ঞ সুরো আজ মরিয়াছে । আমায় ক্ষমা কর ।” বলিতে বলিতে নবীন বাবু আমার কাছে দৌড়াইয়া আনিলেন, আমি ফুকরিয়া কাঁদিয়া উঠিলাম ।

আমায় শান্ত করিতে করিতে নবীন বাবু বলিলেন—“আজ তোমার সহিত সুরোকে যদি একত্র করিতে পারিতাম, এমনি করিয়া তোমায় স্বন্ধে যদি সুরোকে দাঁপিয়া দিতাম, তবে আজ আমার সুরো মরিত না । আমি পাপিষ্ঠ, তাহা করি নাই, তাহার ইহলোকের পুণ্য আমি হরণ

করিতেছিলাম, তাই সে চলিয়া গিয়াছে। কিন্তু প্রতাপ! ইহ জগতে হিন্দু-রমণী স্বামীর পায়ে মাথা রাখিয়া, হাসিতে হাসিতে মরিতে চায়। স্বামীর সম্মুখে যে চিতায় পুড়িতে পারে, ইহ জগতে সে বড় সৌভাগ্যবতী। প্রতাপ, আজ সুরোর বিবাহ।”

বাজনা ঘোর রোলে বাজিয়া উঠিল। সুরোর মৃতদেহ সুগন্ধি তৈল, হরিদ্রায় নিক্ত করিয়া স্নান করান হইল। আলতা, চন্দন, সিন্দুর, পট্টবস্ত্রে ভূষিত করিয়া, চিতায় উঠান হইল। পুরোহিত বাসীবিবাহের মন্ত্র পড়িল। লাজ বর্ষিত হইল। চিতা জ্বলিল। আমার সম্মুখে এতটা হইল, আমি কিছুই বলিতে পারিলাম না।

\* \* \*

রাত্রি দ্বিপ্রহর, আমি সে দিন ঘুমাই নাই। পৃথিবীতে আর কি আছে? বুক ভাঙ্গিয়া যে শতধা চূর্ণ হইয়া গিয়াছে। আর দ্বিপ্রহরের কাণ্ডে, নবীন বাবুর সেই পাগলের মত কার্যাবলীতে আমি পাগল হইয়া পড়িয়াছি। সংসারে কি আর সুখ আছে? সংসারে কি আর শান্তি আছে? সুরোর মত হৃদয় কি আর এ সংসারে পাওয়া যায়? আমি ভাবিতে ভাবিতে বাটীর বাহিরে আসিলাম। কেহ দেখিতে পাইল না, কেহ ডাকিল না, আমি সংসার পরিত্যাগ করিলাম।

### দশম পরিচ্ছেদ ।

কি আর বলিব? কথা ত কুরাইয়াছে; যে দিনের কথা বলিয়াছি, তার পর আট বৎসর কাটিয়া গিয়াছে। এই আট বৎসরে কত ঘটনা ঘটিয়াছে তোমরা কেহ বিশ্বাস করিবে না। বিশেষ বলিলেও তোমরা পাগল বলিবে, তাই বলিতে চাহি না। বনে বনে, পাহাড়ে পাহাড়ে, পর্বতে পর্বতে, দেশে বিদেশে ঘুরিয়া ঘুরিয়া বেড়াইতে বেড়াইতে জীবনের এই আটটা বছর কাটিয়াছে। ইহার শেষে আমি আসামের পার্বত্য প্রদেশে যাইয়া উপস্থিত হইয়াছিলাম।

এক দিন রজনীতে একটা গাছে কাপড় দিয়া, ডালের সহিত দেহ

বাঁধিয়া শুইয়াছিলাম। ভোর হয় হয়, এমন সময় দেখিলাম—এক জটাজুটধারী দিব্য জ্যোতির্ময় সন্ন্যাসী মূর্তি, ধীর পাদবিক্ষেপে বৃক্ষের নিম্ন দিয়া যাইতেছেন। আমি দেহের বন্ধন খুলিলাম। তাড়াতাড়ি নীচে আসিয়া পদতলে লুটাইয়া পড়িলাম, বলিলাম—“প্রভো! আমায় রক্ষা কর, পাপের আওনে দেহ পুড়িতেছে, আমায় দীক্ষা দাও।”

সন্ন্যাসী আমায় উঠাইলেন, মুছ হাসিয়া বলিলেন,—“বৎস! হৃদয়ের অনুরূপ হৃদয় না পাইয়া, সংসারের পদ চাপে ভীত হইয়া সন্ন্যাসী হইতে আসিয়াছে, সংসার হইতে ভয়ে পলাইয়া আসিয়াছ, তোমায় দীক্ষা দিব না। যাও বৎস! সংসারে ফিরিয়া যাও, তোমার সংসারের কাজ আজও কুরাও নাই, বিস্তর কর্তব্য তোমার পড়িয়া রহিয়াছে। ফিরিয়া যাও, বিবাহ করিও।”

আমি বলিলাম,—“বিবাহ করিব না ভাবিয়াছি, সংসারের মায়া এড়াইতে চাই। কেন প্রভো! আবার সে শিকলি পরিতে বলিতেছেন?”

সন্ন্যাসী নয়ন ঈষৎ বিষ্কারিত করিলেন, বলিলেন,—“পাপিষ্ঠ! তোমার মাতা আজও জীবিতা। ছুঃখিনীর কত কষ্ট কি একবার ভাবিয়াছ?” আমি চমকিয়া উঠিলাম, হৃদয় চঞ্চল হইল। সন্ন্যাসী চলিয়া গেলেন। আমি বাটী ফিরিলাম।

৩০ বৎসর বয়সে বাটী আসিয়া সন্ন্যাসীর উপদেশ মত বিবাহ করিলাম। মাতা বড় সুখী হইলেন। নবীন বাবুর বাটী আর যাই নাই। তাহাদের কি হইয়াছে বলিতে পারি না।

সুখে আছি, কিন্তু আজও মাঝে মাঝে হৃদয় কাঁপিয়া উঠে। এ সংসার সংসার বলিয়া বোধ হয় না। সুরোর গহনা কথানা মাঝে আনিয়াছিলাম। যাহাকে বিবাহ করিয়াছি, তাহাকে এক দিন পরিতে দিয়াছিলাম। দেখিতে দেখিতে আমার চোখে জল আসিল।

শ্রীমতী নলিনীবালা সেন।

## মহিলা মহিমা ।

( ১ )

কেমনে বুঝাব আমি নারীর মহিমা,  
অসম্ভ্য অসম্ভ্য কবি,  
পাইয়ে নারীর ছবি,  
গাহিয়াছে কত গান নাহি তার দীমা ।

( ২ )

কি দিয়ে গঠিল বিধি ও রূপ মাধুরী,  
কেমনে বর্ণিব তাহা,  
ভাবিয়ে না পাই যাহা,  
সমুখে আসিলে পরে করে মন চুরি ।

( ৩ )

নানারূপে নারীজাতি এ বিশ্বসংসারে,  
খেলিতেছে কত খেলা,  
ললিত লহরী-লীলা,  
সম্পূর্ণতালিকা তার কেবা দিতেপারে ।

( ৪ )

কে বর্ণিবে ইন্দুমুখী ললনার লীলা,  
কখন সে শেফালিকা,  
কতু কুটম্ব মল্লিকা,  
হেসেহেসেচলেপড়ে দশদিশিআলা ।

( ৫ )

রূপের প্রভাবে তোর মত্ত বসুন্ধরা,  
লো ললনে ! লীলাময়ি,  
স্বর্গ মর্ত্ত বিশ্ব-জয়ী  
তোমার ও রূপরাশি, প্রাণ মনহরা ।

( ৬ )

ধরাতে উপমা তব কোথায় সুন্দরি,  
কি আছে এ অবনীতে,  
তোমার তুলনা দিতে ?  
কবির মানস সরে মরালী মাধুরী ।

( ৭ )

যাঁকিছু সুন্দর ধরে ধরা মনোরমা,  
ফুল চন্দ্রমার হাসি,  
কুসুম সুরভি রাশি,  
নকলিতোমায় আছে বিমলিনী বামা ।

( ৮ )

বিশ্বের জননী তুমি আনন্দ রূপিনী  
তুমি মাতা জগদ্ধাত্রী,  
তুমি গো সন্ধ্যা পায়ত্রী,  
অপার মহিমা তব বিশ্ব-বিমোহিনি !

( ৯ )

যুবার প্রেমসী তুমি প্রেম কল্পলতা,  
যুবা যা'রে হৃদে ধ'বে,  
ভুলে আছে এ সংসারে,  
হৃদে হৃদি মিশাইয়া হর হৃদি-ব্যথা ।

( ১০ )

কনিষ্ঠ ভায়ের তুমি স্নেহের ভগিনী,  
কি কব তোমার কথা,  
মাতৃহীনে তুমি মাতা,  
বুকেবেঁধা শোকে তুমি বিশল্যকরণী ।

( ১১ )

স্বমধুর বাল্যকালে সুন্দরী বালিকা,  
বিধুমুখে সুধাহাস,  
ভায় আধ আধ ভাষ,  
ধরাধামে স্বর্গচাত, মন্দার কলিকা ।

( ১২ )

মূর্ত্তিমতী প্রেমকণা নয়ন পুতলি,  
তুমি বালা খুকুমণি,  
আনন্দের ক্ষুদ্র খণি,  
ছুটে ছুটে খেলা কর খেলায়ে বিজলি ।

( ১৩ )

তোমার বালিকা খেলা অতি মনোরম,  
ফুল্লমবনীত কায়,  
অলঙ্কার শোভাপায়,  
থেকেথেকে চলে পড় ফুলবালা সম ।

( ১৪ )

বয়োবৃদ্ধি সহকারে তুমি লো ললনা !  
নানামতে কর খেলা,  
কৈশোরে কিশোরী লীলা,  
কেবাসেইখেলা ছবিঅঁকিবেঅঙ্গনা ।

( ১৫ )

কেমনে অঁকিব আমি সেইরূপ ছবি,  
কখন চঞ্চলা মেঘে,  
হেসে হেসে যাও ধেয়ে,  
কখন গভীরী তুমি হেরে নর কবি ।

( ১৬ )

কি সুন্দর কিশোরীর অপরূপ ভাব,  
কতু তুমি কল্যা গৌরী,  
কতু বুকে হান ছুরি,  
কোমলতা কঠিনতা বিচিত্র স্বভাব ।

( ১৭ )

অতীর্ কৈশোর ক্রমে আগত যৌবন,  
যেন বিকসিত কলি,  
ধায় শত শত অলি,  
ধরাধাম স্বর্গপুরী নয়ন শোভন ।

( ১৮ )

কে তুমি অপূর্ব সৃষ্টি ওলো কুহকিনি,  
কোথা পেলি হেন শোভা,  
প্রাণ কাড়া, মনলোভা,  
কেরে স্বীয়া শক্তিরূপামহা মায়াবিনি ?

( ১৯ )

কে অঁকিবে বিধুমুখী যুবতী ললনা,  
স্বমধ্যা সে নিতম্বিনী,  
চন্দ্রিকা চারু-হাসিনী,  
লাবণ্য প্রতিমা বালা মরাল গমনা ।

( ২০ )

কাছে নাহিযেতে পারে যুবতী নারীর,  
কেমনে নিখুঁত ছবি,  
চিত্রিয়ে দেখা'বে কবি,  
দূর হ'তে কাড়ে প্রাণ পরাজিত বীর ।

( ২১ )

যা কিছু সংগ্রহ আছে ভাবিনীর ভাব,  
দেখি যদি সেই সব,  
দিতে পারি অবয়ব,  
কবিপদ অনুসরি পুরাই অভাব ।

( ২২ )

নখরে ঠিকরে মরি খণ্ড শশী আভা,  
আহা কি চরণ তল,  
নিন্দিত রক্তোৎপল,  
অলঙ্কার চাকু রেখা বাড়াইছে প্রভা ।

( ২৩ )

রুণু রুণু কন্ কন্ বাজিছে রূপুর,  
শুনে মধুময় তান,  
প্রমত্ত পথিক প্রাণ,  
চমকি' ফিরিয়ে দেখে ধরা সুরপুর ।

( ২৪ )

থমকি থমকি থির মন্থর গমনা,  
রাজ হংসী তুলে চলে,  
যেন গো সরসী জলে,  
অপূর্ব মাধুরীময়ী যুবতী ললনা ।

[ ক্রমশঃ ]

শ্রীকিরণচন্দ্র দত্ত ।

## সামাজিক সভ্যতা সমালোচনা ।

জগতের ইতিহাসে নানা সভ্যজাতি ও সভ্যদেশের কথা শুনিতে পাওয়া যায়। প্রাচীন পুরাবৃত্তে ভারতীয় আৰ্য্যজাতি, গ্রীকজাতি, মিসরজাতি ও চীনজাতিরই প্রাধান্ত দেখিতে পাওয়া যায়। এই সকল জাতিই অবশ্য সমসময়ে সভ্যতার সর্বোচ্চশিখরে আরোহণ করে নাই; একের পর অল্পে এই উচ্চপদবী প্রাপ্ত হইয়াছিল। সে যাহাই হউক, ইহাদের উন্নতি নশ্বকে যত মত দ্বৈধই থাকুক, ইহারা যে সভ্য সংজ্ঞা প্রাপ্ত সে বিষয়ে মতভেদ নাই।

এ সকল জাতির পতনের পর রোমজাতির অভ্যুত্থান দেখিতে পাওয়া যায়। বর্তমানে ইয়ুরোপ মহাদেশই সভ্য বলিয়া কথিত। পূর্বোক্ত সভ্যজাতি-সমূহের ক্রিয়া কার্য আচার ব্যবহার পাঠ করিলে প্রতীয়মান হয় যে, তাহারা শারীরিক ও মানসিক উন্নতিবিধান করিয়া, জ্ঞান ও বিজ্ঞানের উন্নতিসাধন করতঃ স্বীয় মনুষ্যত্বের পরিচয় প্রদান পূর্বক

এই “সভ্য” আখ্যা প্রাপ্ত হইয়াছিল, কেবল সাজসজ্জা বা ফিট্‌ফাটে থাকিয়া তাহারা এই উচ্চ আখ্যা প্রাপ্ত হয় নাই।

সভ্যতার নানাবিধ-শ্রেণী বিভাগ দেখিতে পাওয়া যায়। পূর্বোক্ত সভ্যতা, জাতীয় সভ্যতা শ্রেণীভুক্ত; ইহা ভিন্ন সামাজিক সভ্যতা, সাম্প্রদায়িক সভ্যতা, দেশীয় সভ্যতা প্রভৃতি সভ্যতার অনেক বিভাগ আছে।

অত্র সকল প্রকার সভ্যতার কথা ছাড়িয়া দিয়া প্রথমে “সামাজিক সভ্যতার” সমালোচনা করা যাউক। আমাদের এই বঙ্গীয় হিন্দুসমাজে সভ্য কে? আর সভ্যতার লক্ষণই বা কিরূপ? তাহাই প্রথমে দেখা যাউক।

যদি আচার ব্যবহার, সাজ-পোষাক ও চাল-চলন, সভ্যতার স্বভাব হয়, তাহা হইলে এ সমাজে সভ্যতার প্রকৃত ভিত্তি নির্ণয় সুকঠিন ব্যাপার; কারণ বর্তমান বঙ্গীয় সমাজে আহার ব্যবহার, সাজ-পোষাকের কোন নিদিষ্ট নিয়ম নাই। রুচি, প্রবৃত্তি, শিক্ষা, দীক্ষা, মতি গতি অনুসারে ও অনুকরণে আহার ব্যবহার ও পোষাক পরিচ্ছদে বিভিন্নতা দেখিতে পাওয়া যায়। ঐ যে দাড়ি-চন্দমা-চেনধারী যুবক, নিদার্পাৰ্জ কলেবর বহুবিধ বসনে আবৃত করিয়া স্বেদসিক্ত বদনমণ্ডল রুমাল দ্বারা মুছিতে মুছিতে ক্রতপদে গমন করিতেছেন, আর পথে পরিচিত সন্দর্শনে মধ্যে মধ্যে ঈষৎ শিরশ্চালন ও অঞ্জনানন্দন-স্বভাব-সুলভ দস্তবিকাসনে আপ্যায়িত করিতেছেন; উহাকেই কি “সভ্য” বলিব? এবং উহার ওই নবীন নটবর বেশ, ওই স্মৃঠাম সুবক্ষিম হাব ভাব, হেলন দোলন, আর চাহন বলনকে কি সভ্যতার লক্ষণ স্বরূপ নির্দেশ করিয়া যাইব? অথবা ওই যে অনাচ্ছাদিত বিশালবপু ললাটে দীর্ঘ ত্রিপুণ্ড্রধারী পুরুষ উত্তরীয় স্ফুঙ্কে ধীরপদে গমন করিতেছেন, আর পথিমধ্যস্থ পরিচিত সকলের সহিত সহাস্রবদনে আলাপ করিতেছেন, উহাকেই কি সভ্য সংজ্ঞা প্রদান করিব? এই উভয় ব্যক্তিকে ত এক সমাজের এক দেশের অন্তর্গত; বল দেখি এ উভয়ের মধ্যে কে সভ্য?



যদি বল এই উভয়ের মধ্যে ঝাঁহার চাল-চলন, পোষাক-পরিচ্ছদ দশজনের স্ক্রুচিসম্মত, ঝাঁহার জ্ঞান বিজ্ঞান সৃজনের প্রশংসিত, তিনিই সভ্য ; তাহা হইলে এই উভয়েই সভ্য পদবী পাইবার উপযুক্ত । কারণ, উভয়েরই চাল-চলন, জ্ঞান বিজ্ঞান দশজনের অনুমোদিত ও সৃজনের প্রশংসিত, উভয়েই জ্ঞান বিজ্ঞানে বিলক্ষণ উন্নত ; তবে ক্রটিভেদে উভয়ের মধ্যে এত প্রকৃতি ভেদ, মতুবা ইহার মধ্যে কেহই তোমার আমার চক্ষে 'অসভ্য' বলিয়া প্রতিপন্ন হইবেন না । বল দেখি ঐ নব্য সভ্য ভদ্র যুবককে তুমি কোন্ সাহসে 'অসভ্য' বলিতে চাও, আর ওই দেবোপম সাধুপুরুষ যিনি দেশীয় প্রাচীন প্রথার বশবর্তী, তাঁহাকেই বা কোন্ প্রাণে, কোন্ বিজ্ঞানে 'অসভ্য' বর্কর-শ্রেণীভুক্ত করিতে পার ? আমাদের সমাজের শীর্ষস্থানীয়, ধর্মের রক্ষক, শাস্ত্রীয় বিধান কর্তা ব্রাহ্মণ পণ্ডিতগণ যদি অসভ্য হন, তবে জানি না ভারতে সভ্য কে আছে!!!

যখন দেখিতে পাওয়া যায়, এক সমাজের মধ্যেই, এক দেশের মধ্যেই সভ্যতা সম্বন্ধে মতভেদ ও মতবৈধ রহিয়াছে, তখন সর্কবাদী সম্মত 'সভ্য' স্থির করা সুকঠিন ; আর সভ্যতার সংজ্ঞা নির্দেশও স্মতরাং গুরুতর ব্যাপার । ক্রটিভেদে এক সমাজের, এক জাতির মধ্যেও সভ্যতা সম্বন্ধে 'নানামুনির নানামত' দেখিতে পাওয়া যায়, স্মতরাং আমি যাহাকে সভ্য বলিব, হয়ত তোমার মতে সে ঘোর অসভ্য ; তাই বলিতেছি, সভ্যতার সংজ্ঞা নির্দেশ বিষম সমস্যা ।

যদি সাজ-সজ্জা, পোষাক-পরিচ্ছদেই সভ্যতার সীমা নির্দিষ্ট হয়, তাহা হইলে হয় নব্য বাবুগণ, না হয় বুদ্ধপিতামহগণ, অথবা হয় সহরেগণ, না হয় পল্লীগ্রামবাসিগণ এই উভয়ের মধ্যে এক দলকে অবশ্যই অসভ্য হইতে হইবে, কিন্তু এতদুভয়ের মধ্যে কাহাকেও অসভ্য বলা যায় না, উভয়েই গণ্যমাণ ও সভ্য ভব্য বলিয়া দেশের কাছে সমাদৃত ।

পোষাক-পরিচ্ছদের প্রথা ও প্রণালী নিয়ত পরিবর্তনশীল । আমাদের দেশে অতি পুরাকালে যে প্রকার পোষাক ছিল, মুসলমান

রাষ্ট্রে তাহা পরিবর্তিত হইয়া যায়, আবার ইংরাজ রাজত্বেও ইহা পরিবর্তিত হইয়াছে ও হইতেছে । এ সকল প্রথা অনুকরণ সাপেক্ষ ; স্মতরাং সমাজে সর্কদা একপ্রকার পোষাক-পরিচ্ছদ আদরণীয় হইবার নহে । ঝাঁহারা সাজ-পোষাকে পূর্করীতি অবলম্বন করেন, তাঁহারা বর্তমান রীতির বিরুদ্ধ মতাবলম্বী ; স্মতরাং এক মতাবলম্বীরা অন্য মতাবলম্বীকে অবশ্যই অসভ্য বলিবে : অথবা যিনি কল্যা সভ্য ছিলেন, আজ তাঁহাকে অসভ্য হইতে হইবে, আবার যিনি অসভ্য, হয়ত তিনি গত কল্যা অসভ্য ছিলেন । ইহাতে প্রতীয়মান হইবে যে, সভ্যতা একটা ক্ষণস্থায়ী কথামাত্র । ইহার প্রকৃত লক্ষণ কিছুই নাই ।

এই সভ্যতা লইয়া আজ কাল আমাদের সমাজে, পাড়াগাঁয়ে সহরে, নব্যে বুদ্ধে, নাতিতে ঠাকুরদাদায়, বৈষ্ণবে ব্রাহ্মণে, নবীনার প্রবীণায় ও অধ্যাপকে আফিসারে বিষম বিগ্রহ বাধিয়া যাইতেছে— একপক্ষ অন্য পক্ষকে অসভ্য প্রমাণ করিতে বন্ধপরিকর, কিন্তু মীমাংসা কিছুই হয় নাই, স্মতরাং ইহাদের মধ্যে কোন দল যে সভ্য, তাহা স্থির করা কঠিন ব্যাপার ।

আমাদের দেশে সভ্যতার সাবেক লক্ষণ একপ্রকার ছিল, বর্তমানে আর একপ্রকার হইয়াছে । সাবেক সভ্যতা পল্লীগ্রামে আজিও কোন কোন স্থলে দেখিতে পাওয়া যায়, কিন্তু সে সভ্যতা বর্তমান সভ্যতার দৃষ্টিতে ঘোর অসভ্যতা ও বর্করতা ।

চিরপ্রচলিত দেশীয় রীতি-নীতি, আচার-ব্যবহার ও পোষাক-পরিচ্ছদ প্রথা অব্যাহত রাখিয়া, ঝাঁহারা জ্ঞান বিজ্ঞানে উন্নতিলাভ করিয়াছেন, তাঁহারাই 'সেকেলে' সভ্য, আর পরের অনুকরণে আচার-ব্যবহার ও পোষাক-পরিচ্ছদের খিচুড়ী পাকাইয়া ঝাঁহারা হুজুরের হিড়িকে আত্ম-হারা হইয়া "ক্রটিবিকার" আনিয়া ফেলিতেছেন, তাঁহারাই একেলে বা নব্য সভ্য ।

আমরা বিনাদোষে প্রাচীনকে ত্যাগ করিয়া নূতনের প্রয়ানী নহি । অনুকরণ অবশ্য স্থান বিশেষে অশেষ কল্যাণদায়ক হইয়া থাকে, তাই বলিয়া অনুকরণের অনুরোধে হাটক দূরে নিক্ষেপ করিয়া

কাচ পাইবার প্রত্যাশায় ধাবিত হইব না। যাহা আমাদের নিজের, যাহা আমাদের শাস্ত্রসম্মত, যাহা আমাদের মহাপুরুষগণের অনুমত, তাহাই আমাদের আদরের ও যত্নের জিনিষ। আমাদের মহাজনেরা আহারে ব্যবহারে, পোষাক-পরিচ্ছদে ও চাল-চলনে যে পথ অবলম্বন করিয়া গিয়াছেন, সেই পথকেই আমরা প্রকৃত পন্থা মনে করিব। যিনি যে পরিমাণে সেই পথের পথিক হইতে পারিবেন, যিনি যে পরিমাণে সেই পথে অগ্রসর হইতে পারিবেন, তিনি সেই পরিমাণে "সভ্য" পদবীতে আরোহণ করিবেন। আমাদের এই সভ্যতা অন্তের দৃষ্টিতে বিসদৃশ হইলেও, অন্তে ইহাকে অসভ্যতা, বর্করতা বলিলেও আমরা আমাদের সমাজে—হিন্দুর দৃষ্টিতে কখনই অসভ্য হইব না।

দেশের জল বায়ু ভেদে আহার-ব্যবহার ও পোষাক-পরিচ্ছদের পার্থক্য সমুদ্ভূত হয়। যে দেশের যেকোন দেশাচার, তাহাই সম্পূর্ণ-রূপে রক্ষা করাই সভ্যতার লক্ষণ। তবে পোষাক-পরিচ্ছদ সম্প্রদায় ভেদে, কার্যভেদে পরিবর্তিত হয়, এ নিয়ম সকল দেশে সকল সময়েই প্রচলিত আছে। ব্রাহ্মণ পণ্ডিতের পোষাক, যোগীর পোষাক, গৃহীর পোষাক কখনও একপ্রকার হইবে না। গৃহীর মধ্যেও আবার কার্যালয়ের পোষাক, বেড়াইবার পোষাক, শীতকালের পোষাক, গ্রীষ্মকালের পোষাক প্রভৃতি নানা প্রকারে রূপান্তরিত হইবে, ইহা স্বভাবসিদ্ধ। এ সকল পোষাক পরিবর্তনে সভ্যতার সীমা নির্দিষ্ট নহে। যাহা স্বভাবজ তাহাই বজায় রাখাই সভ্যতার অনুমত, আর স্বভাবের বিরুদ্ধে, দেশাচারের বিপরীতে, অপরের অনুকরণে, প্রকৃতির প্রতিকূলে কার্য করাই অসভ্যতা।

শ্রীবিনোদলাল চট্টোপাধ্যায় ।

## এ যে রাক্ষসের প্রাণ !

এ যে রাক্ষসের প্রাণ !

নাই দয়া, নাই মায়া, শীতল সলিল-ছায়া,  
শুধু বিশ্বগ্রাসী ক্ষুধা—নিত্য রক্তপান !  
ক্ষুধিতা শাকিনী মত, আগুলি সংসার পথ,  
বদন ব্যাদান করি—নাহিক বিরাম !  
নিশ্বাসে নিশ্বাসে সরে, কত প্রাণী সে উদরে,  
তারি অস্থিপূর্ণ এই—হৃদয়-শ্মশান !  
অভিমান, রোষরাগ, তার সে দংশন-দাগ,  
রুধির রঞ্জিত ঠোঁটে—কলঙ্ক-নিশান !

এ যে রাক্ষসের প্রাণ !

কে কবে কি চেয়েছিল, কে কবে কি দিয়েছিল,  
করিয়াছি চিরদিন অতি তুচ্ছ জ্ঞান !  
দয়া মায়া স্নেহ আর, মানবের এ ধরার,  
ঠুনকো আঁখির ঠার—হাসির মেলান ;  
চাহিতে অমনি পায়, লাভালাভ কি বা তায় ?  
বালকের ক্রীড়নক ভেবেছি সে দান !  
যখন হয়েছে খুসী, একটু আধটু ভুবি,  
ছুঁড়িয়া ফেলেছি শেষে ; প্রাণের কি মান !  
কি আকাজক্ষা সাধ বৃকে, চেয়ে আছ এই মুখে ?  
এ শুষ্ক নদীতে আর ডাকিবে না বাণ !  
হৃদয় করিয়া খালি, বাকী রক্ত দাও ঢালি,  
এ রাক্ষসী পিপাসার হউক নিরূপণ !  
নাহি পার—স'রে যাও, মিছে আর কেন চাও,  
কাতরতা—আকূলতা—সজলনয়ান  
ভুলিবে কি ষাত ?—এ যে রাক্ষসের প্রাণ !

শ্রীচারুচন্দ্র বন্দ্যোপাধ্যায় ।

## মহামায়া ।

( গল্প । )

( ১ )

কৃষ্ণধনের স্ত্রী মহামায়াদেবী একবার করিয়া ঋতুরালয়ে যান, আর একটা করিয়া বিপদ আনিয়া স্বামীর কাছে গচ্ছিত করিয়া দেন। কৃষ্ণধন ডেপুটী-ম্যাজিষ্ট্রেট। হাকিমি করিতে তাহাকে অনেক জেলায় ঘুরিতে হয়। প্রতিবার স্থান পরিবর্তনের সময় তিনি মহামায়া-দেবীকে দেশে রাখিয়া আসেন। তাঁহার যে গ্রামে বাস সে গ্রামের লোক অতিশয় দরিদ্র। কাজেই গ্রামবাসিগণের বিপদ, এক মহামায়ার কল্যাণে নানামূর্তি ধরিয়া কৃষ্ণধনের উপার্জিত অর্থে হস্তক্ষেপ করে। মোটা মাহিনা পাইয়াও, বিশেষ কিছু সঞ্চয় করিতে পারিলেন না দেখিয়া, কৃষ্ণধন মহামায়াকে দেশে পাঠাইবেন না স্থির করিলেন।

কৃষ্ণধন একেবারে দয়াদাক্ষিণ্য-শূন্য ছিলেন না। তবে তাহার দয়াদাক্ষিণ্যের একটা সীমা ছিল। দারিদ্র্য-প্রতিকারে, বিপদের সহায়তায়, তাঁহার আন্তরিক ইচ্ছা থাকিলেও, তিনি আপনার শক্তির অসম্পূর্ণতা অনুভব করিয়া, মহামায়ার মত, পরোপকারের জন্ত নিজের ভবিষ্যতের প্রতি দৃষ্টিহীন হইতেন না। বিশেষতঃ তিনি দরিদ্রের দস্তাম ছিলেন; এবং বাল্যকালেই তাহার পিতৃমাতৃবিয়োগ হয়। তাহার পুত্রপৌত্রাদির মধ্যে আবার যে কেহ দারিদ্রের অালাময় দংশনে জর্জরিত হইবে ও তাহার কাণ্ডজ্ঞানহীনতার তীব্র সমালোচনায়, তাহাদের জীবনেতিহাসের মুখবন্ধ রচনা করিবে, এটা তিনি কল্পনায়ও আনিতে সাহস করিতেন না। জীবনযুদ্ধে পৃষ্ঠপ্রদর্শনের সমুদায় দোষ, পূর্বপুরুষের অমিতব্যয়িতার উপর নিষ্ক্ষেপ করা বাঙ্গালীর একটা প্রধান স্বভাব—এটাও কৃষ্ণধনের বিশেষ বিদিত ছিল। পুত্রের মঙ্গলচিন্তা পিতামাতার কর্তব্য, কিছুমাত্র সঞ্চয় না রাখা

বর্তমান কালোচিত সভ্যতার অননুমোদিত—ইত্যাদি নানা উপদেশ-সূত্রে কৃষ্ণধন মহামায়ার হাত বাঁধিবার চেষ্টা করিতেন। দুই চারি দিনের জন্ত কৃতকার্যও হইতেন। কিন্তু যেদিন সংসারের নানা ঝঞ্জাটের মধ্যে পড়িয়া মহামায়া স্বামীর উপদেশটা ভুলিয়া যাইত, সেদিন মহামায়ার ব্যয়-স্রোতে বাণ ডাঁকিত। কখন বা অনির্ণয়নীয় কারণ পরম্পরায়, আন্তঃসলিলিক প্রবাহের ঞায় মহামায়ার দান, কৃষ্ণধনের উপার্জনটাকে অন্তঃসারশূন্য করিয়া ফেলিত। মাহিনা আনিয়া ঘরে না রাখিতে রাখিতে কৃষ্ণধন শুনিতেন তাহার অর্ধেক খরচ হইয়া গিয়াছে। মহামায়ার এই আত্মবিস্মৃতিরোগটা দেশের জল বায়ুর গুণেই কিছু প্রবল হইত। নিরুপায় কৃষ্ণধন মহামায়াকে দেশে পাঠাইবেন না স্থির করিলেন।

কিন্তু মহামায়াকে পাঠাইবেন কোথায়? পিতামাতার মৃত্যুর পর মহামায়া পিত্রালয়ে যাইতে চাহিত না। যদিও বা কখন যাইত, সে সময় কৃষ্ণধনকে সঙ্গে যাইতে হইত। আর সেখানে যাইলেই, যে কয়দিন থাকিতে হইত, সেই কয়দিনই সময়ে অসময়ে পিতামাতার উদ্দেশে মহামায়ার করুণক্রন্দনে কৃষ্ণধনের কর্ণের বধিরতা অবশ্যজ্ঞাবী হইয়া পড়িত। কৃত্রিম কোপপ্রকাশে মহামায়াকে নিরস্ত করিতে যাইলে বিপরীত ফল হইত। হৃদয়ের আবেগগুলা বাহির হইবার পথ না পাইয়া, শিরায় ধমনীতে প্রবৃষ্ট হইয়া একটা না একটা রোগের সৃষ্টি করিত। তাহার জন্ত যে অস্থিরতা ও অর্থব্যয়, তা হইতে মহামায়ার মুক্তহস্ততা শতগুণে ভাল। কৃষ্ণধন স্ত্রীকে সঙ্গে সঙ্গে রাখিবেন, স্থির করিলেন।

( ২ )

সঙ্গে সঙ্গে রাখিয়াও কৃষ্ণধনের মহামায়া-ভীতি দূর হইল না। কৃষ্ণধন যখন মেদিনীপুরে, তখন মহামায়া এক নূতন রকমের বিপদ আনিয়া উপস্থিত করিল। একদিন নিমন্ত্রণোপলক্ষে বাটীর বাহির হইয়া মহামায়া অষ্টমবর্ষীয় পুত্র শ্যামসুন্দরের একটা ক'নে আনিয়া উপস্থিত করিল। বালিকাটী পথে খেলিতেছিল, আর সেই পথ

দিয়া পাকী করিয়া মহামায়া নিমন্ত্রণ বাড়ী যাইতেছিল। বালিকার সৌন্দর্য্যে মহামায়ার নয়ন আকৃষ্ট হইল। সঙ্গে একখানিও অলঙ্কার নাই দেখিয়া, তার শ্রাণ কাঁদিয়া উঠিল। পাকী হইতে নামিয়া মহামায়া কণ্ঠাটীকে কোলে করিল, তাহার হৃদয় উথলিয়া উঠিল। পাকীর ভিতর শ্যামসুন্দর ছিল, তাহাকে বলিল “শ্যামসুন্দর তোর হারগাছটা খুকিকে দে না!” শ্যামসুন্দরের গলার গার্ডচেন ছিল। সে তৎক্ষণাত্ মাত্ আজ্ঞা পালন করিল। হার খুলিয়া বালিকার গলায় পরাইয়া দিল।

মহামায়া কি করিতে আসিয়াছিল ভুলিয়া গেল। বালিকাকে পাকীতে ভুলিয়া বাটী ফিরিল! কৃষ্ণধনকে দেখাইয়া বলিল, “এই লও, তোমার বউ আনিয়াছি।”

কৃষ্ণধন বালিকাটীকে দেখিয়া মুগ্ধ হইলেন বটে, কিন্তু মহামায়ার বন্ধির অস্তিত্বে তাহার বিশেষ সন্দেহ থাকায়, বালিকাকে শুধু দেখিয়াই পুত্রবধূহে গ্রহণ করিতে স্বীকার করিলেন না। কৃষ্ণধন স্বভাব-কুলীন। তাহার পুত্রের বিবাহে নানারূপ বাধাবিপত্তি ছিল। সামাজিক নিয়মানুসারে কয়েকটি নির্দিষ্ট ঘরের সহিত বৈবাহিকবন্ধনের বাধ্য-বাধকতায় যে সে ঘরে কুলীনের পুত্র কস্তার আদান প্রদান চলিতে পারে না। কৃষ্ণধন কস্তার পরিচয় জানিতে চাহিলেন। এই খানেই একটু গোল হইল। মহামায়া কণ্ঠাটীকে সুন্দর দেখিয়াই ধরিয়া আনিয়াছিল। সৌন্দর্য্যই বালিকার পরিচয়। অন্ত পরিচয়ের আবশ্যকতা আছে, এটা মহামায়ার মনেই ছিল না। মহামায়া বালিকার পরিচয় দিতে পারিল না বলিয়া, কিছু অপ্রতিভ হইল। কৃষ্ণধন নমস্ত ব্যাপারটা বুঝিয়া হাসিলেন। আর মহামায়াকে আবার নিমন্ত্রণ রাখিতে ও যেখান হইতে কণ্ঠাকে কুড়াইয়া আনা হইয়াছে, সেই স্থানেই ছাড়িয়া দিতে আদেশ দিলেন।

( ৩ )

মহামায়ার হৃদয়ে সরলতা ও দয়ার কিছু আধিক্য ছিল। এমন কি আধিক্যটা গহিত হইবার নমস্ত লক্ষণই পাইয়াছিল। শুধু কৃষ্ণ-

ধনের সাবধানতায় সেটা বড় একটা অনিষ্ট করিতে পারিত না। অনিষ্টের প্রকোপটা তাহার উপার্জনের উপর দিয়াই চলিয়া যাইত। সেটা কৃষ্ণধনের এক রকম সহিয়াই আসিয়াছিল। কিন্তু এবারে কৃষ্ণধন বিষম ফাঁপরে পড়িলেন।

পুত্র বিবাহ করিয়া বধুরত্নের সহিত কিছু ধনরত্নও স্বস্তর গৃহ হইতে আনিবে, এটা শিক্ষিত অশিক্ষিত, সকল পিতারই আন্তরিক ইচ্ছা। তাহার উপর কৃষ্ণধন বড় কুলীন। কৃষ্ণধন স্থির করিয়া-ছিলেন, মহামায়ার হাতে যখন কিছুই থাকিবে না, তখন পুত্রকে কোন ধনী-কস্তার সহিত বিবাহ দিয়া, তাহাকে দারিদ্রের হাত হইতে রক্ষা করিব। কিন্তু সে আশাতেও মহামায়া ছাই দিল। মহামায়া বালিকার কুল-গোত্রের সন্ধান লইয়া আবার স্বামীর কাছে উপরোধ করিল। বালিকার পিতা তাহারই আদালতের একজন সামান্ত আমলা। সদ্ব্যাক্ষণ ভাল কুলীন ভঙ্গ। কিন্তু বিবাহ হইলেই শ্যামসুন্দরের কুলভঙ্গ হইবে। এমন বিবাহে কেমন করিয়া কৃষ্ণধন সম্মতি দেন! তিনি মহামায়াকে এই অন্তায় কার্য্য হইতে নিরস্ত করিতে সাধ্যানুসারে চেষ্টা করিলেন। পুত্রের শিশুত্ব, বাল্যবিবাহের বিষময়ত্ব, কুলভঙ্গের অপকারিতা, নানাতর্কযুক্তি তিনি মহামায়ার কাছে উপস্থিত করিলেন। কিন্তু নমস্তই মহামায়ার চোখের জলে ভানিয়া গেল। তখন নিরুপায় হইয়া কৃষ্ণধন মহামায়ার ইচ্ছায় আর বাধা দিতে চাহিলেন না। সামাজিক ও বৈবাহিক অবস্থার ও পদমর্গ্যাদার অসামঞ্জস্য উপেক্ষা করিয়া কন্মচারীর কণ্ঠাকে বধূহে গ্রহণ করিতে স্বীকার করিলেন। বিবাহের কেবল একটা পাকা দেখার অপেক্ষা ছিল। এমন সময় বালিকাটা নিজের বিবাহের প্রতিবন্ধক হইয়া নব কাজ পণ্ড করিয়া ফেলিল। একদিন মহামায়া বালিকার মাতাকে নিমন্ত্রণ করিয়া বাড়ী আনিল। বালিকাও সঙ্গে সঙ্গে আদিল। আসিয়া শ্যামসুন্দরের সঙ্গে সঙ্গে খেলিতে আরম্ভ করিল। খেলিতে খেলিতে কেমন করিয়া যে হতভাগা মেয়ে শ্যামসুন্দরকে বোয়াক হইতে ফেলিয়া দিল যে, সেই পতনেই বালক মুচ্ছিত হইয়া পড়িল।

অনেক চেষ্টায় সে মুর্ছার অপনোদন হয়। লজ্জিতা বালিকার মাতা কন্যা লইয়া ঘরে ফিরিয়া আসিল। সেই অবধি বালিকার পিতাও লজ্জায় কৃষ্ণধনের সহিত দেখা করিতে সাহস করিল না। মহামায়াও আর এই অলক্ষণা কন্যার জন্ত কৃষ্ণধনের কাছে একটীও কথা কহিতে পারিল না। মহার্মায়া ভাবিল, ইহা কুলভঙ্গোচ্চমের কুলের পূর্কসূচনা। একমাত্র পুত্র শিক্ষিত কৃষ্ণধনও এই আকস্মিক ঘটনায় একটু অশুভ ফলকাজ্জী হইয়া পড়িলেন। ঘটনাটা আকস্মিক বলিয়া উড়াইয়া দিতে তাহার হৃদয়-বলে কুলাইল না। তবে তিনি মহামায়াকে এই সময় ছটা মিষ্টি-তিরস্কার করিবার অবকাশ পাইলেন। বলিলেন,—“সৎকার্য্যই কর, আর অসৎকার্য্যই কর গুরুজনের অনুমতি লইতে হয়। হিন্দুর ঘরের স্ত্রী, স্বামীকে যদি গুরু বলিয়া জান, তবে আর স্বেচ্ছাধীন হইয়া কার্য্য করিও না।”

মহামায়া বলিল,—“এবার হইতে তোমার অনুমতি না লইয়া আর কোনও কার্য্য করিব না।”

কৃষ্ণধনের বেশী দিন মেদিনীপুরে থাকা হইল না। পূর্কেই বলিয়াছি, লজ্জিত ব্রাহ্মণ আর কৃষ্ণধনের সহিত দেখা করিতে সাহস করিল না। আদালতে স্বাক্ষরাদির প্রয়োজন হইলে, অল্প লোক দিয়া পাঠাইয়া দিত। ব্রাহ্মণের লজ্জায় কৃষ্ণধন বড় বিপদগ্রস্ত হইয়া পড়িলেন। অনেক বুঝাইয়া আশ্বাস দিয়া, কন্যাকে সৎপাত্রের স্ত্রী করিবার সমস্ত ব্যয় ভার গ্রহণ করিতে প্রতিশ্রুত হইয়াও যখন তাহাকে কাছে আনিতে পারিলেন না, তখন মেদিনীপুর তাহার কণ্টকময় বলিয়া বোধ হইল। শেষে দরিদ্র ব্রাহ্মণকে বৃথা আশায় আশ্বাসিত করিয়া সে মনোভঙ্গের হেতু হইয়াছিলেন, তাহার পূরণ স্বরূপ তাহাকে উচ্চপদে উন্নীত করাইয়া সে স্থান ত্যাগ করিলেন। আর মনে মনে স্থির করিলেন, সকল নষ্টের মূল মহামায়াই আর কখনও বাটীর বাহির হইতে দিব না।

[ ক্রমশঃ ]

শ্রীক্ষীরোদপ্রসাদ ভট্টাচার্য্য ।

## কাব্য বিশারদের কারাবাস ।

আজ কয়েক বৎসর গত হইল, শ্রীযুক্তা কাদম্বিনী গাঙ্গুলির মানহানী সূচক প্রবন্ধ পত্রস্থ করিয়া ভূতপূর্ব “বঙ্গনিবাসী” সম্পাদক শ্রীযুক্ত মহেশচন্দ্র পাল মহাশয় আদালত কর্তৃক সেই হতমান পুনঃ প্রদান ব্যাপদেশে কারাদণ্ডে দণ্ডিত হইয়াছিলেন; এ ঘটনা বোধ হয়, আমাদের পাঠক-পাঠিকাগণের মধ্যে অনেকের স্মরণ থাকিতে পারে। সেই সময়ে আমাদের বিখ্যাত বিখ্যাত সহযোগীগণ হতমান পুনঃ প্রাপ্তি বিষয়ে প্রকাশ আদালতের সাহায্য গ্রহণ করা উচিত কিনা? এবং উক্ত প্রকারের পুনঃ প্রাপ্ত মান বাস্তবিকই মান পদ বাচ্য কিনা? এই বিষয় স্থিরীকরণার্থ বহুল প্রবন্ধাদি প্রকাশে অনেক কাগজ, কলম ও সময় নষ্ট করিয়াছিলেন। অনেক দিন এইরূপ ব্যাপারের অভ্যুত্থান না দেখিয়া মনে করিয়াছিলাম,—‘সাধারণ মানই মান—ধর্ম্মাধিকরণ রূপায় যেটা পুনঃ প্রাপ্ত বলিয়া জানা যায়, সেটা বাস্তবিক মান নহে, একটা বীভৎস বীড়ন্যনা মাত্র, এবং তাই বুঝি। এখন আর লোক সে অপ-মানের প্রত্যাশা করেন না।’ আজ আবার সেই পাশ্চাত্য শিক্ষানু-করণ-লব্ধ ব্যাপারের পুনরভিনয় দর্শনে বুঝিলাম—সেই সকল বাক-বিতণ্ডা কালী কলম কাগজ—বাস্তবিকই বিনাকারণে অপব্যয়িত হইয়াছে।

কলিকাতা সিটিকলেজের প্রফেসর মাণ্ডবর শ্রীযুক্ত হের্ষচন্দ্র মৈত্র মহাশয়ের পত্নী শ্রীযুক্তা কুমুমকুমারী মৈত্রের ধরিয়া লওয়া মান হানী-কর কুরুচিপূর্ণ কবিতা পত্রস্থ করায় মহামাণ্ড হাইকোর্টের জজ ও জুরীগণের ( Unanimous Verdict ) একমত বিচারে; মাণ্ডবর হিতবাদী সম্পাদক শ্রীযুক্ত কালীপ্রসন্ন কাব্যবিশারদ মহাশয় সুবিচারে হউক, আর কুবিচারে হউক, দৈবছক্কিপাকে আজ ৯ মাস কারাবাসে নিষ্কিণ্ড হইয়াছেন।

“হিতবাদী” সম্পাদক কারাগারে প্রেরিত হওয়ার কুমুমকুমারীর হতমান সগৌরবে প্রতিষ্ঠিত হইয়াছে কিনা, তাহা আমরা অবগত

নহি। যদি হইয়া থাকে ভাল, কিন্তু এই বিবাদের মুখে পড়িয়া আজ যে সকল ঘরের কথা সাধারণ্যে জানাজানি হইয়া গেল, তাহার ব্যবস্থা কি হইল? সকল লোকেই সাম্য, মৈত্রী, স্বাধীনতালোক প্রাপ্ত একথা কেহই বিশ্বাস করিবেন না; স্মরণ্য কেহ কেহ হয়ত এততেও মান পুনঃ প্রাপ্তি স্বীকার করিতেছে না, তাহাদের পক্ষে কি? আলোক প্রাপ্ত জনের “মানহানী” আইনের এই গুঢ় রহস্য আমাদের হৃদয়ঙ্গম হইল না, কি করিব দূরদৃষ্ট!! এ ব্যাপারে কেবল আমরা কেন, বাস্তবিক ভারতবাসী মাত্রেই ছঃখিত হইয়াছেন।

“হিতবাদী” সম্পাদকের পক্ষে যাহা হইয়াছে, তাহাতেই বিপক্ষগণ বোধ হয়, সন্তুষ্ট হইয়াছেন। ইহা অপেক্ষা বেশী হইলেও যে না হইতেন তাহা বলিতে পারি না। যদি ১ মাস দণ্ড হইত, তাহাতেও তাহাদের যে পরিমাণ মানের জয় জয়কার হইত, ৯ মাসেও তাহাই ফিরিয়াছে, তাহা অপেক্ষা বেশী কি কমে ফিরে নাই, এজন্ত বলিতেছি, হিতবাদী সম্পাদকের যাহা হইয়া গিয়াছে, তাহাই যথেষ্ট হইয়াছে— আর কেন? এস, সপক্ষ বিপক্ষ সকলে এস, স্ব স্ব উদারতা গুণে আজ মহারাণী ভারতেশ্বরীর ষষ্ঠী বাৎসরিক উৎসব উপলক্ষে যে সকল সংকল্প অনুষ্ঠিত হইবে, হিতবাদী সম্পাদকের কারামুক্তি যাহাতে তাহাদের অন্তর্ভুক্ত হয়, তৎপক্ষে প্রাণপণে চেষ্টা করি। এস সাম্য মৈত্রী ভাব মনে জাগাইয়া তুলিয়া স্ব স্ব উদারতা প্রকাশ করি। সহৃদয় বন্ধুগণ, পাঠক-পাঠিকাগণ কেহই যেন এ বিষয়ে পশ্চাৎপদ না হই। যে দেশের উপকার করে, সাধারণের উপকার করে, সেই পূজ্য; হিতবাদী সম্পাদক আমাদের অনেক উপকার করিয়াছেন, এস সেই পূজ্যের জন্ত আমরা আজ সোৎসাহে সমবেত হই।

## স্বরলিপি ।

ইমন—কাওয়ালী ।

কথা—রাজকৃষ্ণ রায় ।

স্বর—শ্রীযুক্ত রামতারণ নাথাল ।

আস্থায়ী ।

|     |     |     |       |     |       |     |     |     |    |
|-----|-----|-----|-------|-----|-------|-----|-----|-----|----|
| সাঁ | সাঁ | গাঁ | স্বাঁ | গাঁ | স্বাঁ | সাঁ | সাঁ | সাঁ | নি |
| ও   | লো  | ভা  | উ     | বো  | আজ    | লু  | কো  | চু  | রি |

|    |    |     |     |       |        |   |    |         |     |     |
|----|----|-----|-----|-------|--------|---|----|---------|-----|-----|
| +  |    |     |     |       | ১ম বার |   |    | ২য় বার |     |     |
| ধ  | নি | সাঁ | গাঁ | স্বাঁ | গাঁ    | প | ম  | গাঁ     | গাঁ | গাঁ |
| ধর | বো | ফ   | কি  |       | রে     | ও | লো | রে      | না  | গর  |

|   |    |    |    |   |    |    |    |    |     |    |    |
|---|----|----|----|---|----|----|----|----|-----|----|----|
| প | প  | প  | প  | প | প  | প  | ম  | গ  | ম   | প  | ধ  |
| প | ডে | কি | না | প | ডে | দে | খি | না | রীর | ফি | কি |

|    |     |     |   |    |    |    |   |    |    |    |    |     |    |    |
|----|-----|-----|---|----|----|----|---|----|----|----|----|-----|----|----|
| প  | গাঁ | গাঁ | প | প  | প  | প  | প | ম  | গ  | ম  | প  | ধ   |    |    |
| রে | না  | গর  | প | ডে | কি | না | প | ডে | দে | খি | না | রীর | ফি | কি |

|     |     |     |     |       |     |       |     |     |     |    |
|-----|-----|-----|-----|-------|-----|-------|-----|-----|-----|----|
| পাঁ | সাঁ | সাঁ | গাঁ | স্বাঁ | গাঁ | স্বাঁ | সাঁ | সাঁ | সাঁ | নি |
| রে  | ও   | লো  | ভা  | উ     | বো  | আজ    | লু  | কো  | চু  | রি |

|    |    |     |     |       |        |   |    |         |     |
|----|----|-----|-----|-------|--------|---|----|---------|-----|
| +  |    |     |     |       | ১ম বার |   |    | ২য় বার |     |
| ধ  | নি | সাঁ | গাঁ | স্বাঁ | গাঁ    | প | ম  | গাঁ     | গাঁ |
| ধর | বো | ফ   | কি  |       | রে     | ও | লো | রে      |     |

অন্তরা ।

পঁ মঁ গ গ স্ব স্ব সা সা সা সা সা সা  
 জে গে আজ সা রা রা তি খুঁ জি বন

সা স্ব স্ব স্ব স্ব স্ব পঁ মঁ গ গ স্ব  
 পা তি পা তি আ ছে কো থা ছল

সা নি স্ব নি সা গ গ স্ব গ প প প প  
 পা তি চ ল চ ল দেখি রে ভা সা ব সো

পঁ পঁ মঁ গ মঁ প স্ব প প প প প  
 হাগ স রে স খা স খী রে ভা সা ব সো

পঁ পঁ মঁ গ মঁ প স্ব পঁ  
 হাগ স রে স খা স খী রে

শ্রীদক্ষিণাচরণ সেন ।

স্বরলিপির গান ।

ইমন—কাওয়ালী ।

ওলো ভাঙব আজ লুকোচুরি  
 ধরব ফকিরে ;  
 নাগর পড়ে কিনা পড়ে দেখি  
 নারীর ফিকিরে ।

জেগে আজ সারা রাত, খুঁজি বন পাতি পাতি,  
 আছে কোথা ছল পাতি,  
 চল চল দেখিরে,—  
 ভাসাব সোহাগ সরে সখা সখীরে ॥

## মতামত ।

বঙ্গ-জীবন—মাসিকপত্র ও সমালোচনা । শ্রীযুক্ত তারিণীচরণ সেন সম্পাদিত । আমরা এই মাসিকপত্রিকা খানির ২য় ভাগের ১ম, ২য় ও ৩য় সংখ্যা একত্রে প্রাপ্ত হইয়াছি । ইহাতে কতিপয় নূতন ও কতকগুলি পুরাতন লেখক লেখনী চালনা করিতেছেন । আরও হুই এক সংখ্যা না পাইলে বেশী কিছু বলিতে পারিলাম না । তবে মোটের উপর ইহার পরিচালন কার্য মন্দ হইতেছে না । আমরা পত্রিকা খানির দীর্ঘ-জীবন প্রার্থনা করিতেছি ।

অমরাবতী এজেন্সি—আজ কয়েক বৎসর হইল, শ্যামবাজার রামচন্দ্র মৈত্রের লেনে শ্রীযুক্ত চৌধুরী ফ্রেণ্ডস্ কর্তৃক উক্ত এজেন্সি বা সরবরাহ-সমিতি স্থাপিত হইয়াছে । আমরা উক্ত এজেন্সি প্রস্তুত ১ শিশি—লাল রবায় ষ্ট্যাম্পের কালী, ১ শিশি—অদৃশ্য কালী ও উহা ব্যবহার করিবার একটা পেন নিবন্ধ কলম ও এক ফায়ের ব্ল্যাক কালীর পাউডার প্রাপ্ত হইয়াছি । আমরা উক্ত কয়েকটা দ্রব্যই পরীক্ষা করিয়া দেখিয়াছি, দ্রব্য কয়েকটা বাস্তবিকই সুন্দর ও সাধারণের ব্যবহার উপযোগী হইয়াছে । মূল্যও সম্ভবত সুলভ বলিয়া বোধ হইল । সাধারণে উক্ত এজেন্সির দ্রব্য একবার পরীক্ষা করিয়া দেখিলে আনন্দিত হইব ।

## বীণাপাণি ।

## মাসিকপত্রিকা ও সমালোচনী ।

“বীণা-পুস্তক-রঞ্জিত হস্তে । ভগবতি, ভারতি, দেবি নমস্তে ।”

৪র্থ খণ্ড ৮ } চৈত্র, ১৩০৩ সাল । } ৩য় সংখ্যা ।

## মহামায়া ।

[ পূর্ব প্রকাশিতের পর । ]

( ৪ )

ইহার পর আট বৎসর অতীত হইয়াছে । শ্রামসুন্দর প্রবেশিকা-পরীক্ষায় উচ্চস্থান অধিকার করিয়াছে । কৃষ্ণধন বহুকালের পর স্ত্রী ও পুত্র লইয়া ছুটি উপলক্ষে দেশে আসিয়াছেন । মেদিনীপুর হইতে আসিয়া অবধি কৃষ্ণধন আর কোথাও মহামায়াকে যাইতে দিতেন না । বাটীর বাহির হইলেই স্বামীকে বিপদগ্রস্ত করেন—বলিয়া মহামায়াও আর কোথাও যাইতে চাহিত না । এই আট বৎসরে কৃষ্ণধন কিছু সংগ্রহ করিতে সমর্থ হইয়াছেন ; মহামায়ার নামে কোম্পানীর কাগজ কিনিয়াছেন । এই কাগজ ও মতামত হইতে প্রাপ্ত, শ্রামসুন্দরের নিজের কিছু ভূসম্পত্তি, ছুয়ের আয়ে, তাঁহার অবর্তমানে মহামায়ার ও পুত্রের কোন ক্লেশ থাকিবে না ভাবিয়া, কৃষ্ণধন ভবিষ্যতের জন্ত নিশ্চিন্ত হইয়া বহু-



দিন পরে দেশে ফিরিয়াছেন। তাঁহার এতটা করিবার বিশেষ কারণ ছিল। দরিদ্রের গৃহে জন্মগ্রহণ করিয়া বাল্যে তাহাকে অনেক কষ্টভোগ করিতে হইয়াছিল। সে কষ্টের কথা স্মরণ হইলে, জীবনের কাব্যমাধুর্য্যেভরা বাল্যস্মৃতিও তাঁহার মর্ম্মপীড়া আনিয়া উপস্থিত করিত। তাঁহার প্রিয়জনের মধ্যে আর কেহ যে সেই অবস্থায় পড়িবে, এটা তাঁহার মনে আসিলেই গাত্র শিহরিয়া উঠিত। তাই তিনি মহামায়ার মুক্তহস্ততায় বড় তুষ্ট ছিলেন না। শুধু স্ত্রী বলিয়া নয়, আর এক বিশেষ কারণে তাহাকে মহামায়ার ভবিষ্যতের জ্ঞান বিশেষ ব্যাকুল হইতে হইয়াছিল।

অনাথ আশ্রয়হীন বালক কৃষ্ণধন, মহামায়ার পিতার দয়ায় সংসারে দাঁড়াইবার স্থান পাইয়াছিলেন। অবশেষে তাঁহার কাছ হইতেই মহামায়া রূপ স্ত্রীরত্নলাভ করিয়া তাহারই ভাগ্যে সমাজে উচ্চস্থান ও চাকরীতে উচ্চপদ পাইয়াছেন। এই সব ভাবিয়া কৃষ্ণধন মহামায়ার জ্ঞান সর্ব্বদা চিন্তিত থাকিতেন। মহামায়ার পিতা অনেক উপার্জন করিয়াও বিশেষ রকম কিছু রাখিয়া যাইতে পারেন নাই। মহামায়াও পিতার গোত্র ধরিয়াকে দেখিয়া তাঁহার রক্ষা কর্তব্য জানে কৃষ্ণধন নিজের হাতে খরচ পত্রের হিসাব রাখিয়াছেন। এখন একরূপ নিশ্চিত হইয়া আটবৎসর পরে, কৃষ্ণধন মহামায়াকে স্বাধীনতা পুনঃ প্রদান করিলেন। শ্রামসুন্দরের বড় বড় ঘর হইতে সম্বন্ধ আসিতে লাগিল। দুই দিন বাদেই পুত্র পুত্রবধু লইয়া তাহাকে সংসার রাজত্বের রাণী হইতে হইবে, পুত্রের জ্ঞান তাহাকে আবার অনেক পরিবারের সংস্পর্শে আসিতে হইবে বুঝিয়া কৃষ্ণধন মহামায়াকে যথেষ্ট কাজ করিতে আদেশ দিলেন। সমস্ত সঞ্চিত অর্থ মহামায়ার হস্তে দিয়া, এবং উপার্জনের সমস্ত অর্থ মাসে মাসে দিতে প্রতিশ্রুত হইয়া আপনি কর্তৃত্ব হইতে অবসর গ্রহণ করিলেন।

বহুকাল পরে দেশে ফিরিয়াছে বলিয়া, গ্রাম সম্পর্কীয়া ঠান্দিদি, মাসী, পিসী, ননদিনীরদল মহামায়াকে চারিদিক হইতে

দেখিতে আসিল। কেহ মহামায়ার শরীরে শত চেষ্টা করিয়া কিছুই দেখিতে পাইল না। “আহা! তোর শরীরে আর কিছুই নাই,”—বলিয়া প্রায় সমস্ত চোখটা বস্ত্রাচ্ছাদিত করিয়া, সেই অন্ধ-হীনার মুখের ভাবটা একবার অপাঙ্গে দেখিয়া লইল। দেখিয়া লইল—মহামায়ার ভাবের কিছু পরিবর্তন হইয়াছে কি না। কেহ “তোমার পাণে আর চাওয়া যায় না” বলিয়া, দৃষ্টির সমস্ত ভার মহামায়ার মুখের উপর চাপাইয়া রাখিল। কেহ মহামায়ার জ্ঞান ভাবিয়া ভাবিয়া ক্ষীণ হইয়া, ‘আর কাহারও সহিত ভাব রাখিব না’ বলিয়া প্রতিজ্ঞা বন্ধা, সকলকে শুনাইয়া শুনাইয়া বলিতে লাগিল। কেহ কৃষ্ণধনের শরীর রক্ষায় বড় অমনোযোগ দেখিয়া, তাহার নিদ্রাহীনতার কথা মহামায়াকে শুনাইল। আর আফিসের পরি-শ্রমটা দিব্যচক্ষে দেখিতে দেখিতে, কত আক্ষেপ করিল। আর ভাগ্যহীন দণ্ডমুখ সাহেবই যে শান্ত নিরীহ কৃষ্ণধনের এই চাকরী-রূপ ছুর্গতির কারণ, তাই তাহাকে অজস্র গালি দিল। কেহবা শ্রামসুন্দরকে দেখিয়াই তাহার প্রতি মায়ের যত্নহীনতার সমস্ত চিহ্নগুলাই দেখিতে পাইল। তাহার মুখ শুষ্ক, কেশরক্ষ, গায়ে ধূলা—মহামায়ার মায়ার নিদর্শন বালকের অঙ্গের কোন স্থানে দেখিতে পাইল না। কাজেই মমতাহীনা মহামায়া তাহার কাছে দুইটা তিরস্কার খাইল। গ্রাম্যকুলকামিনীগণের এইরূপ অযাচিত আদরের ভিতরে পড়িলে, অতি বড় বুদ্ধিমতীও আত্মাহারা হইয়া যায়, কিন্তু মহামায়ার এবারে বড় তাহা হইল না। তাহার দুই চারি দিনের ব্যবহারেই প্রতিবাদিনীগণ বুঝিলেন,—‘এই আটবৎসরের ভিতরে মাগী কেমন আর এক রকম হইয়া গিয়াছে।’ কেহ কেহ বলিল,—“সাহেব বিবির সঙ্গে থাকিয়া ও তাহাদের ধরণ দেখিয়া মহামায়ার ভিতর হইতে হিন্দুয়ানি লোপ পাইয়াছে। মেজাজ নাহেবী হইয়াছে। লোক দেখান একটা নমস্কার করিতে হয় তাই করিল, প্রাণে আর ভক্তি নাই। নহিলে মাগীর হাত হইতে আর জল গলে না কেন?”

আসল কথা বহুদিন হইতে স্বাধীনতা ভোগের অভ্যাস না থাকায় কর্তৃত্বলাভটায় মহামায়ার কিছু বাধবাধ ঠেকিতে লাগিল। তাহার উপর মহামায়া স্থির করিয়াছিল, স্বামীর অনুমতি ভিন্ন কোন কাজ করিবে না। কাজেই কর্তব্যাকর্তব্য নির্ধারণের জন্ত তাহাকে কথায় কথায় স্বামীর কাছে ছুটিতে হইত। ক্রয়ের কথায়, দানের কথায়, লোকতার কথায়, গৃহধর্মের প্রতি কথায় মহামায়া স্বামীর কাছে অনুমতি চাহিতে লাগিল। তাহার অনুমতি গ্রহণের জালায় অস্থির হইয়া, কৃষ্ণধন মহামায়ার হাত হইতে কর্তৃত্ব কাড়িয়া লইবার ভয় দেখাইলেন। বলিলেন, “তোমার যাহা ভাল বিবেচনা হয় করিবে, আমার অনুমতি লইবার অপেক্ষা করিও না।”

মহামায়া এই সময়ে স্বামীকে পথে পাইল, বলিল,—“হিন্দুর ঘরের স্ত্রী—স্বামীর আদেশ পালনই যদি তার ধর্ম, তাহা হইলে মহামায়া স্বামীর কোন আদেশ পালন করিবে?—সেই তখনকার না এখন কার?”

মহামায়ার কথা শুনিয়া কৃষ্ণধনের সেই আটবৎসরের আগের কথা মনে পড়িল। কৃষ্ণধন বলিলেন,—“স্বামী যখন যেমন আদেশ করিবে তাহাই পালন কর, ধর্ম পতিত হইবে না। আগে তোমাকে অনুমতি লইতে আদেশ করিয়াছিলাম, এই আটবৎসর তুমি পালন করিয়া আসিতেছ; এখন আবার অনুমতি লইতে নিষেধ করিতেছি, তুমি অসঙ্কোচে নিষেধ মানিয়া চলিয়া যাও।”

“যদি আবার তোমাকে বিপদে ফেলি?”

“কেন আমাকে কি বিপদে ফেলিতেই শিখিয়াছ! তুমি যা ইচ্ছা কর। তার জন্ত যদি বিপদেই পড়ি, তোমাকে তিরস্কার খাইতে হইবে না। আমার বিশ্বাস স্বামীগতপ্রাণা মহামায়া যদি স্বামীর আদেশে বিপদও ডাকিয়া আনে, তাহাতে কৃষ্ণধনের গুণ ভিন্ন অশুভ হইবে না।”

মহামায়া। দেখ এখনও বুঝিয়া বল।

কৃষ্ণ। বুঝিয়াই বলিয়াছি।

স্বামীর এই শেষ কথাটায় মহামায়ার বড় সাহস হইল। সে আর কোনও উত্তর না দিয়া স্বামীকে একটা গড় করিল।

কৃষ্ণধন ভাবিয়াছিলেন, মহামায়ার যখন কোম্পানীর কাগজ হইয়াছে, তখন নগদ টাকা সব টুডাইয়া দিলেও খাইবার পরিবার কষ্ট হইবে না। মহামায়াও ভাবিয়াছিল, স্বামী যত কেন বলুক না, যখনই একটু গোলমাল ঠেকিবে, তখনই তাহাকে জিজ্ঞাসা করিব। আপনার মনে যা' খুসী তাই করিয়া মহামায়া বড়ই কষ্ট পাইয়াছে।

নব্যপাঠকারিণীর চক্ষে এ স্থানটায় কেমন কেমন ঠেকিতে পারে। কিন্তু কি করিব? এক একটা স্ত্রীলোকের সেই সেকালের নয়, এই একালের কেমন একটা স্বভাব যে, সুবিধা পাইলেই কর্তাটাকে একটা আধটা প্রণাম করিয়া বসে, নানারকম পড়িয়া ভালবাসার সাম্যভাবটা বিশেষ করিয়া বুঝিয়াও তাহাদের জ্ঞান জন্মে না। পাঁচ জনের দেখিয়া শুনিয়াও তাহারা শিখিতে পারে না। স্বামী-বেচারীর তাহাতে বড় বিশেষ লাভ নাই, বরং সমানে সমান হইলে, প্রাণপ্রতিমার আদর আবাদারে ছুই একটা তর্ক বিতর্ক চলিতে পারে। কিন্তু ওই একটা আধটা প্রণামের নেশায় পড়িয়া তাহাকে বিষম দায়ে ঠেকিতে হয়। জেলার বড় হজুরের, জমীদার বেচারাদের নিকট প্রার্থনাটা যেমন আদেশের পিতামহী, দেখিতে বুদ্ধিহীনা, কিন্তু কার্যতঃ সূচতুরা নীতিজ্ঞার বেলায়ও ঠিক তাই। স্বামীর সহিত সমান পদবীরূঢ়া কোন পাঠিকা ঠাকুরাণী, আজও পর্যন্ত যদি জীবনের সঙ্গীটির নিকট হইতে সমস্ত প্রাপ্য-গণ্ডা আদায় করিতে অসমর্থ হইয়া থাকেন, তাহা হইলে প্রভুকে এই প্রণাম ঔষধটা একবার সেবন করিয়া দেখিবেন। বকেয়া বাকী শুদ্ধ আদায় হইয়া আসিবে। স্বামীটা ষোলআনা রকমেই আয়ত্তধীনে আসিবে। তবে সেটা করিতে হইলে, আগে আত্মাভি-মানটা ত্যাগ করিতে হয়। কিন্তু হায়! এখন এত অগ্রসর হইয়া

তাও কি কখন করা যায়। অভিমান ত্যাগ!—তৎপরিবর্তে হে স্বামীন্! তোমাকে শ্রীকৃষ্ণায় অর্পণমাত্র করিলাম।

মহামায়ার অভিমান রাখিবার সম্পূর্ণ অধিকার ছিল। কৃষ্ণধন কোন্ দেশে বাস করিত,—সে হট্টমালার দেশের গাই বাছুরে মাটি চষিত, ফি লোকে হীরার ছাইয়ে দাঁত ঘষিত, কি প্রতি গৃহস্থের ঘরে রুইমাছ ও পটোল ভারে ভারে আসিত, মহামায়া কিছুই জানিত না। এমন সময়ে তাহার বিবাহ হইয়াছিল। শুদ্ধ তাই নয়, তাহার পিতৃগৃহ হইতেই কৃষ্ণধন মানুষ হইল, তাহার আদরের অর্ধেক কাড়িয়া লইল। হট্টমালার দেশ, তাহারই পিত্রালয়ের প্রাচীর বেষ্টিত প্রাঙ্গণ মধ্যে প্রতিষ্ঠিত করিয়া সেই স্থানেই রাজত্ব করিতে লাগিল। এমন কৃষ্ণধনের উপর এক আধ দিন আদেশ করিবার, কিম্বা একটু আধটু অভিমান দেখাইবারও কি অধিকার মহামায়ার ছিল না?—অধিকার সম্পূর্ণই ছিল। আর সে অধিকার দেখাইলে, কৃষ্ণধন সহিতে পারিত কিনা কে বলিতে পারে? দারিদ্র্যানিপীড়িত, পরান্নভোজী, পরাবসথশায়ীরা আবার গর্ক কি? গৃহজামাতার সমস্ত লক্ষণাক্রান্ত হইলেও কৃষ্ণধন মহামায়ার পিতার কাছে এক দিবসের জন্তও অনাদরপ্রাপ্ত হইলেন নাই। সেই সে কালের ব্রাহ্মণ, কুলীন জামাতার মর্যাদা রাখিয়াই শুধু নিশ্চিন্ত হইলেন নাই। মহামায়াকে এমন শিক্ষায় শিক্ষিতা করিয়াছিলেন, যে আজও পর্যন্ত মহামায়া স্বামীর উপর অভিমান করিতে শিখিল না। মহামায়া বুঝিতে পারিলেন যে, তাহার পৈত্রিকধনে তাহার কি অধিকার ছিল। ছুই এক পয়সা খরচ করিতে ইচ্ছা করিলে, সেই কৃষ্ণধনের মুখ চাহিয়াই থাকিতে হইত। বাপের কাছে চাহিলে পাইত না। কিন্তু বুঝিতে পারিত না, কৃষ্ণধন কোথা হইতে পয়সা পাইত। মহামায়া শ্বশুরালয়ে আসিবার জন্ত কৃষ্ণধনকে অনুরোধ করিত, বিশ্বাস ছিল সেখানে যাইলেই মনের মত খরচ করিতে পারিবে। কিন্তু জানিত না যে, সে হট্টমালার দেশে, স্বামীর এমন একটা তরুতলও নাই যে,

ভ্রমণ ব্যপদেশে মুহূর্তের জন্তও রৌদ্রের আক্রমণ হইতে মাথাটাকে রক্ষা করিতে পারে। মহামায়ার পিতা কটার অভিপ্রায় অবগত হইয়া কৃষ্ণধনের গ্রামে একটা ছোট অথচ সুন্দর অট্টালিকা নির্মাণ করিয়া এবং দৌহিত্র শ্রামসুন্দরের অনুরোধন উপলক্ষে সে গ্রামের সমস্ত লোককে পরিতোষ করিয়া খাওয়াইয়া দেন। মহামায়া সেই প্রথম শ্বশুর গৃহে আসিল। আসিয়া দিন কয়েক মনের মত খরচ করিয়া বাঁচিল। আর বুঝিল, এমন শ্বশুরঘর থাকিতে এতকাল বাপের বাড়ী পড়িয়াছিলাম কেন?—মহামায়া বাপের বাড়ী আর বড় একটা যাইতে চাহিত না। তাহাতে মহামায়ার পিতা মাতার আনন্দের সীমা ছিল না। কালে যখন মহামায়া স্বামীর অবস্থার কথা সমস্তই জানিতে পারিল, তখন তাহার হৃদয়ের স্তরে স্তরে ভক্তি গাঁথিয়া গিয়াছে।

কাজেই নব্যাপাঠিকা ঠাকুরাণীদের কাছে হৃদয় দৌর্ভেল্যের পরিচয় দিয়া, মহামায়া স্বামীকে চিপ করিয়া একটা নমস্কার করিয়া বসিল। উঠিয়া বলিল,—“যেমন তুমি আমাকে আমার অনিচ্ছায় স্বাধীনতা করিলে, আমিও তেমনি জ্বল করিয়া তোমাকে প্রতিশোধ দিব। তোমার সব টাকা খরচ করিব, তবে ছাড়িব।”

মনে মনে বলিল, তুমি যেমন কৃপণ, আমি তার শতগুণ কৃপণতা দেখাইব। তোমাকে ধানে চালে খাওয়াইব। কৃষ্ণধনের প্রাণটা নমস্কারে খুলিয়া গেল। কৃষ্ণধন আবার বলিলেন, “শুধু তাই কেন মহামায়া, এতকাল তোমার উপর কর্তৃত্ব করিয়াছি, আজ হইতে সেই কর্তৃত্বভার তোমার উপরে দিলাম। আজ হইতে আমি তোমার আজ্ঞাবাহিনী হইলাম।”

( ৫ )


মাস খানেক মহামায়া চূড়ান্ত গৃহিণীপণা দেখাইল। মহামায়ার হাত হইতে যথার্থই জল গলিল না। প্রতিবেশিনীগণ, যাহারা মহামায়ার মুখ দেখিত, তাহার মুখের ছটা কথা শুনিতে সকল কাজ ফেলিয়া তাহার কাছে ছুটিয়া আসিত, তাহারা এখন

মহামায়ার মুখ দেখিয়া অশ্রুভাবের আশঙ্কা করিতে লাগিল। কথায় কর্কশতা অনুভব করিল। ক্রমে তাহারা মহামায়ার কাছে আসা বন্ধ করিল। তাহাতেও যখন তৃপ্ত হইল না, তখন একত্র বসিয়া মহামায়ার স্বভাবের পরিবর্তন সম্বন্ধে নানাবিধ জল্পনা আরম্ভ করিল।

বর্তমান রূপগতায় সকলেই প্রথমে ছুঃখ করিল। ছুঃখ ক্রমে রাগে পরিণত হইতে লাগিল। রাগ হইতে গালি আসিল। সকলে একবাক্যে বর্তমান মহামায়ার মুখে অগ্নিদেবের আবাহন করিল। আর তাহারা যে মহামায়ার কাছে যাইয়া তাহার চতুর্দশ পুরুষের ভাগ্যের প্রতিষ্ঠা করিত, এটাও পরস্পরকে বিশদরূপে বুঝাইয়া দিল। তাহাদের মধ্যে কাহারও কাহারও চরণধূলি স্পর্শ করিয়া কত রাজনন্দিনী আপনাদিগকে ভাগ্যবতী বিবেচনা করিয়াছিল ও তাহাদিগের আদর যত উপেক্ষা করিয়া, নিজ নিজ পর্নকুটীরে ফিরিয়া তাহারা নিস্পৃহতার পরাকাষ্ঠা দেখাইয়াছিল, এটাও রমণী-কুলমধ্যে কাহারও বুদ্ধিতে বাকী রহিল না। মহামায়া এখন এমন হইয়াছে, মহামায়া আগেই বা কি ছিল। বর্তমান মহামায়াকে ছাড়িয়া তাহারা অতীত মহামায়াকে ধরিয়া বসিল। ক্রমে তাহারও মুণ্ডপাত করিল। শেষে তাহার রূপের, গুণের, স্বভাবের, বংশের অসংখ্য অসংখ্য দোষ বাহির করিয়া তবে নিশ্চিত হইল। সেই মহিলাকুলমধ্যে ছুই একজনের পরস্পরের মধ্যে বিবাদ ছিল। এক মহামায়ার কল্যাণে তাহাদের সেই পূর্ব বিবাদ মিটিয়া গেল।

[ ক্রমশঃ ]

শ্রীক্ষীরোদপ্রসাদ ভট্টাচার্য ।



## বিলাসিনীর আত্মবিলাপ ।

১  
বিলাসিনী মোর নাম হৃদয় শ্মশান,  
বিলাস-কলুষ-বিষ হৃদে পায় স্থান ;  
কলিজা ভেঙ্গেছে মোর,  
ঝরে সদা আঁখি লোর,  
তথাপি আছে গো বল বেঁধেছিপরাণ।

২  
সিঁথিতে সিন্দূরবিন্দু করেতে কঙ্কন,  
কিসের অভাব মোর পরেছি ভূষণ ;  
তীর <sup>কানিয়ার</sup> ~~করাণের~~ রেখা,  
দিয়াছে আননে দেখা,  
তথাপি নূতন রাগে রঞ্জিত আনন।

৩  
নিত্যনবসাজে সাজি ফুলদিগো মাথে,  
প্রাণতসাজেনামোর তারসাথেসাথে ;  
নলিনাক্ষ আর নাই,  
তথাপি কটাক্ষ চাই,  
সোহাগের সোহাগিনী-তবুপথেপথে।

৪  
ছিলাম রমণী আমি স্বভাব স্নন্দরী,  
আজি হেয়, ঘৃণ্য আমি নাম বারনারী,  
নাহি মৃদু মৃদু হাসি,  
যা দেখ এ বাসিহাসি,  
জাগরণে হরে প্রাণ নিত্যবিভাবরী।

৫  
মধু আশে আসে কাছে মত্তমধুকর,  
মনে করে আমি বুঝি মধুর আকর,  
মধুচক্র ভেঙ্গে গেছে,  
ছলমাত্র তার আছে,  
ফিরে যাও মধুলোভী মধুপনিকর !

৬  
কেহ আসে প্রেমআশে কোথা'দরশন,  
হে প্রেম ! অনন্তমৃত-সঞ্জীবনী-ধন !  
হৃদে মোর নাহি যাহা,  
কেমনে প্রদানি তাহা ?  
ফিরে যাও স্থানান্তরে প্রেমিকসুজন !

৭  
প্রাণপতি সহবাসে প্রাণের নন্দন,  
অঙ্কিতে পাইয়া বালা পুলকিতমন ;  
কি কঠিন মম হিয়া,  
দেখ মনে বিচারিয়া,  
জননী হইয়ে বধি সন্তানে আপন।

৮  
আছে কি গো মমসম পিশাচীললনা,  
ধাতার এধরা-ম্মঝেদিতে গো তুলনা ?  
প্রেমিক রে ফিরে যাও,  
পাতকীরে ভুলে যাও,  
মায়াবিনী ছদ্মবেশা রাক্ষসী ভীষণা।

৯  
হে কুলকামিনী শুন মোর নিবেদন,  
পতিব্রতা সতী সাধবী সীমন্তিনীগণ;  
ভালবেসো প্রাণনাথে,  
রবে সদা সাথে সাথে,  
দেখো <sup>মন</sup>নাহিকাড়ে প্রাণের রতন।

১০  
হে যৌবন উদ্বেলিত ভাসমান জন,  
উচ্ছিন্নরূপের মোহে ভুলনা কখন;  
ঘরেতে পাইবে যাহা,  
কোথায় নাহিক তাহা,  
পবিত্র প্রেমের খনি অঙ্গনা আপন।

শ্রীকিরণচন্দ্র দত্ত ।

## চিন্তা ।

স্নায়ু বিধানের ক্রিয়াকে “চিন্তা” বলা হয়। স্নায়ু আমাদের দেহস্থ দ্রব্য বিশেষ,—কিন্তু উহার ক্রিয়া বা খেলা দেহস্থ দ্রব্য নহে; এই জন্ত চিন্তা আমাদের বাহিরের দ্রব্য।

উদ্ভিজ্জ বিদ্যা দ্বারা আমরা জানিয়াছি যে, ফুল যে দ্রব্যের উপর উপবিষ্ট থাকে, তাহাকে “বৃত্তি” বলে, পুষ্পের নিম্নে যে অংশটুকু তাহাকেই বৃত্তি কহে। আমাদের মন যে অংশের উপর অবস্থিতি করে, তাহাকেও আমরা “বৃত্তি” বলিয়া থাকি। এখন দেখা যাউক, মন আমাদের কোন বৃত্তির উপর অবস্থিতি করে।

কাম, ক্রোধ, লোভ, মোহ, মদ ও মাৎসর্য এই পাঁচটি আমাদের মনের মূলবৃত্তি। অর্থাৎ জগতের সমুদয় মানবের মন এই পাঁচ বৃত্তির উপর অবস্থিত। যে যাহা “বলে” তাহা এই পাঁচ বৃত্তির রংগে বলিয়া থাকে। ভগবান রামকৃষ্ণ বলিয়াছেন “বে মূলা খায়, তাহার মূলার ঢেকুর উঠে।” বস্তুতঃ ঐ পাঁচটি বৃত্তির তারতম্যানুসারে যাহার হৃদয়ে যে বৃত্তির খেলা অধিক হইয়া থাকে, সে সেই বৃত্তি অনুসারেই কথা বলিয়া থাকে। মানুষ বৃত্তি ছাড়িয়া

কথা বলিতে পারে না। যাহার বৃত্তি নাই, সে জগতেও নাই, সে মরা! এই জন্তই সাধক শ্রেষ্ঠ রামপ্রসাদ সেন বলিয়া গিয়াছেন,—“বৃত্তির নাশকেই মরণ বলে।”

মানুষের বৃত্তি একটা! সেই বৃত্তির নাম “চিন্তা” বা ভগবান অথবা চিন্তামণি! তবে পাঁচটি বৃত্তির কথা পূর্বে বলিলাম কেন? তাহাই এক্ষণে বলিতেছি। যদি আমাদের পাঁচটি বৃত্তির উপর মন রহিল, তাহা হইলে, আমাদের ঈশ্বরের প্রয়োজন হয় না। ঐ পাঁচটি বৃত্তি ছাড়া, এমন একটা মনের অবস্থা আছে যে, সেই অবস্থাকেই ঈশ্বর বলা হইয়া থাকে। যেমন সাতটি রংয়ের উৎপত্তি স্থান সাদা! সেইরূপ আমাদের ঐ পঞ্চবৃত্তির উৎপত্তি স্থান সাদা! অথবা উদ্ভিজ্জ জগতের দিকে দৃষ্ট করিলে, আমরা দেখিতে পাই যে, পুষ্প যে বৃত্তির উপর অবস্থিতি করে, তাহার কোনটি পঞ্চভাগে বিভক্ত, কোনটি দুইভাগে কিম্বা ততোধিক ভাগে বিভক্ত; কোনটি বা অখণ্ড! যেমন গোলাপ পুষ্পের বৃত্তি কতকগুলি চির দ্বারা স্বতন্ত্র স্বতন্ত্র। কিন্তু ধূতুরা ফুলের বৃত্তির চির নাই, উহা অখণ্ড! এই অখণ্ড বৃত্তি বলিয়াছি, এই পুষ্প আমাদের দেবাদিদেব মহাদেবের প্রিয় বস্তু। যাহা হউক, গোলাপ ফুলের বৃত্তি ৪৫ খণ্ডে বিভক্ত হইলেও উহা যে একটা বৃত্তি ভিত্তি হইতে চিরিয়া হইয়াছে, তাহা সহজেই বুঝা যায়, সেইরূপ আমাদের মনের পাঁচটি বৃত্তি এক অদ্বিতীয় মনের ৪৫ টি চিরমাত্র।

সাদা রং হইতে সাতটি মূল রং পাওয়া যায়, তাহার মিশ্রণের তারতম্য, অর্থাৎ ভাগের ইতর বিশেষ করিয়া মিশাইলে, তাহা দ্বারা নানাবিধ নূতন নূতন বর্ণের উৎপত্তি হয়। এই নূতন নূতন মিশ্রিত বর্ণকে উপবর্ণ বলা যাইতে পারে। সেইরূপ আমাদের পাঁচটি মূল বৃত্তির মিশ্রণে নানাবিধ নূতন নূতন বৃত্তি হইয়াছে, এই মিশ্রিত বৃত্তিকে “প্রবৃত্তি” বা উপবৃত্তি বলা যাইতে পারে। যেমন ২ ভাগ ক্রোধ এবং ২ ভাগ মোহ (মোহ

অর্থে মায়া বা স্নেহ) মিশ্রিত করিলে, “তিরস্কার” নামক উপবৃত্তির উৎপত্তি হইয়া থাকে। অর্থাৎ সদ তিরস্কারের ভিতর “ক্রোধ এবং মোহ” বৃত্তির মিশ্রণই দেখিতে পাওয়া যায়।

“দয়া” ইহা একটা মানুষের উপবৃত্তি বা প্রবৃত্তি, ইহার ভিতর মোহ (মোহ অর্থে স্নেহ বা ভালবাসা) ৩ ভাগ, বিশুদ্ধ কাম (কাম অর্থে কর্ম বা ধর্ম) ১ ভাগ, পাওয়া গিয়া থাকে। এইরূপ ভাবে প্রবৃত্তিগুলির ভিতর ইচ্ছা করিলে মূলবৃত্তির বিকাশ সকলেই দেখিতে পাইবেন।

বৃত্তিগুলির মিশ্রণের তারতম্যে একটা একটা মূলবৃত্তি অর্থাৎ প্রত্যেক মূলবৃত্তিগুলি নানাবিধ আকার ধারণ করিয়াছে। বিশেষতঃ দেশ কাল পাত্রানুসারে এক মূলবৃত্তি কোথাও স্নিগ্ধভাব, কোথাও মধুরভাব, কোথাও ভক্তিভাবে দেখা গিয়া থাকে। সূর্য্য যখন উদয় হয়, তখন তাহার কিরণ বড়ই স্নিগ্ধ—বড়ই সুন্দর! আবার ঐ সূর্য্য যখন দেশ কালানুসারে মধ্য গগনে উপস্থিত হইয়ন, তখন সেই এক অদ্বিতীয় সূর্য্যকিরণের উগ্রমূর্ত্তি হইয়া থাকে। যদি বল “কাছে” এবং “দূরে” বলিয়া একরূপ হইয়া থাকে। সূর্য্য হইতে পৃথিবী যখন দূরে থাকে, তখন তাহার স্নিগ্ধমূর্ত্তি; এবং পৃথিবী যখন তাহার নিকটে যায়, তখন সূর্য্যকিরণ পৃথিবীতে বেশী পড়ে বলিয়া, তাহার উগ্রমূর্ত্তি। ইহা বলিলেও আমরা এক অদ্বিতীয় সূর্য্যকিরণ যে দেশ কাল পাত্রানুসারে দুইভাবে উপলব্ধি করি, ইহা সত্য! “উগ্র” এবং “অনউগ্র” ভাব যে সূর্য্যকিরণে আছে, তাহা নিশ্চয়ই। তেমনি এক মূলবৃত্তি ধরুন,—“মোহ” মোহ অর্থে ভ্রম; ভ্রম অর্থে ভুল বা মায়া; মায়া অর্থে স্নেহ, স্নেহ অর্থে ভালবাসা; এই ভালবাসা বা মোহ বৃত্তিটা দেশ কাল পাত্রানুসারে কিরূপ মূর্ত্তিধারণ করে দেখুন।

সন্তানের উপর ভালবাসা আছে, সে ভালবাসার নাম স্নেহ; পিতার উপর যে ভালবাসা তাহার নাম ভক্তি, স্ত্রীর উপর যে ভালবাসা তাহার নাম প্রেম বা পিরিত, স্নেহ, ভক্তি এবং প্রেম

এক অদ্বিতীয় মোহবৃত্তি অর্থাৎ ভালবাসা হইতে হইলেও উহাদের মূর্ত্তি স্বতন্ত্র স্বতন্ত্র। ঐ সকল মূর্ত্তির ভিতর কোথাও ভয় মিশ্রিত, —ভালবাসা, কোথাও করুণা মিশ্রিত ভালবাসা, কোথাও বিনির্ম্ময় ভালবাসা ইত্যাদি মিশ্রিত ভাবে থাকে বলিয়া ঐগুলিকে “প্রবৃত্তি” বলা যাইতে পারে। বিনির্ম্ময়ের ভালবাসাকেই “স্বার্থ” প্রবৃত্তি কহে। জগৎ বিনির্ম্ময়ের ভালবাসাতেই চলিতেছে। অতএব এখানে স্বার্থ শূন্য জীব নাই।

(ক) বৃত্তি প্রবৃত্তি ছাড়িয়া মানুষ যেমন কথা কহিতে পারে না, সেইরূপ স্বার্থ ছাড়িয়া, মানুষ কার্য্য করিতে পারে না। পিতা মাতা স্বার্থের জন্ত পুত্রপালন করে; গৃহস্থেরা স্বার্থের জন্ত বিড়াল পুষে,—পাখি পুষে,—কুকুর পুষে; সেইরূপ স্বার্থের জন্ত পিতা মাতার সন্তান পুষিয়া থাকে; মাষ্টার স্বার্থের জন্ত ছেলে পড়ায়! রাখালেরা স্বার্থের জন্ত গরু মাঠে লইয়া যায়। অনেকের পিতা বিবাহের সময় ছেলের দর বাড়িবে বলিয়া, ছেলেকে পাস করাইয়া থাকে। অর্থাৎ ছেলের গায়ে বিছার মার্কা মারিয়া দেন। বাহার মার্কা দেখিয়া মন্দ জিনিষও ভাল বলিয়া লয়ন, তাহারাই “মার্কা” মারা বিছা ভালবাসেন। মার্কা মারা বিছাই হইল অসভ্যতারূপ প্রবৃত্তির জীবন।

“ক” চিহ্নিত প্যারাটার মধ্যে যে কথা বলিলাম ঐ কথাগুলির ভিতর “আমার” কোন বৃত্তি বা প্রবৃত্তি লুক্কাইত আছে, বাছিয়া বাহির করুন! উদাহরণের জন্ত ঐ প্যারাটা দেওয়া হইল।

যাহা হউক, বৃত্তি প্রবৃত্তির তারতম্য যেমন এক ভালবাসার নানামূর্ত্তি হইয়া থাকে, সেইরূপ মানুষের সমুদয় বৃত্তি প্রবৃত্তি একরূপ নহে,—স্বতন্ত্র স্বতন্ত্র। যেমন স্বার্থমিশ্রিত দয়া; প্রেমমিশ্রিত দয়া; ইত্যাদি নানাবিধ দয়ার অবস্থা আছে। এই বিভিন্ন অবস্থাগুলি এক একটা স্বতন্ত্র স্বতন্ত্র রূপ বলিলেও অতু্যক্তি হয় না। সেইরূপ এক “সত্যের” নানাবস্থা! সূর্য্যকিরণ স্নিগ্ধ ইহা সত্য, এবং উহা “উগ্র” ইহাও সত্য। মদ খাইয়া লোকে যথাসর্ব্ব

নষ্ট করিতেছে, ইহা সত্য; আবার মদের দ্বারা মানুষের জীবন রক্ষা হইতেছে, ইহাও সত্য! এখানে বেশ বোধ হইতেছে যে, দুই অবস্থার দুইটী পৃথক পৃথক সত্য! বিকারে রোগীকে মদের দ্বারা নাড়ী রক্ষা করান হয়,—অতএব তখন সে মদের উপর নির্ভর করিয়াই জীবিত থাকে; ইহা সত্য! আবার মদে নির্ভর করিয়া, অনেকে দরিদ্র হয়, ইহাও সত্য। কিন্তু এই দ্বিবিধ সত্যের ব্যবহার শিক্ষা করাই আমাদের কর্তব্য, তাহা হইলে, আমরা সত্য দ্বিবিধ হউক, আর দশবিধ হউক, আমরা তখন এক অদ্বিতীয় সত্যে উপনীত হইব।

চিন্তার বুদ্ধিলাম কি? কিছুই না। নদীর দুইদিকে কূল ন্যস্ত জল। কিন্তু চিন্তার মধ্যে একটু কূল,—আর দুইদিক কাঁকা, কূল নাই,—অকূল। চিন্তা করিতে করিতে যে স্থানে একটু দাঁড়াই, একটু বিশ্রাম করি, সেই টুকুর চিন্তার কূল,—সেই টুকুর নাম বিশ্বাস!

পদার্থ কি? ইহা লইয়া যদি আমরা চিন্তা করি, তাহা হইলে, কেহ বলিবে, “শব্দবাচ্য” যাহা, তাহাকেই পদার্থ বলে; আচ্ছা, অশব্দীয় তাহা হইলে কোন পদার্থ? পাশ্চাত্য বিজ্ঞান বলিল, তাহা নহে, যাহা ইন্দ্রিয় গ্রাহ্য তাহাই পদার্থ। আর এক জন বলিল “তাহা হইলে মনটী কোন পদার্থ? উহাকে ভ ইন্দ্রিয়ের উপলব্ধি করিতে পারে না। অথবা যে উপলব্ধি করে সে তাহা হইলে কি?” আর একজন বলিল “পদের অর্থকে” পদার্থ বলে। তাহা হইলে, “আকাশ কুমুদ” পদের অর্থ কি? কিছুই না। অতএব উহা “কিছুই না” পদার্থ! এইরূপ বার কতক ঘুরিয়া ফিরিয়া, বার কতক “তা’রপর” “তা’রপর” করিয়া চিন্তা এমন স্থানে গিয়া দাঁড়াইল, যে সে কূল ছাড়িয়া অকূলে মিশাইল; মানুষও চূপ করিল। কিন্তু ঐরূপ কূলহীন মীমাংসা করিলে, বোধ হয় জগতের বিষয় আমরা কিছুই জানিতে পারি-তাম না। বিশ্বাস করিয়া, পদার্থ লইয়া তাহার গুণধর্ম ইত্যাদি

দেখিয়া, মানুষ তাহা দ্বারা অভাবনীয় উপকার প্রাপ্ত হইতেছে। চিন্তা খানিক দূর তোমাকে সঙ্গে করিয়া লইয়া গিয়া, এমন স্থানে তোমাকে ফেলিয়া দিবে যে, সে স্থানে সে আর নিজে যাইবে না। “তুমি তখন অকূলে! আর তিনি তখন গোকূলে!” ঠাকুরের কাণ্ডই এই। সঙ্গে করিয়া সংসারে আনিয়া, এইরূপ ছেড়ে দিবে চলে যান।

জগতের ভিতর থাকিয়া, জগতকে চিনিতে পারি নাই। চিন্তার ক্রোড়ে মানুষ হইয়াও, চিন্তাকে বুঝিতে পারি নাই। আর, মনের সঙ্গে থাকিয়াও, মনকে পাই নাই। জগতে ইহাপেক্ষা আশ্চর্য্য আর কি আছে?

চিন্তা, স্মৃতি দুঃখের মাতা! স্মৃতি দুঃখ আর কিছুই নহে; চিন্তার একদিগের নাম স্মৃতি, অপরদিকের নাম দুঃখ। যেমন সময়ের একপৃষ্ঠা আলোক বা দিবা এবং অপর পৃষ্ঠা অঁধার বা রাত্রি। সেইরূপ চিন্তার এক পৃষ্ঠার নাম স্মৃতি! পর পৃষ্ঠার নাম দুঃখ। বাহ্যে যেমন চিন্তা, তাহার সেইরূপ স্মৃতি দুঃখ! চিন্তাকে ভাল রাখ, স্মৃতি দুঃখে ভাল থাকিবে। দয়াময়, রামকৃষ্ণ! আমাদের চিন্তাকে ভাল কর! “শুদ্ধচিন্তা” দাও। প্রভো! এই প্রার্থনা আমরা করিতেছি;

শ্রীরাজকৃষ্ণ পাল।

## ললনা-মহিমা ।

[ পূর্ব প্রকাশিতের পর ]

২৫

রস্তোর রমণী মরি গুরু নিতম্বিনী!  
কনক মেথলামালা,  
কুটিদেশে করে খেলা,  
নড়ে চড়ে বলসিছে যেন সৌদামিনী!

২৬

নাভিদেশে নাভিপদ্ম আহা কি সুন্দর!  
ছড়ায় পাপড়িগুলি,  
যেন ফোটে ফুলকলি,  
অলিছোটে ভ্রমে পড়ে মরি মনোহর!

২৭

পৃষ্ঠদেশে লম্বমান কাল-ভুজঙ্গিনী,  
ধাইছে লম্বিত বেণী,  
চুম্বিতে চরণ খণি,  
অথবা বিবর খোঁজে ভূমেতে ফণিনী।

২৮

ধরদীর হৃদিভাব হৃদে না কুলায়,  
বুক খানা ফুলে ওঠে,  
যেন যুগ্ম তুবড়ি ফোটে,  
ধরদীর হৃদিমাঝে যেন হিমালয়!

২৯

ঝর ঝর নির্ঝরিনী অনন্ত ধারায়,  
ঢালিতেছে পরোধারা,  
জীবনাম্বু, ক্ষীরধারা,  
পরিতৃপ্ত জীবগণ যাহে গো তৃষ্ণায়।

৩০

অথবা পূর্ণিমা দিনে অনন্ত জলধি,  
ফেঁপে ওঠে অম্বুরাশি,  
ছুটে যায় দশদিশি,  
উর্ধ্বরা করিছে ধরা বিপুলাবারিধি!

৩১

মরি মরি হে রমণি! এত ক্ষীররাশি,  
কোথায় পাইলে তুমি,  
পরিতৃপ্ত বিশ্বভূমি,  
মূঢ় আমি গুণগান কেমনে প্রকাশি?

৩২

কে ঢালিল ক্ষীরধারা তব হৃদিমাঝে,  
বুঝেছি বুঝেছি বালা,  
কা'র এই মহাখেলা,  
ক্ষীর-সিন্ধু-শায়ী যিনি অনন্তেবিরাজে!

৩৩

দাও হে করুণাসিন্ধু! ক্ষমতা আমার,  
বর্ণিতে সুন্দর সৃষ্টি,  
থাকে যেন তীক্ষ্ণ দৃষ্টি,  
পারি যেন সাজাইতে লাবণ্য-বালায়।

৩৪ [ পাশে ?

রমণি রে! কেনা বন্ধ তো'র বাহু  
সুকোমল বাহুলত,  
হরে নর-হৃদি ব্যথা,  
ধরায় সকলি ব্যগ্র তো'রপাণিআশে।

৩৫

যখন বিবাহে নর ধরে পাণিতল,  
পরশে অম্বুলিগুলি,  
ছোট বড় টাপাকলি,  
তুচ্ছ তা'র এ সংসার যা'ক রসাতল।

৩৬

কিবা কস্মুকণ্ঠে মরিদোলে মণিমালা!  
হৃদি ফল চল চল,  
তা'র শোভে মুক্তাফল,  
বিশ্ববিমোহিনী মরি যৌবনের খেলা।

৩৭ [ আলিঙ্গিতে,

কা'র না আছে গো সাধ তো'রে  
তো'রে যদি হৃদে পায়,  
স্বর্গ-সুখ ভুলে যায়,  
যুঁড়া'বার তুই মাত্র স্থল অবনীতে।

৩৮ [ ছবি?

কেমনে চিত্রিব আমি তো'র মুখ  
জগৎ ব্রহ্মাণ্ড মাঝে,  
সে উপমা কোথা' রাজে?  
ভুমিই উপমা তব এ জগতে দেবি!

৩৯

কবির কবিতা তব খুঁতি মনোহর.  
ভ্রুপরি ওষ্ঠাধর,  
লালে লাল সে অধর,  
রক্তিম তাখুল রাগে ভুলে আছে নর!

৪০ [ ধরে,

হুল্ল কপোলের আভা বাক্যে নাহি  
লাবণ্য উথলে যায়,  
ফুল্ল গোলাপের প্রায়,  
অথবা ললিনী যেন কবি-হৃদি সরে!

৪১

সুন্দর নামায় দোলে শুভ্র মুক্তাফল,  
আরক্ত হয়েছে হায়,  
কপোলের স্ন-আভায়,  
গোলাপ কলিকা যেন করে চলচল।

৪২

দোহুল অলকা ঢুল সন্নীরণ ভরে,  
থেকে থেকে ঠোনা মারে,  
রান্নাগাল রান্নাক'রে,  
মুহুঁসি গন্ধবহে কটু ব্যঙ্গ করে।

৪৩ [ আকর,

সুন্দরি লো! তো'র আঁখি সৌন্দর্য-  
যা' কিছু সুন্দর আছে,  
ধাতার এ বিশ্বমাঝে,  
সকলি আঁখিতে তো'র প্রাণ-মন-হর।

৪৪

হৃদয়-বারতা তব নয়নেতে লেখা,  
কামিনি কটাক্ষ তো'র,  
ভেঙ্গেছে কলিজা মোর,  
আঁখি তো'র কথা কয় আছে মোর

৪৫ দেখা।

নানাকবি নানামতে দেয়লো উপমা,  
তোনারে মৃগাকী কয়,  
কিন্তু মৃগ ভুলে যায়,  
মোহিনি রে! হেরে তবনয়ন সুসমা।

৪৬

কুসুমে কুসুম ফোটে কাণে শুনাছিল,  
বিকসিত মুখপদ্ম,  
আঁখিবয় নীলপদ্ম,  
হেরিয়ে নয়ন পথে সুকবি হাসিল।



৪৭

কামিনীর কমনীয় কটাক্ষ-কশায়,  
কারে না শাসিতে পারে,  
হেন আছে কে সংসারে,  
কেনা মুগ্ধ অঙ্গনার আঁখির আভায় ?

৪৮

মদনের ফুলশর মর্ন্ত্যে যদি থাকে,  
ভুরু-চাপে আছে তোর,  
সে কটাক্ষ প্রাণ চোর,  
যে শর প্রহারে নর পড়েছে বিপাকে ।

৪৯

তুমি যদি আঁখিমুদণ্ডলো কুহকিনি !  
অন্ধকার হৃদাকার,  
ধরা যেন ছারখার,  
প্রাণেতে ঝটিকা বহে ভবের ভাবিনি !

৫০

মদালস আঁখি তোর প্রেমে ঢলঢল,  
সে আঁখি দেখিলে পরে,  
ভুলে নর এ সংসারে,  
সুরাপানে মত্ত যেন দেহ টল টল !

৫১ [ লোভা,

ললাটে লোহিত-লেখা অতি মনো-  
বালার্ক সিন্দূর কোঁটা,  
যেন গো করেছে ঘটা,  
পূর্ব গগনভালে মরি কিবাশোভা ?

৫২

আঁকিছু যুবতী ছবি সাধ্য অনুসারে,  
যা কিছু রহিল বাকি,  
নিজে পড়িয়াছি কাঁকি,  
কেমনে চিত্রিবয়ানাহিক অন্তরে ।

(প্রথম)

## বঙ্কিম চন্দ্রের ধর্ম ।

প্রাতঃস্মরণীয় বঙ্কিমচন্দ্র চট্টোপাধ্যায়ের প্রতিভা সর্বদিকপ্রসারিণী ছিল,—ভাষাসংস্কার কাব্যরচনা উপন্যাসপ্রণয়ন সমাজসংস্কার লোচনা প্রভৃতি সর্ববিষয়েই বঙ্কিমচন্দ্র বীশক্তিসম্পন্ন ছিলেন। পাখিবজীবন সংগ্রামের পর যখন তিনি সর্বদিক হইতে সাফল্যের জয়পতাকা মস্তকে বন্ধন করিয়া জাতীয় কেন্দ্রক্ষেত্রে প্রত্যাগমন করিলেন,—তখন তাঁহার সেই অপূর্ব বলবীৰ্য্য দর্শন করিয়া বিমুগ্ধচিত্ত স্বদেশবাসী, তাঁহার কোন কার্যের প্রশংসা করিবে, তাহা স্থির করিয়া উঠিতে পারিল না। কেহ তাহাকে ভাষা-সংস্কার-কার্যে অধিতীয় বলিয়া ঘোষণা করিল,—উপন্যাসরচনার

অপূর্ব কৌশলবিৎ বলিয়া স্বীকার করিল,—কেহ বা তাঁহার ধর্মস্বকীর পুস্তকের প্রশংসা করিল! বঙ্কিমচন্দ্র অসামান্য অটলতা হৃদয়ে ধারণ করিয়া স্বদেশের উন্নতির জন্ত—যে নানা উন্নতিসাধন করিবার জন্ত—প্রাণপণ চেষ্টা করিয়া গিয়াছেন,—ইহা ইহাতেই তাহা প্রমাণিত হইল। যাহা হউক, অন্ত্যাত্ম বিষয় পরিত্যাগ করিয়া বঙ্কিমবাবুর ধর্মমতই বর্তমান প্রবন্ধের উপপাত্ত প্রস্তাব।

আলোচ্য বিষয়ের অবতারণার পূর্বেই প্রশ্ন হইতে পারে,—‘ধর্ম’ শব্দের অর্থ কি? বিশ্বব্রহ্মাণ্ডের সৃষ্টিকর্তা সর্বশক্তিমান সৃষ্টির অতীত কিন্তু জ্ঞানের অন্তর্ভূত যে মহাপুরুষ বিद्यমান আছেন এবং যাহাকে জগদীশ্বর বলা যায়, তাঁহারই উদ্দেশ্য ভক্তি এবং পূজাকেই “ধর্ম” বলা যায়। এই ধর্মকে দুইভাগে বিভক্ত করা যাইতে পারে।—প্রথমতঃ স্বাভাবিক বা মানবীয় ধর্ম। দ্বিতীয়তঃ প্রত্যাदिষ্ট বা ঐশ্বরীক ধর্ম। প্রথম ধর্মেরদ্বারা মানব স্বকীর বুদ্ধি-বৃত্তির সাহায্যে পরস্পরের উপকারসাধনে এবং সামাজিক উন্নতির নিমিত্ত সচেষ্ট হয়,—মানবের উন্নতির দ্বারা সমাজের উন্নতি, সামাজিক উন্নতি দ্বারা দেশের উন্নতি সাধিত হইয়া থাকে; স্মরণীয় নিয়ম এবং শৃঙ্খলাস্থাপিত হইয়া, পরিশেষে জগৎপাতার মহান উদ্দেশ্য সাধিত হইয়া ধর্মকার্য্য নামে অভিহিত হইয়া থাকে। অপর পক্ষে কোনও মহাপুরুষ ধরাতলে অবতীর্ণ হইয়া আপনাকে ঐশ্বরের অবতার বলিয়া প্রচার করতঃ যে সমস্ত উপদেশ দান করেন, সেই উপদেশ সমূহই ঐশ্বরের প্রত্যাদেশ বলিয়া পরিগণিত হয় এবং সেগুলি পুস্তকে স্থায়ীভাবে স্থান প্রাপ্ত হইয়া শাস্ত্র-গ্রন্থ নামে সম্মানিত হয়। প্রায় সকল স্মৃতিজাতিরই মধ্যে এই উভয় প্রকার ধর্ম বর্তমান আছে। দেখিতে পাওয়া যায় আনাদিগের আর্ধ্য-হিন্দুধর্মও সে নিয়মের বহির্ভূত নহে।

বেদ এবং হিন্দুজাতি অনন্তকাল হইতে জগতে বিद्यমান ছিল। হিন্দু বলিলেই দেবোক্তনিয়মাবলম্বী ভারতবর্ষীয়গণকে বুঝাইত—এবং একমাত্র বেদই তাহাদিগের শাস্ত্রগ্রন্থ বলিয়া পরিগণিত হইত।

কিন্তু কালমাহাত্ম্যে অধুনা আর তদ্রূপ পার্থক্য দৃষ্ট হয় না। যিনি বেদকে ব্রাহ্মার মুখনিঃসৃত অমোঘবাক্য বিবেচনা করিয়া ভক্তিসহকারে পূজা করেন, তিনিও হিন্দু—এবং যিনি নবপ্রণালী সৃজন করিয়া হিন্দুসমাজকে আমূল পরিবর্তিত করিয়া ব্রাহ্মণ শূদ্রের ভেদাভেদ রাখিতে চাহেন না, তিনিও হিন্দু। স্মরণ্য শাস্ত্রমতে এক্ষণে কে হিন্দু, কে অহিন্দু, তাহা স্থির করা অসম্ভব।

বাহা হউক, প্রাচীন হিন্দুধর্মপ্রণালী বর্তমান সময়ে আচরিত ধর্মপ্রণালীতে পর্য্যবসিত হইয়া ধীরে ধীরে যে বহু পরিবর্তিত হইয়াছে, তাহাতে কোনও সন্দেহ নাই। বৌদ্ধ ও মুসলমান ধর্মের সংঘর্ষে শঙ্করাচার্য্য প্রভৃতি সংস্কারকদিগের অভ্যুত্থানে এবং অন্তান্ত নানাকারণবশতঃ হিন্দুধর্মের পৌরাণিক উদারতা অনেক সঙ্কীর্ণতালভ করিয়াছিল।

আলোচ্য প্রস্তাবের অন্তর্গত নহে বলিয়া, হিন্দুধর্মের এবং সমাজের ক্রমিক অধঃপতন বর্ণনা করিতে প্রবৃত্ত হইলাম না। অষ্টাদশ খ্রীষ্টাব্দির প্রারম্ভে যখন সপ্তসমুদ্র ত্রয়োদশ নদী উত্তীর্ণ হইয়া বণিকবেশী ইংরাজগণ ভারতবর্ষে পদার্পণ করেন, তখন লোকে বেদোক্ত ধর্মপ্রণালী বহুকাল বিস্মৃত হইয়াছিল এবং সামাজিক ব্যভিচারীতার পঙ্কিলহুদে নিমগ্ন হইয়া পারম্পরিক শত্রুতার কালক্ষেপ করিতেছিল।

বঙ্গসমাজের যখন এইরূপ ধর্মসম্বন্ধীয় এবং সামাজিক বিশৃঙ্খলতা পূর্ণরূপে বিরাজমান, তখন সুকৌশলী ইংরাজ-মিশনারীগণ বিনামূল্যে বঙ্গদেশকে জয় করিবার জন্ত ধর্মের সূক্ষ্ম জাল নির্মাণ করিতেছিলেন, এতদ্দেশে ইংরাজশিক্ষার প্রচলনের সহিত ধীরে ধীরে সকলের অজ্ঞাতভাবে খ্রীষ্টধর্মের মূলমন্ত্র সুকুমারমতি বঙ্গবালকদিগের কর্ণে প্রদত্ত হইতে লাগিল। ইংরাজদিগের বাহ্যভঙ্গুরে বিমুগ্ধ হইয়া অনেক ইংরাজশিক্ষিত আচার ভ্রষ্ট বঙ্গীয়যুবক সমাজের প্রতি দৃষ্টিপাত না করিয়া পিতামাতার নিষেধে ক্রক্ষেপ না করিয়া দলে দলে খ্রীষ্টধর্ম পরিগ্রহণ করিতে লাগিল।

হিন্দুসমাজের এই শোচনীয় অবস্থার সময়, কীর্ত্তিমান মহাত্মা রাজা রামমোহন রায়, স্বকীয় বৃহৎ সঙ্কল্প এবং অপরিমেয় অধ্যবসায় লইয়া স্বদেশকে বিদেশীয়ধর্মের জলপ্লাবন হইতে রক্ষা করিবার জন্ত সচেষ্ট হইলেন। হিন্দুসমাজ তখন বৈচিত্র্যময়ী বাহুসৌন্দর্য্যশালী ইংরাজি আচার ব্যবহারদর্শনে বিমুগ্ধ হইয়া গিয়াছিল,—তখন হিতাহিত জ্ঞান করিবার ক্ষমতা ছিল না—এবং দূরস্থ ছায়াপুরীকেই সত্যের অমর-অট্টালিকা কল্পনা করিয়া তাহার দিকে ধাবিত হইয়াছিল।

এই বৈদেশিক জলস্রোতের বিপুল প্রবাহ হইতে জীর্ণদেশকে রক্ষা করিবার জন্ত তিনি স্বদেশীয় শাস্ত্রের সূদৃঢ় বাঁধ নির্মাণ করাকেই প্রশস্ত উপায় বলিয়া বিবেচনা করিলেন। রামমোহন বুঝিতে পারিয়াছিলেন যে, হিন্দুশাস্ত্রের প্রকৃত মর্ম্ম অবগত না হওয়াই এই সামাজিক অধঃপতনের প্রধান কারণ। ইহাতে দেশীয় ব্যক্তিবর্গেরও কোন দোষ পরিলক্ষিত হয় না। সে সময়ে সাধারণের বোধগম্য কোনও শাস্ত্রগ্রন্থ ছিল না এবং শাস্ত্রের যথার্থতা হইতে তাহাদিগের জ্ঞান বহুদূরে পড়িয়াছিল। স্বকীয় স্মৃতীক্ষু ধ্যানদৃষ্টির সাহায্যে রামমোহন সে অভাব উপলব্ধি করিলেন,—হিন্দুসমাজ এবং ধর্মকে আশুবিনাশ হইতে উদ্ধার করিতে কৃতসংকল্প হইলেন। তিনি তৎকালপ্রচলিত জড়সংস্কারাপন্ন হিন্দুধর্ম পরিত্যাগ করিয়া প্রাচীন আর্য্যগণের সনাতন বৈদিকমত সাধারণের সম্মুখে স্থাপন করিবার জন্ত অকাতর পরিশ্রম করিতে লাগিলেন! স্বহস্তে বাঙ্গালা পণ্ডের সৃজন করিয়া সেগুলি অনুবাদিত করিতে লাগিলেন,—ইহার সহিত খ্রীষ্টীয়ধর্মের অসারতা প্রতিপন্ন করিবার জন্তও সচেষ্ট হইলেন। এই সূচেষ্টার সহিত তিনি স্বপ্রবর্তিত উদার হিন্দুধর্মপ্রণালীকে ব্রাহ্মধর্ম নামে অভিহিত করিয়া প্রচলন করিতে লাগিলেন। অনেকে এই নবপ্রচলিত উদার উপাসনা প্রণালী অবলম্বন করিলেন,—সমাজ খ্রীষ্টধর্মের অত্যাচার হইতে রক্ষা প্রাপ্ত হইল।

কিন্তু চূর্ভাগ্যক্রমে রামমোহনের উদ্দেশ্য পূর্ণরূপে সফলতালাভ করিতে পারিল না। রামমোহনের অকালমৃত্যুর সহিত অল্পযুক্ত-হস্তে ভারপ্রদত্ত হওয়াতে অনেক আভ্যন্তরীণ কলহ উপস্থিত হইয়া ব্রাহ্মধর্মকে নানা সাম্প্রদায়িকতায় বিভক্ত করিয়া ফেলিল।

রামমোহনের পর মহর্ষি দেবেন্দ্রনাথ ঠাকুর ও অক্ষয়কুমার দত্ত এবং ও কেশবচন্দ্র সেনের উপর ব্রাহ্মসমাজ পরিচালনার ভার অর্পিত হইল। অক্ষয়কুমার সংস্কারকার্যের পক্ষপাতী না থাকিলেও ইংরাজি রীতিনীতির প্রশংসা করিতেন এবং কেশবচন্দ্র খ্রীষ্টধর্মের উপর নবধর্ম স্থাপন করিতে এবং পাশ্চাত্যপ্রথাভূষায়ী স্বদেশীয় সমাজ সংগঠন করিবার নিমিত্ত চেষ্টিত ছিলেন। সুতরাং ইহা-দিগের হস্তে রামমোহনের উদার বৈদোল্লভধর্ম যে পরিবর্তিত হইয়া য়োর সাম্প্রদায়িক হইয়া পড়িল তাহাতে আর বিচিত্রতা কি? খ্রীষ্টধর্ম প্রকাশ্যভাবে হিন্দুধর্ম এবং সমাজের কোনও অপকার করিতে পারিল না বটে, কিন্তু এই কলুষিত এবং পরিবর্তিত একমাত্র ব্রাহ্মধর্মই হিন্দুসমাজের যথেষ্ট অপকার করিতে লাগিল। সেই কারণবশতঃ প্রথমাবস্থায় যে কয়জন ব্যক্তি রামমোহনের উদারধর্মের পক্ষপাতী ছিলেন, কালক্রমে তাঁহারা ইহার অধঃপতন দর্শন করিয়া উক্ত ধর্ম এবং সমাজের প্রতি বীতশ্রদ্ধ হইয়া পড়িলেন। আবার সমস্তদেশে ব্রাহ্মসমাজের বিরুদ্ধে চীৎকারধ্বনি শ্রুত হইতে লাগিল।

ইহার ফলে অকস্মাৎ গ্রামে গ্রামে নগরে নগরে হরিসভা হিন্দুধর্মের বিজয়নিশান উড্ডীন করিয়া বক্তৃতাস্রোতে এবং সংকীর্ণনে শাস্তিপ্রিয়-ব্যক্তিবর্গের কর্ণধিরপ্রায় করিয়া তুলিল, কিন্তু তাহাতে বাহ্যিক সৌষ্ঠব-ভিন্ন মানসিক ধর্মপ্রবৃত্তি আদৌ উন্নত হইল না। সামাজিক কলঙ্ক-স্রোত পূর্বের আয়ই সবেগে প্রবাহিত হইতে লাগিল এবং ধর্মের নামে অধর্মচরণ হইতে লাগিল।

[ ক্রমশঃ ]

শ্রীবতীন্দ্রনাথ বসু ।

## স্বরলিপি ।

পাহাড়ী পিলু—দাদরা ।

কথা—শ্রীযুক্ত গিরীশচন্দ্র ঘোষ ।

সুর—শ্রীযুক্ত রামতারণ সাত্তাল ।

অলি ব্যাকুল কাঁদি'ছে গুঞ্জরি' লো ।

নাহি হেরি' কুসুম মুঞ্জরিল ॥

চিত চঞ্চল ধাই'ছে সরোবরে,

গুণ গুণ স্বরে মনব্যথা কহে সকাতরে,—

শূন্য সরোণীর নেহারি' লো ॥






আহ্বায়ী ।

|   |    |    |    |     |     |   |     |     |     |     |
|---|----|----|----|-----|-----|---|-----|-----|-----|-----|
| + | সা | সা | নি | সা  | স্ব | গ | স্ব | স্ব | স্ব | স্ব |
|   | অ  | লি |    | ব্য |     |   | কু  |     | ল   |     |

|     |    |    |   |    |    |     |    |    |    |    |
|-----|----|----|---|----|----|-----|----|----|----|----|
|     | +  | ○  | + | ○  |    | +   | ○  |    |    |    |
| স্ব | প  | প  | প | ম  | গ  | স্ব | সা | ম  | ম  | প  |
| কা  | দি | ছে |   | গু | গু | রি  | লো | না | হি | ছে |

|     |     |    |     |   |     |    |   |    |   |   |   |
|-----|-----|----|-----|---|-----|----|---|----|---|---|---|
| +   | ○   | +  | ○   | + | ○   |    |   |    |   |   |   |
| স্ব | স্ব | নি | স্ব | প | স্ব | প  | ম | প  | গ | ম | ম |
| রি  | হু  | হু |     | ম | মু  | গু |   | রি | ল |   |   |

অস্তুরা ।



শ্রীদক্ষিণাচরণ দেন ।

# বীণাপানি ।

• মাসিকপত্রিকা ও সমালোচনী ।

“বীণা-পুস্তক-বজ্রিত হস্তে । ভগবতি, ভারতি, দেবি নমস্তে ।”

৪র্থ খণ্ড । } বৈশাখ, ১৩০৪ সাল । } ৪র্থ সংখ্যা ।

## মহামায়া ।

[ পূর্বে প্রকাশিতের পর । ]

( ৬ )

এক নিমন্ত্রণ উপলক্ষে কৃষ্ণধন কলিকাতায় আসিলেন । গ্রাম-সুন্দরও পিতার সঙ্গে সঙ্গে কলিকাতায় আসিল । মহামায়া বাড়ীতে একেলা পড়িল । বহুদিন পরে মহামায়া কৃপণতার ফল বৃদ্ধিতে পারিল । বৃদ্ধিতে পারিল—স্বামী-পুত্র গৃহে না থাকিলে, তার গৃহে ও অরণ্যে পার্থক্য থাকে না । পূর্বে তাহার গৃহ সর্বদাই জন-কলকলে পূর্ণ থাকিত । মহামায়ার গৃহে নিত্য ভোজের আয়োজন হইত, মহামায়ার অন্ন, প্রতি আগস্তককে যথেষ্ট বিতরণ করিয়া প্রতিবেশিনীগণ কেহ সাবিত্রী, কেহ অন্নপূর্ণা, কেহ দ্রৌপদী, কেহ বা লক্ষ্মী,—বিবিধ উপাধি-ভূষণে ভূষিত হইয়া, নারী জন্মের সৌভাগ্যে আপনাদিগকে কৃতার্থজ্ঞান করিত । কৃষ্ণধন কোথাও যাইলে, তাহাদের সঙ্গে আলাপে আমোদে, মহামায়া স্বামীর অদর্শন বড় একটা অনুভব

করিতে পারিত না। আজি কালি আর তাহারা কেহই আসে না। কাজেই একেলা থাকটা মহামায়ার বড় কষ্টকর হইয়া পড়িল। মহামায়া তখন বুকিল,—‘একেবারে হাত বন্ধ করিয়া বড় অত্যায় কার্যই করিয়াছি।’

‘স্বামী গৃহে আসিলে আবার তাহার কাছে মুক্ত হস্ততার অনু-মতি লইব’—ভাবিয়া, মহামায়া কোনরূপে কয়টা দিন কাটাইবার জন্ত হৃদয় বাঁধিতে চেষ্টা করিল। কিন্তু হৃদয় বাঁধা পড়িল না। মহামায়া মনে মনে ভাবিল, মানুষই লক্ষ্মী; আগে সেই মানুষকে গৃহে স্থান দিতাম, আদর যত দেখাইতাম, নিজের সুখের জন্ত। তাহাদের কি? তাহারা যে আপ্যায়িত হইত, তাহারা আদর গ্রহণ করিত, এটা তাহাদের অনুগ্রহ; আর মহামায়ার সৌভাগ্য। মহামায়া ঘরে ভিত্তিতে পারিল না। সে পাকী করিয়া ননদীর গৃহে চলিয়া গেল। ননদীর নাম শারদাসুন্দরী, মহামায়ার বাল্য সখী। তাহার সম্বন্ধে এই স্থানে হুই একটি কথা বলিব।

কৃষ্ণধনের তিনকূলে কেহই ছিল না। তবে কোথা হইতে মহামায়ার ননদী আসিল? মহামায়ার পিতা, জামাতার দেশে গৃহ নির্মাণের পূর্বে, কৃষ্ণধনের কোন সম্পর্কের কেহ আছে কি না জানিতে চাহিয়াছিলেন। গৃহ ত নির্মাণ করিবেন, কেন না, কন্টার শ্বশুর-গৃহ-বাসিনী হইবার বড় সাধ। স্বামীর গৃহ নাই শুনিলে, আদরের কথা মর্মান্বিত হইবে; কাজেই কৃষ্ণধনের গ্রামে একটি ঘর বাঁধিতেই হইবে। কিন্তু সেখানে কাহার কাছে কন্টাকে পাঠাইবেন? কে বালিকা কন্টার অভিভাবকত্ব করিবে? তিনি গ্রামস্থ ব্যক্তিগণের মধ্যে আত্মীয়তার সন্ধান করেন। কৃষ্ণধন বাল্যকালেই পিতামাতৃহীন। শ্বশুরকে এ বিষয়ে নিজে কোনও সন্ধান দিতে পারেন নাই। তবে তাঁহার মনে ছিল, বাল্যে মাতৃ বিয়োগের পর, একটি রমণী তাঁহাকে কিছুকাল স্তন্যপান করাইয়াছিল। কিন্তু সেও অন্ধকারে ডুবিয়া গিয়াছে। কোথায় আছে, আছে কি না আছে, কৃষ্ণধন তাহার সন্ধান বলিতে পারিলেন না। কৃষ্ণধনের

শ্বশুর একজন আত্মীয়ের সন্ধানে ফিরিলেন। কিন্তু গ্রামস্থ কেহই আত্মীয় হইতে চাহিল না। কেহ গর্ভবশে, কেহ অভিমানে, কেহ বা আশঙ্কায় ঘরজামাইয়ের সঙ্গে সম্পর্ক রাখিল না। বহু দিন খুঁজিয়া, মহামায়ার পিতা সেই আত্মীয়ের সন্ধান পান। তখন তাহার বড়ই দুঃখবস্থা। স্বামী-পুত্র বিয়োগিনী, দরিদ্রা ব্রাহ্মণী, একটীমাত্র কন্টা লইয়া গঙ্গার তীরবর্তী একটী গ্রামে পিত্রালয়ে বাস করিতেছিলেন! মহামায়ার পিতা সন্ধান করিয়া তাঁহার কাছে উপস্থিত হইলেন।

তৎপূর্বে, সেদিনকার আহারের কথা লইয়া, কন্টা ও মাতার কলহ চলিতেছিল। কন্টা শারদাসুন্দরী তখন দ্বাদশ বর্ষীয়া বালিকা। দরিদ্রতার শিক্ষায় সেই অল্পবয়সেই তাহার বিজ্ঞার জ্ঞান জন্মিয়াছিল। তাহার আহারের জন্ত মাকে প্রতিবেশিনীগণের কাছে প্রায়ই হাত পাতিতে হইত। কন্টার সেটা ভাল লাগিত না। সে মায়ের এই অত্যায় কন্টাবাসলতার জন্ত প্রায়ই তিরস্কার করিত। এবং নিজে চরকা কাটিয়া পৈতা বিক্রয় করিয়া পরের গৃহের ধান ভানিয়া, মাও নিজের অন্ন সংস্থানের আভাষ দিত। মা কিন্তু লোকলজ্জা ভয়ে ও আশঙ্কায় এই যৌবনোন্মুখী, অবিবাহিতা সুন্দরী কন্টাকে বাটীর বাহির হইতে দিত না। নিজে কায় করিয়া পাড়ায় পাড়ায় ঘুরিত, কখন বা অপমান সহিত, তথাপি কন্টার ইচ্ছা পূর্ণ করিত না। সেদিনও মায়ে ঝিয়ে কলহ চলিতেছিল। বালিকা মাকে ধরিয়া বসিয়াছিল। আজ তাহাকে কোথায়ও যাইতে দিবে না। মা বলিল—‘যদি কোথাও যাইতেই না দিবি, তবে খাইবি কি?’

বালিকা বলিল,—‘খাইতে না পাইলেই কি ভিক্ষা করিতে হইবে?’

মা। তবে কি করিব?

বালিকা। পায়ের উপর পা দিয়া বসিয়া থাক।

মা। সে কতক্ষণের জন্ত? কালকে অর্দ্ধ উপবাস। আজ কিছু খাইতে না পাইলে যে, চলিয়া পড়িবি।

বালিকা । না খাইয়া মরিব, তবু তোকে ভিক্ষা করিতে দিব না ।

মা । আমার সব মরিয়াছে, তুই মরিলি না কেন ?

বালিকা । বেশ, তবে ঘরে বসিয়া থাক্ । মৃত্যু আপনি আসিয়া আমাদের সকল যন্ত্রণার অবসান করিবে । মরিতেই যখন হইবে, তখন ভিক্ষার খাইয়া আত্মহত্যা করিব কেন ? মরিব ত ভগবানের উপর অভিমান করিয়া মরিব । এত লোকে আহাৰ পায়, আর আমাদের কখন আধপেটা খাইয়া, কখন পূরা উপবাস দিয়া থাকিতে হয় কেন ? এ কথা মনে হইলেও রাগ হয় । কিন্তু সে রাগ কাহার উপর করিব মা ! আজ আমি স্থির করিয়াছি, যে আমাদের পৃথিবীতে পাঠাইয়াছে, তাঁহার উপর রাগ করিয়া বসিয়া থাকিব । যদি পাঠাইবার উদ্দেশ্য থাকে ত সে আপনি আসিয়া আহাৰ যোগাইবে । নহিলে উদ্দেশ্য হীন জীবন রাখিয়া লাভ কি ? যত শীঘ্র যাইতে পারি, ততই মঙ্গল । আজ আমি তোকে কোথাও যাইতে দিব না ।

শারদা মাতার হাত ধরিয়া রহিল । মাতা কন্ডার হাত ছাড়াইবার চেষ্টা করিল, আর বলিল—“হাত ছাড়িয়া দে । ঘরে বসিয়া থাকিব, পরিশ্রম করিব না—কে আমাদের আহাৰ যোগাইবে ? —সেই অদৃষ্টই যদি আমার হইবে, তাহা হইলে একঘর সন্তান থাকিতে, আমি একা তোর চিন্তা লইয়া মরিব কেন ?”

শারদা বলিল—‘তবে খাইতে পরিতে পাই, এমন ঘরে আমাকে দেনা কেন—অনাহারে মরিতে চলিলাম, কোলিণ্ড লইয়া কি করিব ?’

বালিকার মুখে একথা শুনিতে অনেকেরই বাধ বাধ ঠেকিতে পারে, কিন্তু উদরের যন্ত্রণা যে অনুভব করিয়াছে, সেই জানে, অন্নকষ্টে লজ্জা-সরম রক্ষা করা কত কঠিন । জুড়িফে লোকে ছেলে বেচিয়া খায় । কোথাও আহাৰ পাইলে পুত্রকে ঠেলিয়া

নিজের উদর পূরণ করিতে বসিয়া যায় । শারদাও দারিদ্র্যের নিত্য-পেষণে কতকটা লজ্জাহীনা হইয়া পড়িয়াছিল । ছুটী শাকের জন্ত সে গাছে উঠিত, মৎস্যের জন্ত জলে নামিত । কখন বা বালক বালিকাদের সঙ্গে কোন্দল করিত । নিজেদের কোন ক্ষতি দেখিলে গালাগালি দিতেও কুণ্ঠিত হইত না । মা তাহাকে অতি অল্পদিন হইল আটুক করিয়াছে । কাজেই বালিকা মুখরা হইয়া মায়ের সঙ্গে কোন্দল করিতেছিল ।

এমনই সময়ে মহামায়ার পিতা, তাহাদের বাটীর বহির্দ্বারে আসিয়া উপস্থিত হন । বাটীর ভিতরের কলহ তাঁহার কর্ণগোচর হইল । তাহার কি বলিতেছে শুনিতে তাঁহার কোতূহল হইল । তিনি কাণ বাড়াইয়া তাহাদের কলহের আত্মোপান্ত শুনিলেন । শুনিয়া তাহার হৃদয় গলিয়া গেল । তারপর বালিকার শেষ প্রশ্নে মা যখন দৃঢ়তার সহিত বলিয়া উঠিল—‘তা কখন পারিব না—তবে বসিয়া বসিয়া অনাহারে শুকাইয়া মর, আমি তোমার জন্ত বংশ-মর্যাদ্যা-লোপ করিতে পারিব না।’ তখন সেই অপরিচিতার উপরে আপনা আপনি শ্রদ্ধা আসিয়া পড়িল । পূর্বে তিনি অতিথি হইয়া তাহাদের গৃহে প্রবিষ্ট হইতে ইচ্ছা করিয়াছিলেন । কিন্তু এখন আর রহস্য করিয়া তাহাদিগকে মনোবেদনা দিতে সাহসী হইলেন না । তিনি ধীরে ধীরে কবাট ঠেলিয়া বাটীর উঠানে যাইয়া উপস্থিত হইলেন । বালিকা তখনও পর্যন্ত হাত চুখানি দিয়া মায়ের ছুটী হাত ধরিয়া রাখিয়াছিল । শেষের কথা-গুলি বলিতে বলিতে মায়ের চক্ষু হইতে গলগল করিয়া জল বাহির হইয়া গেল । এতক্ষণ প্রকৃতিস্থা ছিল, যে কোন প্রকারে হৃদয় বাধিয়া কন্ডাকে বুঝাইতে ছিল, কিন্তু কন্ডার শেষ কথায় একটা ভবিষ্যতের ছবি তাহার মনে জাগিয়া উঠিল । সে যেন মাতৃহীনা কুমারী কন্ডার বিষাদের ছায়ায় ঘেরা যৌবনশ্রীটি দেখিতে পাইল । সেই অদৃষ্টপূর্ব কাল্পনিক মূর্তি তাহার হৃদয়ের সমস্ত বাধন ছিড়িয়া দিল । চক্ষু সহস্র চেষ্টায় হৃদয়ের উচ্ছ্বাস চাপিয়া রাখিতে

পারিল না। হাত কণ্ঠার হাতে বন্ধ, মুছিবাব অবকাশ হইল না। অশ্রু দেখিতে দেখিতে গও বাহিয়া ছুটিয়া গেল। শারদা মায়ের এবস্থি অবস্থা দেখিয়া অপ্রতিভ হইয়া হাত ছাড়িয়া দিল।

তারপর ?—তারপর এই নবাগত অতিথির আগমনে তাহাদের জীবনমৃত্যু প্রশ্ন মুহূর্তমধ্যে মীমাংসিত হইয়া গেল। ব্রাহ্মণ অধিক ক্ষণ তাহাদিগকে এই অবস্থায় দেখিতে পারিলেন না। তিনি তাহাদের পরিচয় লইলেন, নিজের পরিচয় দিলেন। আর কৃষ্ণধন ও তাহার কণ্ঠার কথা তুলিয়া, তাদের গৃহের অস্থিত রক্ষা ও নবসংসার প্রতিষ্ঠারূপ মহাদেশের জন্ত যে ঈশ্বর তাহাদিগকে মর্তে পাঠাইয়াছেন, এ কথাও শুনাইয়া দিলেন।

বালিকা ঈশ্বরে নির্ভর করিয়াছিল, ঈশ্বর তাহার ভার লইলেন। ব্রাহ্মণ আহারসামগ্রী আনাইয়া, সেই স্থানেই সে বেলার মত রহিলেন। অপরাহ্নে মা ও মেয়েকে কৃষ্ণধনের নবনির্মিত গৃহে আনিয়া উপস্থিত করিলেন।

কোথাকার ভাব কোথায় মিলিয়া এই নবসৃষ্ট আত্মীয়তায় একটা সোণার সংসার প্রতিষ্ঠিত হইয়া গেল। মহামায়া শ্বশুর-গৃহে আসিয়া দেখিল, তাহার মমতাময়ী স্বশ্রু আছে, আনন্দময়ী ননন্দা আছে। আর তাহাকে ঘেরিয়া হস্ত পরিহাসে আমোদ রঞ্জে দিবসের দীর্ঘতা নাশিকা সঙ্গিনী আছে।

মহামায়ার পিতা বহু অর্থ ব্যয় করিয়া শারদাসুন্দরীকে সংপাত্রে স্তম্ভা করেন। তাহার স্বামী রমাপ্রসাদ বন্দ্যোপাধ্যায় তখন ডাক্তারী পড়িতেছিলেন। অল্পদিন পরে শারদাসুন্দরীর মাতা পরলোক গতা হন। মহাসমারোহে মহামায়ার পিতা তাহার শ্রাদ্ধাদি কার্য সম্পন্ন করাইয়াছিলেন।

এখন রমাপ্রসাদ গবর্ণমেন্টের অধীনে চাকুরী করিতেছেন। হাঁসপাতালের ভার লইয়া তাহাকেও জেলায় জেলায় ঘুরিতে হয়। শারদাসুন্দরীও স্বামীর সঙ্গে জেলায় জেলায় ঘুরিয়া বেড়ায়। মহা-

মায়া দেশে আসিলে, শারদাসুন্দরীও দেশে আসে। কিন্তু এবারে আজিও পর্য্যন্ত আসিতে পারে নাই। রমাপ্রসাদ নিজেও বহুদিন কৃষ্ণধনকে দেখেন নাই বলিয়া, ছুটির দরখাস্ত করিয়াছেন, ছুটি মঞ্জুর হইলেই নিজে শারদাকে লইয়া আসিবেন সংকল্প।

মহামায়া কিন্তু তার আগমনের অপেক্ষা করিতে পারিল না। শারদাসুন্দরীর দেশে আসিবার পূর্বেই সে তার খাণ্ডীর সহিত সাক্ষাৎ করিতে তার বাড়ী যাইয়া উপস্থিত হইল।

( ৭ )

পাক্কি হইতে নামিয়া মহামায়া বাটীর উঠানে দুই-একপদ অগ্রসর হইয়াছে, এমন সময়ে পাছু হইতে মা বলিয়া কে তারে জড়াইয়া ধরিল। মহামায়া মুখ ফিরাইয়া দেখিল, সে একটা সুবর্ণলতায় বিজড়িতা হইয়াছে। বালিকার মুখ দেখিয়াই তাহার বুকটা ছাঁৎ করিয়া উঠিল। মুহূর্তমধ্যে একখানি অর্ধ বিস্তৃত মুখ-চ্ছবি দ্বিগুণ সৌন্দর্য্যে তাহার চোখের উপর ভাসিয়া উঠিল; আর মুহূর্তমধ্যে সমস্ত হৃদয়টাকে নিপীড়িত করিয়া, সমস্ত ধমনীগুলোতে শোণিত তরঙ্গ প্রবাহিত করিয়া, কি একটা অজ্ঞাত কারণ তড়ি-চ্ছক্তি তাহার বিশাল লোচন দুটা জলে ভরাইয়া দিল। ব্যাপার কি বুঝিতে না বুঝিতেই মহামায়ার উপর দিয়া যেন একটা ঝড় চলিয়া গেল। যখন আত্ম সংযত হইল, তখন বুঝিল, মেদিনীপুরের সেই মেয়েটার সহিত এই মেয়েটার আকৃতিগত একটা সাদৃশ্য আছে। মহামায়া সাদৃশ্যই হির বুঝিল, মেদিনীপুর হইতে সে বালিকা এতদূরে কেমন করিয়া আসিবে বুঝিতে পারিল না।

বালিকা রমাপ্রসাদের বাটীর উঠানে খেলাইতেছিল। মহামায়া বাড়ীর মধ্যে প্রবেশ করিবামাত্রই মাতৃভ্রমে তাহাকে মা বলিয়া, পাছু হইতে জড়াইয়া ধরিল। এখন মা নয় দেখিয়া লজ্জিতা,

তাহাকে ছাড়িয়া পলাইবার চেষ্টা করিল। কিন্তু মহামায়া তাহাকে ছাড়িল না। কোলে জোর করিয়া তুলিয়া লইল, এবং বার বার তার মুখ চুম্বন করিল। বালিকার বয়স আন্দাজ বার বৎসর। দ্বাদশ বর্ষীয়া বালিকার ক্ষুটনোন্মুখী যৌবনকান্তি মহামায়াকে বিমুগ্ধা করিল। এমন মেয়ে যারে 'মা' বলে সে কত ভাগ্যবতী। মহামায়ার ঈর্ষা হইল। রমণী জীবন বৃক্ষের রসাল ফল—সুন্দরী রসময়ী দরাবতী মায়াকুপিণী। কিন্তু সেই সৌন্দর্য্য সেই রস, সেই দয়ামায়া আবরণে কখন কখন কেমন করিয়া যে এই কীটটী প্রবেশ করে, দয়াময়ীরা নিজেই তাহার উপলব্ধি করিতে পারেন না। তাহার প্রবেশ পথ মানব দৃষ্টির অগোচর। তুমি অনুসন্ধান করিতে যাও, সেটী তোমার চোখের উপর দিয়া উড়িয়া যাইবে। একটু মধুর শব্দে তাহার অস্তিত্বের প্রমাণ দিবে, ধরা দিবে না। সখী সখীর ছুঁথে কাঁদিয়া মরিবে, তবু তার সুখ দেখিয়া দীর্ঘ নিশ্বাসে বাধা দিতে পারিবে না। পুত্রবৎসলা জননী, স্বামীনিগৃহিতা পুত্রবধুর জন্ত পুত্রের সহিত বিবাদ করিয়া অন্নজল ত্যাগ করিবেন, তবু তার স্বামীর ভালবাসা ছুঁতে দেখিতে পারিবেন না। ইতিহাস, বিজ্ঞানে, কাব্যদর্শনে সহস্র সহস্র নীতিশিক্ষায়ও ঈর্ষা ঠাকুরাণী সেই কোমল সিংহাসনের দখল ছাড়েন না। তবে মূর্খার কঠোর ঈর্ষা, মুক্তকণ্ঠে বিধাতাকে গালি দেয়, বিদুষীর মার্জিত কুচি ঈর্ষার অঙ্গে কবিতারসের আবরণ দিয়া মধুর করিয়া তুলে। তোমার সিবিলসার্কিশ পাশ করা স্বামী দেখিয়া তোমার মূর্খা সখী স্বামীর সহিত কলহ করে, তোমার বিদুষী সখী বিবাহ করিব না বলিয়া প্রতিজ্ঞা করিয়া বসেন।

বালিকার মুখের 'মা' কথা শুনিয়া তার মুখ দেখিয়া, কোলে করিয়া স্পর্শ সুখানুভাবিনী মহামায়া ঈর্ষায় গলিয়া গেল। এই চাঁদমুখ হইতে অজস্র নিঃসৃত 'মা মা' সুধা শুধু যে তার জননীর হৃদয় রাজ্যেই অবিরাম করিয়া আসিবে, এটা তার সহ্য হইল না। ঈর্ষাষিতা মহামায়া তার কিয়দংশ আত্মসাৎ করিবার

জন্ত বালিকাকে জোর করিয়া বক্ষে চাপিয়া ধরিলেন। প্রসভো-কৃতা বালিকা ক্ষুদ্র বলটুকু হই একবার মহামায়ার এই স্বাধীনতা হরণরূপ হর্ষোধ্য আচরণের বিরুদ্ধে প্রয়োগ করিল, কিন্তু কিছুই করিতে পারিল না।

[ক্রমশঃ]

শ্রীক্ষীরোদপ্রসাদ ভট্টাচার্য্য।

## প'রবে না মোর সাধের মালা ?

প'রবে না মোর সাধের মালা ?

আমি—সারাটি দিন ঘুরে ঘুরে,

সাজিয়েছি যে সোণার থালা,

তুমি—প'রবে না মোর সাধের মালা ?

আমি—একলা মাহুষ জগৎ ঘুরে,

বেড়াই খালি তোমার তরে,

দেখবো খালি হাসিমুখ

ত'র বিমল চাঁদের খেলা,

তুমি—প'রবে না মোর সাধের মালা ?

বেড়িয়ে আমি কুসুম বনে,

তুলেছি ফুল কত ঘটনে,

খালি তোমায় দিব বলে

আমি—এনেছি এ সাঁঝের বেলা,

তুমি—নেবে না মোর সাধের মালা ?

আমি দিন গুণেছি বসে বসে,

কবে তোমায় দেখবো এসে,

দেবো তোমার হাতে তুলে

আমার এ সোহাগের ডালা,

তুমি—প'রবে না মোর সাধের মালা ?

তোমায় ভালবাসি যে প্রাণের চেয়ে,

দাঁড়িয়ে আমি তাইত নিরে,

আমার এ যতনের হার

আমি—গেঁথেছি দিয়ে গোলাপ বেলা,

তুমি—প'রবে না মোর ফুলের মালা ?

তুমি—নাও না তুলে একটু হেসে,

শুধু একটু খানি ভালবেসে,

আর কিছুত চাই না আমি

আমার—ডেকে ডেকে ভাংলো গলা,

তুমি—প'রবে না মোর সাধের মালা ?

শ্রীগণেশচন্দ্র সেন।



## বঙ্কিমচন্দ্রের ধর্ম।

[ পূর্ব প্রকাশিতের পর ]

এই মহা অবনতির সময় বঙ্কিমচন্দ্র আপনার হৃদয়ের সমস্ত উদারতা লইয়া সামাজিক কোলাহলের মধ্যে আসিয়া দণ্ডায়মান হইলেন। তিনি রামমোহনের মহাশিক্ষার দ্বারা অনুপ্রাণিত হইয়া ভাষাসংস্কারের সহিত ধর্ম ও সমাজ সংস্কারকার্যেও মনোযোগ প্রদান করিয়াছিলেন। তিনি জ্ঞানচক্ষু উন্মেষিত করিয়া স্পষ্ট দেখিতে পাইলেন যে, যে সময় বাঙ্গালা-সমাজ প্রকৃতপক্ষে শাস্ত্রোক্ত বিধি-নিষেধ আদৌ পালন করিয়া চলিতেছে না, এবং প্রাচীন মহা-মুনিদিগের শাস্ত্রোক্ত উপদেশ হৃদয়ঙ্গম করিবার ক্ষমতা এবং স্ত্রবোগ অনেকেরই ছিল না। কোনও ব্যক্তিবিশেষের ইচ্ছানুযায়ী আচারকে দেশাচার বলিয়া গণনা করা হইত এবং তাহা ভালই হউক বা মন্দই হউক, সমস্ত সমাজ তদনুসারে কার্য করিতে কিছুমাত্র সঙ্কোচ বোধ করিত না! এই প্রকারে ধীরে ধীরে বাঙ্গালা সামাজিক আচার-ব্যবহারের মধ্যে অনেক অশাস্ত্রীয় নিয়মাদি প্রবর্তিত হইয়াছিল এবং সেগুলির অসারতা এবং অপকারিতার প্রতি আদৌ দৃষ্টি নিক্ষেপ না করিয়া সকলে তাহা অবলম্বন করিত।

যখন হিন্দুসমাজে এমন বিশৃঙ্খলতার প্রাদুর্ভাব ও যখন অন্তঃসারশূন্য বাহ্যিক আড়ম্বরকেই ধর্মের নিদর্শন বলিয়া বিবেচনা করা হইত এবং যখন ইংরাজশিক্ষাপ্রাপ্ত নব্যযুবকবৃন্দ প্রকৃত হিন্দুধর্ম-পিপাসায় কাতর হইয়া কিংকর্তব্যবিমূঢ় হইয়া পড়িয়াছিল, তখন বঙ্কিমচন্দ্র জ্ঞানযোগ কর্মযোগ এবং ভক্তিযোগের সংমিশ্রণসাধন করিয়া অতি উপাদেয় “ধর্মতত্ত্ব” নামক স্বকীয় সুপ্রসিদ্ধ প্রাজ্ঞল অথচ দার্শনিক পুস্তক প্রকাশিত করিলেন।

ধর্মসংস্কারই হউক, ভাষাসংস্কারই হউক, সমাজসংস্কারই হউক

বা রাজনীতিসংস্কারই হউক—সকল প্রকার সংস্কারকার্যেই হৃদয়-দৃষ্টিশক্তি এবং অসাম্প্রদায়িক মনোভাব এই দুইটি গুণ থাকি-অত্যাবশ্যক। কোনও বিষয়ের দোষ গুণ—তাহা ক্ষুদ্রই হউক বা বৃহৎই হউক, দেখিবার জন্ত যেমন একপক্ষে হৃদয়দৃষ্টির প্রয়োজন, সেই প্রকার সকল প্রকার বিষয় হইতেই গুণাংশ সঞ্চয় করিয়া লইতে হইলে মানসিক উদারতার আবশ্যক। কি উপন্যাস-রচনা বা কি ধর্মবিষয়ালোচনা—সকল বিষয়েই বঙ্কিমচন্দ্র এই দুইটি মহৎ গুণের পূর্ণ পরিচয় প্রদান করিয়াছেন—সেই কারণবশতঃ তিনি এমন সর্বলোক-পূজ্য নিরপেক্ষ এবং বলসম্পন্ন ভাষা ও ধর্মসংস্কারক বলিয়া পরিগণিত হইয়াছিলেন।

বঙ্কিমচন্দ্রের অভ্যুদয়কালীন যে প্রকার সামাজিক দলাদলি চলিতেছিল, তাহাতে কাহারও পক্ষে নিরপেক্ষ এবং স্বাধীনভাবে অবস্থান করা সম্ভবপর ছিল না। কিন্তু বঙ্কিমচন্দ্র কোনও পক্ষ অবলম্বন না করিয়া নিজের স্বাতন্ত্র্যের মধ্যে কালযাপন করিয়া গিয়াছেন। তাঁহার রচিত “কৃষ্ণচরিত্র” এবং “ধর্মতত্ত্ব” আমরা এই অসাম্প্রদায়িকতার সুস্পষ্ট চিত্র প্রতিফলিত দেখিতে পাই। কোথায়ও অভিমান বা আত্মগরিমার লেশমাত্র নাই—সরলভাবে নিজের ভ্রমাদি স্বীকার করিয়া এবং একাগ্রতার সহিত সত্যকে উচ্চ আসনে সংরক্ষণ করিয়া গিয়াছেন।

যে সমস্ত হিন্দুধর্মদেবী ব্যক্তিগণ শ্রীকৃষ্ণের অবতার বাদে অবিদ্বান করিতেন—কৃষ্ণচরিত্রে সুস্পষ্টভাবে তাঁহাদিগের ভ্রম দেখাইয়া দিয়াছেন—কিন্তু অপরপক্ষে তিনি যে আধুনিক যুগিতমস্তক ছাপাঙ্কিতদেহী বৈষ্ণবদিগের আচার-ব্যবহারের পক্ষপাতী ছিলেন তাহা নহে; তিনি তাহাদিগকেও দেখাইয়া গিয়াছেন যে, কেবল ভণ্ডামী এবং অনাচারের অনুষ্ঠানের দ্বারা শ্রীকৃষ্ণকে লাভ করিতে পারা যায় না।

এতদ্বির বঙ্কিমচন্দ্র দেশাচার এবং শাস্ত্রীয়ধর্ম এতদ্বয়ের যে পার্থক্য প্রদর্শন করিয়াছেন, তাহাতে তাহার প্রকৃত ধর্মমত অবগত

হওয়া যায়। তিনি বলিয়া গিয়াছেন—“প্রথমতঃ শাস্ত্রের দোহাই দিয়া কোনও প্রকার সমাজসংস্কার যে সম্পন্ন হইতে পারে, অথবা সম্পন্ন করা উচিত এমন আমি বিশ্বাস করি না। \* \* \* আমার একরূপ বিবেচনা করিবার দুইটি কারণ আছে। প্রথম এই যে বাঙ্গালী-সমাজ শাস্ত্রের বশীভূত নহে—দেশাচার বা লোকাচার বশীভূত। সত্যবটে লোকাচার অনেক সময়ে শাস্ত্রানুযায়ী, কিন্তু অনেক সময় দেখা যায় যে, লোকাচার শাস্ত্রবিরুদ্ধ—যেখানে লোকাচার এবং শাস্ত্রে বিরোধ সেই খানেই লোকাচার প্রবল। উপরোক্ত বিশ্বাসের দ্বিতীয় কারণ যে, সমাজ সর্বত্র শাস্ত্রের বিধানানুসারে চলিলে সামাজিক মঙ্গল ঘটিবে কি না সন্দেহ। \* \* \* আমার নিজের বিশ্বাস যে ধর্মসম্বন্ধে এবং নীতিসম্বন্ধে সামাজিক উন্নতি ( Religions and moral Regeneration ) না ঘটিলে কেবল শাস্ত্রের বা গ্রন্থবিশেষের দোহাই দিয়া সামাজিক প্রথাবিশেষ পরিবর্তন করান যায় না।” \*

বস্তুতঃ বহুকাল হইতে হিন্দুসমাজে শাস্ত্রের নামে যে অপকর্ম অনুষ্ঠিত হইয়া আসিতেছে, তাহাতে কোনও সন্দেহ নাই। স্বার্থান্বেষী কতিপয় ব্যক্তি স্ব স্ব স্বার্থসিদ্ধির জন্ত নানা কৌশলজাল বিস্তার করিয়া সময় সময় শাস্ত্রের নামে অজ্ঞব্যক্তিগণকে কদাচার পালন করিতে শিক্ষাদান করিয়া গিয়াছে। সেগুলির বিষম অপকারীশুণ্য থাকা সত্ত্বেও, কালক্রমে তাহারা হিন্দুধর্ম্মাচরণের এবং সমাজের স্নেহক্রোড়ে স্থায়ী আসন প্রাপ্ত হইয়াছে এবং এক্ষণে তাহাদিগের অধৌক্তিকতা বা অশাস্ত্রীয়তা দেখাইয়া দিলেও লোকে তাহাদিগকে ধর্ম্মানুষ্ঠানের অঙ্গ বলিয়া কল্পনা করিয়া পরিত্যাগ করিতে চাহেনা।

হিন্দুসমাজে এখনও এক শ্রেণীর লোক আছে, যাহারা সংকার্য্যে বাধা দিবার জন্ত কথায় কথায় শাস্ত্রের মত উল্লেখ করে

\* শ্রীযুক্ত রাজা বিনয়কৃষ্ণদেবের নিকট প্রেরিত বন্ধিমচন্দ্রের পত্র—নব্যভারত, বৈশাখ ১৩০১।

—কিন্তু হয়ত যাহাতে তাহাদিগের নিজের বিশেষত্ব বর্তমান সে প্রকার প্রাত্যহিক আচারানুষ্ঠানের প্রতি ক্রক্ষেপও করে না। কয়েক বৎসর পূর্বে যখন কলিকাতায় সমুদ্রযাত্রার প্রস্তাব উত্থিত হয়, তখন এই সমস্ত ভণ্ডদিগের বাহাড়ম্বর সুস্পষ্টভাবে পরি-লক্ষিত হইয়াছিল। সমুদ্রযাত্রা করা হিন্দুর পক্ষে শাস্ত্রমতে নিষিদ্ধ, তাহাই প্রমাণ করিবার জন্ত ইহারা বহুশ্লোকের বাখ্যা করিতে লাগিল। কিন্তু যাহারা ‘শাস্ত্র শাস্ত্র’ করিয়া চীৎকার করিয়া এই সদৃষ্টোকে বাধাপ্রদান করিতে লাগিল, তাহাদিগের অধিকাংশই হয়ত অখাদ্য ভোজন এবং অপেয় পান করিয়া উদরপৃষ্টি করিতে কুণ্ঠিত ছিল না, এবং অধিক নহে—শাস্ত্রমতে যে শূদ্র, ব্রাহ্মণের দাসরূপে নিযুক্ত হওয়া উচিত—এই সমস্ত নৈষ্ঠিক (?) ব্রাহ্মণগণ সেই সমস্ত শূদ্রের পদানত হইয়া তাহাদিগের পদলেহন করিতে কিছুমাত্র লজ্জাবোধ করিত না। প্রায় সকলেই হয়ত ইহার উত্তরে বলিবেন যে,—ইহা ব্রাহ্মণের দোষ নহে—কালের দোষ। কিন্তু এই “কালের দোষের” অর্থ দেশাচার ভিন্ন আর কিছুই নহে। সুতরাং যদি একপক্ষে একটা ভয়ানক অশাস্ত্রীয় কার্য্য করিয়া দেশাচারের দোহাই দেওয়া হয়, তবে একটা সংকার্য্যের অনুষ্ঠানের সময় শাস্ত্রের কথা তুলিয়া তাহাতে আপত্তি করা কেন?

বন্ধিমবাবু এতদসম্বন্ধে বলিতেছেন,—“আমার বক্তব্য এই যে—সমুদ্রযাত্রা হিন্দুদিগের ধর্ম্মশাস্ত্রানুমোদিত কি না, তাহা বিচার করিবার আগে—দেখিতে হয়, ইহা ধর্ম্মানুমোদিত কি না? যাহা ধর্ম্মানুমোদিত কিন্তু ধর্ম্মশাস্ত্র বিরুদ্ধ, তাহা কি ধর্ম্মশাস্ত্র বিরুদ্ধ বলিয়া পরিহার্য্য? অনেকে বলিবেন যে, যাহা ধর্ম্মশাস্ত্রসম্মত তাহাই ধর্ম্ম, যাহা হিন্দুদিগের ধর্ম্মশাস্ত্র বিরুদ্ধ তাহাই অধর্ম্ম;—একথা আমি স্বীকার করিতে প্রস্তুত নহি। হিন্দুদিগের প্রাচীন-গ্রন্থে একরূপ কথা পাই না। মহাভারতে কৃষ্ণোক্তি একরূপ আছে;—

“ধারণাক্ষম্ নিত্যাহঙ্কস্মোধারণয়তি প্রজাঃ ।

যৎ শ্রাদ্ধারণ প্রযুক্তং স ধর্ম ইতি নিশ্চয়ঃ ॥”

ধর্ম লোক সকলে ধারণ ( রক্ষা ) করেন, এই জন্তু ধর্ম বলে । যাহা হইতে লোকের রক্ষা হয়, ইহাই ধর্ম নিশ্চিত জানিবে । যদি মহাতারতকার মিথ্যা না বলিয়া থাকেন, যদি হিন্দুদের আরাধ্য ঈশ্বরবতার বলিয়া সমাজে পূজিত কৃষ্ণ মিথ্যাবাদী না হনেন, তবে যাহা লোকহিতকর তাহাই ধর্ম ।

প্রকৃত এবং “সত্যধর্ম” সম্বন্ধে বঙ্কিমবাবুর কি মত ছিল, ইহা হইতেই তাহা বোধগম্য হইতেছে । তিনি প্রাচীন হিন্দুধর্মকে অতি উদারচক্ষে দেখিতেন । তিনি বুঝিয়াছিলেন যে, “স্মার্ত ঋষি-দিগের হাতে—বিশেষতঃ আধুনিক স্মার্ত রঘুনন্দনাদির হাতে—ইহা অতিশয় সঙ্কীর্ণ হইয়া পড়িয়াছে । স্মার্ত-ঋষিগণ হিন্দুধর্মের স্রষ্টা নহেন—হিন্দুধর্ম সনাতন—তাহাদিগের পূর্ব হইতেই আছে, অতএব সনাতন ধর্ম এবং এই ধর্মশাস্ত্রে বিরোধ অসম্ভব নহে । বেখানে এরূপ বিরোধ দেখিব, সেখানে সনাতন ধর্মের আশ্রয় গ্রহণ করা উচিত । ধর্ম এবং হিন্দুধর্ম কোন বিরোধ আমি স্পীকার করিতে পারি না । ধর্মের সঙ্গে হিন্দুধর্মের যদি কোনও বিরোধ থাকে, তবে হিন্দুধর্মের গৌরব কি ? উহাকে সনাতন ধর্ম বলিব কেন ? এরূপ বিরোধ নাই ।”

এই প্রকারে সমুদয় লৌকিক অসঙ্কীর্ণতা হইতে আপনাকে বহুদূরে স্থাপন করিয়া বঙ্কিমচন্দ্র সমগ্র হিন্দুসমাজে আগ্রহদৃষ্টি নিক্ষেপ করিলেন ; তিনি দেখিলেন, যেভাবে হিন্দুসমাজ প্রমাদপূর্ণ ধর্মানুষ্ঠান করিতেছে, তাহাতে ইহা শনৈঃ শনৈঃ অবনতির পক্ষেই অগ্রসর হইতেছে । হীরকভ্রমে কাচগ্রহণ করিয়া চন্দনতরুভ্রমে বিষবৃক্ষের আশ্রয় লইয়া যে হিন্দুসমাজ আজ এমন টীংকার ও উল্লঙ্ঘন করিতেছে—এই কষ্টাশ্রিত উৎসাহ বহুকাল থাকিবে না—এবং অবিলম্বে ধানসিক জড়তা আসিয়া সমস্তদেশকে অকস্মাৎ অবসাদগ্রস্ত করিয়া ফেলিবে । তিনি প্রকৃত মহাপুরুষ এবং

স্বদেশহিতৈষী ছিলেন, সেই জন্তু দেশের শোচনীয় ছরবস্থা দর্শন করিয়া তাঁহার প্রাণ ব্যাকুল হইয়া উঠিল । স্বদেশবাসীকে প্রমাদের পথ হইতে ধ্রুবসত্যের অনন্ত রাজমার্গে আনয়ন করিবার জন্তু বন্ধপরিকর হইলেন । এতন্নিমিত্ত তিনি যে পড়া অবলম্বন করিলেন, তাহাতে তাঁহার চিন্তাশীলতা এবং স্ববুদ্ধির পরিচয় পাওয়া যায় ।

উচ্চ বেদীস্তম্ভের উপর দণ্ডায়মান হইয়া নীরস বক্তৃতা প্রদান করিয়া ধর্ম বা নীতির উপদেশ মানবমনে স্থায়ীভাবে মুদ্রিত করিতে চেষ্টা পাওয়া বিড়ম্বনামাত্র—অধিকাংশস্থলেই ক্ষণিক উৎসাহ ভিন্ন ইহা হইতে অল্প কোনও সফল প্রসূত হয় না । শ্রোতা হয়ত বক্তৃতাবসানের পর উচ্চ করতালিঞ্চনি করিয়া সভাক্ষেত্রের বাহিরে যাইতে না যাইতে সমুদয় বিস্মৃত হইয়া যায় ; এবং বক্তৃতায় যদি নীরসতার অংশ অধিক থাকে, তবে বক্তারভাগ্যে নীরব গালিভক্ষণ ভিন্ন অল্প কোনও সুবিষয় লাভ ঘটে না ।

এই দৌষ পরিহার করিবার জন্তু বঙ্কিমচন্দ্র সরস উপন্যাসের আশ্রয় গ্রহণ করিলেন । তিনি হিন্দুর পরম সমাদরের দ্রব্য শ্রীমদ্ভগবদ্গীতার কঠিন উপদেশসমূহ সকলের অজ্ঞাতে ধীরে ধীরে স্বরচিত উপন্যাসে প্রবিষ্ট করাইতে লাগিলেন । কি চন্দ্রশেখর, কি দুর্গেশনন্দিনী, কি দেবীচৌধুরাণী, কি আনন্দমঠ, কি বিষবৃক্ষ, কি কপালকুণ্ডলা প্রত্যেক উপন্যাসের পত্রে পত্রে গীতার মহান্ ও নিগূঢ় তত্ত্বসমূহ উদ্ঘাটিত হইল । লোকে একাগ্রচিত্তে তাঁহার উপন্যাস পাঠ করিতে লাগিল, তাহার সহিত গীতার উদার মত-সমূহ তাহাদিগের মনে স্থায়ী চিহ্ন রাখিয়া গেল । অস্তান্ত উপন্যাসের কথা পরিত্যাগ করিয়া উদাহরণস্বরূপে কেবলমাত্র চন্দ্রশেখরের নাম উল্লেখ করা যাইতে পারে । তিনি গ্রন্থের শেষ-ভাগে প্রতাপের উক্তিদ্বারা বুঝাইয়া গিয়াছেন যে, নিঃস্বার্থ পরোপকার এবং নিষ্কাম আত্মত্যাগই মানবের এবং সমাজের উন্নতির একমাত্র উপায় । কিন্তু গ্রন্থের মেকদণ্ডরূপ এই অমোঘ উপদেশ

বঙ্কিমচন্দ্র শ্রীমদ্ভগবদ্গীতা হইতেই গ্রহণ করিয়াছিলেন। তাঁহার সমুদয় উপন্যাসের প্রত্যেক পরিচ্ছেদে যে সমস্ত শাস্ত্রীয় উপদেশ প্রদত্ত হইয়াছে—তাহা গীতা হইতে গৃহীত এবং এতদ্বারা তিনি দেখাইয়া গিয়াছেন যে, একমাত্র গীতার অমূল্য দ্বারা এই অধঃপতিত হিন্দুজাতির উন্নতি এবং সাম্প্রদায়িক হিন্দুধর্ম সংস্কৃত এবং উদার্যগুণসম্পন্ন হইতে পারে।

যে শিক্ষাপ্রণালী উপন্যাসে আরু হইয়াছিল, বঙ্কিমচন্দ্র কিছুকালপরে তাহার সমষ্টিসাধন করিয়া “ধর্মতত্ত্ব” মূললিত-ভাষায় প্রকাশিত করিলেন। এই ধর্মতত্ত্বের দ্বারা বঙ্কিমচন্দ্র অকৃতমসাম্পন্ন দরিদ্রদেশে উদারতার প্রভাতসূর্য্য আনয়ন করিলেন। সাম্প্রদায়িকতা এবং কুসংস্কারের কঠিন মোহজালে কি শিক্ষিত কি অশিক্ষিত প্রত্যেক ব্যক্তিরই মনোবৃত্তিসমূহ আবদ্ধ হইয়া পড়িয়াছিল—প্রমাদপূর্ণ লৌকিক আচারানুষ্ঠান ব্যতীত কাহারও স্বাধীন ভাবে কার্য্য করিবার ক্ষমতা ছিল না। বঙ্কিমচন্দ্র নির্ভীকতার সহিত সেই সঙ্কীর্ণতার মায়াজাল ছিন্ন করিয়া দেখাইলেন যে, অন্ধের ন্যায় কদাতার পালন করিলে সামাজিক এবং পারলৌকিক উন্নতি হইতে পারে না—হিন্দুর প্রাচীন ও সনাতন শাস্ত্রানুযায়ী কার্য্য করিলে নিশ্চয়ই এই হতভাগ্যদেশে সৌভাগ্যের দীপ্তসূর্য্য উদিত হইবে—এবং আত্মোন্নতি এবং নিষ্কামকর্ম্মই সে উন্নতিলাভের প্রধানতম উপায়—সেই জন্য গীতার আশ্রয় লইয়া জলদগন্তীরস্বরে স্বদেশবাসীগণকে আহ্বান করিয়া একাগ্রতার সহিত বলিতেছেন ;—

কাম্যানাং কর্ম্মনাং ন্যাসং সন্ন্যাসং কবয়ো বিহুঃ ।

সর্ব্বকর্ম্মফলত্যাগং প্রাহস্ত্যাগং বিচক্ষণাঃ ॥

“যেদিন ইয়ুরোপীয় বিজ্ঞান ও শিল্প এবং ভারতবর্ষের এই নিষ্কাম ধর্ম্ম একত্রিত হইবে, সেই দিন মহুশ্য দেবতা হইবে। তখন ঐ বিজ্ঞান এবং শিল্পের নিষ্কাম প্রয়োগ ভিন্ন সকাম প্রয়োগ হইবে না—ইহা অসম্ভব নহে। তোমরা ভারতবাসী, তোমরা

করিলেই হইবে। ছইই তোমাদের হাতে, এখন ইচ্ছা করিলেই তোমরাই পৃথিবীর কর্ত্তা ও নেতা হইতে পার। মে আশা যদি তোমাদের না থাকে, তবে বৃথাই আমি বকিয়া মরিতেছি।”

এই প্রকার বঙ্কিমচন্দ্র স্বদেশের উন্নতির জন্য অসাম্প্রদায়িকতার সহিত এবং আবেগভরে সমস্তদেশকে কার্য্যকর উপদেশদান করিয়া গিয়াছেন। অতি ছিদ্রান্বেষীব্যক্তিও বিশেষ মনোযোগসহকারে অন্বেষণ করিলেও তাঁহার রচিত গ্রন্থাদির মধ্যে বিশেষতঃ ধর্ম্মতত্ত্ব এবং কৃষ্ণচরিত্রে একদেশদর্শিতা বা বাহ্যাদম্বরের চিহ্ন দেখিতে পাইবেন না। বঙ্কিম যাহা লিখিয়া গিয়াছেন—তাহা তাহার প্রাণের রচনা এবং স্বকীয় জীবনেও তাহা অবিচলিতভাবে পালন করিয়া গিয়াছেন। বঙ্কিম যে কেবল উপদেষ্টা ছিলেন, তাহা নহে, তিনি শিষ্যও ছিলেন—তাঁহার উপদেশ এবং কার্য্যে কখনও বিভিন্নতা পরিলক্ষিত হয় নাই।

[ ক্রমশঃ ]

শ্রীযতীন্দ্রনাথ বসু ।

## ললনা-মহিমা ।

[ পূর্ব্ব প্রকাশিতের পর ]

৫৩

কিঞ্চিৎ আভাষ মাত্র দিয়ৈছি রূপের,  
গুণ-পাশে রূপ তুচ্ছ,  
ক্ষীণ এই হংস-পুচ্ছ,  
কেমনে গনিবে উন্নি গুণ অর্ণবের ?

৫৪

হিতাহিত জ্ঞানশূন্য যৌবনের ভরে,  
কা'রে না অবজ্ঞা করে ?  
কা'রে বুঝা ভয় করে ?  
একমাত্র ভীত তব ইন্দ্রির ভরে ।

৫৫ [ মাঝারে,

ভূমি না থাকিলে দেবি! সংসার  
হটকারী যুবাদল,  
যাইত গো রসাতল,  
কে তা'দের প্রলোভনে বাঁধিত

৫৬ সংসারে ?

যৌবন তরঙ্গ রঙ্গে হ'য়ে উদ্বেলিত,  
হারা'ত সংসার জ্ঞান,  
ভুচ্ছ ক'রে ধন মান,  
উচ্ছিন্ন রূপের দাস হইত নিশ্চিত।

৫৭

কর্মক্ষেত্রে জীবগণ করে পরিশ্রম,  
যখন গৃহেতে আসে,  
কে বাসে তাহার পাশে,  
সবতনে করিবে গো ক্রান্তি উপশম ?

৫৮

সংসারের নানা কর্মে হইয়ে বিভ্রত,  
কোথায় জুড়ায় নরে ?  
কেবা তা'র ব্যথা হরে ?  
কেতারে ক্ষণিক করে আনন্দের তরত ?

৫৯

নানা উপদেশে ভোজ্য করিয়া রন্ধন  
সহাস্রে বীজনী করে,  
সস্তোষে ভুঞ্জায় নরে,  
নানামতে কেবা করে তুষ্টি সম্পাদন ?

৬০

পুল্পনিভ পরিপাটী শয়্যা মনোহর,  
কেবা করে বিচরণ ?  
কা'র হেন আচরণ ?  
সর্বদাই সশক্তিতা তব তরে নর ।

৬১

যখন মানব কোন ব্যথায় ব্যথিত,  
কে তাহারে মিষ্টভাষে,  
প্রাণ দিয়ে সদা তোষে ?  
কে তাহার হৃদি-ব্যথা করে গো

৬২ দূরিত ?

অশান্তি পূরিত এ মরুভূ সংসারে,  
তব প্রেম স্নুধা পানে,  
জীবগণ বাঁচে প্রাণে,  
শান্তিপ্রদায়িনী তুমি আহারে বিহারে ।

৬৩

ভূমি কুটাও অঁখি অন্ধ মানবের,  
জ্ঞান চক্ষু খুলে দাও,  
সৎপথে নিয়ে যাও,  
সহধরমিনী তুমি বিমুক্ত জীবের ।

৬৪ [ তা'রে ।

নিদ্রুক সে মিথ্যাবাদী নাহি স্পশি  
যা'র অঁখি না ফুটিল,  
প্রেম তব না বুকিল,  
সেজন পাপের ভরা বলিবে তোমারে

৬৫

কতশত উপকার পায় তব পাশে,  
সেই মবে ভুলে যায়,  
অকৃতজ্ঞ পশু প্রায়,  
নূতন নরক তার হয় যমাবাসে ।

৬৬

নিম্বার্শ প্রণয় নামে যদি কিছু থাকে,  
রমনীর হৃদি মাঝে,  
সে ত্রিদিব দ্রব্য রাজে,  
সাধ হয় দিবানিশি পূজিলো তোমাকে ।

৬৭ [ আশে,

লো স্নুধরি ! কি কহিব তো'র প্রেম  
অমর দেবতাগণ,  
তাজি স্বর্গ নিকেতন,  
মানব মূর্তি ধরি ধরাধামে আসে ।

৬৮

অনন্ত ধারায় প্রেম-উৎস মধুরিমা,  
বহে যায় অবিরাম,  
মন্দাকিনী স্বর্গধাম,  
পবিত্র করিছে যেন কি ক'ব মহিমা ।

৬৯

প্রেম সঞ্জীবনী লতা মূর্তি সাকারা,  
পিয়ে তব প্রেম স্নুধা,  
ঘুচে গেল হৃদি ব্যথা,  
নূতন নূতন প্রাণ পেয়েছি আমরা ।

৭০

মানবের কণ্টকিত হৃদয় কাননে,  
ভূমি লো পুষ্পিত লতা,  
জগতের হিতে রতা,  
ভুলে আছে নর তব সুরভি আননে

৭১

বীণা-বিনিমিত তব কণ্ঠের বঙ্কার,  
পরাস্ত সে পিকরাজ,  
বনে গেছে পেয়ে লাজ,  
ঢালিছে অমিয় ধারা কর্ণে সবাকার

৭২ [ দার ।

এ সংসারে আছে হুঁটী নৌন্দবোর  
শিশু মুখে স্নুধাহাস,  
আর যুবতীর ভাষ,  
না থাকিলে মানিতাম সংসার  
অসার ।

[ ক্রমশঃ ]

শ্রীকিরণচন্দ্র দত্ত ।

## “চোখ গেল ।”

কে ভূমি বিহগবর ! বালার্ক-কিরণে হাস্তময়ী উবার সুরভি  
নিখাসের শনশন শব্দে স্বীয় স্বর মিশাইয়া—সপ্তমে স্বর চড়াইয়া  
সংকরণ কাতর-কণ্ঠে কুজন করিতেছ,—“চোখ গেল ।” মধ্যাহ্নমার্গে

তাপে তাপিত তুমি যখন পাদপের পত্রান্তরালে লুক্কায়িত হইয়া স্নানীতল সমীর সেবন কর, তখনও ত তোমার ওই কাতরোক্তি শুনিতে পাই; আবার স্নানীতল সাক্ষ্যসমীর সেবিত তরঙ্গাকুলিত তটিনী-বক্ষেও তোমার ওই “চোখ গেল” স্বর প্রতিধ্বনিত হয়। বল, পাখি! কি হৃৎসহ দাবাঘি তোমার অন্তর্দাহ করিতেছে, কি বিভীষিকাময়ী ভীষণ দৃশ্য দর্শনে তোমার স্নানীল-নলিনাভ-নয়ন “গেল গেল” হইতেছে, তাই তুমি মর্মভেদী স্বরে ডাকিতেছ, “চোখ গেল” “চোখ গেল”?

নিদারুণ দারিদ্র্য-হৃৎ নিপীড়িত, জ্বালা-যন্ত্রণার কেন্দ্রীভূত এই সংসার শ্মশানে, মানবের মর্মভেদী মরম-যাতনা—মোহের মায়াময়ী যুগতৃষ্ণিকাবৎ মারাত্মিকামূর্তি নিরন্তর দর্শন করিয়া আমাদের অন্ত-স্থল বিদীর্ণ হয়, মর্মগ্রন্থী ছিন্ন বিচ্ছিন্ন হয়—সে দৃশ্যে আমাদের পাষণ হৃদয় ফাটিয়া যায়, আমাদের চক্ষু আর সহিতে পারে না, অন্তরের প্রবল উচ্ছ্বাসে চক্ষু দৃষ্টিহীন হইয়া পড়ে, কিন্তু বনের পাখি! তাহাতে তোমার কি? তুমি কেন সকালে সন্ধ্যায়, পর্কতে প্রান্তরে, পাহাড়ে পুলিনে, শ্মশানে সৈকতে, নিরন্তর গাহিয়া বেড়াও, “চোখ গেল” “চোখ গেল”।

তুমি স্বাধীনতার সুধাধবলিত সুষমাময় সৌধে আজন্ম প্রতি-পালিত হইয়া প্রকৃতির ক্রোড়ে—স্নানীল অনন্ত নীলচন্দ্রাতপের নিম্নে বিচরণ করিয়া থাক, এই শোকাকুলিত সংসারের ভীষণ সংগ্রাম হইতে সুদূরে অরণ্য সুপক ফলে উদরপূর্তি করিয়া গিরি নির্ঝরিণীর কাচস্বচ্ছ স্নানীতল সলিলে পিপাসা মিটাইয়া আপন কাকলীতে আপনি বিভোর হইয়া অপার আনন্দে অনন্ত আকাশে উড়িয়া বেড়াও। এই পাপ তাপদগ্ধ ধরার বিকৃত ধারা সকল দেখিয়া তোমার চক্ষু যাইবে কেন? বল বিহঙ্গম! তোমার এ কুজনের কারণ কি?

মানবজীবনের অভিনয়ে কালের পটপরিবর্তনে যে কত ভীষণ দৃশ্য আমাদের দৃষ্টিপথে পতিত হইতেছে, তাহা প্রত্যক্ষ করিয়া

আমরা কত কাঁদিয়াছি, কত কাঁদিতেছি; আর অন্তরের আলায় কতবার বলিয়াছি,—আর দেখিতে পারি না “চোখ গেল”! ওইযে সৌধমালামণ্ডিত সোণার সহরখানি মহামারির মহানলে ভস্মীভূত হইতেছে, ওই যে অনশনে মৃতপ্রায় কঙ্কালসার প্রেতমূর্তি জঠর জ্বালায় বিকট আর্ন্তনাদ করিতেছে; ওই যে পতি-বিয়োগ বিধুরাবালা সহকারচ্যুত মাধবীর শ্ময় ধূলাবলুণ্ডিত হইতেছে, ওই যে অনাহারে মৃতপ্রায় সন্তান কক্ষে উন্মত্তাজননী বিকট চীৎকারে দিগন্ত প্রতিধ্বনিত করিতেছে, ওই যে পাপীর ষড়যন্ত্রে পড়িয়া ধান্নিককে অশেষ লাঞ্ছনা-ভোগ করিতে হইতেছে—এ সকল মর্মভেদী দৃশ্য দেখিয়া আমরা অনেকবার বলিয়াছি,—“চোখ গেল”; কাঁদিয়া কাঁদিয়া আমাদের চোখ একবারে গিয়াছে, তাই আর আমরা অরণ্যে রোদন করিয়া বলি না,—“চোখ গেল” “চোখ গেল”। নিরন্তর কাঁদিয়া যাহাদের চক্ষু গিয়াছে তাহাদের আর “চোখ গেল” বলিবার প্রয়োজন কি? আর বলিলেই বা শুনিবে কে? তুমি বনের পাখী বনে রোদন করিলে, তোমা অপেক্ষা শ্রেষ্ঠজীব মানবের কর্ণকূহরে তাহা প্রবেশ করিল; কিন্তু আমরা যাহা-দিগকে শ্রেষ্ঠজীব—দেবতা—বলি তাঁহারাও আমাদের এই কাতর উক্তি শুনিলেন না, তাই আমরা মনের হৃৎখে আর তোমার মত অরণ্যে “চোখ গেল” বলিয়া চীৎকার করি না।

গগনবিহারি গায়ক! তোমার কল কণ্ঠের কুজনে যে কত রস আছে, তাহা অবোধ আমরা কেমন করিয়া বুঝিব? তুমি শাখীর শাখায় লুকাইয়া লুকাইয়া কাতর কলকণ্ঠে আমাদের হৃৎখে হৃৎখিত হইয়া—আমাদের হৃৎখম্বতি জাগাইবার জগু ঐরূপ কুজন কর অথবা আমাদের পরশী কাতরতা দেখিয়া বিক্রপাত্মক শ্বেষপূর্ণস্বরে আমাদের দৃষ্টি-শিক্ষা দাও, তাহা কেমন করিয়া বলিব?

আমরা মানব, সৃষ্টির শ্রেষ্ঠজীব; আমাদের কার্যকলাপ সমা-লোচনা, ক্ষুদ্র তুমি, বনের পাখী তুমি, তোমার মুখে শোভা

পায় না। আমাদের তর্জনী হেলনে কত প্রবল বলশালীকেও  
হীনবল, অবনত-মস্তক হইতে হয়, তাহা দেখিতে পাও ত?  
জানিতে পার ত? তবে কোন সাহসে আমাদেরকে শ্লেষপূর্ণস্বরে  
শিক্ষা দিতে অগ্রসর হও? জান পাখি! দশচক্রে আমরা ভগ-  
বানকেও ভূত করিয়া রাখি, তোমার ক্ষুদ্র মুখের ক্ষুদ্র জিহ্বাটুকু  
বন্ধ করা আমাদের কতক্ষণের কার্য?

অবোধ পাখি! বীর আমরা, এই মরজগতে জন্মগ্রহণ করিয়া  
নিয়ত জীবনসংগ্রামে লিপ্ত, তাই আমরা প্রতিযোগীর প্রতিহিংসা-  
সাধনে নিয়ত তৎপর। কাব্যজগতে কাহাকেও জয়লাভ করিতে  
দেখিলে আমরা তৎক্ষণাৎ সশস্ত্রে সাজিয়া তাহার সম্মুখীন হই, ভগবৎ-  
প্রেমে কেহ প্রেমানন্দলাভ করিলে আমরা তৎক্ষণাৎ তাহাকে  
নিরানন্দ করিয়া আনন্দলাভ করিতে চেষ্টা পাই, আর মায়ের  
মায়ায় একচটিয়া ক্ষমতা লাভ করিবার জন্তই মায়ের অস্ত্র সস্তানকে  
মায়ের কোলে স্থান লাভ করিতে দেখিলে আমাদের “চক্ষু যায়”  
সেই জন্তই তুমি শ্লেষপূর্ণস্বরে আমাদেরকে শুনাইয়া শুনাইয়া  
সর্বদা গাহিয়া বেড়াও “চোখ গেল” “চোখ গেল”। পরশ্রীকাতরতা  
মহাপাপ,—তাহা আমরা অনেক পুস্তকে অধ্যয়ন করিয়াছি, অনেক  
সভায় উচ্চকণ্ঠে বক্তৃতা করিয়াছি। তোমার ছোটমুখে ওসকল  
বড় উপদেশ আর আমাদের সহ হয় না, তাই বলি বনের  
পাখি! আর আমাদের কাণের কাছে কূজন করিয়া বলিও না,  
“চোখ গেল”। যদি নিতান্ত না ডাকিয়া থাকিতে পার, তবে যাও  
হিমাচলের উচ্চশৃঙ্গে,—দেবলোকের শৈলাবাসে গিয়া উচ্চকলকণ্ঠে  
কাতর কণ্ঠে দিগন্ত প্রতিধ্বনিত করিয়া গাহিতে থাক “চোখ  
গেল” ভারতের দুর্দশা দেখিয়া “চোখ গেল”।

শ্রীবিনোদলাল চট্টোপাধ্যায়।

## স্বরলিপি।

### বেহাগ—কাওয়ালী।

কথা—শ্রীযুক্ত গিরীশচন্দ্র ঘোষ। স্বর—শ্রীযুক্ত রামতারণ সাত্তাল।

কেমনে মন নিবরি।

যতনে যাকনা বাড়ে, তা'রে কি ভুলিতে পারি।  
বাসনা বারি-বিরাগে, মলিন বদন মনে জাগে,  
অনুরাগে গদি সোহাগে—  
ছিঁড়িতে নাবিহু ডুরি, কি করি মন যে তা'রি।

### আস্থায়ী।

|    |    |    |   |     |    |     |    |
|----|----|----|---|-----|----|-----|----|
| ৩  | ৩  | ৩  | ৩ | ৩   | ৩  | ৩   | ৩  |
| সঁ | সঁ | মঁ | প | স্ব | নি | স্ব | পঁ |
| কে | ম  | নে |   |     |    | ম   | ন  |

|    |    |    |    |         |     |     |    |          |
|----|----|----|----|---------|-----|-----|----|----------|
|    |    |    | +  | ১ম বার। | ৩   |     | +  | ২য় বার। |
| ৩  | ৩  | ৩  | ৩  | ৩       | ৩   | ৩   | ৩  | ৩        |
| মঁ | সঁ | মঁ | গ  | স্ব     | সাঁ | সাঁ | গ  | সাঁ      |
| নি |    | বা | রি |         |     |     | রি |          |

|    |    |    |    |    |    |    |     |
|----|----|----|----|----|----|----|-----|
| ৩  | ৩  | ৩  | ৩  | ৩  | ৩  | ৩  | ৩   |
| সা | সা | নি | নি | সা | সা | গ  | ম   |
| য  | ত  | নে | যা | ত  | না | বা | ড়ে |
|    |    |    |    |    |    |    | তা  |
|    |    |    |    |    |    |    | রে  |

|    |     |    |     |     |    |     |    |
|----|-----|----|-----|-----|----|-----|----|
|    |     |    |     |     |    |     |    |
| ৩  | ৩   | ৩  | ৩   | ৩   | ৩  | ৩   | ৩  |
| নি | সাঁ | নি | স্ব | স্ব | নি | সাঁ | নি |
| কি | ভু  | লি | তে  |     |    | পা  | রি |

অস্তুরা ।

|    |   |    |    |    |    |    |    |    |    |   |
|----|---|----|----|----|----|----|----|----|----|---|
| প  | প | নি | নি | সা | সা | সা | সা | সা | সা | গ |
| বা | স | না | বা | রি | বি | রা | গে | ম  | পি | ন |

|    |    |   |    |    |    |    |   |   |   |
|----|----|---|----|----|----|----|---|---|---|
| সা | নি | ধ | ধ  | নি | সা | নি | ধ | প | প |
| ব  | দন | ম | নে | জা | গে |    |   |   |   |

|   |   |    |    |   |    |    |    |    |   |   |   |
|---|---|----|----|---|----|----|----|----|---|---|---|
| প | প | প  | প  | প | প  | ম  | গ  | গ  | ম | প | ম |
| জ | হ | রা | গে | গ | লি | সো | হা | গে |   |   |   |

|    |     |    |    |    |    |   |   |   |   |
|----|-----|----|----|----|----|---|---|---|---|
| গ  | সা  | সা | সা | সা | সা | গ | ম | প | প |
| ছি | ড়ি | তে | না | রি | ল  |   |   |   |   |

|    |    |    |    |    |   |    |    |    |   |
|----|----|----|----|----|---|----|----|----|---|
| নি | ধ  | নি | সা | সা | গ | সা | সা | নি | ধ |
| ডু | রি | কি | ক  | রি | ম | ন  |    |    |   |

বার ।

|    |    |    |    |     |    |    |   |   |   |   |
|----|----|----|----|-----|----|----|---|---|---|---|
| ধ  | নি | সা | নি | ধ   | প  | প  | প | প | গ | ম |
| যে | তা | রি | ছি | ড়ি | তে | না |   |   |   |   |

+ ২য় বার ।

|    |    |    |    |    |    |   |   |   |
|----|----|----|----|----|----|---|---|---|
| নি | ধ  | ধ  | নি | সা | নি | ধ | প | প |
| ন  | যে | তা | রি |    |    |   |   |   |

শ্রীদক্ষিণাচরণ সেন ।

# বীণাপানি ।

## মাসিকপত্রিকা ও সমালোচনী ।

“বীণা-পুস্তক-রঞ্জিত হস্তে । ভগবতি, ভারতি দেবিনমস্তে ।”

৪র্থ খণ্ড ।

জ্যৈষ্ঠ, ১৩০৪ সাল ।

৫ম সংখ্যা ।

## হিন্দু-সূর্য্য ।

এই ভীষণ তরঙ্গাকুলিত ভবান্বিত বিষম ভয়াবহ ব্যাথার ব্যথিত হইয়া, বিবিধ ঘটনা-বৈচিত্রের বিচিত্র আবর্তনে আন্দোলিত ও ইতস্ততঃ বিক্ষিপ্ত হইয়া, যখন আমরা তটান্তে মিলিত হই, তখনও চারিদিকে নিরাশার নিরবচ্ছিন্ন সৈকত-রাশি ভিন্ন আর কিছুই আমাদের নেত্র-পথে পতিত হয় না। এই নির্জল নিরবচ্ছিন্ন সৈকত-রাশির মধ্যে পড়িয়া আমরা দেখিতে পাই,— উর্দ্ধে অনন্ত শূন্য দিগন্ত ব্যাপ্ত করিয়া রহিয়াছে; আর অন্তরে নিদারুণ শূন্য ধূ ধূ করিতেছে। এই নিরবচ্ছিন্ন জীব-শূন্য সৈকতে কোন মহাপুরুষের পদাঙ্ক দেখিয়াই আমরা আশ্বস্ত হইয়া আশার কুহকিনী শক্তিতে যেন আবার নব জীবন লাভ করি—সেই সকল পদাঙ্কের অনুসরণে আবার জীবন-সংগ্রামে অগ্রসর হইতে পারি। মহাপুরুষগণের বিচিত্র চরিত-কাহিনী আমাদের শূন্য-প্রাণের এক-



মাত্র ধ্রুবতারা, তাঁহাদের অদ্ভুত কীর্তি-কলাপ আমাদের নিহারাচ্ছন্ন অন্তরের একমাত্র আশা প্রদীপ, আর তাঁহাদের সুধাময় উপদেশাবলীই আমাদের মৃত-সঞ্জীবনী সুধা ।

বর্তমান প্রবন্ধের আলোচ্য হিন্দুকুল তিলক “হিন্দু-সূর্য্য” মহারাণা বাপ্পারাও । এই স্বনাম-খ্যাত মহাপুরুষ প্রতিকূল ঘটনা-শ্রোতের আবর্তনে-বিবর্তনে কিরূপে সংঘটিত হইয়া স্বকীয় সহিষ্ণুতার ও অলৌকিক শক্তি-বলে ভারতের তদানীন্তন শক্তি-পুঞ্জকে সন্ত্রস্ত ও শঙ্কিত করিয়া রাজস্থানে সগর্বে রাজ্যস্থাপন ও রাজ্যশাসন করিয়া গিয়াছেন, তাহার কিঞ্চিৎ আভাস প্রদানই এই প্রস্তাবের উদ্দেশ্য ।

যখন ধর্ম্ম-মদে উন্মত্ত যবনগণ রক্তাক্ত অসিহস্তে ‘কাফের’-কুল নিমূল করিতে চতুর্দিকে ধাবিত, যখন দোর্দণ্ড প্রতাপাবিত খলিফাওয়ালীদের অদম্য উত্তমে সূদূরে স্পেন রাজ্য পর্য্যন্ত কম্পমান, যখন মহাবীর মহম্মদ-রিন্‌কাসিম-প্রমুখ মুসলমান বীর-কেশরিগণের অত্যাচারে সিন্ধুরাজ ডাহির সিংহাসনচ্যুত ও নিহত, যখন নিম্ন-বঙ্গের মগধাধিপ নরপতিগণ প্রতিমুহূর্ত্তে ইসলাম আক্রমণের অপেক্ষায় নিরত ভীত ও সন্ত্রস্ত, তখন শিশু বাপ্পারাও পৈত্রিক রাজ্যে বঞ্চিত হইয়া গভীর অরণ্যে অসভ্য ভীল জাতির আশ্রমে প্রতিপালিত হইতেছেন—চিতোরের মহারাণা-বংশের আদিপুরুষ, সমগ্র মীবারেশ্বর তখন ভীল-বালকগণের সহিত অরণ্যে গোচারণে কালাতিপাত করিতেছেন ।

চিতোর-সিংহাসন বাপ্পারাওএর পৈত্রিক সম্পত্তি নহে, এবং ইহার প্রকৃত নামও বাপ্পারাও নহে । অতি প্রাচীনকালে রাজপুতানার পশ্চিমে সিন্ধু-রাজ্যের নিকট বল্লভীপুর রাজ্য ছিল । এই বল্লভীপুর, আদিত্য-উপাধিধারী সূর্য্য-বংশীয় রাজগণের রাজধানী ছিল । সুপ্রসিদ্ধ কলিকসেন এই স্থানের রাজা ছিলেন, তাঁহার পর ক্রমে মহামদনসেন, সুদন্তসেন, বিজয়সেন, পদ্মাদিত্য, হরাদিত্য, সূর্য্যাদিত্য, সোমাদিত্য, শীলাদিত্য প্রভৃতি নরপতিগণ এই বল্লভীপুরে রাজত্ব করিয়া বিগত জীবন হইলে পর

এই বংশে নগাদিত্য নামক এক নরপতি সিংহাসনে অরোহণ করেন । ইনি অসভ্য “হুন”-জাতি-কর্তৃক রাজ্যচ্যুত ও নিহত হন । বাপ্পারাও এই নগাদিত্যের একমাত্র পুত্র । অসভ্য বর্ষর-জাতি কর্তৃক স্বরাজ্যে বঞ্চিত হইয়া শিশু “শৈল” বা “শৈলাবীশ” মাতার সহিত গভীর অরণ্যে ভীল-রাজের নিকট আশ্রয়প্রাপ্ত হইলেন । ভীলগণ এই শিশুর রাজলক্ষণ ও অসামান্য সৌন্দর্য্য দেখিয়া তাঁহাকে ও তদীয় জননীকে পরম সমাদরে রক্ষা করিতে লাগিল । ভীলগণ শৈশবে “শৈলকে” আদর করিয়া “বাপা” (বাবা) বলিয়া ডাকিত; সম্ভবতঃ এই কারণেই ইহার নাম “বাপ্পা” হইয়াছে ।

অসভ্য বর্ষর-জাতি-কর্তৃক হৃতসর্কস্ব বালক বাপ্পা, মাতার সহিত ভীলরাজের নিকট প্রতিপালিত হইতে লাগিলেন । গোচারণ তাঁহার কার্য্য । ভীল-বালকগণে পরিবৃত হইয়া রাজ-লক্ষণাক্রান্ত বালক গোষ্ঠ-নীলার কালাতিপাত করেন । একদিন মধ্যাহ্নে তিনি দেখিতে পাইলেন, তাঁহার রক্ষণীয় যুথের একটি পরস্বিনী গাভী দলভ্রষ্ট হইয়া একাকী গভীর অরণ্যে প্রবেশ করিল; (পূর্বে আর কখনো তিনি ঐ গাভীটিকে ঐরূপে বাইতে দেখিয়াছিলেন ।) অল্প গাভীটিকে বনমধ্যে প্রবিষ্ট হইতে দেখিয়া তাঁহার মনে অত্যন্ত কৌতূহল উপস্থিত হইল, এবং কোন সঙ্গীকে না বলিয়া একাকী গাভীর অনুসন্ধানে প্রবৃত্ত হইলেন । কিয়দূর গিয়া তিনি যাহা দেখিলেন, তাহাতে ভয়ে ও বিস্ময়ে তাঁহার সর্বাঙ্গ রোমাঞ্চিত হইল । তিনি দেখিলেন,—অরণ্য-মধ্যে আশ্রম সদৃশ একটি দিব্যস্থান, তথায় একস্থানে তাঁহার পরস্বিনী গাভী দণ্ডায়মানা, আর তাহার স্তন হইতে ক্ষীরধারা স্বতঃ নিঃসৃত হইয়া, তন্নিম্নস্থ একটি ক্ষুদ্র শিবলিঙ্গ মূর্ত্তির উপর পড়িতেছে; আর অদূরে এক জটাজুটধারী স্বর্গীয় মহাপুরুষ অজিনাসনে আসীন হইয়া, ধ্যান-স্তিমিত-নয়নে উপবিষ্ট আছেন । বাপ্পা নিকটবর্তী হইবামাত্র যোগীর যোগভঙ্গ হইল, তিনি হস্ত-সঙ্কেতে বালককে নিকটে উপবেশন করিতে আদেশ

করিলেন। বাপ্পার শরীরে রাজ-চক্রবর্তী সমুদায় লক্ষণ বিদ্যমান দেখিয়া, সন্ন্যাসী সাদর সন্তাষণে তাঁহার পরিচয় গ্রহণ করতঃ, তাঁহাকে বহুবিধ শাস্ত্রীয় উপদেশ প্রদান করিয়া বিদায় দিলেন, এবং প্রতিদিন সেই সময়ে তথায় তাঁহার সহিত সাক্ষাৎ করিতে বলিয়া দিলেন। বালক গাভী লইয়া বাটী আসিল; কিন্তু সন্ন্যাসীর আদেশানুসারে এ কথা কাহারও নিকট প্রকাশ করিল না।

মহাপুরুষের আদেশানুসারে বালক প্রত্যহ ষথাসময়ে বিবিধ বনফল পুষ্প ও ছুঙ্কাদি লইয়া সন্ন্যাসিসমীপে গমনপূর্বক ভক্তিভাবে সেই “একলিঙ্গ” মহাদেবের ও সন্ন্যাসীর পূজা করিয়া নানাবিধ শাস্ত্রীয় উপদেশ-শ্রবণান্তর সন্ধ্যাকালে গো-সমূহ লইয়া গৃহে প্রতিনিবৃত্ত হয়। কিয়দিবস এইরূপে অতিবাহিত হইলে একদিন সেই স্বর্গীয় মহাপুরুষ বাপ্পাকে কহিলেন,—“আমার আর এখানে থাকিবার প্রয়োজন নাই, আমার কার্য সম্পন্ন হইয়াছে।” তিনি চিতোরের দিকে অঙ্গুলী-নির্দেশ-পূর্বক কহিলেন,—“তুমি এই বিস্তৃত প্রদেশের রাজ-চক্রবর্তী হইয়া ওই স্থানে রাজ্যস্থাপন করিবে; এই মহেশ্বর “একলিঙ্গ”ই প্রকৃত প্রস্তাবে রাজা হইবেন, তুমি ইহার নামে—ইহার ‘দিওয়ান’ হইয়া, রাজ্যশাসন ও ইহার সেবা করিবে; আর তোমার উপাধি “রাণা” হইবে। অল্প বিদায় লও, কল্যা অতি প্রত্যাষে এখানে আসিও, আমি ষাইবার সময় তোমাকে আনীর্বাদ করিয়া যাইব।”

প্রাতঃ-সমীরণের প্রসাদে ক্লান্ত শান্ত বালক বাপ্পা প্রদোষে শয্যা-পরিত্যাগ করিতে পারিল না। অকণোদয়ে আশ্রমে উপস্থিত হইয়া দেখেন, সেই মহাপুরুষ দিব্য পুষ্পকবিমানে আরোহণ করিয়া উর্দ্ধপথে উখিত হইতেছেন। বাপ্পাকে দেখিবামাত্র রথ হইতে উঠিষ্ঠে-স্বরে কহিলেন,—“আর সময় নাই, সত্ত্বর মুখব্যাদান কর।” বালক হতবুদ্ধি হইয়া উর্দ্ধমুখে যেমন মুখব্যাদান করিল, অমনি সন্ন্যাসী স্বীয় নিষ্ঠীবন তদীয় মুখে অর্পণ করিলেন; কিন্তু বালক ঘৃণা-প্রযুক্ত তৎক্ষণাৎ তাহা মুখ হইতে ফেলিয়া দিল। তখন সেই

স্বর্গীয় সন্ন্যাসী সখেদে বলিয়া গেলেন,—“এই মুখামৃত উদরস্থ হইলেই তুমি অমরত্ব লাভ করিতে; কিন্তু নিজের দোষে তাহাতে বঞ্চিত হইলে। তবে যে অস্ত্রের অভেদ হইবে, ইহা স্থির-নিশ্চয়।”

বাপ্পা স্বপ্নোখিতের তায় এই সকল অনামাং ব্যাপার প্রত্যক্ষ করতঃ কিয়ৎক্ষণ কিংকর্তব্যবিমূঢ় হইয়া রহিলেন। পরে বিবিধ বনফলপুষ্পাদি আহরণ করিয়া, ভক্তিভরে ভগবান্ একলিঙ্গের পূজা-প্রদক্ষিণ সমাপনান্তে দেখিতে পাইলেন, এক অলোকসুন্দরী রমণী তাঁহার সম্মুখে দণ্ডায়মানা; তিনি সহাস্ত্রে বাপ্পাকে সম্বোধন করিয়া কহিলেন,—“বৎস! এই অক্ষয় কবচ ও তরবারি গ্রহণ কর, অবিলম্বে চিতোরে গমন করিয়া তত্রত্য রাজসিংহাসন গ্রহণ কর; রাজা হইয়া এই একলিঙ্গের মন্দিরের পার্শ্বে “সিংহবাহিনী মূর্তি” প্রতিষ্ঠা করিও—তিনিই চিতোরের অধিষ্ঠাত্রী হইবেন।” এই কথা বলিয়া রমণী অন্তর্হিতা হইলেন।

গৃহে প্রত্যাগত হইয়া, বাপ্পা কথা প্রসঙ্গে মাতার নিকট চিতোরের কথা উত্থাপন করিয়া জানিতে পারিলেন, চিতোরের রাজা তাঁহার মাতুল।

পরদিবস প্রাতে তিনি মাতা ও কতিপয় ভীল বালকের সহিত চিতোর যাত্রা করিলেন। চিতোর-রাজ বাপ্পার মাতার মুখে সমস্ত পরিচয় অবগত হইয়া ও বাপ্পার অসাধারণ রাজসৌন্দর্য্য দেখিয়া বাপ্পাকে একটা ক্ষুদ্র প্রদেশের সামন্তপদে নিযুক্ত করিলেন।

কিয়ৎকাল পরেই বর্কর জাতি চিতোর আক্রমণ করিল, রাজা এই যুদ্ধে প্রাণ হারাইলেন। বাপ্পা এই সংবাদ শ্রবণে কতিপয় অনুচরবর্গের সহিত অনায়াসে শত্রু-কুল নিস্কূল করিয়া চিতোরের সিংহাসনে আরোহণ করিলেন, এবং একলিঙ্গ ও সিংহবাহিনীর মন্দির নিৰ্ম্মাণ করাইয়া, মহাসমারোহে দেব দেবীর সেবা চালাইতে লাগিলেন। এই সকল দেবমূর্তি ও তদীয় গিরি-তুর্গ আজিও “হিন্দু-সূর্য্য মহারাণা বাপ্পারাওএর” নাম ঘোষণা করিতেছে। ইনি ৭২৮ খ্রীষ্টাব্দে চিতোরে রাজ্যস্থাপন করেন।

রাজপুত কবি ও ঐতিহাসিকগণ রাণার বংশকে “অযোধ্যাধিপ মহারাজ রামচন্দ্রের বংশ বলিয়া পরিচয় দেন ; তাঁহাদের গণনানুসারে “বাপ্পারাও” রামচন্দ্রের অশীতি পুরুষ অধঃস্তন ।

কিয়ৎকাল দোর্দণ্ডপ্রতাপে সমস্ত মিবার রাজ্য শাসন করিয়া, মহারাণা দিগ্বিজয়ে নির্গত হন এবং তদানীন্তন প্রবল ইরান্, তুরান্ কাবুলীস্থান, জেবুলীস্থান প্রভৃতি প্রদেশে স্বীয় জয়পতাকা উড্ডীন করেন । কথিত আছে,—তিনি হিন্দু হইয়াও উক্ত পরাজিত স্লেচ্ছ রাজগণের কন্যার পাণিগ্রহণ করিয়া ছিলেন । পরাজিত নরপতির কন্যার পাণিগ্রহণ-প্রথা, প্রাচীন ইতিহাসের কোন কোন স্থলে দেখিতে পাওয়া যায় ; বোধ হয় তৎকালে “স্ত্রীরত্নং তক্ষুনা-দপি” চাণক্য পণ্ডিতের এই নীতিই সম্যক প্রবল ছিল ।

যাহাই হউক বাপ্পারাও কিয়দ্দিবস পইরাণ দেশে যবন জাতির সহিত সস্ত্রীক বাস করিয়াছিলেন, এবং সেই স্লেচ্ছ দেশেই তাঁহার মৃত্যু হয় । কথিত আছে, দেশপ্রথানুসারে স্লেচ্ছেরা তদীয় শবদেহ দগ্ধ না করিয়া সমাধিস্থ করিয়াছিল ।

মিবারের রাজপুত রমণীও তাঁহার মহিষী ছিলেন । তাঁহার মৃত্যুর পর এই মহিষীর গর্ভজাত সন্তানেরাই তাঁহার উত্তরাধিকারী হইয়াছিলেন ।

সমরসিংহ, ভীমসিংহ, প্রতাপসিংহ প্রভৃতি মহাবলপরাক্রান্ত নরপতিগণ এই মহারাণা বাপ্পারাওএর বংশে জন্ম গ্রহণ করিয়া চিতোরের সিংহাসন অলঙ্কৃত করিয়াছিলেন । এই সকল মহাবীরের বীরত্বকাহিনী ভারত ইতিহাসে সুবর্ণ অক্ষরে লিখিত রহিয়াছে । মোগল সম্রাটের অভ্যুদয়ে যখন অনেক রাজপুত যবনের সহিত বৈবাহিক সূত্রে আবদ্ধ হইয়াছিলেন, তখন কেবল এই মহারাণা বাপ্পারাওএর বংশধরগণ মুসলমান সংস্পর্শে আপনাদিগের বংশ কলঙ্কিত করেন নাই । এই জন্যই রাণার বংশ সমগ্র রাজপুতদিগের মধ্যে অত্যন্ত উচ্চ ও সম্মানার্থ ।

শ্রীবিনোদলাল চট্টোপাধ্যায় ।

## মোহ ।

যা'বে যদি যা'ক্ তবে, সবই চ'লে যা'ক্ !

এ জীবন ধরা হ'তে,  
যা'ক্ মরণের পথে,  
হৃদয় হ'উক দগ্ধ,—সৃষ্টি শূন্য কা'ক্ !

ভালবেসে অবশেষে এই হ'ল স্মৃতি ;—

শিরে শিরে হলাহল,  
মরমেতে অশ্রুজল,  
মৃত্যু-হীন অন্তর্জলি, বজ্রে ভাঙা বুক !

ভূষণের ফাট্টি'ছে ছাতি, আঁধার ধরণী ;

সমুখে সরসী জল,  
অতি স্নিগ্ধ সূশীতল,  
পরশে গরল তাহে উঠিবে অমনি !

নয়নের আগে ঝোলে আকাঙ্ক্ষার ফল ;

উছল অমিয়-মধু,  
দূর হ'তে দেখি শুধু,  
ছুঁইতে যাইলে কাছে অনন্ত অনল !

যুগ যুগান্তর ধ'রে র'বে একটাই

চোখোচোখি তরুলতা,  
বুকে বাসনার ব্যথা,—

আলিঙ্গনে দাবানলে পুড়ে হ'বে ছাই !

যুগপৎ স্মৃতি আর নয়নের দেশে  
কে তুই দাঁড়ালি বল ?  
চোখে তো'র অশ্রুজল !—  
ওকি বালা ! কেঁদে তুই কাঁদাবি কি শেষে ?

আবার আবার কিরে জ্বালিবি অনল ?  
পরশনে—আলিঙ্গনে,  
পোড়া'বি কি ছুইজনে ?  
অধর-অমৃতে পুনঃ পিয়াবি গরল ?

থাক্ দূরে, আর নাহি, ভাঙ্ এ স্বপন ;—  
আজি এ উন্নত মোহে,  
ছাড়াছাড়ি হ'ক্ দৌছে,  
সে রহস্য-কথা আর তুলো না কখন ।

সে গানের ছত্র যদি পড়ে কভু মনে ;  
ভেবো কোন সন্ধ্যাকালে,  
কে গেয়ে গিয়েছে চ'লে,  
তা'রি ভাঙা ভাঙা সুর রয়েছে স্মরণে !

এ জনমে সে বাসনা পূরিবে কি আর ?  
যে বিনা চলে না দিন,  
সে হ'বে বিস্মৃতি-লীন,  
জীবন হারা'য়ে হ'বে জীবন-ব্যাপার ?

যাই হ'ক্, প্রিয়ে ! তুই দাঁড়া একবার ;  
ওই মুখ চিরতরে,  
দেখে ল'ব অঁখি ভ'রে,  
যে মুখে হাসিত বিশ্ব, হাসিত সংসার ।

দেখেনিয়ে প্রেম-কাব্য করি সমাপন ;  
একে একে স্মৃতিদলে,  
ফেলে দি' জাহ্নবী জলে,  
মরণে জীবন-ব্রত করি উদ্বাপন !

চাহি না ভুলিতে, তবু ভুলিবারে হ'বে !  
আপনি আপন প্রাণ,  
দিতে হ'বে বলিদান,—  
হায় হায় ! ভালবেসে কে ভুলেছে কবে ?

জীবন্ত সে' প্রেম, সখি ! নহে ভুলিবার ;  
তথাপি সংশয় যদি,  
স্পর্শে কভু তব হৃদি,  
আমার গুণানে তুমি যেও একবার ।

চূর্ণ এক অস্থি-খণ্ড তুলে ল'য়ে, হায় !  
অতীত স্বপন-স্মৃতি,  
একবার ধোরো বুকে,—  
প'ড়ে দেখো, ওই নাম লেখা আছে তা'র !

## দোকানদারী ।

সাংসার একটা প্রকাণ্ড বাজার ; নর নারী সব ক্রেতা বিক্রেতা । তুমি সেই বাজারে ঘর বাধিয়াছ, কেনা-বেচা তোমাকে করিতেই হইবে । দোকান-পাট না বনাইলে, হাঁক-ডাক গলাবাজী করিতে না পারিলে, এখানে তোমায় কেহ চিনিবে না, আদর করিবে না । যেখানে ষোল আনা দোকানদারী, সেখানে তুমি একাকী কোন উচ্চতর উদ্দেশে চালিত হইয়া তাহার প্রতিবাদী হইলে, তোমাকে গলাধাক্কা খাইয়া, দাশনয়নে ফিরিয়া আসিতে হইবে ; ইহা ভাবিয়া তুমি বিস্মিত হও কেন ?

বাজারে যখন আসিয়াছ, তখন তুমি ক্রেতাই হও, আর বিক্রেতাই হও, দোকানদারী তোমায় শিখিতে ত হইবে ! ইহাতে ভালরূপ অভ্যস্ত হইতে না পার, এখানে তোমার আদর অভ্যর্থনা হইল না । যে যত পাকা দোকানদার, তাহার তত পসার প্রতিপত্তি । পাকা দোকানদার হইতে হইলে, চক্ষের পরদা ছ'খানি তুলিয়া রাখিতে হইবে ; ঝুটা মালের আমদানী করিতে হইবে ; সেই হিসাবে গলা শানাইয়া হাঁক-ডাকের সুর চড়াইতে হইবে । অত্যা তুমি দোকানদারী করিতে পারিবে না । দোকানে ভাল মাল থাক, আর নাই থাক, মাল কাটতির দ্বারা উদর-পূর্তির জন্ত তোমাকে শতমুখে বিক্রয় মালের গুণ-কীর্তন করিতে হইবে । এক কথায়, নিজমুখে আশ্র-ঘোষণা করিতে হইবে ; তিলকে তাল করিয়া তুলিতে হইবে । না পার, তুমি আর দশজনের বিষ-নয়নে পড়িবে, উপহাসের পাত্র হইবে । স্মতরাং এ সাংসারে তোমার স্থান হইবে না ।

খাঁটী জিনিস বিক্রয়ের নিমিত্ত বাজারে দোকান বসাইবার আবশ্যিকতা হয় না ; ক্রেতার দৃষ্টি আকর্ষণের জন্ত গলাবাজী হাঁকাহাঁকিরও প্রয়োজন হয় না । যাহা খাঁটী—তাহা—সাধারণের নীচ-স্বার্থ-প্রণোদিত উন্নত-আবেগ-আকাঙ্ক্ষা-সঞ্জাত প্রবল কোলাহলের

কেন্দ্রস্থল—বাজারে—দোকানে মিলে না, তাহা—সাংসার-বাজারের বহুদূরে—সাধারণ দৃষ্টির নিভৃত অন্তরালে—অতল-জলধি-হৃদয়ে লুকা-য়িত গুপ্তি-কোটরস্থ রত্নের আয় বিরাজ করে ; বহু আয়াস ও কষ্ট স্বীকার করিয়া তবে লাভ করিতে পারা যায় ।

সূর্য্যোদয় হইতে সূর্যাস্ত পর্য্যন্ত এই যে মানব-সমূহ ছুটাছুটী করিয়া কেনা-বেচা করিতেছে, ইহার ভিতরে খাঁটী মাল চিনে-কর জন ? দেখিতেছি—সকলেই নকল-প্রিয়, ঝুটা মালের খরিদার । কিন্তু কেহ কখনও চিনিলেও, দোকান সাজানের পরিপাট্যে, জিনিসের বাহু চটকে এবং দোকানীর হাঁক-ডাকের চোটে দিশে-হারা হইয়া প্রাণান্ত পণ করিয়াও সেই ছাইমুঠা সোণামুঠা বলিয়া গ্রহণ করিতেছে ; এক কিনিতে আসিয়া, আর কিনিয়া লইয়া যাইতেছে ; পদে পদে প্রতারিত হইতেছে ।

এই প্রকাণ্ড বাজারের যে পটীতেই যাইবে, সেই খানেই দেখিতে পাইবে, খাঁটী মালের নাম গন্ধও নাই, কেবল ঝুটা মালের আমদানী—ছড়াছড়ি ; দোকানদারীর বাড়াবাড়ি, হড়াহড়ি । প্রেমের পটীতে যাও, দেখিবে কত নর নারী প্রেম-পসরা মস্তকে লইয়া দ্বারে দ্বারে ফিরি করিয়া বেড়াইতেছে । আর তাহারাই কিন্তু সুখে স্বচ্ছন্দে, আমোদে প্রমোদে, হাসিয়া খেলিয়া দিনপাত করিতেছে । যে সেরূপ করিতে পারিতেছে না, সে কুন্দনন্দিনী কিস্বা কড়েলিয়া, অক্টেভিয়া কিস্বা এবেলার্ডের আয় এককোণে নীরবে কাঁদিয়া ঝরিয়া যাইতেছে ; তাহাদের খোঁজ-খবর কেহই লইতেছে না ।

ঘোঁজের ভিতরে—যেখানে লোক-সমাগম বিরল,—সেখানে দোকান বসাইলে ব্যবসায় ভাল চলে কি ? কখনই না । সেই জন্ত বহুলোকের দৃষ্টিপথে—সদর—বড় রাস্তার উপর দোকান খুলিবার জন্ত সকল দোকানীই ব্যস্ত । অধিকন্তু যদি ঘানীতে যুক্ত ভ্রাম্যমাণ বলদের কণ্ঠসংলগ্ন অবিশ্রান্তশব্দকরী ঘণ্টার ন্যায় একটা ঘণ্টার ব্যবস্থা করিতে পার, তাহা হইলে, তোমার

দোকানে খরিদারের কখনই অভাব হইবে না। সুতরাং এখানে নীরবভাবে আড়ালে কোন কার্য্য করিতে যাওয়া বাতুলের বাতুলতা-শত্রু। হৃদয়ের অপরিসীম দুঃখ যন্ত্রণায় ঘরের কোণে চুপে চুপে অঞ্চলে মুছিয়া ফেলা দুই বিন্দু চক্ষের জলের মর্শ্ব, এখানে কেহ বুঝিবে না। সুর সপ্তমে চড়াইয়া গগনভেদী আর্তনাদে যদি সংসারটা সম্ভ্রান্ত—বিকম্পিত করিতে পার, তবেই তোমার দুঃখ-যন্ত্রণার গুরুত্বের কতকটা উপলব্ধি হইবে। বস্তুতঃ, প্রাণে দরদ হউক বা না হউক, চক্ষে জল না আনিলে, তেল দিয়াই হউক, বিনাইয়া বিনাইয়া নানা ছাঁদে ক্রন্দনের ছলে খানিকক্ষণ চেঁচাইতে পারিলেই, তোমার কাজ হইল। দেখিবে, কতজনে কতভাবে চিরাত্যস্ত 'আহা' 'হুহু' বোলে তোমাকে সাহায্য করিতে অগ্রসর হইবে। মোদা কথা, নিছক দোকানদারী চাই।

বিজ্ঞাবুদ্ধির পটীতে দেখিবে, যে সব ব্যবসায়ীর গুদামে কিছু নাই, তাহাদেরই মাজসরঞ্জাম, হাঁক-ডাক বেশী বেশী। অশ্বমেধ ঘোড়ার কপালস্থিত জয়পত্রবৎ স্ব-লিখিত আত্মঘোষণা-প্রচারিণী বিজ্ঞাপনী অঁটিয়া সকলকে উত্যক্ত ব্যতিব্যস্ত করিয়া তুলিয়াছে। তাহাদের অহঙ্কারদৃষ্ট উদ্ধত আফালন উল্লক্ষন দেখিয়া, বাহাদের গুদামে বা ঘটে কিছু আছে, তাহারা শাস্ত্রবাক্যের সার্থকতা করিবার জন্তই বোধ হয়, শত হস্ত দূরে সরিয়া গিয়া একটু হাঁক ছাড়িয়া বাঁচিতেছেন।

সুনামের পটীতে দেখিবে, তাহার ঘরে সুনাম-অর্জনের জন্ত বিনিময় করিবার মত কোন জিনিষই নাই, সেই আপন নামের জয়টাকটা অপর একজনের স্বন্ধে চাপাইয়া দিয়া আপনিই তাহাতে সজোরে কাটি মারিতেছে, আর তালে তালে নৃত্য করিতেছে; অপরে বাহবা না দিলেও, নিজেই বাহবা দিয়া আসর মাত করিবার চেষ্টা পাইতেছে। প্রকৃত দোকানদারী ইহাকেই বলে।

ধর্মহাটায় গিয়া দেখ, যত ব্যবসায়ী, ঘরে যে পরিমাণে মাল মজুত আছে, তাহার দ্বিগুণের বায়না লইয়া, অপর সকলকে

স্তুতিত করিয়া বাহাহুরী লইতেছে। আর সেই ছিটা-কোঁটা মালের শ্রেষ্ঠতা প্রতিপাদনোদ্দেশে গলাবাজীর চোটে আর লেখনীর ঠেলায় বিধাতার সৃষ্টি যেন উন্টাইয়া ফেলিবার প্রয়াস পাইতেছে; সৃষ্টির গাঁথুনী বা বনিয়াদ বড় শক্ত, তাই সে চেষ্টা আজিও সফল হইতেছে না।

ভাই! এইরূপ সকল বিষয়েই। তাই বলি, যদি সংসারে সংসারী মাজিতে ইচ্ছা থাকে, তবে এই দোকানদারীতে নিপুণতা লাভ কর। সহজ-সাধ্য না হইলেও, চেষ্টা কর। বত্রিশখানা তাস চেনায় বড় কিছু বাহাহুরী নাই; যা কিছু বাহাহুরী ঠিক হিসাব রাখিয়া খেলাতে জয়লাভ করা। অনেক রকম যোগ, বিরোগ, ভাগ, পূরণ এবং কৌশল চাতুরীতে অভ্যস্ত হইতে পারিলে, তবে লোকে সুদক্ষ সুনিপুণ দোকানদার হইতে পারে। দোকানদারীর কোড (Code) সম্পূর্ণ আলা-হিদা। এই কোডের যে ভাল করিয়া অভ্যাস-আলোচনা করিবে, তাহারই এই সংসার-বাজারে জয়লাভ ক্রম-নিশ্চিতই। যে তাহা না পারিবে, তাহার সংসার-পরিত্যাগ করিয়া বনে জঙ্গলে যাওয়াই শ্রেয়ঃ। অত-এব, যখন দোকান খুলিয়া বসিয়াছ, তখন পেশাদারী কবাই সুবুদ্ধি-সম্মত এবং তাহাই কর; না পার, পাততাড়ী গুটাইয়া এ ক্ষেত্র হইতে ঝটিতি প্রস্থান কর; সময় থাকিতে হুকুল বজায় রাখিবার চেষ্টা কর।

## স্মৃতি ।

দূরে দূরে—তুমি আমি কতদিন হায়!  
হবে কি না এ জনমে দেখা পুনরায়!  
তবু সেই ভালবাসা হৃদয়ে জাগায়—  
অযুত মধুর আশা—দীপ্ত কল্পনায়!  
পাষণ কঠিন চির—নির্মম—নির্দয়—  
সংসার আঘাতে যবে বিক্ষিপ্ত হৃদয়;

একটু করুণ দৃষ্টি, একটী সদয়  
সম্মেহ বাক্যের তরে চারিদিকে চায় ;  
গত স্বপনের মত চির মধুময়  
তোমারি সে চারুযুথ—ভালবাসা স্মৃতি  
জীবনে বিশ্বাস আনে ; কি এক আশায়  
ভ'রে দেয় আমার নৈরাশ্র-ক্লান্ত-হৃদি !  
তুমি সই—আছে তব ভালবাসা স্মৃতি  
রাবণের চিতাসম—কঠোর অবিধি !

শ্রীচারুচন্দ্র বন্দ্যোপাধ্যায় ।

## মহামায়া ।

[ পূর্ক-প্রকাশিতের পর । ]

( ৮ )

সারদাসুন্দরীর সেই দিন দেশে আসিবার কথা । রমাপ্রসাদ  
নিজের আসিতে বিলম্ব দেখিয়া, সারদাসুন্দরীর জেদে তাহাকে  
আগে হইতেই বাটী পাঠাইলেন । তাহার আসিবার সংবাদ ছুই  
স্থানেই প্রেরিত হইলেও, কিন্তু মহামায়া সংবাদ পাইবার পূর্বেই  
বাটী হইতে বাহির হইয়াছিল । বাড়ীর দাস-দাসী সারদাসুন্দরীকে  
আনিতে ষ্টেশনে গিয়াছিল । রমাপ্রসাদের মা বৃদ্ধা বড় একটা  
বাহিরে আসিতেন না । কাজেই মহামায়ার এই অগ্নায় আদর-  
পীড়নে বাধা দিতে শীঘ্রই সে স্থানে আসিবার বড় একটা কেহ  
ছিল না ।

উপায়ান্তর না দেখিয়া, বালিকা মহামায়ার চুম্বন তরঙ্গে সলজ্জ  
মুখখানি ভাসাইয়া চুপ করিয়া বসিয়া রহিল । বিশ্বাস ছিল, শীঘ্রই  
মা আসিয়া তাহাকে এই অপরিচিতার অঙ্ক-কারাগার হইতে মুক্তি-  
প্রদান করিবে ।

বহুক্ষণ অপেক্ষা করিল, মা আসিল না । আর মহামায়াও নিজে  
কি করিতে আসিয়াছিল, ভুলিয়া গিয়াছিল । ‘ন যযৌ ন তসৌ’  
—কেবল বালিকাকে মা বলিবার জেদ করিতে লাগিল । বালিকা  
চারিদিকে বারবার চাহিল—মা আসিবার কোন নিদর্শন দেখিল  
না । তখন মুক্তির অন্ত উপায় না দেখিয়া, অগত্যা মহামায়াকে  
মাতৃসম্বোধনরূপ উৎকোচ প্রদান করিল ।

এমন সময় বালিকার মাতা তথায় আসিয়া পড়িল । মা  
দেখিল, কণ্ঠা এক অপরিচিতার কোলে উঠিয়া তাহাকে মা বলিয়া  
ডাকিতেছে । আর দেখিল, তা'র দুটী পদ্যপলাশে জল ঢল ঢল  
করিতেছে ।

বালিকার মাতাও সারদাসুন্দরীর গৃহে নবাগতা । সেও কখন  
সারদাসুন্দরীকে দেখে নাই । কাজেই মমতাময়ী মহামায়াকে সে  
একেবারে সারদাসুন্দরী স্থির করিয়া ফেলিল । বলিল—কতক্ষণ  
আসিলে বউ ?

মহামায়ার কুটুম্বিনী সম্বন্ধে নূতন পুরাতনত্ব ছিল না, পরিচয়  
অপরিচয় ছিল না । যেখানে তৃপ্তি পাইত, সেই খানেই পরিচি-  
তার মত ব্যবহার করিত,—পরিচয় হইতে হয়, পরে হইবে । মহা-  
মায়া বালিকার মাতার প্রশ্নে উত্তর না দিয়া বলিল,—“এটি কি  
ভাই তোমারই মেয়ে ?”

বালিকার মাতার মুখে সহসা বিষাদের ছায়া পড়িল, চক্ষু ছল  
ছল করিয়া আসিল, আধ জড়ান স্বরে বলিল ;—

“কেমন করিয়া বলিব ?”

মহামায়া তা'র মুখের দিকে বেশীক্ষণ চক্ষু রাখিবার অবকাশ  
পায় নাই । সে বালিকার মুখের সৌন্দর্য্য বারবার দেখিয়াও তৃপ্তি  
পাইতে ছিল না ; তা'ই বালিকার মাতাকে প্রশ্ন করিয়াই মুখ  
ফিরাইয়া, বালিকার মুখ আবার চুম্বিত করিল । তাহার প্রশ্নে মুখ  
না তুলিয়াই বলিল,—“বলিতে পার আর না পার, এখন হইতে  
এই ছুট্ট মেয়েটার “মা” বলার অর্ধেক ভাগ আমায় দিতে হইবে ।”

এই কথা বলিবার পূর্বে সর্বনাশী মহামায়া কত চিন্তাই করিয়া লইল। যুহূর্তমধ্যে রাশি রাশি চিন্তার আবরণে পড়িয়া আত্মহারা হইয়া পড়িল। উত্তর দিবার পূর্বে এবারেও বালিকার পরিচয় লইবার অবকাশ পাইল না।

বালিকার মাতা তাহার হাত ধরিয়া বাড়ীতে লইয়া চলিল। যাইতে যাইতে মহামায়া বালিকার নাম জিজ্ঞাসা করিল। শুনিল 'নলিনী'। মহামায়ার সর্কাস আবার শিহরিল। বালিকার মাতার ললাটের দিকে দৃষ্টি পড়িল, সেখানে সিন্দূর দেখিল না। বাম-হস্তের দিকে দৃষ্টি নিক্ষেপ করিল, দেখিল হাতে লোহা নাই। জিজ্ঞাসা করিল,—“তোমার এ অবস্থা কতদিন হইয়াছে?”

“তুই মাস।”

“স্বামীর কি হইয়াছিল?”

“কি হইয়াছিল?”

মহামায়া দেখিল, অপরিচিতা যুবতীর সুন্দর মুখশ্রী সহসা রক্ত-রাগ-রঞ্জিতা হইয়া গেল।

“কি হইয়াছিল? কি বলিব ভাই?—বলিলে বিশ্বাস করিবে কি? একটা কালসর্প আর কালনাগিনী, আমার স্বামীর মস্তকে দংশন করিয়াছিল। ঘরে চল বসিয়া বসিয়া সমস্ত ছুঃখ-কাহিনী বলিব।” বলিতে বলিতে যুবতী কাঁদিয়া ফেলিল।

মহামায়ার পা টলিতে লাগিল। তা'রপর যুবতী একটা দীর্ঘ নিশ্বাস ফেলিয়া বলিতে আরম্ভ করিল;—“আমার স্বামী মেদিনী-পুরের কাছারিতে কাজ করিতেন—”

মহামায়া দাঁড়াইল—বালিকাটিকে কোল হইতে নামাইল। তার পর বলিল,—“একটা কাণ আছে, সারিয়া ফিরিয়া আসিতেছি; আসিয়া সমস্ত কথা শুনিব।”

প্রয়োজনের কথা শুনিয়া যুবতী মহামায়ার হাত ছাড়িয়া দিল। মহামায়া বরাবর বাটীর বাহিরে আসিল—আবার পাকীতে উঠিয়া বাটী ফিরিয়া গেল।

মহামায়া চলিয়া গেলে, বালিকা মাকে জিজ্ঞাসা করিল,—

“হাঁ মা! ও কে গা?”

মা বলিল,—“তোমার আর এক মা।”

বালিকা বলিল,—“তবে এতকাল দেখি নাই কেন?”

মা বলিল,—“আমাদের অদৃষ্ট।”

•তাহারা সেই স্থানে দাঁড়াইয়া রহিল—দাঁড়াইয়া অপরিচিতার ফিরিবার আশায় বহুক্ষণ অপেক্ষা করিল—অপরিচিতা ফিরিল না। তখন মা মেয়েকে ঘরে যাইতে অনুরোধ করিয়া, আপনি বাটীর বাহিরে গেল। সেখানেও অপরিচিতাকে দেখিল না। বহুক্ষণ দাঁড়াইয়া রহিল; পল্লিগ্রামের পথ, তুই একজন কচিং আসিল—চলিয়া গেল—অপরিচিতার আসিবার কোনও নিদর্শন দেখা গেল না। যুবতী বিস্মিতা হইল। বিস্ময় ক্রমে উৎকণ্ঠায় পরিণত হইল। বাড়ীতে পা দিয়াই, কোথায় ফিরিল? গৃহ-প্রবেশোন্মুখী 'আদি' বলিয়াই চলিয়া গেল, এখনও ফিরিল না কেন? সে কি সারদা-সুন্দরী? যুবতীর সন্দেহ আসিল। মহামায়াকে যেন কোথায় দেখিয়াছি, মনে করিল। মনকে—সেই কোথায়—ফিরাইবার বহু চেষ্টা করিল—পারিল না।

বহুক্ষণ অপেক্ষা করিয়াও যখন অপরিচিতাকে ফিরিতে দেখিল না, তখন যুবতী বাটী ফিরিতে মনঃস্থ করিল। তুই একপদ অগ্রসর হইয়াছে, এমন সময় দূরে পাকীবাহকের কণ্ঠশব্দ তাহার শ্রুতি-গোচর হইল। যুবতী বুঝিল অপরিচিতা আবার ফিরিতেছে। সে আবার অগ্রসর হইল। বহির্কাটাতে পা দিয়াই দেখিল, বাটীর দাস-দাসী পাকীর সহিত ছুটিয়া আসিতেছে।

বাটীর উঠানে আসিয়া পাকী থামিল। দাসী যুবতীকে দেখিয়া মায়ের শুভাগমনের সংবাদ দিল। যুবতী আগুবাড়াইয়া আনিত্তে গিয়া দেখিল—একি! এই যে সারদাসুন্দরী!

[ ক্রমশঃ ]

শ্রীক্ষীরোদপ্রসাদ ভট্টাচার্য্য ।



## ললনা-মহিমা ।

[ পূর্ব প্রকাশিতের পর ]

৭৩

তুমি গো প্রসন্নময়ী ফুল পারিজাত,  
নর-পশু নাহি চিনে,  
দলে তাই অবতনে,  
তবুও বিলাও জীবে সৌরভ স্জাত ।

৭৪

মধুর চরিত্র তব পবিত্র সরল,  
মধুর তোমার কেশ,  
মধুর তোমার বেশ,  
মধুর মাধুরী হেন ধরায় বিরল ।

৭৫

কাননে কুসুম ফোটে, কুন্তল কবরী  
সাজাইতে সযতনে,  
করে চেষ্টা প্রাগপণে,  
ঘোর নিশাকাশে যেন তারকা সুন্দরী ।

৭৬

অস্থিরা হয়েছে হায় কুসুমের মালা !  
বলে “মাথে নাহি র’ব,  
গলা ধরে ছলে যা’ব,  
নুখপানে চেয়ে র’ব যেন মুগ্ধবালী ।”

৭৭

ছিঁড়িল কুসুম দাম পড়িল চরণে,  
কহিছে কুসুম কলি,  
‘পেয়েছি সুধার স্থলি,  
এ চরণ ধ্যান মম শয়নে স্বপনে’ ।

৭৮

যামিনীতে জাগে যত তারকা-সুন্দরী,  
হেরিতে তোমার হাসি,  
নীলাকাশে হাসে শশী,  
প্রমত্ত সবাই তা’রা অন্ত বিভাবরী ।

৭৯

পাখী গায় শাখী পরে কাকলী লহরী,  
কহিছে—কুজন তার,  
এ সংসারে হবে সার,  
পশে যদি শ্রুতিমূলে তোমার সুন্দরী ।

৮০

মকরন্দ মধুপানে মধুপ মোহিত,  
বলে ফুল “কোথা গেলি, ?  
একা ফেলে পলাইলি,”  
গুঞ্জে গুঞ্জে পড়ে পদে, করগো বিহিত ।

৮১

কতরূপে বিরাজিতা মহিলা সংসারে,  
তুমি গো দয়ার নদী,  
তুমি না থাকিতে যদি,  
অতিথি ফিরিত গৃহে বিমুখ অন্তরে ।

৮২

মরি মরি পেতে তব দয়া ভালবাসা !  
বিহঙ্গম ত্যজে বন,  
আসে তব নিকেতন,  
প্রেমের শৃঙ্খল পরে নাহি ভয় বাসা ।

[ ক্রমশঃ ]

শ্রীকিরণচক্র দত্ত ।

## ভেক ।

ভেখ নয়—ভেক । ভেখের কথা আর এক সময় বলিব ;  
আজ ভেকের কথাই বলিয়া যাই । বোধ হয়, ভেক যত ক্ষুদ্র  
জীব, কথাটা তত ক্ষুদ্র হইবে না ।

পল্লীগ্রামে একটা প্রকাণ্ড ছোট-বড় আম-জাম কাঁঠালের বাগা-  
নের এক পার্শ্বে আমার বাড়ী, বাড়ীর সদরে পাড়ার বোসেদের  
প্রকাণ্ড পুকুরিণী, পূর্বে সেই পুকুরে অনেক জল ছিল, জকেরও  
বাস ছিল, আবার জটেবুড়ীর ভয়ে গায়ের ছোট ছোট ছলে  
মেয়েরা ~~জলে~~ জলে নামিয়া স্নান করিতে পারিত না । এখন  
বোসেদেরও দশা যেমন, পুকুরের দশাও তেমনি ; জক বা জটে-  
বুড়ী থাকুক বা না থাকুক, জল কিন্তু নাই বলিলেই হয় । পাটা  
সেওলায় পুকুর ভরিয়া গিয়াছে, পাঁকিও বড় কম নয় ।

আমার ঘরের জানালা হইতে পুকুরটী বেশ দেখিতে পাওয়া  
যায় । গ্রীষ্মকালে আমি বাড়ী আসিয়া সেই জানালার নিকট  
বসিয়া থাকি । এবার বড় গ্রীষ্ম ; জানালার পার্শ্বে আম গাছের  
ডালে বসিয়া “ফটি-ঈ-ক জল” পাখীগুলো মধ্যাহ্নে মনের সাথে  
আকাশের আরাধনা করিতেছে, কতকগুলো ব্যাং বোসেদের সেই  
পটা পুকুরের পাঁকে ও পাটা-সেওলার মধ্যে লাফালাফি, আর  
গ্যা—এ্যা গো—ও” করিয়া চারিদিক নিনাদিত করিতেছে, আমি  
দেশের দারুণ জলকষ্টের কথা বাঙ্গালা কাগজের সম্পাদক ভায়া-  
দিগের নিকট লিখিয়া পাঠাইব ভাবিয়া মহা আড়ম্বর করিয়া কাগজ  
কলম লইয়া লিখিতে বসিতেছিলাম ; এমন সময় ব্যাংএর ঐ ডাক  
শুনিয়া হাঁ-করিয়া আকাশ পানে চাহিয়া রহিলাম, ভাবিলাম আর  
ভয় নাই ; কিন্তু ঘন ঘন আকাশের দিকে চাহিয়াও কোথাও  
বিন্দুমাত্র নবঘনের সঞ্চার দেখিতে পাইলাম না । ব্যাংগুলো কিন্তু  
বিকট চীৎকার করিতেছে, আমি একপ্রকার বিরক্ত হইয়া উঠিলাম,  
মনে মনে নিরীহ ভেক জাতির উপর অবিরাম গালি পাড়িতে

লাগিলাম ; এমন সময় আমার গণ্ড পণ্ড বিধায়িনী লক্ষ্মী-সরস্বতী-স্বরূপিণী নয়ন-মন-বিমোহিনী শ্রীমতী পুণ্যপ্রভা খোদ অলঙ্কার ধ্বনিত্তে গৃহ-মন প্রকম্পিত করিয়া কিঞ্চিৎ মিঠে হাসি হাসিয়া ও সেই সঙ্গে প্রেম-মদালসিত-নয়নে অপাঙ্গে চাহিয়া নির্জ্বল কক্ষ মধ্যে প্রবেশ করিলেন । মুহূর্ত্তে আমার সকল স্বপ্ন ভাঙ্গিয়া গেল, ভাবিব না দেখিব,—কিছুই স্থির করিতে পারিলাম না ; যেমন হাঁ করিয়া বসিয়া ছিলাম, তেমনই স্থাণুবৎ বসিয়া রহিলাম । তব্বন্দী তখন নিকটে আসিয়া হাসিয়া হাসিয়া বলিলেন,—“শ্রীযুত কি এখন ~~স্ব~~ রাজ্য কমিসনে সুরেন্দ্রনাথের সাক্ষ্যের ভাবনা ভাবিতেছেন—আমরা কি কেও নই ?”

আমি শশব্যস্তে বলিলাম,—“না গো না, ঐ বোনেদের পুকুরে ব্যাংগুলা ডাকছে, তাই শুনিছি ।”

সুমধ্যমা তখন কিঞ্চিৎ ক্রোধ প্রকাশ করিয়া বলিলেন,—“পোড়ারমুখো ব্যাংগুলো কেবল ডেকে ডেকেই মর্ছে, জল কোথায় তার ঠিক নাই । সেকালে ব্যাং ডাকলেই জল হ’ত, আর আজ-কাল দেখ না—মূলে মেঘেরই নাম নাই ।”

এই বলিতে বলিতে সুহাসিনী আমার পার্শ্বে আসিয়া বসিলেন । তাঁহার এই কথায় আমার মনটায় ভূত ভবিষ্যৎ বর্তমানের কত কথা উদ্ভিত হইল, কি যেন ভাবোচ্ছ্বাসে হৃদয় ভরিয়া গেল । নিষ্পন্দনয়নে প্রিয়তমার মুখ পানে চাহিয়া রহিলাম, আমার ভাব দেখিয়া একটু চোখ টিপিয়া সুন্দরী বলিলেন,—“আবার কি পণ্ড মনে পড়িল নাকি ?”

আমি হাসিয়া বলিলাম,—“ও গো না । তুমি ঠাট্টা কর কেন ? ব্যাং ডাকলে এখনও জল হয়, তবে তেমন ডাকে কই ?”

সুন্দরী অপেক্ষাকৃত উচ্চ হাসি হাসিয়া বলিলেন,—“কি রকম ?”

আমি গম্ভীর ভাবে বলিলাম,—“হাঁ ভুলিয়াছে, অবশ্য ভুলিয়াছে, ব্যাংগুলা সুর হারাইয়াছে ঠিক সুরে ডাকিতে পারে না । মল্লার রাগে মেঘ হয়, জলও হয় ; সেকালের ব্যাংগুলা মল্লারের আলাপ-জানিত,

মল্লার গাহিত, তাই মেঘ হইত, জলও হইত ; এখন উহারা তাহা নিশ্চয় ভুলিয়া গিয়াছে । আমরা যেমন সকলই হারাইয়াছি, সকলই বিসর্জন দিয়াছি, আমাদের ধর্ম নাই, কর্ম নাই, শিক্ষা নাই, সাধনা নাই, হৃদয় নাই, ভক্তি নাই, বিশ্বাস নাই, প্রাণ ভরিয়া দেবতাকে ডাকিতে পারি না, দেবতারাও দেখা দেন না, ছুঃখও দূর হয় না । আমরা বলি—দেবতাদের • দোষ, তাঁহারা দেখেন না—দেখা দেন না—কিন্তু তা নয়—বুঝিয়াছ কি ? আমরা বাহা-ডম্বরে ভুলিয়া বীজ-মন্ত্র ভুলিয়াছি, সন্দেহবাদী হইয়া ঈশ্বর বিশ্বাস হারাইয়াছি—সার ভুলিয়া অনারে মজিয়াছি, কেবল লোক দেখান উপাসনায় চটক দেখাইয়া বেড়াই, তাই দেবতার রূপা-লাভ করিতে পারি না । আমরা যেমন অধঃপতিত হইয়াছি, ঐ হততাগা ভেকগুলাও তেমন অধঃপতিত হইয়াছে ; উহারা কেবল জঙ্গলা আলাপে মত, হয় ত তাল-লয়-মান সকলই ভুলিয়া গিয়াছে, সে জঙ্গলা আলাপও বিশুদ্ধরূপে গাহিতে পারে না ; মল্লার ত আদৌ অবগত নহে, এখন বুঝিলে কেন দিনরাত ভেকগুলা ডাকিয়া মরিলেও জল হয় না ? •

শ্রীশ্যামলাল মজুমদার ।

## স্বরলিপি ।

### ঝিঝিট খাম্বাজ—একতালা ।

কথা—শ্রীরাজকৃষ্ণ ঘোষ ।

সুর—শ্রীরাজকৃষ্ণ ঘোষ ।

এস এস সবে সখিগণ মিলি’ ভ্রমিব কুসুম-কাননে ;

ভ্রমিব কুসুম-কাননে, তুলিব কুসুম যতনে ।

মল্লিকা মালতী, বেল যুঁতি যাঁতি, ফুটিয়াছে ফুল আর নানাজাতি,

হেলিছে, ছলিছে, মাতিছে, মেহিছে, সুমন্দ মলয়-পবনে ;

মলয় মৃদুল বহনে ।

কুহু কুহু কুহু কোকিল কুজন, হানি’ছে মরমে যেন পঞ্চবাণ,

বিনা প্রাণপতি বাঁচে কিলো সতী, ছুরন্ত মদন-তাড়নে ;

বাঁচে কি অবলা জীবনে ।

আশ্বায়ী ।

সাঁ সাঁ সাঁ সাঁ সাঁ সাঁ নিঁ ষঁ ষঁ নিঁ সাঁ  
 এ স এ স স বে স থি

নিঁ সাঁ ষঁ নিঁ ষঁ ষঁ ষঁ নিঁ  
 গ গ মি নি ভ মি ব কু

নিঁ নিঁ নিঁ নিঁ সাঁ ষঁ সাঁ নিঁ সাঁ সাঁ গাঁ  
 স্ ম কা ন নে ভ মি

গাঁ গাঁ মঁ গাঁ মঁ ষঁ ষঁ মঁ গাঁ গাঁ মঁ  
 ব কু স্ ম কা

গাঁ ষঁ গাঁ ষঁ সাঁ ষঁ সাঁ নিঁ সাঁ নিঁ ষঁ  
 ন নে

ষঁ নিঁ ষঁ নিঁ সাঁ ষঁ সাঁ নিঁ ষঁ ষঁ  
 তু লি ব কু

ষঁ ষঁ ষঁ মঁ ষঁ গাঁ মঁ  
 স্ ম য ত নে

প্রথম অন্তরা ।

ষঁ নিঁ নিঁ ষঁ ষঁ ষঁ ষঁ ষঁ নিঁ  
 মু ল্লি কা মা ল তী বে ল

নিঁ সাঁ ষঁ নিঁ সাঁ ষঁ সাঁ নিঁ নিঁ  
 ষুঁ তি জাঁ তি

সাঁ নিঁ সাঁ নিঁ সাঁ নিঁ সাঁ ষঁ সাঁ  
 ফু টি যা ছে ফু ল আ

সাঁ নিঁ নিঁ নিঁ নিঁ সাঁ সাঁ গাঁ গাঁ  
 স্ না না জা তি হে লি ছে

সাঁ ষঁ সাঁ নিঁ নিঁ সাঁ ষঁ সাঁ ষঁ  
 হ লি ছে মা তি ছে মো

ষঁ নিঁ সাঁ নিঁ ষঁ ষঁ ষঁ ষঁ নিঁ  
 হি ছে স্ ম ল ম ল স্ প

নিঁ সাঁ ষঁ সাঁ নিঁ সাঁ নিঁ ষঁ ষঁ  
 ব নে ম ল

ষঁ ষঁ ষঁ ষঁ ষঁ মঁ ষঁ গাঁ মঁ  
 স্ স্ হ ল ব হ নে

দ্বিতীয় অন্তরা ।

ষ্ণ ণ ণ ষ্ণ ষ্ণ ষ্ণ ষ্ণ ণ ণ ণ ণ  
 কু হু কু . হু কু হু কো কি ল

---

ষ্ণ ণ সা ষ্ণ ষ্ণ সা সা ণ ণ ণ  
 কু জ ন

---

সাঁ ণ সাঁ ণ সাঁ ণ সাঁ ষ্ণ ণ ষ্ণ সাঁ  
 হা নি ছে ম র' মে যে

---

সাঁ ণ ণ ণ ণ ণ সাঁ সাঁ ণ  
 ন প ঙ্গ বা গ বি না প্রা

---

ষ্ণ ষ্ণ ষ্ণ সাঁ সাঁ ষ্ণ সাঁ ণ ষ্ণ  
 গ প তি বা চে কি লো স

---

সাঁ ষ্ণ ষ্ণ ষ্ণ ষ্ণ ষ্ণ ণ ণ সাঁ  
 তী হু র ত্ত ম দ ন তা ড়

---

ষ্ণ সাঁ ণ সাঁ ণ ষ্ণ ষ্ণ ণ ষ্ণ  
 নে বা চে কি অ

---

ষ্ণ ষ্ণ ষ্ণ ম ষ্ণ ষ্ণ ষ্ণ  
 ব লা জী ব নে

শ্রীরাজকৃষ্ণ ঘোষ ।



# বীণাপাণি ।

মাসিকপত্রিকা ও সমালোচনী ।

“বীণা-পুস্তক-রঞ্জিত হস্তে । ভগবতি, ভারতি দেবি নমস্তে ।”

৪র্থ খণ্ড । } আষাঢ়, ১৩০৪ সাল । } ৬ষ্ঠ সংখ্যা ।

## মহামায়া ।

[ পূর্ব-প্রকাশিতের পর । ]

( ৯ )

মেদিনীপুরের সেই ব্রাহ্মণের কিঞ্চিং বায়ুরোগ ছিল । কৃষ্ণ-ধনের পুত্রের সহিত কণ্ঠার বিবাহ হইবে, এই বিশ্বাসে তাহার আনন্দ এতই বৃদ্ধি পাইয়াছিল যে, সে সেই কথা প্রতিবেশিগণের সকলকেই শুনাইয়া দিয়াছিল । বাঙ্গালা পল্লীগামের প্রতিবেশী, সেই কথা শুনিয়া যে বড় তৃপ্ত হইবে না, অল্পবুদ্ধি ব্রাহ্মণ তাহা ভাল বুঝিতে পারে নাই । যদি কেহ এই কথা শুনিয়া আত্ম-তৃপ্তির জগু এইরূপ সম্বন্ধ-বৈষম্যের অসম্ভাবিতার উল্লেখ করতঃ তাহাকে নিরুৎসাহ করিবার চেষ্টা করিত, তাহা হইলে ব্রাহ্মণ তাহার সহিত কলহ বাধাইত । তা'রপর যখন সম্বন্ধ ভাঙিয়া গেল, তখন ব্রাহ্মণের মনক্ষোভের সীমা রহিল না । তাহার উপর ছুট্ট প্রতিবেশিগণ তাহাকে দেখিলেই যখন রহস্ত করিতে লাগিল,—তখন ব্রাহ্মণের

মস্তিষ্ক বিকৃত হইয়া গেল;—ব্রাহ্মণ, সম্বন্ধের কথা কেহ তুলিলেই তাহাকে গালি দিতে আরম্ভ করিল। শেষে এমন হইল যে, কেহ যদি একটা ইঙ্গিত করিত, তাহাও বিকৃত মস্তিষ্ক ব্রাহ্মণের সহ্য হইত না। ব্রাহ্মণ বাহিরের লোককে গালি দিয়া নিবৃত্ত হইত না; বালিকা কণ্ঠা ও অভাগিনী পত্নীকেও নিত্য তিরস্কার করিত। তাহার বিশ্বাস হইয়াছিল, কণ্ঠা বাটীর বাহির না হইলে তাহাকে ব্রাহ্মণী মহামায়া দেখিতে পাইত না, আর স্ত্রী নিমন্ত্রণ না যাইলে কণ্ঠা শ্রামসুন্দরকে ফেলিয়া দিত না।

ব্রাহ্মণের এ অবস্থা অধিক দিন রহিল না। ব্রাহ্মণ শীঘ্রই মারা গেল। ব্রাহ্মণী কণ্ঠাকে লইয়া ছুঃখের ভার বহন করিতে রহিল। ব্রাহ্মণের রোগের চিকিৎসায় বহু অর্থ ব্যয় করায় ব্রাহ্মণী গহনাপত্র সব নষ্ট করিয়াছিল; আট বৎসর অতি কষ্টে কণ্ঠাটিকে পালন করিতে তাহার ধুলাগুঁড়া যা' ছিল, সব ফুরাইল। আট বৎসরের পর দেখিল, আর কোনমতে চলে না। তখন আত্মীয়ের সন্ধান তাহার একান্ত প্রয়োজনীয় হইয়া পড়িল। আত্মীয়ের মধ্যে ব্রাহ্মণের মাতুলবংশ নিস্ব, ব্রাহ্মণীর পিতৃকুল নিশ্চূল। কুলীনদিগের অধিকাংশেরই মাতামহ মাতুলাদি লইয়াই পরিচয়—ব্রাহ্মণী কোথায় যাইবে—কি করিবে? আশ্রয় পাইবার জন্য অভাগিনী নিত্য ভগবানের কাছে কাঁদিতে লাগিল।

অল্পদিন হইল যোগ উপলক্ষে ব্রাহ্মণী কতকগুলি প্রতিবেশিনীর সঙ্গে কলিকাতায় আসিয়াছিল। যাহার কিছু নাই, সে কেমন করিয়া মেদিনীপুর হইতে এতদূরে আসিতে পারিল?—এ প্রশ্ন করিবার পাঠকের অধিকার আছে। কিন্তু ধর্মের জন্য হিন্দু-নারী কত কষ্ট সহিতে পারে, আজও পর্য্যন্ত সমালোচনা, গবেষণা, গণিত, দর্শনে নির্ণয় করিতে পারে নাই। নিত্য-অনাহার-পীড়িতা কেমন করিয়া অর্থ-ব্যয়ে অনুর্ত্তেয় ব্রত নিয়মাদি পালন করে—এ সূক্ষ্ম তত্ত্ব আজও পর্য্যন্ত আমাদের জ্ঞান-বুদ্ধির অগোচরে গুপ্তভাবে লুক্কাইত রহিয়াছে।

কলিকাতায় আসিয়া গঙ্গাতীরে রমাপ্রসাদের মা'র সহিত তাহার পরিচয় হয়। পরিচয়ে বৃদ্ধা একটা নিধি হাতে পাইল। এত আপনার জন এতকাল কোন অন্ধকারে লুক্কাইয়াছিল? বৃদ্ধা নিধিটিকে জোর করিয়া ধরিল, আর হাত-ছাড়া করিল না। মা'ও মেয়েকে চক্ষুজলে সিক্ত করিয়া আপন আনুয়ে ধরিয়া আনিল, আর মেদিনীপুরে' যাইতে দিল না।

কুলীন যখন স্বকৃত ভঙ্গ হয়, তখন প্রায়ই বহু বিবাহ করিয়া বসে। মেদিনীপুরের ব্রাহ্মণের পিতা নিজে ভঙ্গ হইয়াছিল, আর সেই উপলক্ষে বিশ-পঁচিশটা বিবাহ করিয়াছিল। তাহার হিসাব তাহারই কাছে ছিল—সে আয়-ব্যয়ের তালিকা অত্রের জানা দূরে থাকুক, সপত্নীগণ আপনারাই তাহা জানিত না।

তাহাদের একটীর গর্ভে রমাপ্রসাদের মাতা, আর একটীর গর্ভে মেদিনীপুরের ব্রাহ্মণ। মেদিনীপুরে ও বৃদ্ধার পিত্রালয়ে বিংশক্রোশ ব্যবধান। ভ্রাতা ভগ্নী কেহ কাহারও অস্তিত্বও জানিত না। মাতৃকুলে বৃদ্ধার কেহ ছিল না। পিতৃকুলেও কেহ নাই জানিয়া বৃদ্ধা পরকে আপন করিয়া, সংসার করিত। পুত্র, পুত্র-বধু চিরদিনই প্রায় বিদেশে থাকিত, বৃদ্ধা কোন গঙ্গাহীন দেশের আঘাটায় মরণের ভয়ে তাহাদের সঙ্গে যাইত না। কাজেই ছুই একটা প্রতিবেশিনীর ভার বৃদ্ধা স্বেচ্ছায় আপন সন্ধে লইয়াছিল।

গঙ্গামান উপলক্ষে কালীঘাটে আসিয়া বৃদ্ধা তাহার যুবতী লাভজয়া ও বালিকা ভ্রাতৃকণ্ঠাকে পাইল। মেয়েকে কোলে তুলিয়া সহস্রবার মুখচুষন করিল, মাও কণ্ঠার অপূর্ব্বনাভে একটু-আধটু ভাগ বসাইল,—বৃদ্ধা অত্যাধিক হৃদয়োচ্ছ্বাসে মায়েরও মুখ-চুষন করিতে ছাড়িল না। তা'রপর ভাইএর অকালমৃত্যুর কথা শুনিয়া যত পারিল কাঁদিল—জন্মাবধি তাহার সহিত অপরিচিতা রহিল বলিয়া যত পারিল 'হায় হায়' করিল। তাহার পর এই অভাবনীয় ধন-প্রাপ্তির আনন্দের প্রতিদান স্বরূপ ষোড়শোপচারে মা কালীর পূজা প্রদানান্তর মা ও মেয়েকে ঘরে লইয়া আসিল।

বাটীতে আসিয়াই বৃদ্ধা এই আত্মীয়ার শুভাগমনের সংবাদ পুত্র রমাপ্রসাদকে প্রেরণ করিলেন। সারদাসুন্দরী, একে মহামায়া তাহার উপর আবার নূতন কুটুম্বিনী বাটীতে আসিয়াছে, এজন্ত স্বামীকে দেশে ফিরিতে বড়ই পীড়াপীড়ি করিল। রমাপ্রসাদ নিজের এখনও যাইতে বিলম্ব দেখিয়া অগত্যা স্ত্রীকে পাঠাইলেন। সারদাসুন্দরী বাড়ী আসিয়াই একটা সুন্দরী যুবতীকে প্রত্যুদগমন করিতে দেখিল। বুঝিল—এইটাই তাহার নবাগতা মাতুলানী।

মাতুলানী কিন্তু সারদাসুন্দরীকে দেখিয়াই ম্লানমুখী হইয়া গেল। সে যে তখন নলিনীর নূতন মায়ের অস্তিত্ব মহামায়াতেই অর্পণ করিয়াছিল।

সারদাসুন্দরী অপরিচিতাকে দেখিয়াই বলিল,—“তুমিই কি আমার মামী?” মাতুলানী বিষয় বিমুগ্ধা, কথা কহিল না। সারদাসুন্দরী তাহার সকল কথাই শুনিয়াছিল। স্মতরাং তা’র নীরবতায় বিস্মিত হইল না। আর দ্বিতীয় প্রশ্ন না করিয়া, অপরিচিতাকে একটা প্রণাম করতঃ তাহার হাত ধরিয়া ঘরে লইয়া চলিল।

( ১০ )

মহামায়া দুইখানি পত্র পাইল। একখানা খুলিয়া পড়িল— দেখিল স্বামীর পত্র।

“আমি একটা হাঙ্গামার পড়িয়াছি। বাটী যাইতে আরও দুই একদিন বিলম্ব হইবে। হাঙ্গামার কথাটা বাটী যাইলেই শুনিতে পাইবে। তবে এইমাত্র বলিয়া রাখি, যাইতে দুই চারি দিন বিলম্ব হইলে, অনাহারে শয্যায় চলিয়া পড়িও না। বাবাজীউ স্নহ আছে, এক বন্ধুর বাড়ীতে পুত্রাধিক আদরে রহিয়াছে। তাহার কলিকাতায় থাকিয়া পড়িবার জন্ত সেই বাসাই স্থির করিলাম। রমাপ্রসাদকে এই স্থান হইতে পত্র লিখিয়াছিলাম, উত্তর পাইয়াছি। সারদা বাটী আসিতেছে। হরিপুরের বাটীতে আসিলেই

তাহাকে লইয়া আসিবে। তাহার আসিবার বিশেষ প্রয়োজন আছে। আঁবুই মাকেও সেই সঙ্গে আনিতে পারিলে ভাল হয়।” দ্বিতীয় পত্র সারদাসুন্দরীর, হরিপুর হইতে প্রেরিত।

“আমি মুঙ্গের হইতে এত শীঘ্র চলিয়া আসিয়াছি যে, তোমাকেও পত্র লিখিতে সময় পাই নাই। বাড়ীতে আসিয়া তোমার ওখানে যাইব মনে করিয়াছিলাম। কিন্তু মা অস্থস্থ হইয়াছেন বলিয়া, ফেলিয়া যাইতে পারিতেছি না। সেখানে শুনিয়াছি দাদা কলিকাতায়। আসিলেই শ্রামসুন্দরকে লইয়া এখানে চলিয়া আসিবে। যদিই যাইতে দুইদিন বিলম্ব হয়। ভাল কথা, তোমাকে আসিতেই হইবে। মর্নলিলেন, তোমাকে অনেক দিন দেখেন নাই। কেন, আমি না আসিলে কি তোমার এখানে আসিতে নাই? আর এক কথা—বাড়ীতে আসিয়া একটা মামীশ্বাশুড়ী ও একটা ননদী পাইয়াছি। তাহাদের দেখিয়া দেখিয়াও তৃপ্তি পাইতেছি না— তাহারা এত সুন্দর! তোমাকে না দেখাইতে পারিলে ত তৃপ্তি নাই। তুমি যতশীঘ্র পার আসিবে।

“আসিবার এত জেদ করিতেছি কেন?—এমন ধারা অল্পভাষিণী লজ্জাশীলা মামীশ্বাশুড়ী বুঝি কোন ব’উ কোন জন্মে দেখে নাই। আমি কোথায় তাহাকে লজ্জা করিব, না তা’র লজ্জা দেখিয়া আমাকে বিব্রত হইতে হইয়াছে। তুমিই তা’র যোগ্যা সঙ্গিনী। দুইজনে মনে মনে কথাবার্তা কহিবে, আর ইঙ্গিতে পরস্পরের ভাবের আদান প্রদানে দুইটা উপত্যাসের সখী কেবল আলেখ্য শোভাকরী হইয়া আমার চক্ষু সার্থক করিবে। আমি তাহাকে প্রথম দিন কোনও প্রকারে মাথা চুলকাইয়া ঢোক গিলিয়া মামী বলিয়া ডাকিয়াছিলাম। পরদিন হইতে ‘ভাই’ বলা ধরিয়াছি। সে এত মৃহ—এত ছোট—এত মিষ্ট। দেহযষ্টি স্পর্শতরে অবনত হইয়া যায়। আমার গঞ্জে তাহাকে দূরে দূরে রাখিয়া দেখাই ভাল, সঙ্গী করা বড় সুবিধা হইবে না। জানই ত বারবৎসর পর্যন্ত আমি প্রাচীরে প্রাচীরে গাছে গাছে বেড়াইয়াছি। তারপর তোমরা

আবার আমার আঙ্গুরী বাড়াইবার জন্ত একটি স্বর্গস্পর্শী বৃক্ষের মাথায় তুলিয়া দিয়াছ। আমি মনের কথা চাপিতে জানি না, আর আজন্ম বানরী থাকিয়া কেমন করিয়া লোকের সঙ্গে কথা কহিতে হয় ভুলিয়া গিয়াছি। কি বলিতে কি বলিয়া শেষে কি তার মনোবেদনা আনিয়া উপস্থিত করিব? ভয় হয়, কেন না একেত রহস্তের সম্পর্ক নয়—মা তাহাকে কণ্ঠার মত দেখিতেছেন বলিয়া আমি তাহাকে ভয়ীর মত দেখিতেছি—তাহার উপর হত-ভাগিনী এই বয়সে বঞ্চিত হইয়াছে। এখানে আসিলে সমস্ত জানিতে পারিবে। তবে এটা না লিখিলে আমার পেটের ভাত হজম হইবে না;—মেদিনীপুরে যে সময় ছিল, সে সময় কি সেই সর্ব্বনেশে মেয়েটাই তোমার চক্ষে পড়িয়াছিল? একটা চাঁদের কিরণ ছাঁকা রঙ মাথা, একটা ননী পুতুল কি কখনও তোমার দৃষ্টিগোচর হয় নাই? তার কথাও কি কখন শুন নাই?

“যাক্ এখন আর সে কথায় কাজ নাই। মাথাখাও দাদা আসিলেই শ্রামসুন্দরকে সঙ্গে করিয়া এখানে অবশ্য অবশ্য চলিয়া আসিবে।”

[ ক্রমশঃ ]

শ্রীক্ষীরোদপ্রসাদ ভট্টাচার্য্য ।

## হুভিক্ষ-পীড়িতের প্রতি ।

কাদ তুমি দীন ছুঃখী—যাও ম'রে যাও,  
জগতের ক্ষতি লাভ, নাহি কিছু তা'র।  
নাহি স্নেহ, নাহি দয়া, কা'র মুখে চাও,  
কে শুনিবে—কে বুঝিবে ও মর্ম ব্যথার?

পার যদি দাঁও চালি' শেষ রক্ত-কণা  
নিভাইতে আত্ম-গ্রাসী পিপাসা স্বার্থের!  
দরিদ্র—ভিখারী তোরা—হেয় আবর্জনা;  
তা'র কেন ক্ষুধা-তৃষ্ণা, আশা জীবনের।

তোরা(ও)ত মানুষ বটে—রক্ত মাংসে গড়া,  
নাই কি তোদের মনে ঘৃণা—অভিমান?  
তবে কেন পদাঘাতে ফেলিস্ না তোরা  
সংসারের—মানবের অহুগ্রহ-দান?

একই বিধির সৃষ্ট—সে-ই যদি মারে  
মারুক কি ক্ষতি তার? তা'রি মুখ চাই  
হাসিতে হাসিতে সবে ছাড় এ সংসারে;  
জুড়াইবে চিরতরে সব জ্বালা ভাই!

অথবা বিধির চির শুভ আশীর্বাদ  
শিরে ধরি' অগ্রসর হুও এ জীবনে;  
নীচ স্বার্থ অভিমান—সঙ্কীর্ণতা-বান্ধ  
উন্নত হৃদয় বলে দলিয়া চরণে!

যে সংসার—যে মানব একদিন হয়!  
দরিদ্র—কৃপারপাত্র ভাবিয়া তোমার,  
হেরিত ঘণার চক্ষে—সেই পুনরায়  
নগণ্য ভিখারী মত লুটা'বে ও-পায়।

নাহি পার—দীন-ছুঃখী—যাও ম'রে যাও,  
জগতের ক্ষতি-লাভ নাহি কিছু তা'র।  
নাহি দয়া—নাহি স্নেহ, কা'র মুখে চাও  
কে শুনিবে কে বুঝিবে ও মর্ম ব্যথার?

শ্রীচারুচন্দ্র বন্দ্যোপাধ্যায় ।

## তুমি না আমি ?

অপরাধী কে?—তুমি না আমি?

প্রকৃতি-ক্রোড়ে বসিয়া স্কুমার শিশুটির মত দিব্য হাসিতে  
খেলিতে ছিলাম, কে আসিয়া আমায় অমৃত লড্ডুকের লোভ  
দেখাইয়া এখানে আনিল? তুমি?—কে তুমি? তোমায় চিনি

না কেন? সেই প্রথম দিন হইতে তোমার পশ্চাতে ছুটিতেছি, কিন্তু জানি না তুমি কে? চিনি না তুমি কে? যতদিন শিশু ছিলাম, লড্ডুকের লোভ ছিল, ততদিন সেই লোভে আমায় সর্বদা ঘুরাইয়া লইয়া বেড়াইয়াছ, আর আজ সেই শৈশব গিয়াছে, শৈশবের সে লড্ডুকের লোভ গিয়াছে; কিন্তু তবুও কেন আমি তোমার পশ্চাতে ছুটিয়া মরিতেছি? কে তুমি, তোমার ভুবনমোহিনী রূপ দেখাইয়া, যৌবনের সেই প্রিয়-প্রসঙ্গ পরিপূর্ণ স্নিগ্ধারুণ-কর-স্নাত প্রাতঃকালে আমায় মোহিত করিয়াছিলে? কে তুমি, কেন তোমার এমন ধারা? সে'দিনও আমার গিয়াছে, তবুও আমার মোহ কাটিল না, তবুও তোমার পশ্চাতে ছুটিয়াছি! যৌবনের সেই উদ্দাম আসঙ্গ-লিপ্সা-পরিপূর্ণ তপন-খর-কর-তাপে তাপিত মধ্যাহ্নকালেও আমায় তোমার পশ্চাতে ছুটাইয়াছ! কি তোমার এমন কুহক যে, আমায় তোমার সঙ্গ-ছাড়া হইবার উপায় বর্জিত করিয়া তুলিয়াছে? ক্রমে আমার সে'দিন কাটিল, কিন্তু কৈ তুমিত ছাড়িলে না! তবু যে তোমার পশ্চাতে ছুটিতে হইতেছে, এই অতৃপ্ত-বাসনা-জড়িত নৈরাশ্য পরিপূর্ণিত যৌবনের সন্ধ্যাকালে কেন আমি তোমার পশ্চাতে ছুটিয়া মরিতেছি? কে তুমি আমায় আকাশের চাঁদ ধরিয়া দিবার লোভ দেখাইয়া, ধূলিমুষ্টি হাতে দিয়া দূরে অবস্থিতি করতঃ হাসিয়া উঠ? আমার সহিত এই ভৈরবীলীলা করিতেছ—তুমি কে?—কেন এ খেলা? ইহার ভাব কি? জীবনের এতটা দিন গেল, এ সকল কিছুই বুঝিলাম না!!!

তুমি—তুমি যেই হও, তুমি শরতের চাঁদ, রূপে ভুবন ভরিয়া রাখিয়াছ, তোমায় দেখিলে আপন-হারা হইতে হয়; তোমার চারিদিকে স্মধার ছড়াছড়ি, তোমার তীক্ষ্ণ-কোমল হাসিতে, জগৎ প্রাণ হারাইয়া ফেলে! তুমি শীতের সৌরতাপ, তাপে জগৎ জীরাইয়া রাখ! তোমার স্পর্শে জীবের সঙ্কোচ দূরে যায়, জীবের জীবনই যেন অনুপ্রাণিত হইয়া উঠে! তুমি বসন্তের কোকিল, তোমার ডাকে জগতের নীরসতা ঘুচিয়া যায়, তোমার আছবানে

স্বপ্ন-কাম জাগিয়া উঠে! তুমি নিদাঘের মলয় সমীর, তোমার ধীর-হিল্লোলে জগতের তাপ চলিয়া যায়, তাপিত জীব তোমার স্পর্শে শীতল হয়! তুমি প্রাবৃটের বারিধারা, জগৎকে অনশানী করিতেছ, জীব তোমার ধারায় প্রাণ-ধারণ করিতেছে! এ সকল তোমার স্বরূপত্ব আমি নিজেই উপলব্ধি-অনুভব করিয়াছি, সত্য বলিয়াই বুঝিয়াছি; কিন্তু তবু তোমায় চিনিলাম না, সম্পূর্ণ বুদ্ধিতে পারিলাম না কেন? আমার সহিত তোমার কি সম্বন্ধ, তাহা জানিতে পাইলাম না কেন? কেন আমি তোমার পশ্চাতে ছুটি তাহাও বুঝিলাম না? তুমি এত দয়াময়ী, তবু তোমার প্রাণে এ কুটিলতা-টুকু কেন? তুমি কি জানিতে দিবে না তুমি কে? তুমি এমন কেন? তোমার এমন কেন?

দিন নাই, রাত নাই, তোমার পিছে ছুটিতেছি, ছুটিতে ছুটিতে কতবার তোমার অতি নিকটে পৌঁছিয়াছি, কতবার মনে করিয়াছি এইবার তোমায় ধরিব; কিন্তু পারি নাই, ক্ষুদ্র হরিণ-শিশুটির মত তুমি লক্ষ্যহীনা শত-হস্ত দূরে সরিয়া যাও। তোমার মধুর শীতল দেহের ছায়াটুকুলাতে আমার আগ্রহ যত, তোমার বঞ্চন-স্পৃহাও তত বলবতী। সারা জীবনটা তোমার পশ্চাতে ছুটিয়া আনিতেছি, কোন দিন তোমায় স্পর্শ করিতেও পারিলাম না, তবু তোমায় ছাড়িতে পারি না কেন? ছুটিয়া ছুটিয়া সময়ে সময়ে রুদ্ধশ্বাসে অবসন্ন হইয়া পড়ি, তবু তোমায় ছাড়িতে পারি না কেন? কুহকিনি! জানি না, কি মায়া-স্বত্রে বাঁধিয়া তুমি আমায় বড়িশ-বিদ্ধ মংগুর ন্যায় খেলাইয়া লইয়া বেড়াইতেছ! তোমার বড়িশে-বিদ্ধ হইয়া এই অগাধ জল-সঞ্চায়ী রোহিত সারা জীবনটা খেলিয়া বেড়াইতেছে, আর পারে না, অবসন্ন হইয়া পড়িয়াছে! আর খেলান কেন? এই বার ইহাকে উঠাও; কিন্তু কৈ সে ভাব তোমার দেখি না কেন? বড়িশ ছিঁড়িয়া পলাইবার যথেষ্ট চেষ্টা করিয়াছি, হুস্প্রাণীয়া জানিয়া তোমায় ছাড়িতে চাহিয়াছি, কিন্তু তুমি না ছাড়িলে তোমায় ছাড়িতে পারে কে?



তুমি কি আমায় পরীক্ষা করিতেছ?—কিসের পরীক্ষা! কেন এ পরীক্ষা? যে তোমার জন্ত পাগল, যে তোমাকে দেখিয়া মজিয়াছে, যে মজিয়াই মরিয়াছে, তাহাকে আবার কি পরীক্ষা করিবে? সারা জীবনটা কলুর বলদের মত নাকে দড়ি দিয়া ঘুরাইলে, (এখনও সে ঘুর থামে নাই), ভুলিয়াও তোমার গণ্ডীর বাহিরে যাই নাই; উপায়, পথ, কিছু রাখও নাই, তবু কি তোমার বিশ্বাস হয় না? রঙ্গিনি! এ তোমার কি রঙ্গ? আমি সব ছাড়িয়াছি, যাহা কিছু ছিল, সবই তোমার নামে উৎসর্গ করিয়াছি; আমার আত্মদানের বাকী কি যে আমায় এখনও প্রতিদান হইতে বহুদূরে রাখিয়াছ? সারা জীবন তোমার পিছে ছুটিয়াছি, ধরিতে না পারি, 'চিনিতে না পারি, তোমার স্বভাব জানিতে বোধ হয়, আমার জ্ঞান বড় বাকী নাই। তুমি ক্রীড়াময়ী, তুমি লীলাময়ী, তোমার খেলা হইলেই হইল; খেলার জীব তাহাতে মরুক আর বাঁচুক, তুমি তাহা দেখিবে না। তবে ইহাও বলি, তুমি খেলাইতে জান বটে, কিন্তু খেলার রস বুঝ কি? বড়িশ-বিজ্ঞ মাছ যখন খেলাইয়া অবসন্ন হইয়া পড়ে, তখন তাহাকে টানিয়া ডাঙ্গায় তুলিতে হয়, তাহা জান কি?

তুমি চিরক্রীড়াময়ী, তোমার খেলা কোনদিন ফুরাইবে না, কিন্তু আমি যে আর পারি না—আর যে এ ভাবে তোমার পিছে ছুটিতে পারি না। শৈশবের উৎসাহ, যৌবনের তেজ আমার চলিয়া গিয়াছে, এখন যৌবনের এ সন্ধ্যাকালে অল্পেই অবসাদ আসিয়া পড়ে,—উৎসাহ কমিয়া যায়, ঠিক হতাশ হই নাই বলিয়াই এখনও ছুটিতেছি—ছুটিতে পারিতেছি; কিন্তু আর কত-কাল এমন চলিবে? ক্রমেই যেন বুঝিতেছি, তুমি চন্দ্র, আমি বামন; তুমি স্বধা, আমি অস্বর; তুমি আমার প্রাপনীয় নহ! এই জ্ঞান, এই বিশ্বাস যতই বাড়িতেছে, ততই যেন আর ছুটিতে পারিব না বলিয়া বোধ হইতেছে। যেদিন তোমায় উদ্বিগ্নে আশ্বাস, হৃৎখে সুখ, দাহে শান্তি, ক্ষোভে তৃপ্তি বলিয়া

বিশ্বাস করিতাম, সেদিন যেন এখন ক্রমশঃ দূরে সরিয়া যাইতেছে। এখন মনে হয়—বুঝি তোমা হইতে সরিয়া দাঁড়াইলেই আমি বাস্তবিক সুখী হইব; কিন্তু কৈ তা'ত পারি না। পাষাণি! ইচ্ছা না থাকিলেও তোমার আকর্ষণে বদ্ধ হইতে হয় কেন? যে তোমায় চাহে না তাহার প্রতি তোমার আকর্ষণ এত প্রবল কেন?

সময়ে সময়ে তুমি আমায় মরণের বিভীষিকা দেখাও; কিন্তু যে ভুলিয়াছে, যে মজিয়াছে, তাহার আবার মরণের ভয় কোথা? রাক্ষসী! যাহার হৃদয়ে চিরতুষানল জ্বলাইয়াছে, চিতার অনল তিন্ন সে অনল নিভিবে না, তাহা কি জান না?

তোমার জন্ত আমার কি না হৃদশা হইয়াছে? আমি তোমার জন্ত সব ত্যাগ করিয়াছি, কর্তব্য ভুলিয়াছি, যাহা দুর্লভ তাহারই জন্ত ঘুরিয়াছি, যাহা হুরাশা তাহাই হৃদয়ে পরিপোষণ করিয়াছি। কেন করিয়াছি, তাহা তুমিই জান। তোমার জন্তই এ সকল করিতে হইয়াছে। প্রথম, জীবনে যদি তুমি লোভ জাগাইয়া না তুলিতে, হৃদয়ে আশার বাতাস না বহাইতে, তাহা হইলে আজ আমার এ হৃদশা হইত না। মায়াবিনি! এখন বল দেখি, তোমারই জালে পড়িয়া আমি যে আমার এ হৃদশা ঘটাইয়াছি, ইহার জন্ত অপরাধী কে? তুমি?—না আমি?

যাহাকে এগুলি বলা হইল, সে নিশ্চয় উত্তর দিল—“অবোধ! অপরাধ আমার না তোমার, তুমিই তা'র বিচার কর? তুমি পতঙ্গ, বহ্নি-শিখা দেখিয়া তাহার চতুর্দিকে ঘুরিয়া বেড়াইতেছ, শেষে পুড়িয়া মরিবে, দোষ কি বহ্নি-শিখার? তুমি সর্প দেখিয়া বাল-স্বভাবে জড়াইয়া ধরিয়াছ বলিয়া কি সর্পে দংশন করিবে না? আমি দোষী! কেন, এই সংসার মরুতে অসহায়, অনবলম্বন তোমাকে, আশ্রয়-অবলম্বন দিয়া বাঁচাইয়া রাখিয়াছি বলিয়া? তোমায় যদি সুখের ছবি দেখাইয়া, এ মোহনরূপে ভুলাইয়া, এত ভরসা না দিতাম, তবে তুমি কি বাঁচিতে? তুমি মুর্থ;

তুমি বৃক্ষ না যে—ভোগে সুখ নাই, তৃপ্তি নাই; সুখ-তৃপ্তি যাহা কিছু তাহা তাহার কল্পনার। যে সুখের ছবি অহঃরহঃ দেখিতেছ, তাহা যদি ভোগ করিতে পাইতে, তাহা হইলে আজ তোমার এ জ্বলন্ত লালসা কি থাকিত? যে মুহূর্ত্তে তোমার ভোগ-স্পৃহা মিটিত, সেই মুহূর্ত্তে এই বিচিত্রতাময়ী সোণার পৃথিবীই তোমার চক্ষে শূন্যবৎ প্রতিভাত হইত,—অতি পুরাতন-বোধ হইত, তুমি আর এক নিমেষও এখানে থাকিতে পারিতে না। এখন বল দেখি, এ রঙ্গিনী যে রঙ্গ দেখাইতেছে, এ কুহকিনীর যে কুহকে মুগ্ধ হইয়াছে, এ পাষণী যে নিস্মমতায় তোমায় দ্রব করিয়া ফেলিয়াছে, মায়াবিনীর সেই মায়াই এ জীবনে অবলম্বনীয় কি না?—সেই মায়াই তোমার এ জীবনে জীবন কি না? যতদিন এই মায়াবিনীর মাগিক জীবন তোমার থাকিবে, ততদিন অপরাধী কে, জানিতে চেষ্টা করা তোমার বাতুলতা নহে কি? এ প্রশ্ন জিজ্ঞাসা করাই এই মায়াবী একটা খেলা নহে কি? যদি ক্ষমতা থাকে, আমার সঙ্গ ত্যাগ করিতে পার, আমার গঠিত, আমার পরিচালিত এ জীবন ত্যাগ করিয়া নূতন ধরণে আবার জীবন গড়িতে পার, তখন ভাবিও অপরাধী কে?—তুমি না আমি? তখন জিজ্ঞাসা করিও, অপরাধী কে?—তুমি না আমি?

মানুষের প্রাণ আশার প্রেমে, মায়াবী জালে বদ্ধ হইয়া কত প্রলাপই বকে, তাহার আর ইয়ত্তা থাকে না, কিন্তু “তদপি ন মুখ্যত্যাশা বায়ু!”

শ্রীব্যোমকেশ মুস্তফী ।

## ললনা-মহিমা ।

[ পূর্ব-প্রকাশিতের পর ]

৮৩

কি জমিয়া আছে তব সুধামাখাশ্বরে ।  
“বউ-কথা-কণ্ড” পাখী,  
শাখার উপরে থাকি’,  
পিয়িতে সে সুধারামি সাধিছে  
তোমারে ।

ওরূপ সম্ভবে সম্মুখে কিন্তু হে রমণি!  
মাতা-রূপে তব স্নেহ,  
না পারে দেখা’তে কেহ,  
পরাজিতা তব পাশে স্বর্গ-নিবাসিনী ।

৮৫

দেখ, দেখ, তপৌধন-ধ্যান নষ্ট করি ।  
অঙ্গুরী মেনকা-বালা,  
প্রসবিয়া শকুন্তলা,  
না জেনে পালিতে শিশু পলা’ল  
সুন্দরী ।

মূর্ত্তিমতী তুমি দেবি! স্নেহপারাবার,  
তা’ই কহে সুধীজনে,  
সনাতন শাস্ত্রে ভণে,  
‘স্বর্গাদপি গরীয়সী’ জননী সবার ।

৮৭

অনুপমা অতুলনা সেই স্নেহরামি,  
এইমাত্র জানা আছে,  
নাহি তাহা কারো কাছে,  
না পাই তাহার পার, তাই ভালবাসি ।

৮৮

কি যত্নে সন্তান হয় লালন পালন,  
জননী ব্যতীত হয়,  
পরে কি বুঝিবে তা’র?  
মায়াবী নিব্বার মাতা, শ্রেষ্ঠ অতুলন ।

৮৯

সুকোমল বাহুলতা করি’ প্রসারিত,  
শিশু নাড়ী-ছেঁড়া-ধনে,  
বুকে রাখে সযতনে,  
অনিমিখে চেয়ে থাকে সদাই শঙ্কিত ।

৯০

পীড়িত হইলে শিশু দেখ নিরখিয়া,  
মাতা ব’সে, তা’র পাশে,  
মনে কত ভয় বাসে,  
পাছে কাল ফুল-কলি পলায় ছিঁড়িয়া ।

৯১

রাত নাই, দিন নাই, হের অবিরাম,  
বরিষার ধারামত,  
কাঁদে মাতা অবিরত,  
সতত শিশুর তাঁর ভাবি’ অকল্যাণ ।

৯২

যতপি ছুর্ভাগ্য বশে হারায় শিশুরে,  
বুকে করে মৃতদেহ,  
কাছে যেতে পারে কেহ,  
শিশুহারা সে সিংহীরে ডরে যমচরে ।

১৩ [ভিতে,  
জ্ঞানহারা উদাসিনী ছোটে চারি-  
গণেশের মুণ্ড নাশে,  
যেন ভয়ঙ্করা বেশে,  
ছোটে ভীমা মহাশক্তি শনিরে  
১৪ নাশিতে ।

কিষ্কা যথা শিশুহারা ক্ষুদ্রা কুরঙ্গিনী,  
এদিক ওদিকে চায়,  
ছোটে পাগলিনী প্রায়,  
ভেঙ্গেছে কলিজা আহা বনবিহারিণী ।

১৫  
অথবা সৌভাগ্যক্রমে যদি বাঁচে স্মৃত,  
পূজা, হোম, যাগ করে,  
দান করে অকাতরে,  
পেয়েছে গো হারানিধি বৈভব অযুত ।

১৬  
শিশু ওঠে মার বক্ষে মরি কিবা শোভা,  
অলকা ধরিয়া টানে,  
মাতা ধরে শিশু কাণে,  
খিলখিল হানে শিশু আহা মনোলোভা ।

১৭  
অন্তে যদি ভৎসে শিশু কাঁদে উত্তরায়,  
মাতা যদি মারে তা'রে,  
শুধু হাসি সে অধরে,  
দুঃখিলে জানে মাতা স্নেহের আলয় ।

১৮  
জননী স্নেহের কভু না পাই উপমা,  
পঞ্চানন পঞ্চ-মুখে,  
অনন্ত সহস্র মুখে,  
কীর্তনে অক্ষয় সেই স্নেহের মহিমা ।

১৯  
ধরার যতক বীণা হ'য়ে একত্রিত,  
গায় যদি ঐক্যতানে,  
মাতাইতে "মা"র গানে,  
মাতার স্নেহের কভু হয় না বিহিত ।

১০০  
মাতার মমতা-কথা বর্ণে সাধ্য কা'র ?  
সারদা হৃদয়ের মেয়ে,  
বীণা করে গেয়ে গেয়ে,  
নাহি শক্তি শুধিবারে সে মহিমা মা'র ।  
কিরণ ।

## প্রারব্ধ কর্ম ।

অকূল ভবান্নবে ভাসমান, উত্তাল-তরঙ্গ-মানার ভীষণ-ঘাত-প্রতি-  
ঘাতে বিকল হইয়া, সামান্যজীব আমরা কূল পাইবার নিমিত্ত সতয়ে  
সন্দেহ মনে ইতস্ততঃ নিরীক্ষণ করিতেছি । কিন্তু উপায় কোথায় ?  
সে তরি কোথায়, যাহার সাহায্যে আমরা অকূল-পাথার পার

হইয়া কূল পাইব ? কলুষিত, পাপ-পঙ্কে মগ্নপ্রায়, জীবসমূহ কার  
বার অসহ যন্ত্রণায় প্রপীড়িত হইতেছে, কিন্তু তবুও জীবের মোহ  
কাটিল না—জীব শান্তি পাইল না । আমরা অল্পবুদ্ধি, আমরা  
বুঝিয়াও বুঝি না ; বুঝিলেও অবোধের মত কার্য্য করি । কিন্তু  
আমাদের অজ্ঞানতার কারণ কি ? জানি' সকল দিন সমান যায়  
না, তবে বার বার নিমজ্জিত হইয়াও আমরা বারেকের জন্ত  
স্বপ্নের মুখ দেখিতে পাইতেছি না কেন ?

এ যন্ত্রণার অবসান কিসে হইবে ? অর্থে ? অর্থোপার্জনে,  
অর্থ সঞ্চয়ে ও অর্থ ব্যয়ে ? কৈ তাহাতে ত কিছুই হয় না ।  
পণ্ডিতগণ বলিতেছেন :—

“আয়ে দুঃখং পুস্ত দুঃখং ধিগর্থে দুঃখতাজনে ।” আরও দেখিতে  
পাই—“মুচ জর্গা করি নাগম তৃষ্ণাং, কুরুতলুবুদ্ধে মনসি বিতৃষ্ণাং ।”  
আবার দেখ নেত্র—“অর্থমনর্থং ভাবয় নিত্যং, নাস্তি ততঃ সুখ-  
লেশঃ সত্যম্ ।”

তবে নিস্তার কিসে ? যশে ? যশোলাভে ? বহু যশস্বী  
হইয়াও আমাদের দুঃখ তঁ যার না ।

অর্থে, নামে বা যশে যদি এ দুঃখ যন্ত্রণার হস্ত হইতে নিস্তার  
না পাইলাম, তবে এস, আমরা এ সম্বন্ধে পাইব বস্ত্র ছাড়িয়া  
অগ্রত্ব অনুসন্ধান করি । শাস্ত্র বলিতেছেন, উদ্ধার—কর্ম্মে ও  
কর্ম্মত্যাগে ।

অল্প-বুদ্ধি অজ্ঞান অন্ধকারে আচ্ছন্ন সামান্য জীব আমাদের  
কি কর্ম্মত্যাগ সম্ভবে ? আর জীবের কর্ম্মত্যাগই কি সম্ভবপর ?  
তাহা নহে । গীতার অষ্টাদশ অধ্যায়ে দ্বিতীয় শ্লোকে শ্রীকৃষ্ণ  
বলিতেছেন ;—

“কাম্যানাং কর্ম্মণাং ত্রাসং সন্ন্যাসং কবয়ো বিদুঃ ।

সর্ব্ব-কর্ম্ম-ফল-ত্যাগং প্রোহস্ত্যাগং বিচক্ষণাঃ ॥”

নিত্য, নৈমিত্তিক, কাম্য প্রভৃতি সকল কর্ম্মের ফলত্যাগই  
কর্ম্ম-সন্ন্যাস বা কর্ম্ম-ত্যাগ বলিয়া বিচক্ষণ পণ্ডিতেরা উল্লেখ

করেন। তাহা হইলে কর্মের ফলত্যাগই কর্মত্যাগ। আরও দেখ, মানবের পরম হিতৈষণী শ্রুতি বলিতেছেন;—

“ভিত্তিতে হৃদয়গ্রহিষ্টিত্বস্তে সর্বসংশয়াঃ।

ক্ষীয়ন্তে চাস্ত্র কৰ্ম্মাণি তস্মিন্ দৃষ্টে পরাবরে ॥”

তত্ত্বদর্শী সাধকের যখন পরব্রহ্ম দৃষ্ট হইবে, তখন তাহার সমস্ত হৃদয়-গ্রহিভেদ, সকল সংশয়ের ছেদ, ও প্রারব্ধ-ভোগ ব্যতিরেকে সর্ব কর্মেরই ক্ষয় হয়। অতএব কক্ষণে স্পষ্ট প্রতীয়মান হইতেছে যে, আমরা প্রারব্ধ কর্মের গনন হইতে পরিত্রাণলাভে সম্পূর্ণ অসমর্থ। আমরা ত সামান্য সন, তত্ত্বদর্শী সাধক, যিনি ভগবানের সাক্ষাৎকার লাভ করিয়াছেন, যিনি জীবমুক্ত, তিনিও প্রারব্ধ কর্মের, সংই হউক আর স্বেই হউক, ফলভোগ করিতে বাধ্য। ঐ ফলভোগকালীন তাঁহাকেও বীণা হ করিতে হইবে। ইহা দ্বারা এই উপলক্ষি হইতেছে যে, জীবের কর্ম ভোগ অসম্ভব—কর্ম করিতেই হইবে; কর্ম অনন্ত, কর্ম অনাদি। কর্মই জীবসমূহের একমাত্র অবলম্বন। এ সংসার কর্মক্ষেত্র, সংসারিত্রেই কর্মের অধীন, আমরা, কর্মত্যাগ করিতে ইচ্ছা করিলেও কর্ম আমাদের কাছে ত্যাগ করিবে না। ইহ জগতে কর্ম করিতেছি, পর জগতেও কর্ম করিতে হইবে; বিশ্রাম বলিয়া কিছুই নাই। যখন আমরা বিষয় কর্ম হইতে বিশ্রাম লাভ করিতে ইচ্ছা করিয়া নিশ্চেষ্টভাবে বসিয়া থাকি, তখনও আমাদের মানসিক কোন না কোন ক্রিয়া চলিতে থাকে।

কিন্তু এ “কর্ম”টা কি? এবং যাহার হাত হইতে সাধকেরও নিস্তার নাই, ঐ “প্রারব্ধ কর্মই” বা কি?

শাস্ত্রকারগণ জীবের কর্মকে তিনভাগে বিভক্ত করিয়াছেন—প্রথম সঞ্চিত কর্ম, দ্বিতীয় আগামী কর্ম, তৃতীয় প্রারব্ধ কর্ম। এই তিন প্রকার কর্মকে তিনটি লোষ্ট্রের সহিত তুলনা করা যাইতে পারে। মনে করুন, একটি বালক তিনটি লোষ্ট্র সংগ্রহ করিয়া একটির পর একটি নিষ্কেপ করিতেছে। একটি নিষ্কেপ

করিয়াছে, একটি নিষ্কেপ করিবার জন্ত উত্তলিত হস্ত; আর একটি এখনও সঞ্চিত আছে। এস্থলে ঐ নিষ্কেপ লোষ্ট্রের সহিত প্রারব্ধ কর্মের তুলনা করা যাইতেছে। যে লোষ্ট্র নিষ্কেপ হইয়াছে, তাহার কার্যও হইয়া গিয়াছে। তাহার ফল বালককে অবশ্যই ভোগ করিতে হইবে; ইহার ভোগ ব্যতীত অণু প্রকার নাশ নাই। যে দুইটি লোষ্ট্র এখন নিষ্কেপ হয় নাই, তাহার কার্য এখনও হয় নাই; এ নিমিত্ত তাহার কোন ফল নাই। বালকও সেই দুইটি লোষ্ট্র যতপি নিষ্কেপ না করে, কোন প্রকার ফলভোগের দায়ী নহে।

ইহাও প্রমাণিত হইল যে, প্রারব্ধ কর্মের ফলভোগ করিতে আমরা বাধ্য। কিন্তু আশ্চর্যের বিষয় এই যে, এক প্রারব্ধ কর্মের ফলভোগ করিতে আসিয়া আমরা অনন্ত কর্মে ব্যাপৃত হইয়া পড়ি। কর্ম যেন রক্তবীজের ঝাড়! ইয়ুরোপীয় পণ্ডিতেরা—কর্ম ও কর্মফল এই সব কিছুই মানেন না। Charles Darwin প্রমুখ ক্রম-বিকাশ পদ্ধতির (Theory of Evolution) পক্ষপাতী মনস্বিগণ বলেন যে, এই পৃথিবী লয়প্রাপ্ত হইয়া চন্দ্রের ত্রায়, এক প্রকার তরল পদার্থে পরিণত হইবে। কিন্তু যতপি প্রশ্ন করা যায় যে, এই সব যে হয় ও হইবে, ইহার কারণ কি? তদুত্তরে তাঁহারা বলেন—“This is its nature. This is the rule. এই ইহার রীতি। ইহাই হইয়া থাকে ও হইবে। কিন্তু ইহাতে আমাদের দুঃখ-মোচনের কি হইল? কি প্রকারে দুঃখের হাত হইতে পরিত্রাণ হইবে? ঐ মতের পোষকতায় আমাদের কোনও লাভান্নাভ নাই। আমাদের দুঃখভোগ যেমন আছে, তেমনই থাকিবে। হিন্দু বলিতেছেন,—কার্যের হাত হইতে যখন উদ্ধার নাই, তখন সং-কার্যই দুঃখার্ণব পার হইবার একমাত্র সেতু। যে সকল কার্যে আত্মপ্রসাদ লাভ হয়, তাহারই নাম সংকার্য।—প্রথম দানে, আমরা সাধারণের জন্ত হাসপাতালপ্রতিষ্ঠা পুষ্করিণীখনন, দেবালয়-নির্মাণাদি নানা সংকার্য করিতে পারি। কিন্তু এ বিষয়ে বর্তমান

ধর্ম-জগতের অন্ততম অধিনায়ক প্রেমাবতার সাধক প্রবর শ্রীশ্রীরাম-  
কৃষ্ণ পরমহংস দেব বলিয়াছেন,—“মন্দির নিৰ্মাণ করিয়া যাইলেও,  
পুনর্বার সংসারে আসিতে হইবে।” তাহাই যদি হয়, তবে উক্ত  
সংকার্যে আমাদের কি উপকার হইল? যত্বপি পুনর্বার জন্ম  
গ্রহণ করিতেই হয়, তাহা হইলে যে আবার অসংখ্য কর্মে আমরা  
ব্যাপ্ত হইয়া ছুঃখ বন্ধনা ভোগ করিব না, কে বলিতে পারে?

দ্বিতীয়—ধ্যানাদি অর্থাৎ সাধু হওয়া। সে বড় মুষ্কিলের কথা।  
সাধু হওয়া, বড় সোজা কথা নয়। তপ, জপ, যোগ, যাগ, পূজা,  
হোম এ সকল কার্যে ব্যাপ্ত হওয়া, আমাদের গ্রায় ক্ষুদ্র জীবে  
কি সম্ভবে? আমরা সংসারের নানাকর্মে নিযুক্ত হইয়া, এমন সময়  
পাই না, যে সময়ে স্থিরচিত্তে ঐ সকল সংকার্যে নিযুক্ত  
হই। যদিও সময় পাইয়া কোন কার্যের অনুষ্ঠান করিতে থাকি,  
সঙ্গে সঙ্গে “আমি একটা সাধু” এই অভিমান উপস্থিত হয়। তখন  
সেই অভিমান দূর করা বড় ছরুহ; আর উক্ত কার্যেই যে আমাদের  
উদ্ধার ধ্রুব নিশ্চিত, তাহাও সন্দেহহীন! তন্ত্রে জ্ঞানময়, জ্ঞান-  
দাতা, জ্ঞানের একমাত্র আকর, পরমযোগী দেবাদিদেব মহাদেব  
বলিতেছেন,—“জপাৎসিদ্ধিঃ, জপাৎসিদ্ধিঃ” ইত্যাদি; আবার তিনিই  
অন্তত বলিতেছেন:—

“ন মুক্তির্জপনাৎ হোমাদ্ উপবাসাৎ শঠৈতরপি।”

বিষম বিপদ। কোনটা অশান্ত, কোনটা শান্ত? আবার কোনটাই  
শান্ত হইতে পারে না—কারণ, দুইটাই শিব বাক্য—এই কথা  
পণ্ডিতগণ বলিবেন। কিন্তু আমরা কোথায় যাই? কি উপায়  
অবলম্বন করি?

ওসকল বুঝিয়া উঠা আমাদের গ্রায় সামান্ত জীবের কর্ম নয়;  
আর বুঝিয়া উঠিলেও, উহার মতে কার্য করা বড় কঠিন। এ  
সংসারে বাধা, বিপত্তি, প্রলোভন অনেক।

তৃতীয়—পরোপকারাদি। তাহাতেই কি হইবে? কে বলিল যে,  
আমরা পরোপকার করিয়া উপকৃত ব্যক্তির নিকট হইতে কৃতজ্ঞতা

প্রত্যাশা করিব না? কে বলিল যে, যত্বপি উপকৃত ব্যক্তি যথেষ্ট  
কৃতজ্ঞতা প্রকাশ না করে, তাহা হইলে আমরা তাহার প্রতি  
ক্রোধাক্ত হইয়া কি করিয়া তাহার সর্বনাশ করিব, সেই চেষ্টায়  
রত থাকিব না? সুতরাং সঙ্গে সঙ্গে মহা অনর্থ।

উক্ত তিন প্রকার সংকার্যের কোনটীতে আমাদের কিছুই  
হইল না। তবে উপায় কি? তবে কি শাস্ত্র মিথ্যা? শাস্ত্র-  
কারগণ কি ভ্রান্ত? না, তাহা নহে।

একটা উপায় আছে, সেটা নিঃস্বার্থ কর্ম। আমরা যখন কোন  
কার্য করিব, তাহাতে স্বার্থের লেশমাত্র থাকিবে না—প্রত্যাশার  
নাম গন্ধও থাকিবে না! কোনও প্রকার ফলের আকাঙ্ক্ষা করিব  
না! ইংরাজ কবি মহামনা Longfellow বলিতেছেন:—

“Let us then be up and doing,  
With a heart for any fate.”

উক্ত কবির আর একটা মহাবাক্যও আমরা এস্থলে উপদেশ স্বরূপে  
গ্রহণ করিতে পারি। সেই কবিতারই অন্তত:—

“Act, act in the living present,  
Heart within and God o'er head.”

আমরা দেখিতে পাই। কিন্তু এই প্রকার কার্যেও বাধা-  
ব্যতিক্রম অনেক, প্রলোভন বিস্তর। নাম, বশ, অর্থ ইত্যাদির  
বিষয় কিঞ্চিৎ ভাবিয়া দেখিলে বোধ হয়, সবিশেষ জ্ঞাত হইব  
যে, আমরা এ সব প্রলোভনে মুগ্ধ হই বটে, কিন্তু লুক্ক ড্রব্য  
পাইতে কৃতকার্য হই না। কেহ হয় ত মৃত্যুকালে ঐ সকলের  
আস্বাদ পান, কাহার ভাগ্যে মৃত্যুকালেও ঘটে না। কিন্তু কি  
আশ্চর্য্য এ সকল দেখিয়া, বুঝিয়াও আমরা প্রলোভন লইয়াই  
ব্যস্ত। এই সকল প্রলোভন ত্যাগ করিতে হইলে শক্তিসম্পন্ন হওয়া  
আবশ্যক। Swami Vivekananda says,—“Strength, strength it  
is that we want so much in this life, for what we call SIN and  
SORROWS have all one cause, and that is our WEAKNESS. With  
weakness comes ignorance, and with ignorance comes misery.”

যিনি এ জগতে আত্ম-ত্যাগ করিতে, আত্ম-বিসর্জন দিতে শিক্ষা করিয়াছেন, তিনিই শক্তিমান্। আমি আপনার সংকল্পের প্রভাবে এই মর্ত্যধামত্যাগ করিয়া চলিয়া যাইব, আর সকলে পড়িয়া থাকিবে। এই প্রকার নীতিতে চলিবে না।

পরমহংসদেব বলিতেন, “আমি একটি লোকের উদ্ধার জন্ত কোটি জন্ম স্বীকার করিতে প্রস্তুত।” হুঃখপাশ হইতে মুক্তিলাভ করিবার ইচ্ছা করিলে নিস্বার্থ আত্ম-ত্যাগ, অভিমান শূন্য হইয়া কৰ্ম করা, আবশ্যিক। কৰ্মের হাত হইতে নিস্তার নাই, পূর্বেই বলিয়াছি। আগুনে হাত দিতেই হইবে। স্বপ্নেও কৰ্মের হাত হইতে পরিত্রাণ নাই। মানস-বলাকা-শূন্য, হৃৎকেননিভ, স্নকোমল শয্যায় শয়ন করিয়া, সুষুপ্তিকালে বাহুজ্ঞান রহিত হইলেও, স্বপ্নে আমরা কার্যের অধীন! কিমাশ্চর্য্য মতঃপরম্।

কৰ্মেও আবার পদে পদে নৈরাশ্র, সঙ্গে সঙ্গে যন্ত্রণা উপস্থিত। কিন্তু প্রত্যাশা-শূন্য কৰ্মে অপার আনন্দ! কিন্তু কি প্রকারে আমরা কৰ্ম করি? কি উপায়ে শক্তিমান্ হই? কি প্রকারে স্বার্থবিসর্জন করি? কি উপায়ে আত্মত্যাগ করি, কি উপায়ে অহংত্যাগ করিয়া অভিমান শূন্য হই? উপায় আছে;—

“ক্ষণমিহ সজ্জনসঙ্গতিরেকা, ভবতি ভবান্নবেতরণে নৌকা।”

সজ্জনসঙ্গতি অর্থাৎ সাধুসঙ্গই ভীষণ ভবান্নব পার হইবার একমাত্র নৌকা। আমাদের সারাটী জীবনের মধ্যে যদি ক্ষণকালের জন্তও সজ্জন-সঙ্গতি হয়, তাহা হইলেই উপায় স্থির হইয়া গেল। আরও একজন তত্ত্বদর্শী মনীষী ইহজগতের সারবস্তু অন্বেষণ করিতে গিয়া বলিয়াছেন;—

“অসারখলুসংসারে সারমেতৎ চতুষ্টয়ম্।

কাশ্চাৎ বাসঃ সতাং সঙ্গঃ গঙ্গাস্তঃ শঙ্কুসেবনম্ ॥”

কিন্তু আমার বোধ হয়, এই চারিটির মধ্যে সাধুসঙ্গ সকলের করায়ত্ত ও সহজসাধ্য, আর তিনটি সকলের পক্ষে ঘটিয়া উঠা সম্ভবপর নহে। কিন্তু সাধু কে? এক কথায় এ প্রশ্নের উত্তর

দিতে হইলে আমরা এই বলিতে পারি—“যে ভাল কে ভালবাসে ভালর জন্ত ভাল করে, সেই ভাল অর্থাৎ সাধু।” আমরা যদি ভালকে ভাল বাসিতে পারি, ভালর জন্ত ভাল করিতে পারি, তবেই নিস্তার, নতুবা শত শত জন্ম ধরিয়া এই ভীষণ পাপ-তাপ-সম্বিত হুঃখের সংসারে, এই মহানুভূতি-বর্জিত নির্মম সংসারে, এই স্বার্থপরিপূর্ণ অনিত্য মায়ায় সংসারে গমনাগমন করিতে হইবে। অতএব এস, আমরা সকলে এমন একজন ভাল আদর্শ পুরুষের আশ্রয় গ্রহণ করি, যাহার রূপাবলে আমরা ভালর জন্ত ভাল করিতে শিক্ষা করিব, ভালকে ভাল বাসিতে শিক্ষা করিব, আমাদের স্বার্থত্যাগ হইবে, আমরা কৰ্মফলত্যাগ করিয়া কৰ্ম করিতে সক্ষম হইব, আমাদের অহংত্যাগ হইবে, আমরা অভিমান শূন্য হইব, আর আমাদের জন্মান্তর গ্রহণ করিতে হইবে না।

কিরণ।

## সমালোচনা।

মাতৃ-বিলাপ—এই বিলাপ কবিতায় লিখিত। মাতৃহীন বালক পূজনীয়া পরলোকগতা মাতার উদ্দেশে কয়েকটি শোকগাথা গাঁথিয়া পুস্তকাকারে জনসাধারণকে উপহার দিয়াছে। পুস্তকের বিজ্ঞাপনীতে শ্রীযুক্ত প্রসন্নকুমার যথার্থই বলিয়াছেন;—

“নিদারুণ মর্শ্বেভেদী মনোবেদনার—

মাতৃহীন বালকের করুণ রোদন;

কবিত্ব-চাতুর্য্য তা’তে থাকিবে কোথায়?

ভাবের মাধুর্য্যে তথা কিবা প্রয়োজন?”

মাতৃ-পূজার ‘কবিত্ব চাতুর্য্য’ ও ‘ভাবের মাধুর্য্য’ যথার্থই কোনও আবশ্যিক নাই। মাতৃ-পূজার একমাত্র উপকরণ ভক্তি, তাহা ‘মাতৃ-বিলাপের’ ছত্রে ছত্রে পাঠক পাইবেন। তবে আর কি চাই? ভক্তের একটি কথা উল্লেখ না করিয়া থাকিতে পারিলাম না। মাতৃ-ভক্ত

বালক স্বপ্নে মাতাকে দর্শন করিয়া মার নিকটে যাইতে বাসনা করিল, এমন সময় নিদ্রাভঙ্গ ! কিন্তু নিদ্রাভঙ্গেও মাতৃ-ভক্ত কি বলিতেছেন, শুনুন ;—

“তাই যদি সত্য হয়, হলেই বা স্বপ্নময়,  
যাবৎ জীবন যেন দেখি এ স্বপন ।  
নিশি পোহারো না যেন, এস নিদ্রে ! এন পুনঃ,  
মাতৃ-ময়-স্বপ্ন পুন করি দরশন ॥”

আমরা মন্থনাথের মাতৃ-ভক্তিতে বড়ই সন্তুষ্ট হইয়াছি ।

**নাগযজ্ঞ**—শ্রীযুক্ত অন্নদাপ্রসাদ ঘোষাল প্রণীত । নাগযজ্ঞের উপাখ্যান বোধ হয়, পাঠক পাঠিকার মধ্যে কাহারও অবিদিত নাই ; অন্নদাবাবু সেই পৌরাণিক উপাখ্যানটী নাট্যাকারে পরিবর্তিত করিয়াছেন । এখানি রাজকীয় বঙ্গরঙ্গভূমিতে কিছুদিন অভিনয়ও হইয়াছিল, শুনিলাম অভিনয়ে সকলে লেখকের নিপি চাতুর্যের প্রশংসা করিয়াছিলেন । পাঠকালে আমরাও তাহা না করিয়া থাকিতে পারি নাই ।

**রামকৃষ্ণ প্রচার সমিতির বিজ্ঞাপনী**—দক্ষিণেশ্বরের সাধকপ্রবর “শ্রীশ্রীরামকৃষ্ণদেব মানবের হিতার্থ যে সকল তত্ত্ব ব্যাখ্যা করিয়াছেন ও কার্যে যাহা তাঁহার জীবনে প্রতিপাদিত হইয়াছে ; তাহা প্রচার এবং মনুষ্যের দৈহিক, মানসিক ও পার-মার্থিক উন্নতি কল্পে যাহাতে সেই সকল তত্ত্ব প্রযুক্ত হইতে পারে, তদ্বিষয়ে সাহায্য করিবার জন্ত এই প্রচার ( Mission ) সংস্থাপিত হইয়াছে ।” এই সমিতির সাধারণ সভাপতি আমেরিকা-ইংলণ্ড বিমুক্তকারী বাগ্মী শ্রীমদ্বিবেকানন্দ স্বামী । শ্রীমৎ ব্রহ্মানন্দ স্বামী ( বাগুবাজার বসুপাড় ) কলিকাতা আশ্রমের সভাপতি । সাম্প্রদায়িকতা শূন্য হইলে এই প্রচারে আমাদের সমাজের বহুমঙ্গল সাধিত হইবে, ইহা স্থির নিশ্চয় ।

## স্বরলিপি ।

ভৈরবী—তাল পোস্তা । \* ( স্বী গী স্বী নি ) .

কথা—শ্রীগিরিশচন্দ্র ঘোষ ।

সুর—শ্রীরামতারণ সান্ন্যাল ।

মন আমার দিন কাটালি,

মূল খোয়ালি,

তাল ব্যাসাত কল্লি ভবে ।

একলা এলে,

একলা যাবে,

মুখ চেয়ে কা'র ঘূর্চ তবে ॥

কে তুমি বলছ আমি দেখে ভেবে আর ভাববি কবে—

তাওবে মেলা ঘূর্বে খেলা চিতার ছাই নিশানা রবে ॥

আহায়ী ।

|     |      |      |      |      |      |      |      |      |      |
|-----|------|------|------|------|------|------|------|------|------|
| সাঁ | স্বী | সাঁ  | নি   | স্বী | নি   | সাঁ  | নি   | সাঁ  | সা   |
| ম   | ন    | আম   | আ    | র    | দি   | ন    | কা   |      |      |
| সাঁ | সাঁ  | সাঁ  | স্বী | গী   | গী   | স্বী | গী   | ম    | গী   |
| টা  | লি   | মু   | ন    | খো   | য়ান | ই    | ই    |      |      |
| সাঁ | স্বী | গী   | স্বী | সাঁ  | সাঁ  | স্বী | ম    | গী   | স্বী |
| ভা  | ল    | অ    | ব্যা | ন    | আত   | কল   | ল্লি | ই    |      |
| গী  | স্বী | সাঁ  | সাঁ  | সাঁ  | সাঁ  | স্বী | নি   | স্বী | স্বী |
| ভ   | বে   | এক   | লা   | এল   | এ    |      |      |      |      |
| প   | প    | স্বী | ম    | প    | স্বী | নি   | স্বী | প    | ম    |
| এক  | লা   | যা   | ব    | এ    |      |      |      |      | মুখ  |

\* মতান্তরে ষৎ তাল ব্যবহৃত হয়, কিন্তু তাহা হইলে পোস্তার শ্রায় মিষ্ট হয় না ।

পঁ পঁ ষঁ নি ষঁ পঁ | মঁ গঁ ষঁ সাঁ ||  
 চে য়ে ০ কা ০ র য়র্ ছ ত বে

অন্তরা ।

সাঁ ষঁ সাঁ নি ষঁ নি সাঁ | সাঁ সাঁ সাঁ ||  
 কে ০ এ তুম্ হি ০ ০ বল ছ আ

সাঁ সাঁ ষঁ ষঁ ষঁ ষঁ পঁ | মঁ ষঁ নি  
 মি দে ষ্ ভে বে আ র ভাব বি কব্

সাঁ ষঁ নি সাঁ | সাঁ ষঁ সাঁ সাঁ সাঁ ষঁ ||  
 এ ০ ০ ০ কে ০ এ তু মি ০

গঁ মঁ মঁ পঁ মঁ | পঁ ষঁ ষঁ ষঁ ষঁ নি ষঁ ||  
 বন্ ছ আ ০ মি দে ষ্ ভে বে আ ০ ০

পঁ মঁ ষঁ নি সাঁ | নি নি নি ষঁ নি সাঁ ||  
 র্ ভাব্ বি ক বে ভাং বে মেল্ আ ০ ০

নি নি ষঁ ষঁ পঁ মঁ | মঁ পঁ পঁ ষঁ ||  
 য়্চ্ বে ০ খেল্ আ ০ চি তার ছা ই

নি ষঁ পঁ | মঁ গঁ ষঁ সাঁ ||  
 নি ০ ০ শা না র বে

শ্রীরাজকৃষ্ণ ঘোষ ।

# বীণাপানি ।

মাসিকপত্রিকা ও সমালোচনী ।

“বীণা-পুস্তক-রঞ্জিত হস্তে । ভগবতি, ভারতি দেবি নমস্তে ।”

৪র্থ খণ্ড । } শ্রাবণ, ১৩০৪ সাল । } ৭ম সংখ্যা ।

## ঈশ্বরোপাসনা ।

সকল শ্রবণমাত্রেই অব্যয়ীপ্রমাণে (directly) যাহাদের স্বাভাবিক-ভূতি হয়, অবিজ্ঞাবিজ্ঞস্তিত অধ্যাসের জলন্ত প্রদীপ তাহাদের চকিতেই নির্কাপিত হইয়া যায়; অবাতিবিক্ষোভিত অদ্বৈত মহা-সাগরের অব্যক্ত অতলে তাহাদের জীবনতরণী জন্মের মত নিমজ্জিত হইয়া যায়; তাহাদের দৃষ্টিতে সৃষ্টিই বা কোথায়, প্রলয়ই বা কোথায়? উপাশুই বা কি উপাসনাই বা কার? “যদা সর্বমাত্মৈ-বাভূত তদা কিং কেন কথং পশ্যেৎ” যখন সমস্তই আত্মময় হইয়া যায়, তখন সে কি-দ্বারা কি দেখিবে? কিন্তু অনাদি অবিজ্ঞা গ্রাহগ্রস্ত অস্বাদাদি জীবের পক্ষে ব্যতিরেকী ভ্রাস্ত্রে (indirectly) পরমাত্মতত্ত্ব বুঝিবার সৌকর্যার্থে অলীক ইন্দ্রজালরূপী পরিদৃশ্যমান জগৎ প্রপঞ্চকে যদি একান্তই সৃষ্ট পদার্থ মানিয়া লইতে হয়, তবে বেদান্তের, ত্রিবুৎ মায়ী অথবা সাংখ্য কথিত ত্রিগুণাত্মিকা প্রকৃতির গুণবিক্ষোভই এ সৃষ্টিবৈচিত্রের সূত্র কারণ বলিয়া অনুমান



করা যাইতে পারে। বেদান্তদর্শন বলিয়াছেন, অথগু পরমাত্মা যখন জগদাকারে বিবর্তিত হন, তখন তিনিই সত্ত্ব, রজঃ এবং তমোগুণাক্রান্তের গ্রায় হন। সাংখ্যও বলিয়াছেন, গুণের বিক্ষোভ হইলেই সৃষ্টির সূচনা হয়। সুতরাং আমরা দেখিতেছি, কি সাংখ্য, কি বেদান্ত উভয় দর্শনই সৃষ্টিতত্ত্ব-প্রসঙ্গে গুণবিক্ষোভ কল্পনা করিয়াছেন। সৃষ্টিতত্ত্ব ব্যাখ্যা এ প্রবন্ধের মুখ্য উদ্দেশ্য নহে। তবে এই গুণত্রয় যে অগ্নাধিক পরিমাণে আব্রহ্মসত্ত্ব পর্য্যন্ত যাবতীয় সৃষ্ট পদার্থে ওতপ্রোত পরিব্যাপ্ত রহিয়াছে, তাহার উল্লেখ করাই এ স্থানে প্রতিজ্ঞা-সাধনার্থ নিতান্ত আবশ্যিক মনে করিতেছি। উক্ত-গুণপদার্থত্রয়ের ক্রমভেদে প্রকাশ-মানতা ক্রিয়মানতা ও জড়তা-ধর্ম বিদ্যমান আছে। সাংখ্যার্চাধ্যায়গণ যে বলিয়া থাকেন, সদৃশ পরিণামে প্রলয় ও বিসদৃশ পরিণামে সৃষ্টি, তাহার অর্থ এই যে ত্রিবিধ গুণপদার্থের মধ্যে যতদিন বৈষম্যভাব থাকিবে, ততদিনই সৃষ্টি-কার্য্য বর্তমান; উহাদের নিঃশেষ-সাম্যে মহাপ্রলয় উপস্থিত হইবে। “গুণানাং সাম্যাবস্থা প্রকৃতিঃ বৈষম্যাবস্থা সৃষ্টিঃ” ইতি সাংখ্যসূত্র। অবিভাগ্যস্ত অস্বাদাদির পক্ষে সৃষ্টি যখন প্রতিভাত হইতেছে, তখন ইহা অবশ্যই অনুমেয় যে, উক্ত গুণপদার্থত্রয়ের বৈষম্যভাব আমাদের মধ্যেও বর্তমান আছে। আমরা দেখিতে পাই, তম আধিক্যে জড়তা, রজঃ আধিক্যে ক্রিয়মানতা ও সত্ত্ব-ধিক্যে প্রকাশমানতার প্রাবল্য হয়। ক্রমবিকাশবাদী পণ্ডিতগণের (Evolutionists) সৃষ্টিতত্ত্বরূপ ক্রমবিকাশমতের পরিপোষণোপলক্ষে ও প্রোক্তরূপ গুণত্রয়ের ক্রমোন্মেষণ, অনুমানের অযোগ্য হয় না। নিরতিশয় তম আধিক্যই জাত্যভাব। তজ্জন্মই ক্রমবিকাশবাদিগণ জগতের আদিমাবস্থা তমোময় কল্পনা করেন। ভগবান্ মনুও ইঙ্গিতক্রমে বলিয়াছেন, “আসীদিমং তমোভূতং” এ জগৎ প্রপঞ্চ সর্বাগ্রে তমোভূতই ছিল। তৎপরে ক্রমোন্মেষিত চেতন জীব-জগতে রজঃ প্রাধান্যবশতঃ চেতন জগৎ কার্য্যময় এবং নিরতিশয় শুদ্ধসত্ত্ব পরাতত্ত্ব-বিবিদ জীবই স্বত্বপ্রবণ দৃষ্ট হয়। আমুক্ষু জড়জগৎ

সমস্তই ত্রিগুণময়ী প্রকৃতির রঙ্গভূমি,—যেখানে কেহ স্থাগুরূপ চলচ্ছক্তি রহিত, কেহ জীবরূপে গমনশীল, কেহ বা প্রশান্তমনা সত্বসংস্থ হইয়া ত্রিগুণের বিক্ষোভ অতিক্রমণ করতঃ সৃষ্টিনিরাশে কৃতপ্রযত্ন। প্রোক্তরূপ গ্রায়াবলম্বনে আমরা দেখিতে পাই, বিবেক-জ্ঞান্ মনুষ্য সমাজেও উক্তরূপ গুণভেদে কেহ তমঃপ্রবলতা বশতঃ মহামোহাচ্ছন্ন; কেহ রজঃ প্রাবল্যে জড়জগতের উপর আধিপত্য বিস্তারে নিয়তই কর্ষপরায়ণ; কেহ বা সত্ত্বপ্রবলতা বশতঃ প্রকৃতির পরপারস্থিত পরম পুরুষলাভে অনগ্রমনা ও নিয়ত ধ্যানশীল। উক্ত ত্রিবিধগুণের অগ্নাধিক্যতা অনুসারেই জীবকল্পিত উচ্চাদর্শ (highest ideal) ও যে অগ্নাধিক পরিমাণে পরাবর আদর্শ হইবে তাহাতে আর বিচিত্র কি? প্রত্যেক সমাজের ব্যক্তিগত উচ্চাদর্শই অগ্নাধিক পরিমাণে ক্রমে সমাজগত ও জাতিগত আদর্শরূপে পরিণত হয়। এইরূপ প্রত্যেক জাতিগত আদর্শই পক্ষান্তরে সার্বভৌমিক আদর্শরূপে পরিণত হওয়াই আদর্শ কল্পনার নিঃশেষ পরিসীমা। প্রোক্তরূপ সার্বভৌমিক অত্যাচ্চাদর্শই লোকতঃ গ্রায়ে ঈশ্বর বলিয়া নির্দ্ধারিত হওয়া উচিত। কিন্তু জীবগত, সমাজগত কি জাতিগত অত্যাচ্চাদর্শ বা ঈশ্বরজ্ঞান একরূপ হইতে পারে না। যদি সকলের বুদ্ধিতে ঈশ্বর একরূপেই প্রকাশমান হইতেন, তাহা হইলে আর সাম্প্রদায়িকরূপ বাদ-বিতণ্ডার কোলাহল উথিত হইত না। জীবগত সমাজগত ও জাতিগত বিভিন্নগুণপ্রাবল্যই বিভিন্নরূপ উচ্চাদর্শ কল্পিত হইবার অধিতীয় কারণ। যোর তমসাচ্ছন্ন জড়জগতের নিম্নস্তরস্থ কীটপতঙ্গ, কি পশুপক্ষাদিজাতীয় জীবের স্বতঃপ্রবণ (instinctive) কার্য্যকলাপ দৃষ্টে অনুমিত হয় যে, তাহাদের মধ্যে ঈশ্বর স্থানীয় এমন কোন অত্যাচ্চাদর্শ কল্পিত নাই, যাহা তাহাদের অনুসরণীয়; অথবা যদি একরূপ উচ্চাদর্শ একান্তই কল্পিত হইয়া থাকে, তবে তাহাও তাহাদের বুদ্ধিবৃত্তিবিকাশের অনুরূপই হইয়া থাকিবে। আমরা তদুচ্চস্তর মনুষ্য জগতে আসিয়া কি দেখিতে পাই? তমসাচ্ছন্ন মানব ততদনুরূপ গুণেই স্বীয় আদর্শ গঠিত

করিয়া তমোগুণের নিরতিশয় সম্প্রসারণতাক্রম তাহাকেই ঈশ্বর বলিয়া নির্দেশ করিতেছে। কল্পিত ভূত প্রেত প্রভৃতি অপদেবভাগগণই তাহাদের ঈশ্বরানুভূতির পর্যাপ্ত পরিসীমা। এ কথা পঞ্চদশীকারও নির্দেশ করিয়াছেন। রজঃপ্রধান মানবগণ স্বনিহিত রজোগুণের বলবতা অনুসারে কল্পিত ঈশ্বরে বিভিন্ন শক্তাদির আরোপ করিয়া তাহাদিগকেই জীবনের আদর্শ করিয়াছে। অশ্ব-দেশীয় বেদোক্ত ইন্দ্র, সোম, বরুণ, বায়ু, অগ্নি, সবিতা ও দিক্-পাল প্রভৃতি মহাশক্তিসম্পন্ন দেবগণ এইরূপে আদর্শস্থানীয় হইয়া ঈশ্বররূপে নিদ্বিষ্ট হইয়াছিলেন। সত্ত্বপ্রবণ মানবগণ তাহার কল্পিত উচ্চাদর্শে শান্তি, প্রেম, দয়া, বিত্ত্বিকি ও নিম্নলতা প্রভৃতি স্বনিহিত-গুণেরই আরোপ করিয়া তাহাদের ঈশ্বরকে মনোভিমত গঠন করিয়া লইতেছে। ফলতঃ একরূপ বিচারের বিশিষ্ট সিদ্ধান্ত এই যে, অশ্ব-দাদির অন্তর্নিহিত গুণপ্রাবল্য বশতঃ আমরা যে উচ্চাদর্শকে ঈশ্বর-রূপে নির্ধারণ করিতেছি, তাহা আমাদেরই মনঃপ্রতিবিম্বিত গুণাদির যৎকিঞ্চিৎ প্রফুরণ মাত্র। সেই সেই গুণের সম্পূর্ণ বিকাশমানতা সম্পাদনই আমরা ঈশ্বর লাভের সীমাস্ত তত্ত্ব বলিয়া মনে করিতেছি। সুতরাং দেখা যাইতেছে যে, একমাত্র গুণ বৈষম্যেই কল্পিত আদর্শ বা ঈশ্বরের বৈষম্য হইয়াছে। তাই প্রত্যেকের ঈশ্বর স্বতন্ত্র। যদিও কোন অবতার কল্প বিভূতিমান ব্যক্তিবিশেষকে আমরা অধিকাংশই উচ্চাদর্শ বা ঈশ্বর মানিয়া লই, তথাপি নিপুণভাবে ভাবিয়া দেখুন, জ্ঞানী “রাম” তাহার জ্ঞানদর্শনে প্রেমিক “শ্রাম” তাহার নারদীয় ভক্তি দর্শনে এবং হয়ত কোন উচ্চাধিকারী একাধারে জ্ঞানী ও প্রেমিক “যজু” তাহার জ্ঞান ও প্রেম দর্শনে তাহাকেই জীবনের উচ্চাদর্শ স্থির করিয়াছে। যতদিন না অন্তর্নিহিত গুণবৈষম্যের নিঃশেষ সাম্য হইবে, ততদিন একরূপ আদর্শ-তান্ ছাড়াইতে জীবের সাধ্য নাই। ত্রিগুণোন্মূলিত হৃদয়বান্ মানবই সেই নিরপেক্ষ ( absolute ) সংস্করণে অবস্থানের যোগ্য হয়। ইহাই ভারতবর্ষীয় দার্শনিকগণের যৌক্তিক ও আনুভাবিক উপপত্তি।

ঈশ্বরোপাসনাই এ প্রবন্ধের মুখ্য বিষয়। সুতরাং ঈশ্বর সম্বন্ধে আলোচনা না করিয়া উপাসনা বিষয়ে কাঁচিতি হস্তক্ষেপ করা অস-মীচীন বোধ হওয়াতেই উচ্চাদর্শ বা ঈশ্বর সম্বন্ধে পূর্বে স্বমুত ব্যক্ত করিয়া পশ্চাৎ শ্রুতিদর্শন ও পুরাণাদিতে ঈশ্বরের কীরূপ স্বরূপ নির্দেশ করা হইয়াছে, সংপ্রতি যথাশাস্ত্র তাহারই আলো-চনা করিব।

অনাদি অজ্ঞান বশতই আমরা প্রত্যেকে নানাগুণাধিত ও কর্মতৎপর হইয়া জনন-মরণ-সঙ্কুল মহামোহাধিত সংসার ক্ষেত্রে বিচরণ করিতেছি। এবং স্বীয় ভাবনানুরূপ উচ্চাদর্শ কল্পনা করিয়া তন্মাত্রকেই পরমপুরুষার্থ বলিয়া নির্ধারণ করিতেছি। পূর্বজন্মার্জিত সংস্কার ও দেশকাল-নিমিত্ততাই বিভিন্ন গুণ-প্রবণতার কারণ বলিয়া অনুমান করা যাইতে পারে। যে কোন কারণেই কেন আমরা প্রোক্তরূপ বিভিন্ন গুণাক্রান্ত হইয়া জন্মগ্রহণ করিয়া থাকি না, আমাদের মনঃ কল্পিত অত্যাচ্চাদর্শ বা ঈশ্বর যে সকলেরই সম্পূর্ণ স্বতন্ত্রত্বদ্বিষয়ে বোধ হয়, কাহারও মতবৈধ নাই। ইহ-জগতে বিভিন্নধর্ম মতের উচ্চাদর্শরূপ ঈশ্বরকল্পনাও যে কেন বিভিন্নতা দেখিতে পাই, তাহার কারণানুমাণেও আপনাদের বোধ হয়, এখন কোন সন্দেহ নাই। কিন্তু এ বৈষম্যের সাম্য ও সামঞ্জস্য কোথাও দৃষ্ট হয় কি না, তাহাই বর্তমানে আলোচনার বিষয়।

অপৌরুষেয় বেদ গন্তীরস্বরে বলিতেছেন, “নেহ নানাস্তি কিঞ্চন” বিভিন্ন পদার্থ কিছুই নাই। “একং সৎ বিপ্রা বহুধা বদন্তি” এক সৎকেই পণ্ডিতগণ নানাভাবে প্রকাশ করিতেছেন। পূর্কেই বলিয়াছি, বিভিন্নগুণাক্রান্ত মানব স্বকীয় গুণপ্রাবল্যানুসারে এক অদ্বিতীয় তত্ত্ব হইতেই তদীয় কল্পিত ঈশ্বরকে তত্ত্বগুণাধিত বলিয়া বর্ণন করিয়া থাকেন। সেই জন্ত গুণাক্রান্ত মানবের ঈশ্বর ও সগুণ বা তটস্থলক্ষণাধিত। সগুণ ঈশ্বরকে শ্রুতি বলিতেছেন, “যতো বা ইমানি ভূতানি বায়ন্তে যেন জাতানি জীবন্তি যৎ-

প্রয়ত্যাভিসংবিশক্তি তৎবিজিজ্ঞাগম্ব তদেব ব্রহ্ম” যাহা হইতে এই সকল ভূত জন্মগ্রহণ করিয়াছে, যাহাতে অবস্থিতি করিয়া পুনরায় যাহাতে লয়প্রাপ্ত হইতেছে, তিনিই বেদের সগুণ ব্রহ্ম। বাদরায়ণ মুনি তাহাই সংক্ষিপ্ত করিয়া ব্রহ্মসূত্রে বলিলেন, “জন্মান্তশ্চয়তঃ” যাহা হইতে জন্মাদি অর্থাৎ সৃষ্টি স্থিতি ও প্রলয় হইতেছে, তিনিই সগুণ ব্রহ্ম। নিগুণ ব্রহ্মের স্বরূপ নির্দেশ বাক্যাতীত ও ভাবাতীত। তদভাবপ্রকাশে ভাবার প্রসরতা নাই। “যতো বাচো নিবর্তন্তে অপ্রাপ্য মনসাসহ”। শ্রুতি তাই “নেতি” “নেতি” বলিয়া সর্ব নিষেধের শেষ সীমাকেই নিগুণ ব্রহ্মের স্বরূপলক্ষণ করিয়াছেন। সগুণ ও নিগুণ ব্রহ্মসম্বন্ধে আরও একটু বিস্তৃত করিয়া বলিলেই পর্যাপ্তি হইবে। অনাদি কর্মপ্রভাবে আমরা বিবিধগুণরজ্জুতে আবদ্ধ হইয়া জন্ম মরণ শ্রোতে প্রতিনিয়তই পুনঃ পুনঃ আবর্তিত হইতেছি। অন্তর্নিহিত গুণভাবকল্পিত বিরাট-মূর্তিতে বা ব্যক্তি বিশেষে অধ্যস্থ করিয়া যখন আমরা জগতের সৃষ্টিকল্পনা করিয়া লই, তখনই স্বগুণ ব্রহ্মভাব বৈন আমরাই প্রকটন করি। আত্যন্তিক গুণনিঃশেষে আবার যখন মনকে প্রাণে, প্রাণকে তেজে, তেজকে পরমপুরুষ সচ্চিদানন্দে বিলোপ করিয়া দেহাত্মভাব সমূলে উন্মূলিত করত অতেদে আত্মসাক্ষাৎ করি, তখনই নানাত্ব জ্ঞানের অভাব হেতু সর্ব নিষেধের শেষ-সীমাবস্থিত আমাদের নিগুণ ব্রহ্মোপলব্ধি হয়। বেদ ও বেদান্ত-দর্শনে ঈশ্বরের এইরূপ সগুণ ও নিগুণাভাব কথিত হইয়াছে।

অস্বদেশীয় বিভিন্ন দার্শনিকগণ এ তত্ত্বের কিরূপ মীমাংসায় উপস্থিত হইয়াছিলেন, সম্প্রতি সংক্ষেপে তাহারই আলোচনা করিব।

ভারতবর্ষীয় দার্শনিকদিগকে প্রধানতঃ দুই শ্রেণীতে বিভাগ করা যাইতে পারে। (১) নাস্তিকদার্শনিক ও (২) বেদপ্রমাণবাদী আস্তিকদার্শনিক। নাস্তিকদিগের মধ্যেও চার্কাক ও বৌদ্ধ এই দুই সম্প্রদায় আছে। ইহাদিগের মধ্যেও দেহাত্মবাদ দৈহিক পরিণামবাদ, ক্ষণিক বিজ্ঞানবাদ, সর্কাস্তিত্ববাদ ও সর্কশূন্যবাদ

প্রভৃতি অবাস্তর দৃষ্ট হয়। ইহারা কেহই ঈশ্বর স্বীকার করেন নাই। ঈশ্বর উপাসনা প্রবন্ধে ঈশ্বরোপলাপকারী নাস্তিক মত উল্লেখের অযোগ্য হইলেও প্রসঙ্গের পৌর্কোপর্য্য রক্ষার জন্তই মাত্র উহাদের নাম করা হইল। মহাসমস্বয়চার্য্য ভগবান্ শঙ্করস্বামী অকাট্যযুক্তিকৌশলে ইহাদের সমস্ত মতকেই একদিন খণ্ডন করিয়াছিলেন। অনুসন্ধিৎসুগণ “এক আত্মনঃ শরীরে ভাবাৎ” (ব্রহ্মসূত্রে ৩৩৫৩) এবং “ব্যতিরেকস্তদুভাবাবিত্ত্বান্নতুপলক্ষিবৎ (ব্রহ্মসূত্রে ৩৩৫৪) সূত্রদ্বয়ের শারীরকভাষ্যে চার্কাক মত খণ্ডন দেখিতে পাইবেন। এবং উক্ত ব্রহ্মসূত্রেরই ২য় অধ্যায়ের ২য় পাদের অষ্টাদশসূত্র হইতে দ্বাত্রিংশৎসূত্র পর্য্যন্ত শারীরকভাষ্যে বৌদ্ধমত নিরাশ করিয়া ভাষ্যকার শঙ্করচার্য্য তর্কশাস্ত্রের যে কিরূপ অলৌকিক ক্ষমতা প্রদর্শন করিয়াছেন, তাহা মাত্র উক্ত অংশ পাঠ করিলেই বোধগম্য হইতে পারিবে।

অধুনা বেদপ্রমাণবাদী আস্তিকদার্শনিকগণ যে যেক্রমে কল্পনা করিয়াছিলেন, তাহারও সংক্ষিপ্ত মর্ম্ম প্রসঙ্গোপলক্ষে উল্লেখ করিতেছি। অস্বদেশীয় প্রসিদ্ধ ষড়্দর্শন সকলেই বেদের অপৌরুষেয়তা স্বীকার করিয়া গিয়াছেন। আশ্চর্য্যের বিষয় এই যে, ইহাদিগের মধ্যে কোন কোন দর্শন ঈশ্বরোপলাপ করিয়াও শ্রুতি প্রমাণপত্র হইয়াই মাত্র আস্তিকদার্শনিক শ্রেণী হইতে বহিষ্কৃত হন নাই। বেদের সগুণ ও নিগুণাভাব উভয়ই অধিকারিতেদে উত্তর মীমাংসার অভিমত বলিয়া নির্দেশ করা যাইতে পারে। পূর্বেই ইহার বিস্তৃত আলোচনা করা হইয়াছে। ষোড়শ পদার্থবাদী গ্রায় বেদ-প্রমাণবাদী হইয়াও তর্কপ্রতিষ্ঠিত মত স্থাপনেই সমধিক যত্নশীল। এমন কি বেদের প্রমাণ ও ইহারা তর্কেই প্রতিষ্ঠিত করিয়াছেন। কিন্তু যুক্তিবিচারে ইহারা পাশ্চাত্যদেশীয় দার্শনিকগণের গ্রায় অজ্ঞেয়বাদেই ( agnosticism ) সীমাবদ্ধ না রহিয়া অনুমান প্রমাণে, ঈশ্বর নামক পদার্থের নির্ণয় করিয়াছেন। সগুণপদার্থবাদী বৈশেষিকদর্শন তাহার উপরই কিছু রং পরং তুলিয়া গ্রায়ের

অস্পষ্ট পরমানুবাদই সবিশেষ প্রকটন করত উপাদান ও নিমিত্ত কারণ স্পষ্ট ব্যক্ত করিয়াছেন মাত্র। পঞ্চবিংশতিতত্ত্ববাদী কপিল ত্রিগুণাত্মিকা প্রকৃতিরই বিপরিনামে দিক্‌দৃশাদি পদার্থের উৎপত্তি নির্ণয় করিয়াও পুরুষ বা আত্মাকে না নিমিত্ত না উপাদান কারণ বলিয়া যেন শুদ্ধাঐতত্ত্বগ্রন্থের ভূমিকা লিখিয়া দিয়াছিলেন। কপিল পথানুগামী পতঞ্জলি ঈশ্বর স্বীকার করিয়াও যেন বেদান্তের নিগূর্ণভাবে সমধিক সন্নিহিত হইয়াছিলেন। একাত্ততত্ত্ববাদী বেদান্তদর্শন সর্বোচ্চস্তরে উঠিয়া নিমিত্ত ও উপাদান, কারণ ও করণকে একই নির্দেশ করিয়া যেন দার্শনিকতত্ত্বাচলের গরিষ্ঠ শেখরে উপস্থিত হইয়াছিলেন। স্মতরাং আমরা দেখিতেছি, গৌতমই প্রথমে দার্শনিকভাবে ঐতত্ত্বের সূত্রপাত করিয়াছেন; বৈশেষিক-গণও প্রায় তদ্রূপ; তবে তাহারা একটু সমধিক চিন্তাশীল বলিয়া আমার মনে হয়। সাংখ্যের পরিণামী চিন্তা প্রকৃতি পরপার-গামিনী। পতঞ্জলির ঈশ্বরতত্ত্বও নির্ব্যাজ-ঐতত্ত্ব সূচিত হইয়াছে কিনা, স্থির সিদ্ধান্ত করা সূকঠিন। বেদান্তের বিবর্তবাদ সর্বোচ্চ দার্শনিকেরই বিশ্রাম স্থল। প্রাকৃতিক নিখিল পরিণামই ইহাদের মতে ঐতত্ত্বের অধ্যস্ত হইয়া মরুভূমিতে জলক্রমের আয় বিজুস্তিত হইয়াছে।

(১) নৈয়ায়িকের অনুমেয় ঈশ্বর উপাস্ত কিনা গৌতমের আয়সূত্রে তাহার উল্লেখ পর্য্যন্ত দৃষ্ট হয় না। ১৬শ পদার্থের মধ্যে যে আত্মপদার্থ আছে, তাহা জীবাত্মপর বলিয়াই মনে হয়। এই নৈয়ায়িকদিগের মতে জীবাত্ম বিষয়ক জ্ঞানই মোক্ষ-দায়ক-তত্ত্বজ্ঞান। জীবের দুঃখ জন্ম প্রবৃত্তি দোষ ও মিথ্যা জ্ঞানের ক্রম-পরম্পরায় অন্তর্হিতই ইহাদের মতে মোক্ষ। “দুঃখ-জন্ম-প্রবৃত্তি-দোষ-মিথ্যা-জ্ঞানানামুত্তরোত্তরাপায়ে তদন্তরাপায়াদপবর্গঃ” (গৌতম-সূত্র)।

(২) কণাদ প্রণীত বৈশেষিক দর্শনে ও ঈশ্বর প্রতিপাদক কোন সূত্র নাই। কিন্তু নব্য বৈশেষিক পণ্ডিতগণ আত্মাকে জীব ও পরমভেদে দ্বিবিধ করিয়া কল্পনা করিয়াছেন। আত্মমনঃ সংযোগ

ধ্বংশ হইলেই ইহাদের মতে মোক্ষ হয়; কিন্তু তদশায় স্মথের লেশমাত্রও নাই।

(৩) কপিলের মোক্ষ বিবেকজ্ঞানাধীন। প্রকৃতি পুরুষই বিবেক জ্ঞানের বিষয়। প্রকৃতি ও পুরুষের স্বরূপ সাক্ষাৎকার হইলেই জীবের প্রাকৃতিক বন্ধন থাকে না; কাষেই কৈবল্য নামক মোক্ষ হয়। অন্তর্নিগামী পুরুষ একরূপ বিধায় ইহার অবাস্তর ভেদ নাই। কিন্তু প্রকৃতির নানাত্ব আছে;—যথা মূল প্রকৃতি, প্রকৃতি বিকৃতি, কেবল বিকৃত ও অনুভয়রূপ। ইহার পুরুষই বেদান্তের ব্রহ্ম এবং প্রকৃতিই মায়া। “মায়াতু প্রকৃতিং বিদ্বান্ মায়ািনন্ত মহেশ্বরমিতি”—শ্বেতাস্বতরোপনিষৎ। ইহারা চৈতন্যকে পৃথক্ পদার্থ বলিয়া মানিয়াছেন। “ন সাং সিদ্ধিকং চৈতন্তং প্রত্যেকাদৃষ্টেঃ” (সাংখ্যসূত্রে) অর্থাৎ চৈতন্ত পদার্থ ভূত সংঘাতাত্মক দেহের সাংসিদ্ধিক ধর্ম নহে। যখন প্রকৃতির বিপরিনামেই সৃষ্টি, তখন সাংখ্যমত আয় ও বেদান্তের মধ্যবর্তী হইয়া যেন ইন্দ্রিতে ঐতত্ত্বকে তত্ত্ববুই সূচনা করিয়া দিতেছে। ইহারা নিত্যেশ্বর স্বীকার করেন না। কারণ তাহার প্রমাণাতাব। সম্বন্ধাতাব বলিয়া তাহার অনুমানও হয় না। “ঈশ্বরাসিদ্ধেঃ প্রমাণাতাবাং” “সম্বন্ধাতাবান্নানুমানং” (সাংখ্যসূত্রে)। কিন্তু ইহাদের মতে অত্র ঈশ্বর আছে। “মুক্তাত্মনঃ প্রশংসা উপাসনাসিদ্ধস্ত বা”। এতন্মতে হরিহরাদি পূর্ব কল্পের উপাসনা সিদ্ধ জীব। সিদ্ধজীবই পরকল্পে ক্ষমতা প্রাপ্ত ঈশ্বর বলিয়া কথিত হইয়াছে।

(৪) শ্বেশ্বর সাংখ্য বা পাতঞ্জল দর্শনমতে ঈশ্বর এক প্রকার পুরুষ বিশেষ। এই মূলপুরুষ জীবনামধারী পুরুষ হইতে সম্যক্ পৃথক। “ক্লেশকর্ম্মবিপাকাশটেরপরামৃষ্টপুরুষবিশেষ ঈশ্বরঃ” (যোগসূত্র)। ক্লেশকর্ম্ম ও বিপাকাশাদি দ্বারা অপরামৃষ্ট পুরুষ বিশেষই ঈশ্বর।

“ঈশ্বর প্রণিধানাত্মা” সূত্রে ঈশ্বরোপাসনা ও সূচিত হইয়াছে।

(৫) ব্যাস-শিষ্য জৈমিনি প্রণীত পূর্বমীমাংসাশাস্ত্র কর্ম্ম-কাণ্ডাত্মক বেদভাগের বিচারেই পরিপূর্ণ রহিয়াছে। বেদান্ত সিদ্ধান্ত

ব্রহ্মদ্বৈততত্ত্ব জ্ঞান এ দর্শনের অনভিমত । বেদান্তবিৎ যেমন বলেন জগৎপ্রপঞ্চের নিঃশেষ বিলয়ে মোক্ষ হয়, ইহারা বলেন জগৎ সঞ্চয়ের বিলয়ে মোক্ষ ; সুতরাং ইহারা জগতের অস্তিত্ব স্বীকার করিয়াছেন । কিন্তু ঈশ্বরতত্ত্বালোচনায় ইহারা সমধিক যত্নশীল নহেন ; কারণ ইহাদের মত এই যে বেদবিহিত কস্মীনাষ্ঠানই মোক্ষের একমাত্র কারণ । সুতরাং শাস্ত্রান্তরালোচনা ইহাদের মতে নিতান্ত নিষ্ফলা ।

(৬) বেদান্তের ঈশ্বর-ভাব পূর্বেই উক্ত হইয়াছে । এতমতেও তিনটি অবাস্তরভেদ দৃষ্ট হয় । নিরীশেষাদ্বৈতবাদী অদ্বিতীয় ব্রহ্মতত্ত্ব ব্যতীত আর কিছুই অস্তিত্ব স্বীকার করেন না । জীব ও ব্রহ্মের অভেদ উপলব্ধিই ইহাদের নির্বাণ মুক্তি । ইহারা বলেন “ব্রহ্মসত্যং জগন্মিথ্যা জীবো ব্রহ্মৈব না পরঃ ইদমেবতুসচ্ছাত্রঃ” ইতি বেদান্তভিণ্ডিম ।

বিশিষ্টাদ্বৈতবাদিগণ স্বজাতীয় ও বিজাতীয় ভেদ স্বীকার না করিলেও ব্রহ্মে স্বগত ভেদ স্বীকার না করিয়া সেব্যসেবকানুরূপ উপাসনায় পক্ষপাতী । শুদ্ধদ্বৈতবাদিগণ জীব ও জগৎ উভয়কেই ব্রহ্মতিরিক্ত ও সত্য বলিয়া নির্দেশ করিয়াছেন ।

পূর্বোল্লিখিত ষড়্দর্শনোক্ত ঈশ্বরতত্ত্বালোচনায় আমরা দেখিতে পাইলাম, দার্শনিকগণ কেহই একমত নহেন । সকলের ঈশ্বরদর্শনই সম্পূর্ণ স্বতন্ত্র । সকলেই স্ব স্ব পক্ষ সমর্থনার্থ শ্রুতি হইতে অনুকূলা যুক্তি সংগ্রহ করিয়া স্বমত-সমর্থনে যত্নবান্ হইয়াছেন ; অথবা শ্রুতির শ্লোক নিজাভিপ্রায়ানুসারে ব্যাখ্যা করিয়া স্বীয় অভিমতের অনুরূপ ঈশ্বর ভাব প্রকটন করিয়াছেন । উপরি উক্ত দার্শনিক-তত্ত্বাদি অধিকারিভেদে সর্বত্রই সূষ্ঠ প্রযোজ্যমান হইয়াছিল ; এবং তত্তৎ সময়ে ইহাদের সম্যক উপযোগিতা অনুমান করিয়াই দার্শনিকগণ বিভিন্ন রূপ মতাদির শ্রেষ্ঠত্ব প্রদর্শন করত নানা গুণায়ক মানবজাতিকে ক্রমে ক্রমে একাদ্বৈততত্ত্বে আনিতেই প্রয়াসশীল হইয়াছিলেন । ঘোর-তমসচ্ছন্ন দেহাত্মবাদী চার্কাকগণ

বলিলেন দেহাতিরিক্ত আত্মা নাই । তমঃপ্রধান মানব তাহাই বুঝিয়া বলিল, “যাবজ্জীবং সুখং জীবং ঋণং কৃৎস্না ঘৃতং পিবেৎ । ভস্মীভূতশ্চ দেহশ্চ পুনরাগমনং কুতঃ ?” জড় পরিণামবাদী (modern evolutionists) এক জড়কেই আমি কারণ স্থির করিয়া চৈতন্যকে তাহার পরিণাম নির্দেশ করিলেন । বিজ্ঞানবাদী তদুচ্চস্তরে উঠিয়া শূন্য বা আকাশতত্ত্বের উপর আর উঠিতে পারিলেন না । তদপেক্ষা বিবেকবান্ প্রত্যক্ষ প্রমাণবলস্বীগণ লৌকিক ত্রায়াবলদ্বনে অজ্ঞেয়বাদ (agnosticism) এবং প্রত্যক্ষ বিজ্ঞানবাদ (Compte's positivism) প্রচার করিলেন না । জগতের সেরূপ অধিকারীরও অবধি নাই ; অনেকে তাহাই অবলম্বন করিল । [ক্রমশঃ]

শ্রীশরচ্ছন্দ্র চক্রবর্তী ।

## কোথা' যাই ?

- আমি চাহি ভুলিতে সংসারে,  
সংসার-অতীত স্থানে বেতে ।  
সে' কেন গো চাহে বাঁধিবারে  
শত স্নেহ মমতা-ডোরেতে ?

কেনইবা কাতর নয়ানে  
মুখ চাহি' ফেলে অশ্রুধার ?  
এত ক্ষুদ্র নিরাশ্রয় হৃদে  
এত কি আশার আছে তার ?

আমি বলি—‘আমি চিবড়ুংখী  
দিবার মতন কিছু নাই’ !  
এত বলি, তবু চাহে মোরে ;  
সংসার ভুলিতে কোথা' যাই ?

শ্রীচারুচ্ছন্দ্র বন্দ্যোপাধ্যায় ।

## “বাসনার অবসান ।” \*

পরীক্ষা বিষম ঘোর,  
ছুরল হৃদয় মোর,  
নাহি জামি কেমনে মা ! হইব গো পার !

পাঠা'লি কি এ সংসারে,  
কাঁদাইতে তনয়ারে,  
এই কি মা ! মাতৃ-স্নেহ হৃদয়ে তোমার ?

আমি কত্কা কাঙ্গালিনী,  
তুমি মা ! বিশ্বের রাণী,  
ভব-বোরে হরা ক'রে কর গো উদ্ধার ;

দয়াময়ী তব নাম,  
কেন দেবি ! মোরে বাম ?  
ক্রন্দনে, নীরব মা গো থাকিওনা আর ।

পেরেছে বড়ই ক্ষুধা,  
দে মা তোর প্রেম-সুধা,  
অন্ত কোন দ্রব্যে তৃপ্তি হবে না আমার ।

কেমনে ছঃখিনী-বাল্য,  
জুড়া'বে ত্রিতাপ-জ্বালা ?  
তুমি মা ! না দিলে স্থান চরণে তোমার ;

বিশ্ব-প্রেমে মাতাইয়ে,  
রাখ তব পদাশ্রয়ে,  
“বাসনার অবসান” হউক আমার !

শ্রীমতী মলিনা বসু ।

\* কোন ভদ্র মহিলার প্রথম উদ্যম ।—বীং সং ।

## মহামায়া ।

[ পূর্ব-প্রকাশিতের পর । ]

( ১১ )

এক দুই করিয়া সারদাসুন্দরী মহামায়ার প্রত্যাশায় সাতদিন বসিয়া রহিল,—মহামায়া আসিল না ! পত্র লিখিল—উত্তর পাইল না, বৃদ্ধ ভৃত্য সনাতনও ত তত্ত্ব লইয়া এককোশ দূর হইতে ‘পিশিমা পিশিমা’ করিয়া বাটীর ভিতরে প্রবেশ করিল না।—তবে মহামায়ার কি হইল ?

সারদাসুন্দরী একদিন বৈকালে নলিনীর চুল বাঁধিয়া দিতে ছিল আর ভাবিতে ছিল। সু কু নানা চিন্তা সারদার হৃদয়-পথ দিয়া যাতায়াত করিতেছিল,—শেষে সব চলিয়া গেল, কেবল গোটাকতক কু পড়িয়া রহিল। তাহার এদিক ওদিক ঘুরিয়া ফিরিয়া পরস্পরে জড়া জড়ি করিয়া তাল প্রমাণ কেমন এক রকম হইয়া দাঁড়াইল। সারদা বুঝিল, মহামায়ার নিশ্চয়ই কিছু বিভ্রাট ঘটয়াছে। সে আজ সাতদিন আসিয়াছে।—আসিবার কথা শুনিলে আপে হইতে যে পথ আগুলিয়া বসিয়া থাকে, সে মহামায়া সাতদিনের ভিতরে একটা সংবাদও লইল না।—মহামায়ার বিপদে তাহার সন্দেহই রহিল না।—কিন্তু কি বিপদ !—ভাবিবার উপক্রমেই সারদার চক্ষু জলে ভরিয়া গেল। বাল্যকালের কথা—নিজের দুর্দশা—দুর্দশার প্রতিকার—মহামায়ার সঙ্গে প্রথম সাক্ষাৎ—প্রথম দর্শনেই ভালবাসার নিগড়-বন্ধন—তাহার আদর, বহু, মমতা,—তাহার সহিত কলহ অভিমান—নানামুখ গামিনী স্রোতস্বিনী তাহার হৃদয়ে একটা আবর্ত তুলিয়া বসিল।—নলিনীর বেণীসংবদ্ধ হস্ত তাহার পৃষ্ঠে খসিয়া পড়িল—বালিকার কেশপাশ আবার ইতস্ততঃ বিক্ষিপ্ত হইয়া গেল।

নলিনী মুখ ফিরাইয়া দেখিল,—বউদিদি কাঁদিতেছে। বালিকাকে মুখ ফিরাইতে দেখিয়া, সারদা নিজের অন্তমনস্কতা

বুঝিয়া, মুহূর্তেই ভাবপরিবর্তন করিয়া ফেলিল। বলিল—“কি দেখিতেছি?”

ক্রন্দন দেখিতে বালিকা এমনই অভ্যস্ত হইয়াছিল যে, সারদার চক্ষে জল দেখিয়া সে কিছুমাত্র বিচলিতা হইল না। পরন্তু সারদার প্রশ্নে তাহার মুখের স্বভাব সংলগ্ন হাসিটুকু ফুটিয়া উঠিল—বলিল—“দেখিতেছি তুমি কাঁদিতেছ।”

“আমাকে কাঁদিতে দেখিয়া কি তোর হাসি আসিল?”

“কি করিব? কান্না দেখিয়া দেখিয়া আমার হাড় জলিয়া গিয়াছে। এখন লোকের কান্না দেখিলে আমার হাসি পায়।”

“বলিস কি!—তুই এই জুধের মেয়ে, বলিলি কি নলিনী?”—

বালিকা মুখ অবনত করিল। সারদা অঙ্গুলি-প্রান্ত দিয়া সেই অবনত মুখ আবার তুলিয়া ধরিল। নলিনী তাহার মুখের পানে চাহিয়াই চক্ষু নামাইল। সারদা দেখিল কুম্বকোমলা বালিকার মুখে প্রবীণার গান্ধীর্ঘ্য মাখিয়া গিয়াছে। সারদা কিছু বিস্মিতা হইল।—জোর করিয়া মুখ তুলিয়াছিল—পলক তুলিতে ত আর জোর চলিবে না। সারদা আর একবার চাহিতে তাহাকে অনুরোধ করিল। বালিকা অনুরোধ রক্ষা করিল না। বালিকার অধরে হস্ত সংলগ্ন ছিল,—হস্ত খুলিয়া লইল।—বালিকা মুখ ফিরাইল। সারদা তাহার চুল ছড়াইয়া দিল, বালিকা কথা কহিল না। কেশকলাপ ইতস্ততঃ—পৃষ্ঠে মুখে চোখে ছড়াইয়া দিল, তথাপি নলিনী কথা কহিল না, তখন সারদা বুঝিল, বালিকা লজ্জিত হইয়াছে। তাহার লজ্জা ভাঙ্গিবার জন্ত আবার তাহার মুখ ফিরাইল—বারবার তাহা চুম্বিত করিল, আর বলিল—“তোরা মা আমার মামী—আর তুই আমার ননদী—এবার হইতে তোরা আমাকে দেখিলে আমি ঘোমটা দিব, আর তোরা সঙ্গে গল্প-গুজব আদর সোহাগ, বিবাদ বিসম্বাদ—যাহা কিছু করিবার সমস্ত করিব। তুই আমার যোগ্যা সঙ্গিনী।—এখন বল দেখি—আমাকে ছাড়িবি না।”

বালিকা আবার মুখ ফিরাইল—চোখ তুলিতে তুলিতে অধর-প্রান্তে আবার হাসির রেখা দেখা দিল। সারদার চক্ষুজল শুকাইয়া মেঘের রাজ্যে চলিয়া গিয়াছে। মনে মনে বালিকাকে দ্বিগুণ চতুর্গুণ ভাল বাসিয়া ফেলিল। বুঝিল, তাহার স্বভাবের—একটা প্রতিবন্ধ বিধাতা মেদিনীপুরে আঁকিয়া রাখিয়াছিল—সেটা আপনা আপনি কেমন করিয়া তার ঘরে আসিয়াছে।—ইহাকে কোনও গতিকে ধরিয়া রাখিতে পারিলে—প্রকৃতিদত্ত এই ক্রীড়নক লইয়া, সংসারের জ্বালা যন্ত্রণাগুলো ভুলিবার উপায় হইবে।

“আমার মাথাখাম্ বল্ ভাই! আমাকে ছাড়িবি না।”—সারদা উপষাটিকা, বালিকার হাত হুইটা জোর করিয়া ধরিল।

বালিকা ননদীর পদে অনধিকারিণী ছিল—এ কয়দিন সারদা তাহাকে কন্যা বাৎসল্যেই দেখিয়া আসিতেছিল—স্বভাবসুলভ চপলতা পরিত্যাগ করিয়া তাহার সহিত বিজ্ঞার মত ব্যবহার করিতেছিল। আর সেই গর্বভরা আসন পরিত্যাগ করিয়া, বালিকাকে আপনার সকল অধিকার ছাড়িয়া দিল। বালিকা ননদীর পদ পাইল, ননদীর তেজ পাইবে না কেন?—সারদার প্রশ্নের উত্তরে বলিল—“বলিতে পারি না।”

“কেন ভাই?”

“তা’ বলিতে পারি না।”

“কেন, আমি কি তোদের অধিকার করিয়াছি?”

বালিকা এ প্রশ্নের উত্তর দিল না। আবার মাথা হেঁট করিল, —অঙ্গুলি দিয়া পায়ের নখ খুঁটিতে লাগিল। সারদা তাহার হাত টানিয়া ধরিল।—আবার জিজ্ঞাসা করিল—“কেন ভাই?—আমার সঙ্গে কি তোরা ভাল লাগিতেছে না?”

বালিকা উত্তর করিল না। সারদা তাহার গাল টিপিয়া ধরিল—আর বলিল—“হৃষ্টমেয়ে তোকে ছাড়িবে কে?”

বালিকার মুখ আবার প্রশান্ত হইল—সেই ঈষদাবনত প্রশান্ত ও মুখের ঈষৎস্নমিত নয়ন সারদার পিপাসিত লোচনের উপর পড়িল,

—মুগ্ধা সারদাসুন্দরী মোহের সাগরে ডুবিয়া গেল।—বালিকা বলিল—“মা এ স্থানে থাকিতে চাহিতেছে না—কয়দিন ধরিয়া যা'ব যা'ব করিতেছে।”

অতি আগ্রহে সারদা জিজ্ঞাসা করিল—“কেন?”

“মা বলে, তোমরা কুহকিনী—তোমরা আমাদেরকে আর একটা কি বিষম বিপদে ফেলিবার জন্য ধরিয়া রাখিয়াছ।”

“তোমরা!—এক কুহকিনী আমিই না হয় হইলাম, আর কুহকিনী কে? মা—আমার শাশুড়ী!”—কথাটার সারদার আনন্দ উছলিয়া উঠিল, কিন্তু ভাবার্থ বুঝিবার একটা নূতন কৌতূহল উদীপ্ত হইয়া উঠিল।”

[ ক্রমশঃ ]

শ্রীক্ষীরোদপ্রসাদ ভট্টাচার্য্য ।

## মহিলা-মেলা ।

“Virtue may be assailed, but never hurt,  
Surprised by unjust force, but not enthralled ;  
Yea, even that which mischief meant most harm,  
Shall in the happy trial prove most glory.”

—MILTON'S COMUS.

যাঁহার অসাধারণ রণ-পাণ্ডিত্যে ও মন্ত্রণা-কুশলতায় মোগলের গৌরব-ভাঙ্গর মধ্যাহ্ন গগনে স্থাপিত হইয়াছিল, যাঁহার প্রচণ্ড প্রতাপে হিন্দুজাতীর বীর্য্য-বহির উজ্জ্বল ক্ষুলিঙ্গ স্বরূপ রাজপুত জাতিরও স্বাধীনতা-রবি চিরতরে অস্তমিত হইবার উপক্রম হইয়াছিল, যাঁহার ভূজবলের নিকট ছরস্ত আফগান জাতিও পরাজিত হইয়াছিল, যাঁহার বিচক্ষণতায় ও সূশাসনে শান্তি-শশী সুবিমল কিরণ দান করিয়া ভারতবর্ষের এক প্রান্ত হইতে অপর প্রান্ত পর্য্যন্ত নীতল করিতে সমর্থ হইয়াছিল, যাঁহার বশঃ-প্রভায় দিগ্ভ্রম উদ্ভাসিত, যাঁহার উদার রাজনীতি ও সমদর্শিতায় হিন্দুজাতি মুগ্ধ, যাঁহার “দিল্লীখরো

বা জগদীশ্বরো বা” \* নাম আজিও খ্যাত, এবং যাঁহার তেজস্বিতা মহত্ব ও উদারতা প্রভৃতি সংগুণাবলী রাজতন্ত্র হিন্দুজাতি কখনও ভুলিবে না, সেই মোগল-কুল-তিলক হুমায়ুন-তনয় আশুল মোজাফ্যার মহম্মদ জেলানুদ্দিন আকবর হাজি বাহাজুর এই “মহিলা-মেলার” † প্রবর্তক ।

যখন সম্রাট আকবর দোর্দণ্ড প্রতাপের সহিত ভারতের শাসন দণ্ড পরিচালনা করিতেন, তৎকালে তিনি প্রতিমাসেই এক একটী মহোৎসব করিতেন। এই প্রতিমাসের অনুষ্ঠিত মহোৎসবের পরবর্তী নবম দিবসে উক্ত “মেলা” বসিত—এজন্য ইহার নাম “নওরোজা” ‡ কিন্তু সম্রাট আদর করিয়া ইহার নাম রাখেন—“খোসরোজ” বা “আনন্দের দিবস।” § সম্রাটের প্রাসাদের কোন নির্দিষ্ট স্থানে এই “নওরোজার” বাজার বসিত। এ বাজারে পুরুষ সমাগম আদৌ নাই; রমণীরাই ক্রেতা, রমণীরাই বিক্রেতা—এ বাজারে রমণীরাই সব। কোন কবি বলেন :—

“রমণীতে বেচে, রমণীতে কিনে,

লেগেছে রমণী-রূপের হাট।”

রমণীরা যাবতীয় শিল্প-চাতুরিযুক্ত নয়ন ও মন তৃপ্তিকর দ্রব্য লইয়া সারি সারি দোকান সাজাইয়া বসিয়া আছেন! যে দিকে

\* Vide. Badoni. Vol. II. P. 324.

† আইন-ই-আকবরীতে আকবর সাহেবের এই নাম দৃষ্ট হয় না। প্রসিদ্ধ পণ্ডিত শ্রীযুক্ত ব্রহ্মমান সাহেবের কৃত আইন-ই-আকবরীতে এই নাম দৃষ্ট হয় :—Abul Fath Jalaluddin Mahammud Akbar Padisha i Gazi.

Vide. Blochman's Translation of “Ain-i-Akbari. By Abul Fazl, Allami” Vol. I. P. 186.

‡ “নওরোজা” বা “নোরোজা” শব্দের অর্থ “নূতন দিবস” অর্থাৎ বৎসরের প্রথম দিন, কিন্তু এখানে উহার অর্থ ভিন্ন প্রকার। এখানে ইহা “নবম দিনের উৎসব” এইরূপ করিতে হইবে। মহাত্মা উক্ত ইহাকে “Ninth-day-fair” বলিয়া উল্লেখ করিয়াছেন।

§ Vide, Blochman's. Ain-i-Akbari. Ain. 23. of Vol. I. Page. 276. & 277.



চাঁও, সে দিকেই রমণীয় শোভা বিরাজমান। সম্রাট পত্নী ও তাঁহার পরিবারস্থ মহিলাগণ ক্রেতা ও রাজকুলবর্গের ললনাগণ বিক্রেতা। ভারতে সম্রাটের অধীনস্থ যাবতীয় রাজপুত্র রাজাগণের মহিলাগণ ও অন্যান্য রাজকর্মচারীগণের মহিলাগণ এই বাজারের শোভা বৃদ্ধি করিয়া সম্রাটের মনে অতুলনীয় আনন্দ সঞ্চার করিয়া দিতেছেন। এই আনন্দের দিনে আনন্দ-বাজারে সম্রাট আকবর সাহা ছদ্মবেশে পরিভ্রমণ করিয়া বেড়াইতেছেন। লাবণ্যবতী ললনাগণের রূপে আজ সম্রাটের প্রাসাদ আলোকিত, শিল্প-চাতুরিযুক্ত দ্রব্যের অনির্কচনীয় সৌন্দর্য্যে রাজভবন উদ্ভাসিত, সমগ্র রমণীগণ এই অপূর্ব আনন্দ ভোগ করিয়া পরম উল্লসিত, সম্রাটও ঐ সকল রমণীগণের সৌন্দর্য্য-গরিমা ও ঐ সকল দ্রব্য সকলের ক্রয় বিক্রয় দেখিয়া অনন্ত পুলকে পুলকিত। ছদ্মবেশ-ধারী সম্রাট এ বাজারে কোথায় বসিয়া গল্প করিতেছেন, কখন বা কোন দ্রব্যের দর করিতেছেন, কখন বা কোন দ্রব্য ক্রয় করিতেছেন, কখন বা কোন সুন্দরীর সহিত মিথলাপ করিতেছেন, কখন বা ললনাগণের প্রমুখ্যৎ রাজ্যের অবস্থা ও রাজ-কার্য্যের সমালোচনা ও রাজপুরুষগণের চরিত্র কাহিনী শ্রবণ করিয়া বেড়াইতেছেন; যেন অনন্ত-সুখ-সাগরের তিনি আনন্দ উদ্ভাসিত তরঙ্গে ভাসমান হইয়াছেন।

এ বাজার প্রতিষ্ঠা করিয়া সম্রাটের কি উদ্দেশ্য সিদ্ধ হইয়াছে, তাহা দেখা যাউক। যে বাজারে আদৌ পুরুষ সমাগম নাই, তথায় সম্রাটই বা কেন ছদ্মবেশে পরিভ্রমণ করেন? যত দূর অনুমান করা যায়, তাহাতে বোধ হয় যে, এই বাজার প্রতিষ্ঠা করিয়া সম্রাট স্বীয় রাজনৈতিক অভিসন্ধির কুটিলতা, স্বীয় সূক্ষ্মদর্শিতা ও অসং চরিত্রের জলন্ত প্রমাণ দিয়া গিয়াছেন। প্রথমতঃ—এই বাজারে রাজপুত্র-সামন্তগণ ও রাজকুল-বর্গেরা স্ব স্ব স্ত্রী, কন্যা, ভগিনী প্রভৃতি পাঠাইতে বাধ্য হইতেন। যে সকল রাজপুত্রেরা যুদ্ধ করিয়া সম্রাটের অধীনতা স্বীকার করিয়াছিলেন, তাঁহারা ও অন্যান্য অধীনস্থ নরপতি-বৃন্দ এবং যাবতীয় মোগল আমীর ওমরাহ প্রভৃতি রাজপুরুষ

সকল স্বীয় অন্তঃপুরস্থ ললনাগণকে “খোসরোজের” বাজারে প্রেরণ করিয়া সম্রাটের দাসত্ব স্বীকার ও সম্মাননা করিতেন। কোন কোন ভীকৃষ্ণভাব রাজকুলবর্গ এইরূপ ভাবে রমণীগণকে সম্রাট ভবনে প্রেরণ করিতে কুণ্ঠিত হওয়া দূরে থাকুক, বরং নিজেকে সার্থক জ্ঞান করিতেন। রাজপুত্রানার কোন কোন তেজস্বী নরপতিগণ অনিচ্ছা সত্ত্বেও রমণীগণকে পাঠাইতেন। এই সকল তেজস্বী রাজপুত্র নরপতিগণের মধ্যে কেহ কেহ যদিও সম্রাটের করে স্বীয় ভগিনী ও কন্যা গণকে সমর্পণ করিয়া ছিলেন, তথাপি সম্রাটের এবশ্বিধ আচরণে অনেকেই নিদারুণ কষ্টভোগ করিয়াছেন। একরূপ ভাবে হিন্দুর অন্তঃপুরে হস্তক্ষেপ করিয়া আকবর যে কেবল তাহাদের দাসত্ব স্বীকার করাইতেন তাহা নহে, একেবারে চিরকালের নিমিত্ত তাহাদের শুভ্র বংশ-গরিমায় কলঙ্কলেপণ করিতে ক্রটি করেন নাই। তিনি জানিতেন যে, স্ত্রী জাতি হিন্দুর মান সম্বল ও গৌরবের আধার। অতএব এই হিন্দুর অন্তঃপুরে হস্তক্ষেপ করিলে যে হিন্দুর বশুতা স্বীকার করিতে বাকি থাকে না, ইহা জানিয়াই তিনি “মহিলা-মেলা” বা “খোসরোজের” প্রতিষ্ঠা করেন। নিজ স্বার্থ সিদ্ধির নিমিত্ত তিনি এই গর্হিত পথ অবলম্বন করিয়া যে আয়ের মস্তকে পদাঘাত করিয়াছেন—ইহা বলা বাহুল্য মাত্র। ইহাতে তাঁহার রাজনৈতিক অভিসন্ধির গূঢ়মর্ম্ম নিহিত থাকিলেও একরূপ অবস্থায় তাঁহার বুদ্ধির প্রশংসা করা যায় না। ইহাতে যে তাঁহার রাজনৈতিক অভিসন্ধির কুটিলতা প্রকাশ করিতেছে, তাহা সহজেই বুঝা যায়।

দ্বিতীয়তঃ, একরূপ ছদ্মবেশে “মহিলা-মেলায়” পরিভ্রমণ করিয়া রাজ্যের শিল্পের অবস্থা স্বচক্ষে দেখিয়া যতদূর জ্ঞান লাভ হউক বা নাই হউক, ঐ সকল রমণীগণের প্রমুখ্যৎ রাজকার্য্যের সমালোচনা ও রাজ-পুরুষগণের চরিত্র সম্বন্ধে কথা বার্তা শুনিয়া তাঁহার রাজ্য শাসনে যে অনেকটা সাহায্য হইত, ইহা সহজেই উপলব্ধি হইতে পারে। যে স্থানে আদৌ পুরুষ সমাগম নাই, কেবল রমণী, সে স্থানে যে রমণীরা কোনরূপ গুপ্ত কথা প্রকাশ করিতে সঙ্কুচিত

হইবে না, ইহা নিশ্চয়। রমণীগণ যে সাধারণ পুরুষগণাপেক্ষা দোষ গুণের বিচার ও কোন বিষয়ের ত্রুটি ধরিতে সবিশেষ সক্ষম, ইহা আপামর সকলেই জানেন বলিয়া বোধ হয়। বাজারের স্থানে স্থানে দুই তিন বা তদধিক রমণীগণ একত্রে বসিয়া নির্ভয়ে, অসঙ্কচিত ভাবে, মনের স্বখে যে সাংসারিক ঘটনাবলী বর্ণনা করিবে এবং তৎসঙ্গে রাজ্যের শাসন সম্বন্ধে সমালোচনা ও পুরুষ চরিত্রের আলোচনা করিবে, এ ধারণা নিতান্ত অযৌক্তিক নহে। প্রকৃত পক্ষে “নওরোজার” বাজারস্থ রমণীরা রাজ্যের শাসন সম্বন্ধীয় দোষ-গুণাবলী ও স্ব স্ব স্বামী ও আত্মীয়গণের চরিত্র কাহিনী পরস্পরে নির্ভয়ে বর্ণনা করিতেন। কতকগুলি রমণী যদি একত্রে বসিয়া গল্পারম্ভ করেন, তাহা হইলে কথায় কথায় যে নানারূপ কথা আসিয়া পড়ে, ইহাও নিশ্চয় ও তৎসঙ্গে নানা বিষয়ের দোষ গুণ বিচারও যে হইয়া থাকে, তাহা বোধ হয়, বিশেষ রূপে বলিয়া দিতে হইবে না। রমণীগণের পক্ষে এরূপ হওয়া যে অসম্ভব নহে, তাহা রমণী-চরিত্রের সূক্ষ্মদর্শী ব্যক্তি মাত্রেই স্বীকার করিবেন; আকবরও একজন সবিশেষ সূক্ষ্মদর্শী ব্যক্তি ছিলেন, তিনি ও যে সাধারণ ব্যক্তিগণ অপেক্ষা এ বিষয় বেশী বুঝিতেন ও অতি সহজেই হৃদয়ঙ্গম করিতে সক্ষম হইতেন, ইহা বলা বাহুল্য মাত্র। আকবর রমণীগণের প্রমুখ্যৎ রাজ্যের শাসন সম্বন্ধীয় দোষ-গুণাবলীর স্বাধীন ভাবে সমালোচনা স্বকর্ণে শ্রবণ করিয়া তদনুযায়ী কার্য করিতেন ও তাঁহাদেরই বর্ণিত, তাঁহার স্বকর্ণে শ্রুত অন্যান্য রাজ-পুরুষগণের চরিত্র সম্বন্ধীয় কথা শুনিয়া মানব চরিত্রে অনেকটা জ্ঞান লাভ করিতেন; ও সেই সেই রাজপুরুষগণকে তাহাদের গুণানুসারে তদনুরূপ প্রয়োজনীয় রাজকার্যে নিয়োজিত করিতেন। অতএব ইহা দ্বারা তাহার রাজ্যশাসনে যে অনেকটা সাহায্য হইত ইহা স্পষ্টই দেখা যাইতেছে।

[ ক্রমশঃ ।

শ্রীপ্রবোধচন্দ্র বন্দ্যোপাধ্যায়।

## মহারানী স্বর্ণময়ী C. I. E.

এমন অনেক বৃক্ষ আছে, যে রোপণ করে, সে তাহার ফল ভোগ করিতে পারে না; রোপিত বৃক্ষে হয় ত এক পুরুষ পরে ফল হয়। বৃক্ষ রোপণ করিয়া, যত্ন করিলে, তাহার পথের বিঘ্ন ঘুচাইয়া দিলে, প্রায় নিষ্ফল হয় না। সেইরূপ মনে বাসনার বীজ রোপণ করিয়া দিলে, সে বাসনা, এজন্মে না হউক, পরজন্মে বা অপর কোন জন্মে তাহার ফল হইবেই হইবে। যে সাধক “ঈশ্বর দেখিব” “ঈশ্বর দেখিব”—করিয়া হৃদয়ে বাসনার বীজ রোপণ করে, তাহার বংশে ঈশ্বরকে নিশ্চয়ই আসিতে হয়! ক্ষুদিরাম চট্টোপাধ্যায় মহাশয় ঈশ্বরকে বলিতেন, “যদি আমার পুত্র হয়, তাহা হইলে যেন তুমিই আমার পুত্র হইও!” এই বাসনার বীজ অঙ্কুরিত হইয়া, শেষে ভগবান, রামকৃষ্ণ রূপে তাঁহার গৃহ আলোকিত করিয়া ছিলেন! সেইরূপ কাশিমবাজারে, কান্তবাবু শুভরূপে দুর্গানাম স্মরণ করিয়া, এক মুদীখানার দোকান খুলিয়া ছিলেন। সেই যে তিনি লক্ষ্মীকে স্মরণ করিয়া বসিয়া ছিলেন, প্রাণের সহিত লক্ষ্মীর উপাসনা করিয়াছিলেন, সেই ডাকাই মা’ লক্ষ্মীর আসন টলিয়াছিল। তিনি স্বর্গ হইতে দরিদ্রের হৃৎকণ্ড দূর করিতে ১৮২৭ সালের অগ্রহায়ণ মাসে বর্ধমান জিলার ভাটাকুল গ্রামে এক দরিদ্রের ঘরে জন্ম গ্রহণ করেন। আমাদের এই মা’ লক্ষ্মীর পিতা মাতা, তাঁহার নাম দিয়াছিলেন “স্বর্ণময়ী।”

ওদিকে কান্ত ক্রমেই লক্ষ্মীর উপাসনা করিয়া, মুদীখানার দোকান হইতে বড় আড়ত করিলেন। এই সময় কান্ত মুদীকে কান্ত বাবু বা “শ্রীকৃষ্ণকান্ত নন্দী মহাশয়” বলিয়া লোকে ডাকিতে লাগিল।

যে সময়ের কথা বলা হইতেছে, সে সময় বাঙ্গালার শাসন কর্তা ছিলেন নবাব সিরাজউদ্দৌলা। তখন ইষ্ট ইণ্ডিয়া কোম্পানি বঙ্গের রাজা হন নাই। তখন ইংরাজেরা ছিলেন কুঠিয়াল। কলিকাতা ছিল কোম্পানির বড় কুঠি, এবং স্থানে স্থানে অনেক শাখা কুঠি ছিল।

কাশিমবাজারে ইংরাজদের যে কুঠি ছিল, এই কুঠির সম্মুখেই কান্ত বাবুর দোকান। কাশিমবাজারের কুঠিতে রেসমের কার্যই বেশী হইত। কুঠির এক জন কর্মচারি সাহেবের নাম ছিল হেষ্টিংস। এই সময়ে নবাবের সঙ্গে ইংরাজদের বিবাদ হয়। শত্রুতা ক্রমেই গাঢ় হইয়া উঠিল, এই জন্ত নবাব আদেশ দিলেন ইংরাজ তাড়াইতে হইবে। যত কুঠির উপর কোপ পড়িল। ঘোষণা হইল, 'যে ইংরাজকে আশ্রয় দিবে তাহার সর্বস্ব নবাব সরকার কর্তৃক বাজে-আপ্ত হইবে এবং তাহারও সৎশে নিপাত হইবে।' অন্ত্য কুঠির স্থায় কাশিমবাজারের কুঠিরও বিপদ ঘটিল। কুঠির অনেককে প্রাণ দিতে হইল। হেষ্টিংস সাহেব প্রাণ ভয়ে কান্ত বাবুর আশ্রয় লইলে, কান্ত বাবু সাহেবকে অভয় দিয়া নিজের অন্তঃপুরে লুকাইয়া রাখিলেন। তাহার পর স্ত্রীবিধা ক্রমে সাহেবকে কলিকাতায় পাঠাইয়া দিলেন।

চিরদিন কখন সমান যায় না! ওদিকে লর্ড ক্লাইব আসিয়া নবাবের রাজত্ব ছিন্ন ভিন্ন করিলেন। তাহার পর ১৭৭২ খৃষ্টাব্দে সেই কাশিমবাজারের কুঠিয়াল হেষ্টিংস সাহেব বড় লাট হইয়া কলিকাতায় আসিলেন। তৎপরে তিনি স্বীয় প্রাণ-রক্ষা কর্তী কান্ত বাবুকে নিজের দেওয়ান করিলেন। এই বার কান্ত বাবুর নাম হইল,—**দেওয়ান কৃষ্ণকান্ত**।

ইহার পরামর্শে জমিদারী প্রথার সূত্রপাত হয়। তৎপরে লর্ড কর্ণওয়ালিস চিরস্থায়ী বন্দোবস্ত চলিত করেন। লর্ড ওয়ারেন হেষ্টিংস মহোদয় কৃষ্ণকান্তকে আজিমগঞ্জ, গাজিপুর জায়গীর দিয়াছিলেন। ১৭৭২ সালে ইনি দেওয়ান হন। ১৪ বৎসর কর্ম করিয়াছিলেন। ১৭৮৬ সালে কার্য পরিত্যাগ করেন। ১৭৮৮ সালে দেওয়ান কৃষ্ণকান্তের মৃত্যু হয়। হেষ্টিংস ইঁাকে রাজা করিতে চাহিয়া ছিলেন, কিন্তু হন নাই। তৎপরিবর্তে হেষ্টিংস মহোদয় ইঁার পুত্র লোকনাথ নন্দিকে রাজা করিয়া দিলেন।

**রাজা লোকনাথ**।—রাজা লোকনাথ পিতার শ্রাদ্ধে বিশলক্ষ টাকা খরচ করেন। শ্রাদ্ধোপলক্ষে এত টাকা ব্যয় এ পর্য্যন্ত কেহ

কখন করে নাই। ইঁার একটা মাত্র পুত্র ছিল। তাঁহার নাম হরিনাথ। ১৮২০ খৃঃ লর্ড আম'হষ্ট হরিনাথকে রাজা করেন।

**রাজা হরিনাথ**।—রাজা হরিনাথ হিন্দু কলেজে ২০ হাজার টাকা দান করেন। ইনি খুব দাতা ও লক্ষ্মীর উপাসক ছিলেন। ১৮৩২ সালে ইঁার মৃত্যু হয়। ইঁার এক মাত্র পুত্র কুমার কৃষ্ণনাথ। কুমার কৃষ্ণনাথকে ১৮৪২ খ্রীষ্টাব্দে লর্ড অকলণ্ড রাজা করেন।

**রাজা কৃষ্ণনাথ**।—এই রাজা কৃষ্ণনাথের গৃহে আমাদের লক্ষ্মীরূপা মাতা স্বর্ণময়ী আশ্রয় গ্রহণস্বরূপে রাজা কৃষ্ণনাথের সহধর্মিনী হইলেন। রাজা কৃষ্ণনাথ ১৮৩৮ খ্রীষ্টাব্দে স্বর্ণময়ীকে বিবাহ করেন। রাজা সাবালক হন ১৮৪১ সালে। মৃত্যু ১৮৪৪ খ্রীষ্টাব্দে। রাণী স্বর্ণময়ী বিধবা হইলেন, ইঁহার মধ্যে তাহার ২টা কন্যা হইয়াছিল।

রাজার মৃত্যু সম্বন্ধে এইরূপ শুনা যায় যে, একটা ভৃত্যের অপবাত মৃত্যুর জন্ত মুর্শিদাবাদের ডেপুটি চন্দ্রনাথ, তাঁহাকে কোজদারিতে ফেলিয়াছিলেন। ইনি যাইলে কিছুই হইত না, কিন্তু তখনকার লোকের আদালতে হাজির হওয়া কিম্বা সাক্ষ্য দেওয়া বড়ই কলঙ্কের কার্য বলিয়া ধারণা ছিল। বিশেষতঃ রাজা হইয়া, কি করিয়া সাক্ষীর শ্রেণীতে দাঁড়াইয়া সাক্ষ্য দিবেন!! এই কলঙ্কের ভয়ে তিনি কলিকাতার চিৎপুররোডস্থ মাতার ভবনে আসিয়া নিজের পিস্তল দিয়া আত্মহত্যা করেন (১৮৮৪ খ্রীষ্টাব্দে ৩১শে অক্টোবর)। ইঁার মাতা হরসুন্দরী এখন জীবিতা আছেন। কাশীবামে বাস করিতেছেন।

**রাণী স্বর্ণময়ী** বিধবা হইয়া স্বামীর বিষয় সহজে হস্তগত করিতে পারেন নাই। গভর্নমেন্টের সঙ্গে ছুঁইবার এই জন্ত বিবাদ হয়। জাল উইল করিয়া জাতি শত্রুতাও মোকদ্দমা করিয়াছিলেন। কিন্তু তিনি মন্ত্রী রাজীবলোচন রায় মহাশয়ের কৃপায় সমস্ত কার্যে জয়লাভ করিয়াছিলেন। ইনি ১৮৭১ সালে "মহারাণী" উপাধিপ্রাপ্ত

হয়েন। ১৮৭৫ সালে ব্রিটিশ রাজের নিকট হইতে এই সম্মান পাইলেন যে, বংশবংশানুক্রমে তাঁহার উত্তরাধিকারিগণ “মহারাজ” উপাধি পাইবেন। ভারতেশ্বরী ইহাকে “ক্রাউন অব ইণ্ডিয়া” অর্থাৎ ভারত-মুকুট উপাধি দিয়াছিলেন।

বিগত ৭১ বৎসরের মধ্যে এমন কোনও হিতকর কার্যেই দেখা যায় না, যাহাতে তাঁহার সাহায্য গৃহীত হয় নাই। ইনি সরস্বতী ভগ্নিকেও রীতিমত সাহায্য করিয়াছিলেন। এমন স্কুল কলেজ পত্র-পত্রিকা প্রায় দেখা যায় না, যাহাতে মহারাণীর দান গৃহীত নাই। আমাদের ক্ষুদ্রাদপি ক্ষুদ্র “বীণাপানি”ও তাঁহার সাহায্য ও উৎসাহ পূর্ণ বাক্যের জন্ত চিরকৃতজ্ঞতাপাশে বদ্ধ রহিল। আজ সেই ৭১ বৎসর ব্যাপী উৎসব ভাঙ্গিয়াছে; জননী স্বধামে চলিয়া গিয়াছেন। সমগ্র ভারতভূমি শোকে কাতর হইয়াছে। সমস্ত স্কুল কলেজ একদিন বন্ধ হইয়াছিল।

দারিদ্র্যহুতিক্ষপীড়িত-দেশে, হুতিক্ষের সময় মা লক্ষ্মী সরিয়া পড়িলেন! মা গো! আর কিছুদিন থাকিয়া হুতিক্ষ নিবারণ করিয়া গেলে ভাল হইত। আমাদের হৃদয় শোকে ভাঙ্গিয়া পড়িয়াছে। লক্ষ্মী আজ গিয়াছেন, লক্ষ্মীর বর পুত্রেরা এখন অনেকেই আছেন, আশা আছে, তাঁহাদের দ্বারা লক্ষ্মীর স্মনাম রক্ষা হইবে।

# বীণাপানি ।

মাসিকপত্রিকা ও সমালোচনী ।

“বীণা-পুস্তক-রঞ্জিত হস্তে । ভগবতি, ভারতি দেবি নমস্তে ।”

৪র্থ খণ্ড । } ভাদ্র, ১৩০৪ সাল । } ৮ম সংখ্যা ।

## যৌবন-বাসনা ।

বিগত বসন্তে পুন বাসন্তী বসনে,  
হাসি' হাসি' কেন আসি' দাঁড়াইলি পাশে  
যৌবন-বাসনা মোর? কোন্ অভিলাষে  
রচিলি এ ফুল-ফাঁস বাসর-শয়নে?  
কোথা' সে প্রেমসী তো'র? প্রেম-সস্তাষণে  
কে তো'রে ভেটিবে আজি নিধুবন-বাসে?  
এ চির বিরহ নিশি-সঞ্চিত পিয়াসে  
কে মিটা'বে, ওরে মন, মধু বরিষণে?  
থাক্ বৃথা আকিঞ্চন! যে অমৃত পিয়া  
জীবি'ছে জগৎ, মিটাইছে অন্তক্ষণ  
অন্তহীন অন্তরের ক্ষুধা, অবেধিয়া  
সেই উৎস, আয় আজি ফিরি মোরা দৌহে;  
সে নিত্য বাঞ্ছিত ধনে লভয়ে যেজন  
জলে না সে কভু আর কামনার মোহে!

## ঈশ্বরোপাসনা ।

[ পূর্ব-প্রকাশিতের পর ]

তীক্ষুবুদ্ধি নৈয়ায়িক বলিলেন,—এ জগতের শ্রুতি অনুমেয় ; কারণ ইহা ঘটাদিবৎ কার্য্য। “ক্ষিতিঃ স কর্তৃকা” “কার্য্যত্বাৎ” ঘটাদিবৎ” (গৌতম সূত্র)। সূত্রাং নৈয়ায়িকগণ ঈশ্বরানুমান করিলেন। নিত্যেশ্বর বিবাদী সাংখ্যকার পরিদৃশ্যমান জগৎ প্রপঞ্চকে একেরই পরিণাম বলিয়া অদ্বৈত তত্ত্বের সূচনা করিয়াও যেন দ্বৈত মতকে অলক্ষ্যে আলিঙ্গন করিয়া রহিলেন। যোগ-সূত্র-কার পতঞ্জলী ঈশ্বরকে ষেরূপে পুরুষ কল্পনা করিলেন, তাহা প্রায় বেদান্তের নিগূর্ণ ব্রহ্মেরই অনুরূপ বলিয়া মনে হয়। সর্বোচ্চাধিকারী বৈদান্তিক বলিলেন, এ সৃষ্টিই অধ্যাস। একাদ্বৈত তত্ত্বে মারাবশতই রজ্জুতে সর্পের গায় জগৎ বিবর্তিত হইতেছে ; ইহা প্রকৃতির পরিণামের ফল নহে, সূত্রাং ইহার কার্য্য কারণকে অভেদ বলিয়াই স্থির করিলেন। ইহার বলিলেন,—শ্রবণ মনন ও নিধিধ্যাসন দ্বারা আত্মসংস্থ হইয়া জীব ও ব্রহ্মকে অভেদে দর্শন করে। দেশকাল ও পাত্রভেদে ইহার সকলেই সম্যক উপযোগী হইয়াছিল। সূত্রাং কোন মতে দোষ দিয়া সমগ্র জগতে এক মত স্থাপনে প্রয়াস পাওয়া সত্য নির্দ্ধারণের প্রবল অন্তরায় ; কিন্তু পক্ষান্তরে সর্বোচ্চাদর্শ সর্বসমক্ষে সংস্থাপন করিয়া যাহাতে এই বৈবন্ধ্য রাজ্যে সমতা স্থাপিত হইতে পারে, তাহার প্রয়াস পাওয়াও যে, জগতের কল্যাণকর, সে বিষয়ে আর সন্দেহ নাই।

আমরা দেখিতে পাই, বহুত্বই ছুঃখের কারণ। শ্রুতি বলেন, “দ্বিতীয়াৎ বৈভয়ং ভবতি”। একত্ববস্থিত মানব সম্বন্ধ শূন্য বা নিরপেক্ষত্বের নিরপেক্ষী ; সূত্রাং সূখ ছুঃখাদি আপেক্ষিক চন্দ-বিকারের সে আশ্রয়ভূমি নহে। এই একত্বরূপ মহাপ্রস্থানে অগ্রসর হইবার জন্ত পূর্বোক্তিগত সমস্ত মতগুলিই যেন এক একটা আবশ্যকীয় আলম্বনরূপে বর্তমান রহিয়াছে। যেমন হিমাদ্রির

তুঙ্গ শৃঙ্গারোহনোৎসুক পর্য্যটক ক্রমনিম্ন অধিত্যকাদি অতিক্রম-নান্তে গন্তব্য স্থানে উপস্থিত হয়, মানবও তেমনি ক্রমে জড়বাদ দেহাত্মবাদ, অজ্ঞেয়বাদ, দ্বৈতবাদ, পরিণাম বা দ্বৈতাদ্বৈতবাদরূপ ক্রমোন্নত শৈলারোহণান্তে পরিশেষে অদ্বৈতত্বরূপ মহাপ্রস্থান প্রাপ্ত হইয়া থাকে। এস্থলে একরূপ এক পূর্বপক্ষ উপস্থাপিত করা যাইতে পারে যে, যিনি জড়বাদী, দেহাত্মবাদী কি পরিণামবাদী তাহার পক্ষে সমরসাদ্বৈত তত্ত্ব উপস্থিত হওয়া কিরূপে সম্ভব হইতে পারে? কারণ তাহার সহজাত গুণ ও কর্ম্মাদিই তাহাকে সসীম জড়বাদে, দেহাত্মবাদে, কিম্বা পরিণাম বাদে আবদ্ধ করিয়া রাখে। সূত্রাং একত্বরূপ মহাপ্রস্থান প্রাপ্তি তাহার পক্ষে নিতান্ত দুর্ঘট। কিন্তু দ্বিত্বান্ত পক্ষে একরূপ বলা যাইতে পারে যে, ব্রহ্ম করিলেই বিভিন্ন মতাদিরূপ সীমাবদ্ধ প্রদেশ অতিক্রম করিয়া আত্ম-তত্ত্বাচলের গরিষ্ঠ শিখরে আরোহণ করা যায়। সেই যত্নতৎপরতারই নামান্তর—উপাসনা।

উপাসনা শব্দকে বলে, তাহার আলোচনাস্তর উপাসনার ক্রম-ভেদগুলি প্রদর্শন করিতে চেষ্টা করিব।

বেদান্তসারে লিখিত আছে,—“উপাসনানি সগুণ ব্রহ্ম-বিষয়ক মানস ব্যাপায়রূপাণি শাণ্ডিল্য বিদ্যাধীনানি”—অর্থাৎ সগুণ ব্রহ্মে অভিনিবেশরূপ শাণ্ডিল্য বিদ্যাদিকেই উপাসনা কহে। ছান্দোগ্য ভাষ্যে শঙ্করস্বামী বলিয়াছেন,—“উপাসনং তু যথা শাস্ত্র সমর্পিতং কিঞ্চিদালম্বনমুপাদায় তস্মিন সমান চিত্তবৃত্তি সত্ত্বন লক্ষণম্” অর্থাৎ কোন অধিষ্ঠানে মনে মনে যথাশাস্ত্র ব্রহ্ম কল্পনা করিয়া তাহাতে যে চিত্তবৃত্তি বিদ্যাস, তাহার নাম উপাসনা। এইরূপ উপাসনাতে নিষ্ক্রিয় আত্মাতে কর্ত্তাদি কারক ও ক্রিয়াফল আরোপিত হয় ; কিন্তু আত্ম-জ্ঞানে তাহার নাশ হয় ; অদ্বৈতাত্মজ্ঞানে এইরূপ কল্পনার নিরাশ হয়। ইহাই উপাসনা ও আত্মজ্ঞানের প্রভেদ। প্রোক্ত-রূপ উপাসনা দ্বারা চিত্তশুদ্ধি হয়, অর্থাৎ চিত্তের গুণত্রয়াদির প্রাধাত্য নষ্ট হইয়া বস্তু-তত্ত্ব প্রকাশ পায়। সূত্রাং উপাসনা আত্ম-

জ্ঞান সাধনের একমাত্র প্রকৃষ্ট উপায়। ব্রহ্মসূত্রের চতুর্থ অধ্যায়ের ১ম পাদের ৭ম সূত্র “আসীনঃ সম্ববাৎ” সূত্রের ভাষ্যে শঙ্করস্বামী বলেন,—“উপাসনং নাম সমান প্রত্যয় প্রবাহ কারণম।” সমান প্রত্যয় প্রবাহিত করা—অবিচ্ছেদে ধ্যান করা—চিত্তবৃত্তি উত্থাপিত করাই উপাসনা।

বেদে উপাসনার ত্রিবিধ অবাস্তরভেদ আছে। যথা—

(১) অহংগ্রহ (২) তটস্থ ও (৩) অঙ্গনাশ্রিত।

উপাস্ত্রের সহিত আপনার অভেদ বুদ্ধি স্থাপন করিয়া ভাবনা করার নাম “অহংগ্রহ” উপাসনা। প্রত্যেক অহংগ্রহ উপাসনার ফল অপরোক্ষানুভূতি। শ্রুতিও এই বিজ্ঞাফলের সাক্ষাৎকারতা দেখাইয়া বলিয়াছেন,—“বশু সাদদ্ধান চিচিকিৎসান্তি দেবোভূত্বা দেবান শ্রোতি”—যাহার অহংব্রহ্ম, আমিই ব্রহ্ম এতদ্বিধ সাক্ষাৎকার হয়, আমি ব্রহ্ম কি না এ বিষয়ে সন্দেহ না থাকে, তাহারই প্রাপ্তি হয়। যে জীবিত থাকিতে থাকিতে তদ্ভাব ভাবিত হওত অভেদ হইয়া যায়, সে দেহ পাতের পরে পর তদ্ ব্রহ্মভাব প্রাপ্ত হয়। গীতাও “সদাতদ্ভাব ভাবিতা” বলিয়া শ্রুতির বাক্যকে অর্থবান্ করিতেছে। যাবৎ না আত্ম সাক্ষাৎকার হয়, তাবৎ সমফলক কোন এক অহংগ্রহ উপাসনা অবলম্বন করিয়া থাকিতেই হইবে। ব্রহ্ম “আমার মনোময়” “আমার প্রাণময়” ইত্যাদিও অহংগ্রহ উপাসনার অন্তর্গত। এইরূপ অহংগ্রহোপাসনা বৈকল্পিক অর্থাৎ নানা হইলেও তাহাদের ফল অবশিষ্ট “বিকল্পেহবিশিষ্ট ফলত্বাৎ” ৩।৩।৫৯ (বেদান্ত সূত্র)। এই উপাসনার পক্ষ সমর্থনোপক্ষে নিম্নলিখিত শ্রুতি স্মৃতি বাক্য উদ্ধৃত করা যাইতে পারে “আত্মপেপাসীত”। “তমেবৈকং জানথ আত্মানমত্য়াবাবো বিমুঞ্চথ”। “আত্ম বেদং নিত্যমুপাসনং শ্রাৎ নাস্ত্রং কিঞ্চিৎ সমুপাসীত”। আত্মা ভিন্ন আর কিছুই উপাস্ত্র নাই।

(২) তটস্থোপসনাকে প্রতীকোপাসনাও বলা হয়। কোন প্রতীকে অর্থাৎ বহিরালম্বনে ঈশ্বর বুদ্ধি স্থাপন করিয়া উপাসনা করার নাম

তটস্থোপাসনা। সূর্য্যে, বায়ুতে, বরুণে কিম্বা নামে ব্রহ্ম-বুদ্ধি স্থাপন করিয়া যে উপাসনা করা হয়, তাহা এই উপাসনার অন্তর্গত। এই প্রতীকোপাসনা হইতেই অবাস্তর ভেদে অঙ্গদেশে মূর্ত্তি পূজার প্রথা প্রবর্ত্তিত হইয়াছিল।

প্রতীকানুসারে ইহার ফল ভিন্ন ভিন্ন।

(৩) যজ্ঞাঙ্গ ও উদ্যৌথ প্রভৃতি অঙ্গে যে সকল উপাসনা নির্দিষ্ট আছে, তাহাই অঙ্গাশ্রিতোপাসনা। যেমন “ওঁ ইত্যংপরমুদ্যৌথ-মুপসিত।” “ওঁ” এই অক্ষরকে উদ্যৌথ জ্ঞানে উপাসনা করিবেক, অথবা যজ্ঞকালে “ইন্দ্রার স্বাস্থ” “হোতাত্মম” বলিয়াই ইন্দ্র এবং ওঙ্কারের ধ্যান করিবার নিয়ম আছে। স্মৃতরাং এ উপাসনা যজ্ঞেরই অঙ্গ বিশেষ। “অঙ্গেষু অর্থাশ্রয় ভাবঃ” ৩।৩।৬১ (বেদান্ত সূত্র)। এবং যজ্ঞাঙ্গ বলিয়া কামনা অনুসারে ফল প্রদান করে মাত্র।

পূর্বেই বলা হইয়াছে, গুণভেদেও অধিকারিভেদে উপাসনাও বিভিন্নরূপে নির্দিষ্ট হইয়াছে। বহু জন্মার্জিত পুণ্য ফলে বান-দেবাদি ঋষির গায় সক্রত শ্রবণ মাত্রেই যাহাদের আত্মজ্ঞান উপস্থিত হয়, তাহাদের উপাস্ত্রই কি, আর উপাসনাই বা কার? তন্নিমাধিকারী গুরুসত্ব মুমুক্শুগণই অহংগ্রহ উপাসনার একমাত্র অধিকারী। আপনাতে ব্রহ্ম বুদ্ধি স্থাপন করিয়া পুনঃ পুনঃ শ্রবণ মনন ও নিষিধ্যাসন দ্বারা পরিশেষে তাহারা আত্মসাক্ষাৎকারে কৃতপ্রবৃত্ত হয়। এই উপাসক সম্প্রদায়ের নিম্নস্তরে তটস্থ উপাসনার নির্দেশ আছে।

যাহারা গুণ বৈষম্য বশতঃ আপনাতে ধর্ম্মবুদ্ধি উৎপাদনে অসমর্থ, জননীর্ গায় পরম হিতৈষিনী শ্রুতি কোন প্রতিকারলক্ষণের জন্ত তাহাদিগকে পুনঃ পুনঃ উপদেশ করিতেছেন। যে আলম্বনে যাহার অভিরুচি হয়, ঈশ্বরজ্ঞানে তাহার উপাসনা করিলেই ঈশ্বর প্রাপ্তি হইবে। এই জন্ত কেহ সূর্য্যে, কেহ প্রাণে, কেহ ওঙ্কারে, কেহ বরুণে, কেহ বা তদপেক্ষা স্থূল পদার্থ শিলা ও প্রতিমাদিতে উপাসনা তৎপর হইয়াছে। সকাম হইয়া কোন বিশেষ ফল প্রাপ্তির

জন্মই যজ্ঞাঙ্গ উপাসনা উদাহৃত হইয়াছে। এই উপাসনায় কামনা-  
নুরূপ ফল প্রদান করে।

মহাভারতের অনুশাসন পর্বে লিখিত আছে,—“ধর্ম্যং জিজ্ঞাস-  
মানানাং প্রমাণং পরমং শ্রুতিঃ। দ্বিতীয়ং ধর্মশাস্ত্রত্ব তৃতীয়ং লোক  
সংগ্রহঃ।” ধর্ম্য জানিবার পরম প্রমাণ শ্রুতি, দ্বিতীয় প্রমাণ স্মৃতি  
এবং কৌলিক ও লৌকিকাচারই তাহার তৃতীয় প্রমাণ। যে শ্রুতি  
ধর্ম্যে অদ্বিতীয় প্রমাণ, তাহা অধিকারী ভেদে ক্রমে জ্ঞানোন্মেষণ  
জন্ম কৰ্ম্ম, উপাসনা ও জ্ঞানকাণ্ডে বিভক্ত হইয়াছে। যাহারা নিতান্ত  
তমঃপ্রবল, সংসার ত্রিতাপে পরিক্লিষ্টমনা, তাহাদিগকে কিঞ্চিৎ কৰ্ম্ম  
তৎপর করাই হিতৈষিনী শ্রুতির কৰ্ম্মাধ্যায়ের প্রধান উদ্দেশ্য বলিয়া  
মনে হয়। তরঙ্গায়িত ত্রিতাপের প্রবলাঘাতে যাহারা নিরতিশয়  
বিতাড়িত হইতেছে, তাহাদিগকে যদি স্থায়ী স্মৃথের আবাস স্বরূপ  
কোন স্থানের আভাস দেওয়া যায়, এবং তল্লাভার্থ যজ্ঞাদিরূপ  
কৰ্ম্মে তৎপর হইতে উপদেশ করা যায়, তখন তাহারা সহজেই  
উক্তরূপ কৰ্ম্মাদিতে লিপ্ত হয়; কারণ অপরিচ্ছিন্ন স্মৃথ প্রাপ্তিই  
তাহাদের পরম পুরুষার্থ। তাই শ্রুতি কৰ্ম্মাধ্যায়ে বলিতেছে, “শতশ্ব  
মেধযাজী ইন্দ্রোভবেৎ”, “অশ্বমেধেন স্বর্গ কাম যজেত”—শতশ্বমেধ  
দ্বারা ইন্দ্রত্ব লাভ হয়; অশ্বমেধ যজ্ঞে স্বর্গ প্রাপ্তি হয়। বিবেকী  
মানবের উক্তবিধ স্বর্গাদিস্মৃথ অস্পৃহনীয় হইলেও অবিবেকীর পক্ষে  
উহাদের বিস্তর প্রয়োজনীয়তা দৃষ্ট হয়। যাহারা ধারণাকৰ্ম্ম, তাহা-  
দের নিকট হঠাৎ ব্রহ্ম-জ্ঞানোপদেশ সারসসমীপে মুক্তা ছড়ানোর  
আর নিষ্ফল হয়। “অজ্ঞশ্চাৰ্দ্ধ প্রবুদ্ধস্ত সৰ্ব্বং ব্রহ্মেতি যোবদেৎ।  
মহানিরয় জালেষু স তেন বিনিয়োজীতঃ ॥” অর্দ্ধপ্রবুদ্ধ অজ্ঞেরের  
নিকট সবই ব্রহ্ম বলিলে তাহাকে মহানিরয় পতিত করা হয় মাত্র।  
নেই কারণে তমঃপ্রবল মানবদিগকে ক্রমে ক্রমে ধারণাশীল করি-  
বার জন্মই শ্রুতি ১ম কৰ্ম্মাধ্যায়ের অবতারণা করিয়াছেন। শ্রুতি  
বলিলেন, কৰ্ম্মের ফল শীঘ্র পাইবে; স্মতরাং স্বর্গাদি স্মৃথের জন্ম  
কৰ্ম্মে প্রবৃত্ত হও। শ্রুতিপথানুগামিনী স্মৃতিও বলিতেছেন;—

“কাঙ্খাতঃ কৰ্ম্মণাং সিদ্ধিং যজন্ত ইহ দেবতাঃ। কিপ্রংহি মানুষে  
লোকে সিদ্ধির্ভবতি কৰ্ম্মজা।” অর্থাৎ ইহলোকে কৰ্ম্মজনিত ফল  
শীঘ্র উৎপন্ন হয় বলিয়াই, লোকসমূহ ইন্দ্রাদি দেবতার পূজা করিয়া  
থাকে। ঐহিক ও পারত্রিক ক্ষণস্থায়ী স্মৃথে বিমুখ মানবগণ ধরা-  
ধামে অতি বিরল বলিয়াই বেদের কৰ্ম্ম কাণ্ড, জৈমিনির সময়ে  
মুখ্য ধর্ম্মজনক কৰ্ম্ম বলিয়া বিশেষ আদরণীয় হইয়াছিল। মহা-  
জড়ভাবাপন্ন মানবদিগকে কৰ্ম্মাধিকারে উৎসাহিত করিয়া যখন তাহা-  
দিগকে সকাম কৰ্ম্মপরায়ণ করা হইল, জননীরা আয় হিতৈষিনী শ্রুতি  
উপাসনারূপ দ্বিতীয় কাণ্ডের অব্যবহিত পূর্বেই তাহাদিগকে বলিতে-  
ছেন, “সাবহিত হইয়া কৰ্ম্ম করিও, নতুবা তোমার হুঃখ প্রাপ্তি  
অবশ্যস্তাবী। অনবহিত প্রমত্ত রাজাদিগের নরকাদি ভোগ তাহা-  
দিগকে প্রমাণরূপে প্রদর্শন করিলেন। স্মৃতি ও শ্রুতির কথা অনু-  
সরণ করিয়া বলিলেন, “অর্থহীনে দহেদ্রাষ্ট্রং মন্ত্রহীনে তথাস্বিজং।  
আত্মানাং দক্ষিণাহীনে নাপ্তি যজ্ঞো সমরিপুঃ ॥” (তিথিতত্ত্ব)  
অর্থহীন যোগাদি কৰ্ম্মে রাজ্য দগ্ধ হয়, মন্ত্রহীনে ঋত্বিককে দগ্ধ  
করে। দক্ষিণা শূন্য যজ্ঞ আত্ম হননকারী হয়। সৎপ্রতি কৰ্ম্মনিরত  
লোকদিগকে শ্রুতি আরও বলিতেছেন, যদিও কৰ্ম্মকাণ্ড-কথিত  
যাগযজ্ঞাদি দ্বারা স্বর্গাদি স্মৃথ লাভ হয় বটে, কিন্তু ভোগান্তে  
পুনরায় সংসারে জন্মগ্রহণ করিয়া পূর্বানুরূপ স্মৃথ হুঃখের আশ্রয়ভূত  
হইতে হয়। মানবগণ কৰ্ম্মতৎপরতা বশতঃ স্বাভাবিকী জড়তা  
অপনয়ন করিয়াছে, স্মতরাং তাহার সম্মুখে অগ্রসর হওয়া ভিন্ন  
পশ্চাদ্দপদ হইবার আর উপায়ান্তর নাই। তখন কৰ্ম্মতৎপর মানবের  
মনে স্বতঃই এই প্রশ্ন উদ্ভিত হয়, যে নিরবচ্ছিন্ন স্মৃথের লালসায়  
যাগযজ্ঞাদি কৰ্ম্মতৎপর হওয়া গেল, তাহার ফল দীর্ঘকাল ভোগ্য  
হইলেও অনন্তকালের জন্ম নয়। এবং কৰ্ম্মাদির অসম্পূর্ণতার নানা-  
বিধ পাতকের সঞ্চয় হইয়া মহা হুঃখকর হইয়া থাকে। অতএব  
কি উপায়ে নিরবচ্ছিন্ন স্মৃথ হইতে পারে, ইহাই তাহার জিজ্ঞাসা  
হয়। কৰ্ম্মলব্ধ ভোগ ও ক্রৈশ্বর্য বিষয়ে অনভিনিবিষ্ট মানবগণ যখন

কর্মকাণ্ডের একরূপ দোষ দর্শন করিতেছেন, তখনই শ্রুত্যর্থ সমন্বয়-কারিণী গীতা, কর্মাধ্যায়ে বেদান্ত কর্মের স্বরূপ বুঝাইয়া জীবরূপী অর্জুনকে বলিতেছেন, “তশ্চাদশক্তঃ সততং কার্যং কর্ম সমাচার । অসক্তো হ্যচরণ কর্ম পরমাপ্নোতি পুরুষঃ” ( ৪।১৯ ) । কর্ম-ফলে কামনা বর্জিত হইয়া বেদান্ত কর্মানুষ্ঠান কর । ফলাকাজ্জ্বল বর্জিত কর্ম করিলেই নিরবচ্ছিন্ন সুখ বা মুক্তি লাভ হয় । কিন্তু নিত্য অতএব অবশ্যানুষ্ঠেয় কর্মাদি পরম্পরা সম্বন্ধে মোক্ষেরই কারণ হয় ; যেহেতু কাম্য কর্মজনিত পাপ পুণ্যের ঞ্চায় সে সকল কর্মে পুণ্য পাপাদির সঞ্চয় হয় না । “অগ্নি হোত্রাদি তু তৎকার্য্যায়ৈব তদর্শনাৎ ।” ( ৪।১।১৬ ) সূত্রেই তাহার প্রমাণ প্রাপ্ত হওয়া যায় ।

[ ক্রমশঃ ]

শ্রীশরচ্চন্দ্র চক্রবর্তী ।

## মহিলা-মেলা ।

[ পূর্ক-প্রকাশিতের পর । ]

মানবচরিত্রে জ্ঞানলাভ ও রাজ্য-শাসনে সাহায্য পাইবার নিমিত্ত একরূপ উপায় অবলম্বন করিবার দৃষ্টান্ত ইতিহাসে অতীব বিরল হইলেও, ইহা আকবরের মহত্ব ও উদারতার পরিচয় নহে । মানবচরিত্রে জ্ঞানলাভ ও রাজ্য শাসনে সাহায্য পাইবার নিমিত্ত, তিনি ইচ্ছা করিলে অত্র উপায় অবলম্বন করিতে পারিতেন, বিশেষতঃ তাঁহার ঞ্চায় বিচক্ষণ ও সূক্ষ্মদর্শী ব্যক্তিকে এ উদ্দেশ্য সিদ্ধির উপায় স্থির করিতে সর্বিশেষ কষ্টও পাইতে হইত না ; কিন্তু তথাপি তাঁহার সে পথ অবলম্বন না করিয়া, বিশ্বাসঘাতকতা করতঃ এ পথ অবলম্বন করিবার কারণ এই যে, যেরূপে হট্টক হিন্দুজাতির অন্তঃপুরে হস্তক্ষেপ করিয়া, চিরকালের নিমিত্ত তাঁহা-দিগকে স্ববশে রাখেন । তিনি ইহা সর্বিশেষ জ্ঞাত ছিলেন যে, রাজ-ভক্ত হিন্দুজাতিকে পদানত করিয়া রাখিতে পারিলে ও তাঁহা-

দের সহিত বন্ধুত্ব ও কুটুম্বিতা সূত্রে আবদ্ধ থাকিলে তাঁহার সর্বিশেষ মঙ্গল হইবে । বাস্তবিক যে তাহা করিয়াছিলেন, ইহা ইতিহাস পাঠকের নিকট অবিদিত নাই । আকবরসাহ হিন্দু নর-পতিগণের সহিত কুটুম্বিতা সূত্রে আবদ্ধ হইতে সমর্থ হইয়াছিলেন বলিয়াই, “খোসরোজ” তাঁহার সূক্ষ্মদর্শীতার পরিচয় স্থল হইয়া দাঁড়াইয়াছে । তৃতীয়তঃ, যখন “নোরোজার” বাজারে সম্রাট আকবর-সাহ মনের উল্লাসে ছদ্মবেশ ধারণ করিয়া এইরূপভাবে পরিভ্রমণ করিতেছিলেন, তখন একটা গম্ভীর-প্রকৃতি-সম্পন্ন, পরমরূপবতী, যুবতী রাজপুত রমণী, তাঁহার নয়নপথের পথিকা হইলেন । সম্রাট কিয়ৎক্ষণ এই রমণীর প্রতি দৃষ্টি নিক্ষেপ করিলে বুদ্ধিতে পারি-লেন যে, ইনি নিশ্চয়ই কোন তেজস্বী রাজপুত-কুল-সম্ভূতা । এই রমণী রাঠোর-কুল-চুড়ামণি পৃথ্বীরাজের বনিতা ও মিবারের প্রসিদ্ধ শক্তাচং বংশের স্থাপয়িতার ভূহিতা । এই রমণী “মহিলা-মেলায়” ধীর পাদবিক্ষেপে নানা দোকান পরিদর্শন করিয়া বেড়াইতেছেন । ইনি উক্ত শিল্প-দ্রব্যাদির সৌন্দর্য্য অবলোকন করিয়া বিশেষ আক্লাদিত হইলেন বটে, কিন্তু ক্রয়-বিক্রয়কারিণী রমণীগণকে শীলতা ও লজ্জার সীমা অতিক্রম করিতে দেখিয়া বড়ই দুঃখিতা হইলেন । তাঁহার এই মানসিক ভাবের বৈলক্ষণ্য উপস্থিত হওয়াতে তাঁহার প্রতিকৃতিরও সর্বিশেষ পরিবর্তন প্রকাশ হইল । সম্রাট তাঁহার এই পরিবর্তন দেখিয়া অতীব বিস্ময়ান্বিত হইলেন, কিন্তু তাঁহার এতাদৃশ অকস্মাৎ পরিবর্তনের কারণ স্থির করিতে সক্ষম হইলেন না । এই বীরঙ্গনা “মিবার ভূহিতা” ( Daughter of Mewar ) \* এই জঘন্স্থানে অধিক-ক্ষণ থাকিতে অনিচ্ছুক হইয়া তদগেই সেই স্থান পরিত্যাগ করিতে উদ্বৃত্তা হইলেন । লজ্জাই রমণীগণের স্বর্গীয় সৌন্দর্য্য, যেখানে সেই লজ্জার অপব্যবহার, সে স্থানে কি তেজস্বিনী, শীলতা-ময়ী, লজ্জাশীলা রমণী থাকিতে পারেন ? সে স্থান যে তাঁহার নিকট প্রকৃত নরক বলিয়া বোধ হইবে, সে বিষয়ে সন্দেহ কি ?

\* Vide Todd's Rajasthan. Vol I.



তেজস্বিনী রাজপুত্র রমণীর প্রতি সম্রাট এতক্ষণ অনিমিষলোচনে চাহিয়াছিলেন। তাঁহার হৃদয় ও প্রাণ তাঁহাতেই সমাকৃষ্ট। তাঁহাকে গমনে উদ্বৃত্তা দেখিয়া সম্রাটও বিচলিত হইলেন, এবং বাহাতে তিনি রাজ-প্রাসাদের বহির্ভাগে গমন না করেন, তাহার উপায় বিধানে বদ্ধপরিকর হইলেন।

“লোভে পাপ, পাপে মৃত্যু”—এ কথাটা কাহারও অবিদিত নাই; এ কথাটা যে কতদূর সত্য তাহার উদাহরণ অনেকেই দেখিয়া থাকিবেন। আকবরসাহের চরিত্রেও নিম্নলিখিত ঘটনায় এ কথাটার যথার্থতা সম্পূর্ণভাবে প্রতীয়মান হইবে। সম্রাট আকবর এই রমণীর লাল ভাব করিবার নিমিত্ত সচেষ্টি হইলেন। সম্রাটের এই লোভের সঙ্গে সঙ্গেই পাপ চিন্তা উদ্ভিত হইল। কিরূপে এই রমণীর সতীত্ব-রত্ন হরণ করিবেন, কিরূপে তাহার মধুমাখা প্রিয়বাক্য শ্রবণ করিয়া নিজের পাশব প্রবৃত্তি চরিতার্থ করিবেন, সেই সুযোগের অনুসন্ধান করিতে প্রবৃত্ত হইলেন। এই রাজপুত্র রমণী যে কতদূর তেজস্বিনী তিনি এখনও জানিতে পারেন নাই, তাই তিনি এই পাপ কর্মে অগ্রসর হইলেন। তিনি এ রমণীর তেজস্বিতার অতি অল্পমাত্র আভাস পাইলেও পাশবিক বৃত্তির প্রবলতার আত্মহারা হইয়া পড়িলেন। অতএব অগ্র-পশ্চাৎ চিন্তা না করিয়া, সম্রাট উন্মাদের স্থায় পাশবিক বৃত্তি চরিতার্থ করণার্থ সচেষ্টি হইলেন। অহো! যেহেতু চন্দ্রেও কলঙ্ক, গোলাপেও কণ্টক, সেই জন্ত এ হেন উদারচেতা, স্নানদর্শী, মহানুভব নররাজেরও চরিত্র কলঙ্কিত! পাশবিক বৃত্তির কি অসাধারণ ক্ষমতা! এ হেন পরম বিজ্ঞ সুবিচক্ষণ ব্যক্তিকেও অগ্র-পশ্চাৎ বিবেচনা করিবার অবসর না দিয়া আত্মহারা করিয়া ফেলে।

যখন এই রমণী “নোরোজার” বাজার হইতে বহির্গত হইবার জন্ত উদ্দ্যোগ করিতেছিলেন, কিন্তু বহির্গমনের পথ বড়ই জটিল দেখিয়া ইতস্ততঃ করিতেছেন, এমন সময়ে ভারতের একচ্ছত্র নুপতি আকবরকে তাঁহার গতিরোধ করিয়া পথে দণ্ডায়মান দেখিতে

পাইলেন। সহসা সম্রাটকে একরূপ ভাবে দেখিয়া তাঁহার মনে যুগপৎ ভয় ও বিস্ময়ের উদয় হইল। যখন তেজস্বিনী রাজপুত্র রমণী বুঝিলেন যে, সম্রাট তাঁহার রূপে মুগ্ধ হইয়া ছুরতিসন্ধি প্রযুক্ত তাঁহার গতিরোধ করিয়াছেন, তখন তিনি নিতান্ত ম্রিয়মাণা হইয়া মনে মনে চিন্তা করিতে লাগিলেন যে, “এহলে—এ নরকে তাঁহার আগমন অন্য় হইয়াছে।” যাহা হউক, উপস্থিত ঘোরতর বিপদ হইতে উদ্ধার পাইবার নিমিত্ত তিনিও বদ্ধপরিকর হইলেন। তখন রমণী কয়েক পদ অগ্রসর হইয়া গন্তীর স্বরে সম্রাটকে দ্বার ত্যাগ করিতে অহুরোধ করিলেন; দিল্লীধরকে অসময়ে অতর্কিত ভাবে সম্মুখে দেখিয়া কিছুমাত্র ভীতা হইলেন না। তাঁহাকে দ্বার ত্যাগ না করিতে দেখিয়া ক্রোধে রমণীর নয়নদ্বয় হইতে অগ্নিস্ফুলিঙ্গ বহির্গত হইতে লাগিল; মুহূর্ত্ত মধ্যে কে যেন তাঁহার কর্ণে বলিয়া দিল,—“মা ভৈঃ—মা ভৈঃ—” যেন এই আশ্বাসবাণী কর্ণ-কূহরে প্রবেশ করিবামাত্র তিনি বিগুণ উৎসাহে উৎসাহিত হইয়া উঠিলেন, এবং এক অনির্করণীয় মহাশক্তি প্রভাবে আত্ম-সম্মান রক্ষার্থ সচেষ্টি হইলেন। যেন মিবাবের অধিষ্ঠাত্রী-দেবী বিশ্বজননী ভগবতী (“মাতা”) যুগেশবাহিনী হইয়া তাঁহার সম্মুখে আবিভূতা হইলেন। দেখিতে দেখিতে সেই তেজস্বিনী রমণী স্বীয় অঙ্গাবরণ হইতে স্ত্রীক্ষ তরবারি বাহির করিয়া সম্রাটের বক্ষোপরি ধারণ করিলেন, যেন “মাতার” ইচ্ছিতে তিনি নর-পিশাচকে সমুচিত শাস্তি বিধান করিতে অগ্রসর হইলেন। তখন রমণী সেই নিদারুণ অস্ত্র হস্তে ধারণ করিয়া, সম্রাটকে গন্তীর স্বরে বলিলেন;—“রে নরাধম! তুই স্নেহ হইয়া পবিত্র ক্ষত্রিয়-কুল কলঙ্কিত করিতে উদ্বৃত্ত হইয়াছিস? তোর স্থায় নরাধমের এই অস্ত্র দ্বারা সমুচিত শাস্তি হওয়া কর্তব্য।” সম্রাট সেই রমণীর এবস্থিধ বাক্য শ্রবণ ও সেই ভীষণ ভৈরবীমূর্ত্তি দেখিয়া ভয়বিহ্বলচিত্তে দশদিক অন্ধকার দেখিতে লাগিলেন। সম্রাট স্বপ্নেও ভাবেন নাই যে, যে ললনার সৌন্দর্য্যে ও লাবণ্যে তিনি বিমোহিত, যাহার মাধুর্য্যময়ী

মূর্তি দেখিয়া তিনি আশ্চর্য হইয়াছিলেন, এই ভীষণ ভৈরবী মূর্তি সেই রমণীরই অন্তঃস্থলে লুক্কায়িত ছিল! সামান্য নারীজ্ঞানে যাহার উপর অত্যাচার করিতে প্রয়াস পাইয়াছিলেন, সেই নারীই এখন আশ্চর্যমান রক্ষার্থ তাঁহার বক্ষঃস্থলে নিদারুণ অস্ত্র ধারণ করিয়া তাঁহাকেই সমুচিত শাস্তি বিধানে উত্ততা। সম্রাট আকবর সেই রমণীর ভীষণ মূর্তি অবলোকন করিয়া নিষ্পন্দ ভাবে কিয়ৎক্ষণ স্থির হইয়া রহিলেন; পরে সেই রমণীর নিকট ক্ষমা প্রার্থনা করিলে রমণী তাহাকে ছাড়িয়া দিলেন। সম্রাটও আর কোন হুঃশীলতা বা ঔদ্ধত্যের পরিচয় না দিয়া মনে মনে রমণীকে তাঁহার তেজস্বিতা ও বীরত্বের নিমিত্ত প্রশংসা করিতে লাগিলেন। আকবরসাহ বীরপুরুষ, তিনিও বীরের সম্মান জানিতেন, তাই তিনি সেই বীরীক্ষনাকে প্রভূত সম্মান সহকারে বিদায় দিলেন। সতী রাজপুত্র রমণীও সম্মানে স্বস্থানে প্রত্যাগত হইলেন। পরে যথাসময়ে সম্রাটের সাধের আনন্দ বাজার ভাঙ্গিয়া গেল।

আকবর! তুমি না ভারতের একচ্ছত্র নৃপতি? তুমি না ভারতের ঘোরতর হৃদ্দিনে সুখের সঞ্চার করিয়াছিলে? তোমার গুণে হিন্দুজাতি মুগ্ধ, তবে কেন এ হেন অসৎ কস্ম-জনিত কলঙ্ক ও হন্যাম চিরকালই বিদ্যমান থাকিবে? তুমি এ হেন সুবিশাল ভারত সাম্রাজ্যকে শাসন করিয়া অনন্ত যশোরাশি লাভ করিয়া গিয়াছ, কিন্তু স্থিরচিত্তে একবার ভাবিলে না যে, কি কুকর্মই করিতেছ? তুমি যে এতদূর কাণ্ডজ্ঞান শূন্য পশু বিশেষ এ চিন্তা রাজভক্ত হিন্দুর মানসে স্থান পায় না। তুমি কি এতদূর ধৈর্য্য-বিহীন অপদার্থ যে, সামান্য সুখের নিমিত্ত স্বীয় অনন্ত যশোরাশিকে কলঙ্কিত করিবে? “লোভে পাপ, পাপে মৃত্যু” এই বাক্যটির মর্ম যে তোমার গ্রায় সুবিজ্ঞ, বিচক্ষণ, সমদর্শী, উদারচেতা, ধার্মিক নরপতির অগোচর ছিল, তাহা মনে হয় না। তবে কেন স্বেচ্ছায় শমনকে আহ্বান করিতে অগ্রসর হইলে? তুমি কি এতাদৃশ অদূরদর্শী?—না তাহাও নহে; ইহা নিশ্চয়ই তোমার দুর্বলতার

অসন্ত প্রমাণ। যে ব্যক্তি স্বীয় চরিত্রের উন্নতি সাধনে সমর্থ নহেন, যে ব্যক্তি পাশবিক বৃত্তির চরিতার্থ আশ্চর্য হইয়া, যে ব্যক্তি স্বীয় ছুরতিসন্ধি সিদ্ধ করিবার নিমিত্ত গ্রায়ের মস্তকে পদাঘাত করিতে কুণ্ঠিত হয় না, সেরূপ অসচ্চরিত্র ব্যক্তির স্বহস্তে রাজ্য-শাসনের ভার লওয়া কোনমতে যুক্তি-সিদ্ধ নহে। আকবর! তোমার সাধের “খাসরোজে” সমস্ত রাজত্ববর্গ তোমায় বিশ্বাস ও শ্রদ্ধা করিয়াই স্বীয় অন্তঃপুরস্থ ললনাগণকে প্রেরণ করিতেন; কিন্তু তুমি যে এতাদৃশ পাশবিক প্রকৃতির লোক, ইহা বোধ হয়, সকলেরই অগোচর ছিল; কারণ তাহা হইলে তোমার “খাসরোজ” স্থাপন করা সুকঠিন হইত। তোমার এতাদৃশ হীন-চরিত্র হিন্দুর গোচরীভূত হইলে, তাঁহারা কখনই তোমার জগ্ন প্রাণ বিসর্জন করিতেন না, বরং তোমার উচ্ছেদ সাধনেই যত্নবান হইতেন; তাহা হইলে তোমার উন্নতি সুদূরপর্যন্ত হইত—ভারতে মোগল-সাম্রাজ্য সুদৃঢ়ভাবে প্রতিষ্ঠিত হইত কিনা সন্দেহ। হিন্দুজাতি তোমার জগ্ন যত কষ্ট স্বীকার করিয়াছেন, ততকষ্ট কেহ কখনও বিধর্মী রাজার জগ্ন করেন নাই। হিন্দুরাজ মানসিংহের জগ্নই তোমার রাজ্যের বিস্তৃতি সাধিত হইয়াছিল, তাঁহার জগ্নই তুমি শত শত্রু জয় করিয়া নিষ্কণ্টকে রাজ্য স্বথভোগ করিয়াছ; হিন্দু তোডরমলের জগ্নই তোমার রাজ্যে শৃঙ্খলা স্থাপিত হইয়াছিল, হিন্দুর বলে বলীয়ান হইয়াই তুমি ভারতে অধিতীয় নৃপতি হইলে, হিন্দুর জগ্ন আজিও তুমি প্রাতঃ স্মরণীয়। ষিক্ আকবর! তোমায় ষিক্; তুমি সেই হিন্দুর বংশগরিমায় কলঙ্ক রোপন করিতে উত্তত হইয়াছিলে? যাহারা তোমায় বিশ্বাস করিতেন, যাহারা তোমায় শ্রদ্ধার সহিত পূজা করিতেন, তুমি তাহাদিগের উপকার ভুলিয়া গ্রায় ও ধর্মের মস্তকে পদাঘাত করিতে কিছুমাত্র সঙ্কুচিত হইলে না? রাজভক্ত হিন্দুর মন্যাত্যাত করিয়া যে কলঙ্ক কিনিয়া গেলে, তাহা অতীত সাক্ষী ইতিহাস চিরকাল জগতের সম্মুখে সাক্ষ্য প্রদান করিবে।

শ্রীপ্রবোধচন্দ্র বন্দ্যোপাধ্যায়।

## বিদায়ের প্রসঙ্গে।

এসেছ বিদায় নিতে,  
আমারে ফিরা'য়ে দিতে  
কিটা তুলে চলে যেতে চাও।  
কেন তবে আস হেথা,  
বাথা—মনে পড়ে ব্যথা,  
চলে বাবে!—তুলে যেতে নাও!  
বুঝা'তে এসেছ আজি,  
শশাঙ্ক বাদলে ভিজি,  
মাখে নাক মেঘের বরণ,  
দেখা'তে এসেছ আজি,  
রমণি! প্রণয়ে মজি',  
ছোর নাক প্রেমের বেদন!  
শুধু ছটো "আসি" কথা,  
এতে কি সারিবে ব্যথা,  
ভাঙা কি খাতির জুড়ে যায়?  
এ বল, না বুঝিবে কে,  
কেন আছ নত মুখে?  
প্রেম গেলে, প্রেম-অভিনয়।  
আজি হে অকালে হেন,  
অদৃষ্টে জাগান কেন?  
চলে বাবে!—ঋব নাহি টলে!  
যে ক'দিন বাকী আছে,  
কেন তা'রে ডাক কাছে,  
বাজ সহে—বাজ পড়ে গেলে।  
শুধু—"ঋব"-অভিশাপ,  
দেবের জ্বরের তাপ,

মরণের ছুঁকানো তাপস,  
তা'ই বুঝি গালে গালে,  
কুসুম কৌমুদী স্তলে,  
মায়া ঢাকে ঝরণ অবশ!  
জীবন বাসরে তা'ই,  
মরণে ভুলিয়ে যাই,  
মৃত্যু তাই ভাবাহীন হলো!  
দূরে যাক—দূরে যা'লো',  
ছেড়ে দাও "যা'ব" কথা,  
যেতে হ'লে,—গিয়ে বলা ভাল।  
আমি না ডাকিব-পিছু,  
আমি না বলিব কিছু,  
স্বর্গ, মর্ত্য, হোক ব্যবধান!  
তোমার আসন হেথা,  
ঢাকিতে—অঁধার কোথা,  
ভালবেসে,—বড় হয় প্রাণ!  
আলো হেথা চিরজীবী,  
মুছে নাক কোন ছবি,  
বুদ্ধে খুজে শৈশব-আগার,  
তারা খসে অন্ধকারে,  
শূন্যতা নাহিক সারে,  
হাঁহাঁ করে আছড় অঁধার!  
এই—বন বন ভূনি,  
ছায়ারূপে রবে তুমি,  
স্মৃতিময়ী—প্রতিমা—আমার।  
গত-দিন তুলে যেও,

নূতনে নূতন হয়ো,  
জীবন ত—স্মরণের হার!  
অঁধার তরঙ্গ রোলে,  
ধরণী রয়েছে ঝুলে,  
জ্যোতির্ময়—মিলন—প্রলয়!  
আমরা ধরায় থাকি,  
সে গুণ হৃদয়ে রাখি,  
শূন্যে কোলা—জন্ম পরিচয়।  
হয়েছে "বিজয়া" রাখা,  
আর কেন হেথা থাকা,  
নারি বা রাখিতে চোখে জল!  
অকাঁদারে ভোলা যায়,  
সুখ শেষে প্রেত হয়,  
ক্ষুধ-প্রেম—অঁধি-ছল-ছল!  
কি দিব পাথের ভাবি,  
জন্মজন্মান্তর সবই—

ফিরে গেছে ও চরণ—চুমি',  
জীবনের মোক্ষ লয়ো,  
ইন্দিরা বৈকুণ্ঠে রয়ো,  
কর্মবন্ধ—মোরে সঁপি তুমি।  
প্রেমে দীক্ষা—বহ্নিজ্বালা,  
মরিলে—তাতেই জ্বালা,  
প্রেমে শুধু—অগ্নিহোত্র যাগ;  
বুকে বহ্নি-বেদী জ্বলে,  
আহুতি ত পলে পলে,  
ক্ষুদ ক্ষুদ আয়ুর বিভাগ!  
হের গো নিশীথ আসে,  
যুমানু ভ্রমর পশে,  
হিমালীর হিংসিত—মুকুলে;  
মায়ার তোরণ পাশে,  
সন্ধ্যা করে ডাকে বসে!  
চলে গেলে?—দ্বিবা গেল চলে!  
শ্রীনলিনীকান্ত চট্টোপাধ্যায়।

## মহামায়া।

[ পূর্ব-প্রকাশিতের পর ]

বালিকা বলিল—“বাপের বোন কি কুহকিনী হয়? পিসিমা আমার মায়াময়ী—আপনার।—তোমরা পর—তোমরা আদর দেখাও, আমাদের সর্বনাশ করিবার জন্ত।”

“আবার তোমরা?—সত্য করিয়া বল—আমি ছাড়া এ বাড়ীতে আবার কে তোকে আমার মত আদর করিয়াছে?—না বলিলে সত্য বলিতেছি—কিল্ মারিয়া তোর মাথার খুলি ভাঙিয়া দিব।”

বালিকা বলিল—“তোমার মত আর একজন আমাকে জোর করিয়া ধরিয়া কোলে তুলিয়া মা বলাইয়াছে।”

“কোথায় ?”

“এইখানে ।”

“কবে ?”

“যেই দিন তুমি এখানে আসিয়াছ ।”

“কখন ?”

“তোমার আসিবার কিছু পূর্বে ।”

“তা’র পর ?”

“তা’র পর আসি বলিয়া যে চলিয়া গেল, আর আসিল না ।”

“বলিস কি ?”

“মাত্র সাতদিন হইল, আমার সেই নূতন মা ফিরিতেছে ।”

“তা’র বাড়ী কোথায় ?”

“তা’ কেমন করিয়া বলিব ?—সেইদিন সবেমাত্র তাহাকে দেখিয়াছিলাম । আমার মা তাহাকে তুমি মনে করিয়াছিল ।”

“তাহাকে দেখিতে কেমন ?”

“সুন্দর ।”

“তোমার মায়ের মতন ?”

“মা আমার শোকে শীর্ণ হইয়া গিয়াছে । মায়ের আর সে শ্রী নাই ।”

“আমার মতন ?”

বালিকা চুপ করিয়া রহিল ।—সম্মুখে একখানি দর্পণ ছিল । সারদাসুন্দরী সেইটা টানিয়া নিজের মুখের কাছে ধরিল । তাম্বুলরাগ-রঞ্জিত অধর অঙ্গুলি নিপীড়িত করিয়া, নিজের সুন্দর মুখখানি দেখিয়া, ইতস্ততঃ বিক্ষিপ্ত অলকগুচ্ছ যথাস্থান সন্নিবিষ্ট করিয়া মুখখানিকে আরও একটু সুন্দর করিয়া লইল । আর প্রতিবিম্বের উপরেই নয়ন রাখিয়া আবার জিজ্ঞাসা করিল,—

“কেমন—আমার মতন ?”

এ প্রশ্নের উত্তর দিতে বালিকা ইতস্ততঃ করিতে লাগিল । কোন রকমে কথাটা চাপা দিবার জন্ত বলিল,—“সন্ধ্যা হইতে চলিল, চুল বাঁধিবে কখন ?”

“কেন এ এলো সৌন্দর্য্য কি তোমার পছন্দ হইল না ।”

বালিকা হাসিয়া সারদার কোলে মুখ লুকাইল ।

সারদা বলিল,—“তোমার সত্যকথা বলিতে ভয় হইতেছে, কেমন ?”

বালিকা বলিল,—“তুমি অতি সুন্দর ।”

“আর তোমার নূতন মা ‘অতির’ উপর এক কাটা বেশী সুন্দর । সত্য বল, আমি তোমার আরও বেশী ভাল বাসিব ।”

বালিকা সারদার কোল হইতে মাথা তুলিল, গ্রীবা ভঙ্গ সারদার মুখের পানে আর একবার চাহিল । আর বলিল,—“তুমি তাম্বুলরাগে ঠোট দুটা রাঙাইয়া, আরসী ধরিয়া, চক্ষে কটাক্ষ বাধিয়া কেমন সুন্দর, আমার নূতন মা শুধু শুধুই তেমনি সুন্দর ।”—বলিয়াই লজ্জায় হাত দু’খানি সারদার গলায় জড়াইয়া দিল ।

বালিকার এই স্বাভাবিক আত্মীয়তায় সারদাসুন্দরী গলিয়া গেল, মনে মনে আপনাকে বহু ভাগ্যবতী বিবেচনা করিল । আর বুঝিল—সংসারে মানস-ব্যাধির এইরূপ শত সহস্র ঔষধ থাকিতে মানুষে খুঁজিতে জানে না—জানিতে চায় না বলিয়া এত দুঃখ পায় । আপনার অসুখের সন্ধান না ঘুরিয়া—মেদিনীপুরের এই আপনার সামগ্রীটির যদি সে সন্ধান করিত, সেও মহামায়ার মত সুখিনী হইত—সুখ বিনাবাক্য ব্যয়ে উপঘাচক হইয়া, আপনার কোট ছাড়িয়া তাহার দ্বারস্থ হইয়া, পড়িয়া থাকিত । মহামায়ার বাপ—কোথাকার কে তাহাদিগকে আত্মীয় করিয়া মহামায়াকে একটা ছুর্ভেদ্য সুখ দুঃখে বসাইয়া গেল—তাহার কাছে এখন আর দুঃখ আসিতে সাহস করে না । আর তাহার এত আপনার—তাহাদের অবহেলায় মেদিনীপুরের কোন অন্ধকারে পড়িয়াছিল । সারদাসুন্দরীর এইরূপ তর্ক মীমাংসা সকলের পক্ষে ভাগ না লাগিতে পারে ; কিন্তু মানুষ যে বিষয়টা পছন্দ করে, সেটা তর্ক যুক্তিতে যেমন করিয়া পারে, আপনার মত করিয়া লয় । কি ধর্ম্মে, কি সামাজিক-বৈষয়িক ব্যবহারে, প্রতি কার্য্যানুষ্ঠানে এইরূপ ভিন্ন পথগামী বিভিন্ন তর্কের ভিন্ন ভিন্ন স্থান সংস্থ

নানা মীমাংসায় সংসার ভরিয়া রহিয়াছে।—কেহ পরকে তর্ক মীমাংসায় আত্মীয় করে, কেহ বা তর্ক মীমাংসায় আত্মীয়কে পর করে। কেহ মনকে বুঝাইতে পরকে যথাসর্বস্ব দিয়া বসে—কেহ বা মনকে বুঝাইতে ভাইয়ের বিষয় কাড়িয়া লয়। যে যা' করে আত্ম তৃপ্তির জন্ত। সুখ দুঃখ পরস্পর সাপেক্ষ। মহামায়ার সুখ কি বুদ্ধিতে পারুক, আর নাই পারুক, সারদা নিজের সুখটা বুঝিয়া লইল। নিজে বন্ধ্যা ছিল—পুত্রের জন্ত কত ঔষধ খাইয়াছিল, দেবতার কাছে মানসিক করিয়াছিল,—কিছুই ফল পায় নাই। আজ দেবতার রূপায় এই কণ্ঠা রত্ন পাইয়া সারদা সন্তানের অভাব ভুলিয়া গেল।

সারদা নলিনীর বাহুহুটী নিজের হস্তে ধরিয়া তাহাকে বক্ষে সংলগ্ন করিয়া বলিল,—“হাঁ ননু! তুই তাহাকে দেখিলে চিনিতে পারিবি?”

বালিকা বলিল—“এখনও আমি তাহাকে তোমার মুখের ভিতর দিয়া দেখিতেছি।”

“বুঝিয়াছি, তুই দেবী দর্শন করিয়াছিস। সে দেবী চুরি করিয়া আমাকে দেখা দিতে আসিয়াছিল, তুই দেখাটা বাটপাড়ী করিয়া লইয়াছিস।”

নিম্নতল হইতে সারদার স্বাগুড়ী ডাকিল,—“সারদা”। রমা প্রসাদের মা বধুকে বধু বলিত না; আর বধু বলিলে সারদা উত্তর দিত না। এই কথা লইয়া সারদার স্বামীর সহিত ভ্রাতৃত্ব বন্ধনের উল্লেখ করিয়া মহামায়া ও তাহার কত প্রতিবাসিনী সহচরী তাহাকে কত রহস্য করিয়াছে। তথাপি সারদা কণ্ঠা বাৎসল্য নাম না ধরিয়া ডাকিলে স্বাগুড়ীর কথায় উত্তর দিত না। স্বামীর সহিত সারদার বন্ধন-সূত্র কিরূপ ছিল, সারদাই জানিত অন্য কাহাকেও জানিতে দিত না। সারদা বলিল,—“ঘাই মা।”

স্বাগুড়ী নলিনীকে ডাকিল, নলিনী বলিল “ঘাই পিসী”।

চুল যেমন-তেমন বাঁধিয়া নলিনীর মাথায় একটা গোঁজ

করিয়া দিয়া, সারদা আরসী চিরুণী যেখানে হ'ক রাখিয়া নলিনীকে লইয়া নীচে নামিয়া গেল।

[ ক্রমশঃ ]

শ্রীক্ষীরোদপ্রসাদ ভট্টাচার্য্য।

## “বউ কথা কও!”

[ পাখীর প্রতি ]

কে তুমি পাখি! পাতার আড়ালে লুকাইয়া সাজে সকালে, দিনে ছপুরে, যখন তখন, যেখানে সেখানে “বউ কথা কও” বলিয়া চীৎকার কর; আমরা কুলের বধু—অবলা, সরলা, তাই বুঝি তুমি আমাদের নরম পাইয়া, আমাদের কোমল প্রাণে ব্যথা দিবার জন্ত ব্যঙ্গোক্তি “কথা কও” “কথা কও” বলিয়া (কূজন) করিয়া থাক!! বনের পাখি! বনজাত বিবিধ ফল তোমার রসনার তৃপ্তিসাধন করে, নির্ঝরিণীর কাচ-স্বচ্ছ সলিলে তৃষ্ণা নিবারিত হয়; তুমি স্বাধীনতার সুধাবলিত সৌধে আজন্ম প্রতিপালিত হইয়া মনের সুখে বন মাঝে—শাখীর শাখায় সুখাসীন হইয়া সুখে দিন অতিবাহিত কর, আর মধ্যে মধ্যে সুনীল নভঃস্থলে সন্তরণ দিয়া দিগন্তে উড়িয়া বেড়াও; মানব-সমাজে শিষ্টাচারের সহিত তোমার কোন সম্বন্ধই নাই; তবে কেন, মানব-সমাজ অনভিজ্ঞ তুমি কুভাবে কূজন করিয়া কুলের বধুর কথা শুনিবার জন্ত “বউ কথা কও” “বউ কথা কও” বলিয়া চীৎকার করিয়া মর? কেন আমরা কি বোবা না হাবা?

পূর্বে—বহুপূর্বে—আমাদের সেই তমসাচ্ছন্ন হৃদিনে আমাদের একটু বোবা বদ-নাম ছিল বটে, তখন পরাধীনা—অনেকের অধীনা, আমরা মূকের মতই থাকিতাম বটে, তখন বুক ফাটিলেও আমাদের মুখ ফুটাইবার ঘো ছিল না বটে, তখন সূর্য্যও আমাদের মুখ দেখিতে পাইতেন না, পবন আমাদের কখন শুনিতে পাইতেন কি না, সন্দেহ; তখন আমরা অজ্ঞানাক, আমরা অবরোধ কারাগারে কালাতিপাত করিতাম, এ কথা সত্য বটে, কিন্তু বিহগবর!

চিরদিন কি কভু সমান যায়? ছুঃখের পর সুখ, অমার পর পৌর্ণমাসীর স্থায় নিশ্চয়ই আসিয়া থাকে। অতীতের কথা ছাড়িয়া দাও, যাহা অতীতের আঁধারে ডুবিয়া গিয়াছে, তাহার জন্ত অনুশোচনা শিষ্টের কার্য্য নহে। সময়ে সকল বিষয়ই উন্নতি আনয়ন করে।

এখন আর আমাদের সে কাল নাই, সে মূর্তি নাই, সেরূপ চাল-চলন, কখন-বলন, হাব-ভাব সমস্তই পরিত্যাগ করিয়া আমরা এখন উন্নতির উচ্চ সোপানে আরোহণ করিতেছি; অবরোধ কারাগারের শৃঙ্খল কাটিয়া ফেলিয়াছি, এখন আর আমরা “ফটকে আটক” থাকিতে চাহি না; বোবা বদ-নাম বিদূরিত করিবার জন্ত আমরা সভা-সমিতিতে সভাপত্তি গ্রহণ করিয়া, সরুগলায় জগৎ মাতাইয়া তুলিতেছি। অধীনতার অন্ধকার হইতে শিক্ষা-দীক্ষার দক্ষতায় এখন আমরা স্বাধীনতার পূর্ণালোকে আসিয়া পড়িয়াছি, এখন আমরা অবলা হইয়াও সবলা, সরলা হইয়াও নিয়ত স-রোলা, কারণ আমাদের কর্ণরোলে এখন ঘর-বাহির প্রতিধ্বনিত, আমাদের কলকণ্ঠের কাকলীতে তোমাদের কোকিল লজ্জা পাইল, তাই সে বৎসরের মধ্যে অধিকাংশ সময়ই পলায়নপর হয়। এত দেখিয়া, এত শুনিয়াও—বোকা পাখী! আমাদের কথা শুনিবার জন্ত সদাই কেন যে গলাবাজী করিয়া মর, তাহা তোমরাই জান?

আমরা আত্মশক্তির অংশ, আমরা সংসারের সার, তাই পত্নি-বিয়োগে লোকের গৃহ শূন্য হয়, পত্নীর মৃত্যুতে “সংসার অস্তথা” বলে। “গৃহিণী গৃহ মুচ্যতে” এ কথা ও শাস্ত্রকারগণ মুক্তকণ্ঠে বলিয়া গিয়াছেন। এক কথায় আমরা সংসারের সর্ব্বেসর্ব্বা, সংসার দেহের কুলকুণ্ডলিনী। আমাদের জন্তই, আমাদের বলে বলীয়ান হইয়াই সংসারের সমস্ত শিক্ষা, বাণিজ্য, বিষয় ব্যাপার, বিজ্ঞা, বৈভব চলিতেছে ও উন্নতি লাভ করিতেছে। বল দেখি, নানাবিধ নূতন ফ্যাশান কল্পিত হইয়া এই যে দিন দিন শিল্পের শ্রীবৃদ্ধি সম্পাদিত হইতেছে—এ কাহার রূপায়? ইহার মূলে কি আমাদের সেই বিশ্ববিমোহকারিণী মোহিনী শক্তির সূক্ষ্মতত্ত্ব নিহিত নাই?

অবোধ পাখি! আমরা বোবা নহি, বোকা নহি, আর হাবাও নহি। আমাদের কথার চোটে ভূত ভাগে, আমাদের হাড়ে ভেলকী লাগে, আমাদের গুণে বোবার বোল ফোটে, বোকা সেয়ানা হয়। এখন আমরা ঘোমটার ভিতরেও থেমটা নাচিতে পারি, খাশমহলে বসিয়া খোসগল্প করিতে জানি, আর খামের মধ্যে কত স্থানে কত খোশ খবর লিখিতেও শিখিয়াছি। আর কি চাই! আমাদের ঈদৃশী ক্ষমতা দেখিয়াও মুর্থ পাখি! কোন্ সাহসে কুজন করিয়া আমাদের ব্যঙ্গ করিবার জন্ত বলিয়া থাক,—“বউ কথা কও” “বউ কথা কও”।

এখন পুরুষের সহিত সমানাধিকার, বরং কিঞ্চিৎ অধিক অধিকার লাভ করা আমাদের উদ্দেশ্য হইয়াছে। এই মহদ্দেশ্য—সাদু উদ্দেশ্য কার্য্যে পরিণত করিবার জন্ত আমাদের সভাপত্তিগণ, উন্নতি সোপানারূঢ়াগণ, আমাদের মুখপাত্রীগণ দিনরাত পুরুষের সহিত কত আন্দোলন, কত আলাপন, কত কথোপকথন করিতেছেন। এখন পুরুষের সহিত আমরা—হাটে, বাজারে, স্কুলে, কলেজে, আফিশ-আদালতে, সমাজ-সভাতে বাগানে-ব্যারাকে সমানাধিকার পাইবার জন্ত নিয়ত চেষ্টা করিতেছি—আর চেষ্টার ফলও বেশ ফলিতেছে। তবে গুটীকতক নৈসর্গিক নিয়মে আমাদের মধ্যে মধ্যে কিছু কিছু ব্যতিব্যস্ত করিয়া তোলে, তাই আমরা সকল বিষয়ে পুরুষত্ব লাভ করিতে আজিও কৃতকার্য্য হইতে পারিতেছি না। কিন্তু তাহাতে আমরা হতাশ হই নাই, “রোমনগর একদিনে নিশ্চিত হয় নাই।” আমাদের অগ্রগীর্ণ আশা দিতেছেন যে, আমরা বিজ্ঞান বলে সত্ত্বর সেই নৈসর্গিক বাধা বিপত্তি বিদূরিত করিয়া,—“পুরা পুরুষ” হইয়া যাইব, তাহাতে আর সন্দেহ মাত্র নাই। বিজ্ঞানের বলে কি না হয়!!!

তবে একটা সময় আছে যখন আমরা কিয়ৎক্ষণ মৌনবতী থাকি,—“কথা কও” “কথা কও” বলিয়া মাথামুড় খুঁড়িলেও তখন আমরা কথা কহি না। সেটা আমাদের নিতান্ত প্রাইভেট।

সে বিষয়ে হস্তক্ষেপ করা নিতান্ত শিষ্টাচার বিরুদ্ধ। সেই “দেহি পদ পল্লব যুদারম্” পালায় আমরা স্বকার্য সাধনোদ্দেশে অতি কষ্টে কিয়ৎকাল রসনা আবদ্ধ রাখি। যদি সেই জন্তই সেই প্রাইভেট ভেদ করিয়া তুমি “বউ কথা কও” বলিয়া আমাদের লজ্জা দিতে মনস্থ করিয়া থাক, তাহা হইলে আর তোমার রক্ষা নাই; তাহা হইলে আমাদের কোপে পড়িয়া শীঘ্রই তোমার তোমাদের সকলকে পিঞ্জরে আবদ্ধ হইতে হইবে। অতএব ছুট পাখি! সাবধান! কোন প্রকারে ফিমেল সম্মেলের মূলে আঘাত করিতে চেষ্টা করিও না। যদি নিতান্তই আমার কথা না শুন, তবে অচিরে বৃষ্টিতে পারিবে, তোমার পাখীলীলা ফুরাইয়া আসিয়াছে।

শ্রীবিনোদলাল চট্টোপাধ্যায় ।

### প্রার্থনা ।

স্বপনে কি জাগরণে,                      কে তুমি গো হৃদাসনে,  
এই এস এই যাও নাহি কিছু স্থির ;  
হৃদি-পদ্মে পদ-ছায়া,                      ক্ষণতরে মিশাইয়া,  
আবার চলিয়া যাও বড়ই অধীর ।  
কোন পাপে অভাগারে,                      কাঁদাইয়া বারে বারে,  
এইরূপে কর চির বিবাদে মগন ;  
ক্ষণমাত্র দেখা দিয়ে,                      কেন যাও পলাইয়ে,  
কি দোষে বঞ্চিত দাস ও রাঙ্গা চরণ ?  
ছিল স্থির মন মম,                      কে তুমি বিহ্ব্যং সম,  
আলোড়িত করি প্রাণ অনন্তে মিশাও ;  
পুনঃ অন্ধকার আসে,                      কম্পিত করি'ছে ত্রাসে,  
দূরে যা'ক তমোরাশি জ্ঞানালোক দাও ।  
লোকে কয় জ্ঞানময়,                      দয়াময় প্রেমময়,  
কিঞ্চিৎ করুণা কর এ দাসের প্রতি ;  
ভজন সাধন হারা,                      হইয়াছি দিশে হারা,  
রূপা চক্ষে হের নাথ অগতির গতি ।  
তুমি হে অনাথবন্ধু পতিত পাবন ।  
শ্রীপদে অভাগা কবি মাগিছে শরণ ॥

কিরণ ।

### স্বরলিপি ।

#### ভৈরব মিশ্রিত—কার্পা ।

কথা—শ্রীগিরীশচন্দ্র ঘোষ ।

সুর—শ্রীরামতারণ সাত্তাল ।

কিছার আর কেন মায়া কাঞ্চন কায়া ত হবে না ।  
দিন যাবে দিন রবে না তোর কি হ'বে তোর তবে ;  
আজ পোহা'লে কাল কি হবে দিন পাবি'তুই কবে ?  
সাধ কখনো মেটে না ভাই ! সাধে পড়ুক বাজ ;  
বেলাবেলি চল্বে চলি সাধি আপন কাষ ।  
কেউ কারো নয় দেখনা চেয়ে কবে ফুটবে আঁখি ?  
আপন রতন বেছে নে চল্ হরি বলে ডাকি ।

#### আস্থায়ী ।

প্ প স্ব প্ ম গ্ গ্ +  
কি ছার আর কে ন মা যা কা ঞ্ণ কো যা

ম্ গ্ গ্ স্ব মা  
তো র বে না

#### অন্তরা ।

মাঁ মাঁ সাঁ সাঁ | নিঁ নিঁ সাঁ নিঁ স্ব স্ব নিঁ স্ব  
দিন যা বে দিন র বে না তোর

প্ স্ব প্ ম্ ম্ প্ প্ স্ব স্ব স্ব স্ব নি  
কি হ বে তোর ত বে আজ পো হা ল

১  
 ঙ্গ ঙ্গ ঙ্গ ঙ্গ ম ম ঙ্গ ঙ্গ ঙ্গ ঙ্গ  
 কান্ কি হ বে দিন পা বি তুই ক বে

০  
 সাঁ সাঁ সাঁ সাঁ নি নি সাঁ নি ঙ্গ ঙ্গ নি ঙ্গ  
 সাধ ক খ ন মে টে না ভা ই

+

ঙ্গ ঙ্গ ঙ্গ ম ম ঙ্গ ঙ্গ ম ঙ্গ ঙ্গ নি ঙ্গ  
 সা ধে প ডুক বা জ্ বে লা বে নি

১  
 ঙ্গ ঙ্গ ঙ্গ ম ম ঙ্গ ঙ্গ ঙ্গ ঙ্গ সাঁ সাঁ  
 চন্ রে চ লি সা বি আ পন্ কাষ্ কেউ কা

১  
 সাঁ সাঁ নি নি সাঁ নি ঙ্গ ঙ্গ নি ঙ্গ  
 রো নর দেখ না চে য়ে

+

ঙ্গ ঙ্গ ঙ্গ ম ম ঙ্গ ঙ্গ ম ঙ্গ ঙ্গ নি ঙ্গ  
 ক বে ফুট বে আ থি আ পন্ র ত ন

১  
 ঙ্গ ঙ্গ ঙ্গ ম ম ঙ্গ ঙ্গ ঙ্গ ঙ্গ  
 বে ছে নে চন্ হ রি ব লে ডা কি

শ্রীদক্ষিণাচরণ সেন ।

# বীণাপানি ।

মাসিকপত্রিকা ও সমালোচনী ।

“বীণা-পুস্তক-রঞ্জিত হস্তে । ভগবতি, ভারতি দেবি নমস্তে ।”

৪র্থ খণ্ড । } আশ্বিন, ১৩০৪ সাল । } ৯ম সংখ্যা ।

## ঈশ্বরোপাসনা ।

[ পূর্ব-প্রকাশিতের পর ]

“অত্যেহত্য়াহপি ছে কেষামুভয়োঃ”—সূত্র দ্বারা কাম্য কৰ্মাদি যে মোক্ষের প্রতিবন্ধক তাহাই স্মৃতিত হইয়াছে। প্রোক্তরূপ কাম্য-কৰ্মাদিনিরত লোকদিগকেও হঠাৎ বুদ্ধিভেদ না জন্মাইয়া ক্রমে ফলাসক্তি পরিত্যাগে উপদেশ করাই শ্রুতি সিদ্ধান্তিত, তাই স্মৃতি বলিতেছেন,—“ন বুদ্ধিভেদং জন বেদজ্ঞানাং কৰ্ম-সঙ্গিনাং ।” যোজয়েৎ সৰ্ব্ব কৰ্ম্মানি বিদ্বান মুক্ত সমাচরণ ॥”

কাম্য কৰ্ম্মের ফলাকাজ্জনা হেতুতই যখন এতাদৃশ ভোগবিচিত্র ও বিড়ম্বনা দৃষ্ট হইতেছে, তখন ফল বর্জিত হইয়া কৰ্ম্ম করাই নিঃশ্রেয় প্রাপ্তির একমাত্র কারণ বলিয়া, এক্ষণে কৰ্ম্মশক্ত মানবের মনে সিদ্ধান্তিত হইতেছে। যেহেতু কাম্য কৰ্ম্মশক্ত মানব দেখিতেছি,—“অনেক চিত্ত বিভ্রান্ত মোহজালে সমাবৃত। ঐসক্তা কাম-ভোগেষু পতন্তি নরকেহুগুচৌ ॥” নানা সংকল্প কলাপ বিভ্রান্ত



মোহজালে সমাবৃত ও বিষয় ভোগে নিরতিশয় আশক্ত মানবগণ অশুচি নরকে পতিত হয়। বিশেষতঃ কৰ্ম্মানুষ্ঠানজনক কামনা ভোগ করিয়া তাহারা দেখিকে পায়, ভোগস্পৃহা ক্রমেই বলবতী হয়, তাই ভগবান্ মনু বলিলেন,—“ন জাতু কামঃ কামানমুপ ভোগেণ সাম্যতি । হবিষা কৃষ্ণ বস্মৈ বহুয় এবাভি বর্দ্ধতে ॥” সূতরাং কৰ্ম্মী যখন দেখিলেন যে, কৰ্ম্ম তাহার কেবল ভোগের জন্ত, তখন তদদোষ দর্শনে সে বিষম্ব হইয়া পড়ে। পরন্তু প্রতি-নিধি প্রণাও সে দোষের অন্ততর কারণ দেখিতে পায়। “স্বয়ম-সিদ্ধঃ কথং পরান্ সাধয়তি” এবম্বিধ নানা দোষ দর্শনে মানব বুঝিতে পারে না যে, কাম্য কৰ্ম্মানুষ্ঠানের ফল আত্মস্তুতি মানবের ক্ষণিক সুখ সমৃদ্ধির কথঞ্চিৎ বৃদ্ধির জন্ত মাত্র। তখন তাহারা ফলাকাঙ্ক্ষা বর্জিত হইয়া কৰ্ম্মানুষ্ঠানে প্রবৃত্ত হয়। তখন তাহারা বুঝিতে পারে, “কৰ্ম্মত্বেবাধিকারস্ত সা ফলেষু কদাচন । সা কৰ্ম্ম-ফলে হেতুভূর্ত্নাতে সঙ্গোহস্ত কৰ্ম্মণি ।” কৰ্ম্মেই জীবের অধিকার হওয়া উচিত, কিন্তু ফলে নহে।

ফল কামনাব যেন কৰ্ম্মে প্রবৃত্তি এবং কৰ্ম্মত্যাগে যেন জীবিত প্রীতি না হয়। এইরূপে জীব কাম্য ও নিষিদ্ধ কৰ্ম্ম বর্জন করিয়া নিষ্কাম কৰ্ম্মে রত হয়। নিষ্কাম কৰ্ম্মই নামাস্তরে ঈশ্বর প্রীত্যর্থ কৰ্ম্ম বা উপাসনা বলিয়া কথিত হয়। তাই গীতার বলিতেছে,—“যজ্ঞার্থাং কৰ্ম্মণোহত্র লোকেহয়ং কৰ্ম্ম বন্ধনঃ ।” মনুস্মৃতিতে যজ্ঞ অর্থাৎ বিষ্ণুর আরাধনার্থ কৰ্ম্ম না করিয়া অশ্রুতানুষ্ঠান করাতেই বন্ধন দশাগ্রস্ত হয়। বিষ্ণু পুরাণেও উক্ত হইয়াছে, “বিশিষ্ট ফলদাঃ কাম্যা নিষ্কামণাঞ্চ মুক্তিদা” অর্থাৎ কাম্য কৰ্ম্মাদি ফলপ্রদ; কিন্তু নিষ্কামভাবে করিলেই তাহা মুক্তিপ্রদ হয়। স্মার্তভট্টাচার্য্যও বলিয়া-ছেন,—“কাম্যং কৃষ্ণতুষ্ঠার্থং প্রকর্তব্যং মুমুকুনা।” মুমুকু ব্যক্তি কাম্য কৰ্ম্মাদি করিলে ঈশ্বর প্রীত্যর্থ করিবেন। শ্রীমদ্ভাগবত বলিতেছেন,—“বেদোক্তমত্র কুর্কানো নিঃসঙ্গো পিতমীশ্বরে । নৈষকৰ্ম্ম সিদ্ধিংলভেত রোচনার্থা ফলশ্রুতিঃ”—অর্থাৎ নিষিদ্ধ কৰ্ম্ম বর্জন

পূর্বক বেদোক্ত কৰ্ম্মানুষ্ঠানকারী মানবগণ নিষ্কাম কৰ্ম্ম-জনিত পরম ফল লাভ করেন। ফলশ্রুতি কেবল কৰ্ম্ম প্রচোদনার রুচি জনক মাত্র। পূর্বোক্তরূপ প্রমাণ সংগ্রহে আমরা দেখিতে পাইতেছি যে, কৰ্ম্মীগণ ফলাকাঙ্ক্ষা বর্জিত হইয়া কৰ্ম্ম করিলেই, ঈশ্বরোদ্দেশ্যে অলুপ্তিত হয়। এইরূপ ঈশ্বর প্রীত্যর্থ কৰ্ম্মানুষ্ঠানই ঈশ্বর লাভার্থ বিগুহা উপাসনার প্রথম সোপান—আপনারা অল্পশুই অনুভব করিতেছেন।

জননীৰ স্তায় পরম হিতৈষিনী শ্রুতি কৰ্ম্ম-কাণ্ডকে কীরূপে অলক্ষ্যে উপাসনা কাণ্ডে পরিণত করিয়াছেন, কীরূপে রজঃ প্রধান কৰ্ম্মীকে ক্রমোপাসনা পদ্ধতিতে সত্ত্ব প্রবল করিতে চেষ্টা করিয়া-ছেন, স্বনাম খ্যাত ইংলণ্ডীয় কবি Goldsmith গ্রাম্য প্রচারকের সহক্রে যেমন বলিয়াছেন ;—

And as a bird each fond endearment tries,  
To tempt its newfledged offspring to the skies ;  
He tried each art, reproved each dull delay,  
Allured to brighter worlds and led the way.

ঠিক যেন সেই প্রণালীতে শ্রুতি, রজঃ প্রধান মানবগণকে নিষ্কাম কৰ্ম্মের কথা বলিয়া কি আশ্চর্য্য কোমলে ক্রমে সত্ত্বের নিম্নল শ্রোত তাহাদিগের হৃদয়ক্ষেত্রে পরিচালিত করিয়াছেন! সত্ত্ব প্রবল করিবার জন্তই উপাসনা কাণ্ডের প্রথম অবতারণা বলিয়া অনুমান করা যাইতে পারে।

পূর্বোক্ত উপাসনা ত্রয়ের মধ্যে যজ্ঞোপাসনা কৰ্ম্মধ্যায়ের অন্তর্গত বলিয়া এস্থলে তাহার আর সমধিক আলোচনা নিস্পয়োজন মনে করিতেছি। সংপ্রতি উপাসনাধ্যায়োত্তর্গত প্রতীক ও অহং-গ্রহোপাসনা সম্যগালোচনা করিব।

প্রতীকের অর্থ বহিরালম্বন। পরিদৃশ্যমান বিচিত্র জগতে আল-ম্বনের অবধি নাই। আব্রহ্ম পরমানু সমস্তই প্রতীকরূপে কল্পিত হইতে পারে। যাহা সমধিক বিভূতিমান্ সেই সেই প্রতীকই

ব্রহ্মের সমধিক নিকটবর্তী বলিয়া শাস্ত্রে নির্দিষ্ট হইয়াছে। সুতরাং উক্তরূপ প্রতীকোপাসনার সমধিক ফল প্রদান করে।

প্রাণোপাসনা, সূর্যোপাসনা, প্রণবোপাসনা, ইহারা সকলেই পরব্রহ্মোপাসনার অবলম্বনরূপে কল্পিত হইয়াছে। গীতার বিভূতি যোগাধ্যায়ে “আদিত্যানামহং বিষ্ণুঃ” হইতে “একাংশেন স্থিতো-জগৎ” পর্য্যন্ত যাহা যাহা ভগবানের বিভূতি বলিয়া বর্ণিত হইয়াছে, জগতের সর্বত্রই তাহার কোন একটি ভগবানের অস্তিত্বর প্রতীকরূপে পূজিত হইতেছে। কিন্তু পূর্বেই বলিয়াছি, যেমন পশু পক্ষী, জাতীয় উচ্চাদর্শ বা ঈশ্বর, পশু পক্ষী ভিন্ন অথ কোন মূর্তিতে কল্পিত হইতে পারে না, সেইরূপ অস্ত্রাদি মানবও যে কোন প্রতীকে কেন ভগবদ্ বুদ্ধি বৃৎপত্তাপিত করে না, তাহাতে মনুষ্য বুদ্ধির আরোপ করিতে হইবে। তাই পুরাণে দেখিতে পাই, সূর্য্যদেব মানুষরূপে কল্পিত হইয়া সপ্তাশ্বর রথে যোজন করতঃ পৃথিবী পরিভ্রমণে পরিব্যস্ত আছেন। তাই শ্রুতিগণও মূর্তিমতী। মন ও ইন্দ্রিয়ের বিবাদ বেদেই দৃষ্ট হয়। অগ্নি, বরুণ পর্বত ও অশ্বথ প্রভৃতি বিভূতিমান্ পদার্থ মাত্রই মনুষ্য মূর্তিতে পরিকল্পিত হইয়াছে। মনুষ্যের রুচি ও গুণানুসারেই প্রতীক বিশেষে ঈশ্বর বুদ্ধি অধ্যারোপিত হয়। তাহার স্মরণ, মনন ও তৎসম্বন্ধীয় অনু-রাগ বা একাগ্রতাই উপাসনার অঙ্গ। তাই স্মৃতি বলিতেছেন,— “যো যো যাং যাং তনুঃ ভক্তঃ শ্রজয়াচ্ছিতু মিচ্ছতি। তস্ম তস্মা-চলাং শ্রদ্ধাং তামেব বিদধাম্যহম্ ॥” যে যে মূর্তি প্রতীকে শ্রদ্ধা-পূর্ব্বক অর্চনা করে, আমি সেই সেই ব্যক্তির শ্রদ্ধা তত্তমূর্তিতে দৃঢ়া করিয়া দেই। পৌরাণিক সময়ের পর রামানুজ, মাধবাচার্য্য ও বল্লাভাচার্য্য ও প্রভৃতি দ্বৈত সম্প্রদায় প্রবর্তক মহামহোপাধ্যায় পণ্ডিতগণ যখন দেখিলেন, প্রতীক মনেই মনুষ্য বুদ্ধি আরোপ করিয়া লইতে হয়, এবং বেদেও যখন তাহার সমর্থনতা দৃষ্ট হয়, তখন বেদানুমোদিত মূর্তিবিশেষকেই তাহার ঈশ্বরাবতার নির্দেশ করিয়া ভাগবদ্ ধর্ম্মের সমধিক প্রচার করতঃ ভক্তি পথানুবর্তন

করিলেন। মহা বিভূতিমান্ রামকৃষ্ণাদিকে তাহার ঈশ্বরাবতার বলিয়া অবতার বাদ বিশেষরূপে প্রচার করিলেন। তাহাদের উপাসনাকেই তাহার মোক্ষলাভের অন্ত্যোপায় বলিয়া নির্দেশ করিতেন। পৌরাণিক সময়েই কেহ শিবমূর্তি, কেহ গণপতি মূর্তি, কেহ শক্তিমূর্তি, কেহ বা বিষ্ণুমূর্তি রূপ প্রতীকে ঈশ্বর বুদ্ধি স্থাপন করিয়া সম্প্রদায়গণের সূচনা করিয়া দিয়াছিল। এখন তাহারই সমধিক সংকীর্ণতা হইয়া প্রচারিত হইতে লাগিল। কে বলিল,— “বাসুদেবং পরিত্যজ্য যোগ্যদেবমুপাসতে স্বমাতরং পরিত্যজ্য স্বপতীং বিন্দতে হিঃ ॥” বাসুদেবকে পরিত্যাগ করিয়া যে অথ দেবতার উপাসনা করে, সে স্বমাতাকে পরিত্যাগ করিয়া চণ্ডাঙ্গিনীকে ভজনা করে। কেহ বলিলেন,— “কলারাগ মমুল্লজ্য যোগ্যমার্গে প্রবর্ততে নতশ্রুগতি রস্তিতি সত্যং সত্যং ন সংশয়ঃ।” কল্পিতে তন্ত্র পথ পরিত্যাগ করিয়া যে পথান্তরের অনুসরণ করে, তাহার কখনও গতি হয় না। অপর কেহ বলিলেন,— “মহেশান্নাপরো দেবঃ” শিব হইতে শ্রেষ্ঠ দেব আর নাই।

এরূপ আমরা দেখিতে পাই, একাগ্রনিষ্ঠা ও তন্ময়তা হেতু বিভিন্ন প্রতীকই স্ব স্ব প্রাধাণ্যে স্থাপিত হইয়া সাম্প্রদায়িক দ্বন্দ্বের প্রবল কারণ হইয়া উঠিয়াছিল; কিন্তু ইহাদের মধ্যে যখন কেহ ইষ্টলাভানুরূপ নিঃশ্রেয় প্রাপ্ত হয়, তখন আর সাম্প্রদায়িকতার বিবিষ্টভাব দৃষ্টিগোচর হয় না। সেই জন্ত সাম্প্রদায়িক হইলেও, কোথাও বা বিদ্যাস্বৈরণবৎ গভীর তন্ত্র, ইহাদিগের গ্রন্থের কদাচিৎ দৃষ্ট হয়। “মংভক্তঃ শঙ্করদেবী মদেবী শঙ্কর প্রিয়ঃ। উভৌতো নরকং জাতৌ যাবচ্ছদ্দিবাকরৌ ॥” (হরিভক্তি বিলাসে) ইত্যাদি বাক্য তাহার প্রমাণ স্বরূপে উল্লেখ করা যাইতে পারে। কিন্তু অবতার হইতে আরম্ভ করিয়া নিম্নশ্রেণীর প্রতীক পর্য্যন্ত যে কোন প্রতীকোপাসনাকে কেন অবলম্বন করা যায় না, তাহার ফল বেদান্তমতে সাজু্য প্রাপ্তি বা সগুণেশ্বর নাভ। “তং যথা যথো-পাসতে তদেব ভবতি” ইত্যাদি শ্রুতি বাক্যই তাহার প্রমাণস্থল।

কিন্তু সাজুয্য প্রাপ্তিও নিগুণব্রহ্মের নিতান্ত সমীপবর্তিনী । তাই সূত্রকার বলিতেছেন,—“সামীপ্যাত্তু তদ্যপদেশঃ” ( ৪১৩১২ ) “বিশেষঞ্চ দর্শয়তি” ( ৪১৩১৬ ) সূত্রদ্বারা ও প্রতীকানুসারে যে ফলের তারতম্য হয়, তাঁহাই বুঝা যাইতেছে । যাহারা প্রতীকোপাসনার ফলে ঈশ্বর সাজুয্য লাভ করেন, তাহারা জগৎসৃষ্টত্ব ব্যতীত অগ্ৰাণ্ড ক্ষমতা ( অণিমাদি সিদ্ধি ) প্রাপ্ত হয় । “জগৎ ব্যাপার বর্জ্জং প্রকরণাদ সন্নিহিতত্বাচ্চ ।” কিন্তু তাহারা নিগুণ ব্রহ্মোপাসকের আয় নিরক্ষুশ নহে । বেদান্ত গভীর স্বরে পুনঃ পুনঃ বলিতেছেন, অহংগ্রহ উপাসকেরা নিগুণ ব্রহ্মস্বরূপাবস্থান বশতঃ জন্ম মরণের অতীত হয় । “অনাবৃত্তিঃ শব্দানাবৃত্তিঃ শব্দাৎ” ( ৪১৪১২২ ) কিন্তু প্রতীকোপাসনা হইতে অহংগ্রহ উপাসনা যে কতদূর ছুশ্চরনীয়, তাহা অনায়াসেই বোধগম্য হয় । তাই গীতা ভক্তিব্যোগাধ্যায়ে বলিতেছেন,—“ক্লেশোধিকতর স্তেষাং অব্যক্তাসক্ত-চেতসাং । অব্যক্তাহি গতদুঃখং দেহবদ্ভিরবাপ্যতে ।” দেহাভিমাত্র মানবের পক্ষে নিগুণ ব্রহ্মতাব প্রাপ্তি নিতান্ত ক্লেশকর । কিন্তু এস্থলে ক্লেশকর হইলেও প্রোক্তভাবে হেয় বলিয়া বর্ণনা করা হয় নাই । শ্রুতিতেও উক্ত পন্থার দুর্গমতা বর্ণন করিয়াছেন,—“ক্ষুরশ্চ নিশিতা ছরাত্যয়া দুর্গং পথস্তং কবয়ো বদন্তি ।” কিন্তু শ্রুতি প্রমাণে ইহা অসক্লং জানা যাইতেছে যে, নিগুণ ব্রহ্ম-স্বরূপাবস্থানই উপাসনার সংস্কারসম্পন্ন মানবই তাহার একমাত্র অধিকারী । জগতে এরূপ অধিকারী বড়ই বিরল । কিন্তু সাধা-রণতঃ লোকের পক্ষে প্রতীকোপাসনাই জ্ঞানরাজ্যে অগ্রসর হইবার প্রশস্ততম উপায় । উপাসনা প্রভাবে সত্ত্বশুদ্ধি হইলে জ্ঞানরাজ্য আপনি হইয়া পড়ে । অতএব যে কোন প্রকারের উপাসনা সকলেরই অবলম্বন করা উচিত ।

[ ক্রমশঃ ]

শ্রীশরচ্ছন্দ্র চক্রবর্তী ।

## বিলাপ ।

বল বল ত্বরা করি,  
কোথা' প্রেমময় হরি,  
ধৈরজ্জ ধ'রে সখি ! রহি কেমনে ?  
সখিলো পরাণ কাঁদে,  
তাই খুঁজি শ্রাম চাঁদে,  
সেঁ বিনে যুচায় কে মন বেদনে ?  
হৃদি মম জলে যায়,  
শুধু শ্রাম-বারি চায়,  
ঢালিবে সুধারামি মম পরাণে ।  
সে আমার আমি তাঁর,  
অন্ত কেহ আপনার,  
ধরাতে নাহি হয় পোড়া জীবনে !  
কেমন করেছ সখি,  
আমি সদা তাঁরে দেখি,  
ঝরে গো মম আঁখি তাঁরি স্মরণে,  
প্রাণ কাঁদে উভরায়,  
মন-চোরা সে কোথায়,  
বাকুলা আমি বড় শ্রাম বিহনে ।  
হৃদাকাশে শ্রামচাঁদ,  
পেতেছে মোহন ফাঁদ,  
বিভোলা আমি সদা তাঁরি ছলনে ;  
মোহন মুরলী রবে,  
কুল মান নাহি রবে,  
পাগল করেছে সে ভব ভবনে ।  
সুপ্রভাতে সু-প্রভাতে,  
এলে মোর নিকুঞ্জতে,  
কহিও সখি তাঁরে মিষ্ট ভাষণে,—

সে আমার মন প্রাণ,  
জলাঞ্জলি দিয়ে মান,  
যায়ব যথা যায় তাঁহারি সনে ;  
'পেলে আমি বনমালী,  
মাথায় কলঙ্ক ডালি,  
তুলিয়া নিব সখি ! অতি বতনে ;  
পাইলে প্রাণের হরি,  
কিনা পারে ব্রজনারী,  
কেবা না বাসে ভাল মনমোহনে ?  
সারা নিশি ধরে যাগি,  
আমরা তাহারি লাগি,  
কৈ সে আসেনা হেথা আপন মনে !  
বেন মোরা জোর ক'রে,  
লয়ে আসি করে ধ'রে,  
পাইনা তবু মন এত বতনে !  
তাঁহার নাহিক দোষ,  
সব (ই) মম ভাগ্য দোষ,  
অনেকে তাঁরে চায় বিশ্ব ভবনে  
শ্যামের অনেক আছে,  
মোর শুধু শ্যাম আছে,  
তাহারি লাগি তাই ঘুরি বিপিনে ;  
শ্যাম হে প্রাণের সখা !  
একবার দাও দেখা,  
ফাটিল বুঝি হৃদি তব বিহনে ;  
অনেক সহেছি হায়,  
অবলায় রাখ পায়,  
পরাণ বঁধু এস কুঞ্জ কাননে ।

পেলে সখা তোমা ধনে,  
যমুনা বহে উজানে,  
ধীর সমীর দোলে কদম্ব বনে ।  
হাস্য রবে গাভী সব,  
শুনিয়ে মুরলী রব,  
ধায় গো উচ্চ পুচ্ছে তৃপ্ত পরাণে ;

সকলে ত সুখী হয়,  
পেয়ে তোমা প্রেমময় !  
বঞ্চিত আমি কেন তব চরণে ?  
এস এস কালাচাঁদ,  
দূর কর অবসাদ,  
ডাকিছে রাখা দাসী তোমারে বনে !  
কিরণ ।

## মহামায়া ।

[ পূর্ব-প্রকাশিতের পর ]

( ১২ )

সারদার বাড়ী হইতে আসিয়া অবধি মহামায়ার প্রাণে এক দিনের জগৎ সুখ ছিল না। মহামায়া দেখিল, মেদিনীপুরের সেই বিপদ নূতন মূর্তি ধরিয়া তাহার বাড়ীর দ্বারে হত্যা দিতে আসিয়াছে। মনের কথা প্রকাশ করিবার লোক নাই—ভাবিয়া ভাবিয়া হৃদয়ভারে মহামায়া দুই দিনের মধ্যেই শীর্ণ হইয়া গেল। সারদার পত্রের উত্তর দিতে সাহস হইল না, স্বামীকেও পত্র লিখিতে মহামায়ার হাত আসিল না, এই রকমে সপ্তাহ কাটিয়া গেল; মহামায়াকে একাকিনী পাইয়া, চারিদিক হইতে চিন্তা আসিয়া তাহার সঙ্গিনী হইয়া বসিল। বালিকার মূর্তিখানিও কিছুতে তাহার দৃষ্টি হইতে অপসৃত হইল না। মহামায়া তাহাকে পূজবধু কল্পনা করিয়া ভবিষ্যৎ সংসারের একটা ছবি আঁকিয়া দেখিল। দেখিল সে সংসারে কত সুখ? মহামায়া বালিকার মার মুখে স্বামীনিন্দা শুনিয়া, সে স্থান হইতে যতশীঘ্র পারিল পলাইয়া আসিল। আসিয়াই স্থির করিল, বালিকার সমস্ত বিবাহের ব্যয় সে নিজের স্বন্ধে লইলেই সকল গোল মিটিয়া যাইবে। কিন্তু

যত দিন যাইতে লাগিল, মহামায়া ততই বালিকার স্নেহে জড়ীভূতা হইয়া পড়িতে লাগিল। মহামায়া মনে মনে কতবার স্বামীর সঙ্গে ঝগড়া করিল। সাতদিনের পর আবার তাহার বালিকাকে দেখিবার ইচ্ছা হইল।

পরদিন সারদার বাটীতে যাইতে মনস্থ করিয়া মহামায়া রাত্রে নিদ্রা গেল। ঘুমাইতে ঘুমাইতে স্বপ্ন দেখিল, তাহার প্রাণসম পুত্র শ্রামসুন্দর একটা অদৃষ্টপূর্ব নদীগর্ভে ভীষণ তরঙ্গের মধ্যে পড়িয়া মৃত্যুর সহিত যুদ্ধ করিতেছে। মহামায়া উন্মাদিনীর মত তীরস্থ লোকগণের নিকট সাহায্য ভিক্ষা করিতেছে, কিন্তু কেহই সে প্রকৃতির ভীষণতার মধ্যে আত্মনিষ্কেপ করিতে সাহস করিতেছে না। দেখিতে দেখিতে শ্রামসুন্দর অদৃশ হইল, লোক সকল হাহাকার করিয়া উঠিল, মহামায়া মূর্ছিতা হইল; স্বপ্নের মূছায় মহামায়ার জ্ঞান লোপ পাইল না। মহামায়া দেখিল চারিদিক হইতে লোক তাহার জ্ঞান ফিরাইবার চেষ্টা করিতেছে; কিন্তু মহামায়া মৃত্যুর দ্বার সমীপস্থা, লোকের সেবায় তাহার জ্ঞান ফিরিল না। ক্রমে লোকজন চলিয়া গেল, তাহাকে তদবস্থায় দেখিয়া দিবাও অন্তর্হিত হইল। গভীর রাত্রে যখন মহামায়ার জ্ঞান ফিরিল, তখন দেখিল,—একটা জলবালার হাত ধরিয়া তাহার প্রিয়তম পুত্র তাহাকে ‘মা মা’ বলিয়া ডাকিতেছে। “শ্রামসুন্দর তোমার পার্শ্বে উঠি কে?” শ্রামসুন্দর বলিল ‘নলিনী’।

স্বপ্নের তাড়নায় মহামায়ার ঘুম ভাঙিয়া গেল। তখন ভোর হইয়াছে, কাক কোকিল ডাকিতেছে, মহামায়া উঠিয়া বসিল। কিন্তু বোধ হইল, স্বপ্ন তাহার মস্তিষ্কের চারিদিকে এখনও পাক খাইতেছে। মহামায়া জাগিয়াও শুনিতে পাইল, “নলিনী।” মহামায়া কাণ বাড়াইয়া দিল। আবার শুনিল—“নলিনী কোথায় গেলি?” মহামায়া শয্যা হইতে উঠিল, ঘরের দ্বার খুলিল। বাহিরে পাকী-বাহকের মূছ কোলাহল শুনিতে পাইল।—ভৃত্য সনাতন উপরে আসিয়া বলিল—“মা! পিসিমা আসিয়াছে।”

মহামায়া বিশ্বয়ের হস্ত হইতে আপনাকে মুক্ত করিতে না করিতে নীচে দেখিল—সারদা সেই কণ্ঠটীকে লইয়া গৃহ প্রবেশ করিতেছে ।

মহামায়া ছুটিয়া উপর হইতে নামিয়া গেল, এবং বালিকাকে ধরিয়া কোলে তুলিয়া, সাগ্রহে তাহার মুখচুষন করিল । তার পর এক হাতে সারদার হাত ধরিয়া, অপর হাতে নলিনীকে কোলে বাধিয়া উপরে ফিরিয়া আসিল ।

সারদাসুন্দরী মহামায়াকে দেখিয়াই কত কথা বলিবে, কত তিরস্কার করিবে, মনে মনে কল্পনা করিয়া, সারাটা পথ ঝগড়ার একটা পাকা মুখবন্ধ করিতে কুরিতে আসিতেছিল । আর নলিনীকে মহামায়ার উপর তাহার আধিপত্যের কথাটাও বিশেষ করিয়া বুঝাইতেছিল । মহামায়ার বাড়ীতে ও তাহার নিজের শ্বশুরালয়ের শুধু ইট কাঠের তফাৎ এটা নলিনীকে, অতীতের গল্প মালায় বিশেষ করিয়া হৃদয়ঙ্গম করিয়া দিয়াছিল, নলিনী বুঝিয়াছিল—পিসিমার এক বাড়ী হইতে যেন তাহার আর এক বাড়ী চলিয়াছি । সেখানেও সমান আদর, সমান যত্ন, সেখানেও তাহার বউদিদির প্রতাপে, গৃহের অন্তান্ত পরিবার বর্গ শশব্যস্ত ।

কিন্তু মহামায়াকে দেখিয়া, ও তাহার ভাব লক্ষ্য করিয়া সারদাসুন্দরীর কথা ফুটিল না । মহামায়ার চক্ষু দিয়া দর দর ধারে জল ছুটিয়াছিল ।

সারদা শুক্রমাত্র বলিল—“তুমি আজ যাইবে, কাল যাইবে করিয়া প্রত্যাশে বসিয়া রহিলাম । যখন দেখিলাম, কিছুতেই আসিলে না, তখন তোমার নূতন মেয়েটীকে কাজে কাজেই লইয়া আসিলাম ।”

মহামায়া দীর্ঘ নিশ্বাস ফেলিয়া বলিল, “বেশ করিয়াছ । তুমি আমার জীবন-দায়িনী ।”

সারদা আর একবার মহামায়াকে ভাল করিয়া দেখিল । মহামায়া শীর্ণ হইয়াছে ।

( ১৩ )

সমস্ত দিন মহামায়ার সহিত সারদার অনেক কথা হইল । সমস্ত ব্যাপার বিষদরূপে বুঝিয়া সমস্তা মীমাংসার সমস্ত ভারটা নিজের স্কন্ধে লইল । নলিনীকে শ্রামসুন্দরের হস্তে সমর্পণ করিবার ইচ্ছা তাহার হৃদয়ে এত বলবতী হইয়াছিল যে, সে কৃষ্ণধনকে যে কোন উপায়ে তাহার মতাবলম্বী করাই সে স্থির সিদ্ধান্ত করিল । নহিলে সে আর তাহাদের সহিত সম্পর্ক রাখিবে না । স্বামী প্রতিবাদ করিলে তাহারও সহিত আর বাক্যালাপ করিবে না । বলুক লোকে তাহাকে অকৃতজ্ঞা, বলুক তাহাকে নারী-মূলভ ধীরতা বর্জিতা স্বাধীনা ! সারদা মীমাংসা করিবার পূর্বে মনে মনে করিল—কেন, কুল ভাঙিলে ক্ষতি কি ? ইংরাজী শিক্ষার প্রাচুর্ভাবে ইংরাজী ভাবাপন্ন সমাজে, কুলকর্ম্মত্যাগী ধর্ম্মত্যাগী নিত্য যবন পদলেখী বাঙ্গালী ব্রাহ্মণের মধ্যে আবার দেই পুরাতন বল্লালী প্রথা কেন ? বাপ হাকিমী করিতেছে, ছেলে উপযুক্ত শিক্ষা পাইতেছে—তাহাদের আবার কুল গৌরবে কি • অধিক গৌরব বৃদ্ধি হইবে ? আর নলিনীর সহিত বিবাহ দিলে কুলটাও একেবারে রাসাতলে যাইতেছে না ; বড় জোর ভঙ্গ হইবে । কুলের মর্যাদা নষ্ট হইতে পাঁচ ছয় পুরুষ লাগিবে । শ্রামসুন্দরের পর পাঁচ ছয় পুরুষ ! ততদিনে ওলাউঠা ম্যালেরিয়া ছর্ভিক প্রপীড়িত বাঙ্গালায়, বাঙ্গালী থাকিবে কি ? সারদা কৃষ্ণধনের ভ্রম বুঝিল, তাহাকে মূর্খ পণ্ডিত স্থির করিল । আর শ্রামসুন্দর নলিনীর একত্র বন্ধনে একটী সোণার সংসারের ছবি দেখিতে দেখিতে পাড়ায় বেড়াইতে গেল । তখন সন্ধ্যা হয় হয় হইয়াছে ।

সন্ধ্যার সময় নলিনী বাড়ীর সম্মুখস্থ ছোট একটী ফুলের বাগানে বেড়াইয়া বেড়াইয়া ইচ্ছামত ফুল তুলিতে ছিল । সনাতন জিনিসপত্র আনিতে হাটে গিয়াছে । পাচিকার অস্থখ হইয়াছে বলিয়া, মহামায়া রন্ধনের উদ্যোগে আছে । কাজেই বালিকা বাগানেই রহিল । বহুক্ষণ কেহ আর সন্ধান পাইল না ।

ঠিক সেই সময় কৃষ্ণধন কলিকাতা হইতে বাটী ফিরিতে ছিলেন। তাহার সঙ্গে ভৃত্য কলিকাতা হইতে আনীত দ্রব্যাদি আনিবার ব্যবস্থায় দূরে পড়িয়াছিল। কৃষ্ণধন একাই বাড়ী আসিতে-ছিলেন। বাটীর সম্মুখে উপস্থিত হইয়াই তিনি দেখিতে পাইলেন, তাহার ছোট বাগানটীতে একটা সোণার ফুল ফুটিয়াছে।

কৃষ্ণধন প্রথমে বিস্মিত হইলেন। বিস্ময় দেখিতে দেখিতে শঙ্কায় পরিণত হইল। কৃষ্ণধন বুঝিলেন, মহামায়া আবার বিলাট বাধাইয়া বসিয়াছে! বিভ্রাট—কেন না কৃষ্ণধন কলিকাতায় শ্রামসুন্দরের একটা বিবাহের সম্বন্ধ স্থির করিয়াছেন। তিনি পাকা দেখিয়াছেন, আগামী কল্য ভাবী বৈবাহিক তাহার গ্রামে আসিয়া পাকা দেখিয়া যাইবেন।

বালিকা আপন মনে ফুল তুলিতে ছিল, আর কৃষ্ণধন দাঁড়াইয়া দাঁড়াইয়া দেখিতে ছিলেন, আর মহামায়া কি করিল, নিজেইবা তাড়াতাড়ি কি করিয়া ফেলিয়াছেন, ভাবিতেছিলেন। তিনি মনে মনে বলিলেন “সম্বন্ধ স্থির করিবার পূর্বে অন্ততঃ মহামায়াকে সংবাদ দিলে ভাল হইত।”

সহসা বালিকার দৃষ্টি কৃষ্ণধনের উপর পড়িল। অন্তঃসমনোমুখ অরুণ আভায় স্তবর্ণ-রাগ-রঞ্জিত, অতসী-বর্ণা বালিকার মুখ-মণ্ডলশ্রী কৃষ্ণচন্দ্রের তারকাযুগল ভেদ করিয়া হৃদয় মধ্যে প্রবেশ করিল। বালিকা কে-ত-কে আসিয়াছে ভাবিয়া, আবার ফুল তুলিতে আরম্ভ করিল।

কৃষ্ণধন জিজ্ঞাসা করিলেন—“তুমি কাদের বাড়ীর মেয়ে গা!”

নলিনী মুখ ফিরাইয়া ইঙ্গিতে কৃষ্ণধনের বাড়ী দেখাইয়া দিল। তার পর আবার ফুল তুলিতে বসিল। চঞ্চল পদে এদিক ওদিক চারিদিক ঘুরিতে ঘুরিতে সন্ধ্যারাগরঞ্জিত আকাশ তলে, গোলাপ মল্লিকাদি পুষ্প শোভিত উদ্যানটীর সমস্ত শোভা নিজের ক্ষুদ্র অঙ্গটীতে পূরিয়া, সেই ক্ষুদ্র বালিকা কৃষ্ণধনের অন্তরের স্তরে স্তরে ইন্দ্রিয়ের অল্পভোগ্য এক অপূর্ণ আনন্দের প্রতিষ্ঠা করিয়া বসিল,

কৃষ্ণধন গলিয়া গেলেন। মনে মনে বলিলেন, কি করিলাম! মহামায়া পুত্রের শুভাকাজ্জিনী, যদি শ্রামসুন্দরের জন্মই এই কন্ঠা আনিয়া উপস্থিত করে, তা হইলে ত তাহাকে বলিবার কিছুই নাই। কৃষ্ণধন আবার প্রমাদ গণিলেন। আবার বালিকাকে জিজ্ঞাসা করিলেন;—“এ বাড়ীতে তোমার কে আছে।”

বালিকা বলিল—“মা।”

কথাটা কৃষ্ণধনের পক্ষে হেঁয়ালির মত ঠেকিল। আর কোন কথা না কহিয়া, তিনি বাড়ীতে চলিয়া গেলেন।

বাড়ীতে প্রবেশ মাত্রই মহামায়ার সঙ্গে তাহার সাক্ষাৎ হইল, কৃষ্ণধন দেখিলেন, মহামায়া কৃশা ও মলিনা হইয়াছে। কিন্তু কারণ জিজ্ঞাসা করিতে তাহার অবকাশ হইল না। আর মহামায়াকে শ্রামসুন্দরের কুশলাদি জিজ্ঞাসা করিতে দিতে তাহার সময় হইল না। কৃষ্ণধন একেবারে জিজ্ঞাসা করিলেন,—“বাহিরে যে কন্ঠাটিকে দেখিলাম, তটী কে?” মহামায়া মুহূ হাসিল, আর বলিল—সারদা আসিয়াছে, তাহার কাছেই সমস্ত শুনিতে পাইবে; আমি বলিতে পারি না।”

কৃষ্ণধন আবার বলিলেন—“বালিকার মুখে শুনিলাম, এ বাড়ীতে তাহার মাও আসিয়াছে।” মহামায়া আবার হাসিল, আর বলিল—“মা আইসে নাই। তাহার মা এই বাড়ীতে বরাবরই বাস করিতেছে।

ক্রমে প্রহেলিকার মীমাংসা হইল। কৃষ্ণধন বুঝিলেন—“মহামায়া যে কৃষ্ণধনের স্ত্রী, মেয়েটা কেমন করিয়া জানিতে পারিয়াছিল। জানিয়া অন্তঃপুরস্থা মহামায়ার উদ্দেশে “মা মা” করিয়া কাঁদিতে কাঁদিতে, তাহাদের গ্রামের চারি ধারে ঘুরিত। শেষে পথ ভুলিয়া কেমন করিয়া মহামায়ার গৃহে আসিয়া পড়িয়াছে। সুতরাং তাহাকে কোন্ গৃহস্থ কন্ঠা আশ্রয় না দিয়া থাকিতে পারে?”

কৃষ্ণধন কতক কতক ঘেন বুঝিয়া একটা দীর্ঘ নিশ্বাস ফেলিলেন। বলিলেন—“মহামায়া! এমন সুন্দর বালিকা আমার চক্ষে ঠেকে নাই। তুমি যে ইহাকে পুত্র-বধু করিবার জন্ম গৃহে আনিয়াছ, আমার মত

লইবার অপেক্ষা কর নাই, ইহাতে তোমার কোনও দোষ দেখিতে পাই না; অধিকন্তু তোমার পছন্দের প্রশংসা করি। বলিতে কি মহামায়া! বালিকার সৌন্দর্য্য দেখিয়া আমি পর্য্যন্ত বিমুগ্ধ হইয়াছি। কিন্তু বড়ই হুঃখের কথা, তোমার এ অনুরোধ রক্ষা করিতে পারিলাম না।

সাগ্রহে মহামায়া জিজ্ঞাসা করিল—“কেন?”

কৃষ্ণধন বলিলেন—“আমি শ্রামশূন্যদের সঙ্ঘ হির করিয়া আসিয়াছি। কাল তাহারা পাকা দেখিতে আসিবে।”

মহামায়ার মুখ আবার বিবর্ণ হইয়া গেল। কিন্তু আর কোনও কথা না বলিয়া শুদ্ধ মাত্র স্বামীকে বিশ্রাম লইতে অনুরোধ করিল। কৃষ্ণধন উপরে গেলেন। মহামায়া আবার কৃষ্ণধনের আগমনে আহালাদির নূতন ব্যবস্থায় প্রবৃত্ত হইল।

[ ক্রমশঃ ]

শ্রীক্ষীরোদপ্রসাদ ভট্টাচার্য্য ।

## কাল-যন্ত্র মাহাত্ম্য ।

১  
কে তুমিগো ধরাধামে আসিলে ছলিতে  
সুধাই তোমারে,  
ছুটে ছুটে কেন বল,  
রাতিদিন অবিরল,  
খুঁজিছ অমূল্য নিধি বিশ্বের মাঝারে  
সেই তত্ত্ব তুমি বিনা কে বুঝিতে পারে

২  
তুমি কি আমার মত হুঃখী কোনজন  
এ ধরণী' পরে,  
তাই ঘূর অনিবার,  
লইয়া হুঃখের ভার,  
নিশিদিন একমনে প্রায়শ্চিত্ত তরে,  
অবশু মিটিবে সাধ কিছুকাল পরে।

৩  
আমার(ও)জীবনে আর আনন্দ তুফান  
উঠে না কখন,  
শৈশবের হাসি খেলা,  
ঘুচেছে শৈশব বেলা,  
কিশোর বয়সে দেখি নীরদ ভীষণ,  
আবরিল এক কালে তরুণ জীবন।

৪  
আর কি উদিবে কভু শারদ চন্দ্রমা  
হৃদয় গগনে,  
আর কি জ্যোছনা রাশি,  
ঢালিবে পীযুষ রাশি,  
কেমনে বিকাশ পাবে মেঘ আবরণে,  
এ মেঘ কি সরে কভু প্রচণ্ড পবনে?

৫  
না না মিছে কেন তোরে পাগলের প্রায়  
নিজ দলে টানি,  
স্বামী নও তুমি সত্য,  
কইছি তোমার তত্ত্ব,  
সাধে কি ঘূরিছ তুমি দিবস যামিনী,  
আছে গুঢ় হেতু তার আমি তাহা জানি

৬  
কালের কুটিল তত্ত্ব শেখাতে মানবে  
এসেছ হেথায়,  
কালের করাল কোলে,  
কেমনে মানব খেলে,  
কোথাবাতাহার আদি অন্তবা কোথায়,  
তুমিই রহস্তভেদ করিলে ধরায়।

৭  
কিনামে ডাকিলে তোরে অন্তরের ভাব  
নকল (ই) বুঝায়,  
“ঘড়ী”টী যে ছোট কথা,  
মরমে রহিল ব্যথা,  
হৃদয়ের ভাষা কভু লেখা নাহি যায়,  
বড়ই রহিল ব্যথা এ জীবনে হায়।

৮  
ধীরে ধীরে দিবারাতি চলিছে তোমার  
যুগল চরণ,  
নাহিক ভাবনা কিছু,  
কভু না হাঁটিছ পিছু,  
অগ্রসর—এইমাত্র মন্ত্রের সাধন,  
সদাই করিছ তুমি শরীর পতন।

৯  
শান্তিময়ী মহিষুতা একাধারে তোমা'  
সতত বিরাজে,  
কভু ত হওনা শান্ত,  
ঘূরে ঘূরে দেহ অন্ত,  
তথাপি শিথিলভাব আপনার কাজে,  
কভু না লক্ষিত হয় ঘুরণের মাঝে।

১০  
তোমার দৃষ্টান্ত সব দেখে মুচ নরে  
দেখে ত শিখেনা,  
নিজের কাজের বেলা,  
সদা করে অবহেলা,  
কভু ত উন্নত আশা হৃদয়েতে ধরেনা,  
বুথাকাজে সদাব্যস্ত আসলে ছলনা।

১১  
তুমিত শেখাও নরে, চলেছে সময়  
নাহি তার সীমা,  
অনন্তের তুমি ছায়া,  
অনন্তে বিলীন কায়া,  
এ নশ্বর ধরাধামে অনন্ত প্রতিমা,  
সান্ত নরে কিবা জানে অনন্ত মহিমা!

১২  
তুমি হে জগদ্বন্ধু, সাধিতে বিশ্বের হিত  
তোমার জীবনে,  
যে দণ্ডে যে কাজ নরে,  
করিতে বাসনা ধরে,  
সে দণ্ড আসিলে তুমি জানাও তখন,  
তোমাসম হেন বন্ধু আছে কোনজন?

তুমি হে যমের দূত হরিতে সবারে  
হেথা আগমন,  
প্রতিপলে কাঁটা সরে,  
মানব জীবন হ'রে,  
ক্রমশঃ নে'ষাও তুমি শমন ভবন,  
তোমাসম হেন শত্রু আছে কোনজন

রাখে ত পুরুষে জানি হৃদয় মন্দিরে  
রমণী রতন,  
এইমাত্র বিয় তায়,  
নিরজন স্থান চায়,  
সকলের মাঝে তায় হৃদয়ে ধারণ,  
সরমের মাথা পেয়ে পারে কোনজন ?

এসব ভাবনা কভু উঠে না হৃদয়ে  
ধরিতে তোমারে,  
ধরিলে তোমারেই ক,  
নাহি লাজ ছোঁয়ে না,

সরম না পায় স্থান সবার মাঝারে,  
তোমার বদনখানি সত্তত নেহারে ।

ধন্য এই ধরাধামে ওহে ক্ষুদ্র জীব  
তোমার জীবন,  
এইরূপ চিরকাল,  
দেখাও অনন্তকাল,  
এই বেলা কর সবে কার্য সমাপন,  
কিছু নাহি বাকিরয় আসিলে শমন ।  
শ্রীগোপালকৃষ্ণ ঘোষ ।

## জীবনের নাট্যাভিনয় ।

ভাই নব্যযুবক ! নগরের নাট্যশালায় নিত্য নূতন পয়সা খরচ করিয়া কত নব্য, নূতন নাটকের নাট্যাভিনয় দেখিয়াছ ও দেখিতেছ— দেখিয়া ভাবের বিভ্রমে কখন কখনও হাঁসিয়াছ, কখনও কাঁদিয়াছ, কত প্রেমিক প্রেমিকার প্রেমের পশরা প্রাণ ভরিয়া আশ্বাদন করিয়াছ, কত সং ঢং ও রং তামাসা দেখিয়া হৃদ মজা পাইয়াছ, আবার কত বিয়োগান্ত নাটকের বিয়োগ বিধুরা বালার বিরহ, বিচ্ছেদ বিলাপ পরিতাপের অভিনয়ে নীরবে অশ্রুপাত করিয়াছ, আর অভিনেতা ও অভিনেতৃগণের অভাবনীয় ভাব বৈচিত্রে অভিনয়েয় ভূয়সী প্রশংসা করিতে করিতে গৃহে প্রতিগমন করিয়াছ ।

কিন্তু গৃহে গৃহে আমাদের জীবন নাটকের যে নিত্য নূতন

এই শৈশবাভিনয়ই—আমাদের জীবন নাটকের প্রথম অঙ্ক । ইহার কয়েকটি গর্ভাঙ্কে ওই শিশু ক্রমশঃ বলিষ্ঠ ও বয়োপ্রাপ্ত হইয়া ধাবন কুর্দন, অমুকরণাদি নানা বিষয়ের অভিনয় করিতে তাহার বাল্য জীবনের অবসান করিতেছে—

এই বার দ্বিতীয় দৃশ্য । ঈশৎ শশুরাজি সমন্বিত নব্যযুবক, সুন্দর সজ্জিত হইয়া সন্তোষে, সোৎসাহে রঙ্গমঞ্চে বিচরণ করিতেছেন, আর নুবীন উৎসাহে আশার কুহকিনী শক্তিতে সকল দিকে দৃষ্টিপাত পূর্বক কখন এক দিকে, কখনও অন্য দিকে গমন করিতেছেন । উদ্যম আছে অথচ যেন অধ্যবসায় নাই, উৎসাহ আছে অথচ যেন লক্ষ্য স্থির নাই, মনের বল আছে অথচ যেন কনস্থের স্থিরতা নাই; প্রাণের পিপাসা আছে অথচ যেন মিটাইবার স্থান নাই । এই অঙ্কের অভিনয় জীবন নাটকের কঠিনাংশ ; এই সময়ের চঞ্চলতা, এই সময়ের আবেশ, এই সময়ের ভাব বেশ বজায় রাখিয়া দর্শকের আশানুরূপ অভিনয় করা বড়ই কঠিন । ওই দেখ রিপুকুল প্রবল প্রতাপে তাহার চতুর্দিক বেষ্টিত করিল, যেন বীর বালক অভিমতু্য সপ্তরথী পরিকেন্দ্ৰিত হইলেন । যুবককে তুমি এই অঙ্কে ও ইহার অন্তর্গত কয়েকটি গর্ভাঙ্কে অধিকাংশ সময়েই ভীষণ সংগ্রামে লিপ্ত থাকিতে দেখিতে পাইবে ।

আবার দেখ এই অঙ্কের একটি গর্ভাঙ্কে ওই যুবক নায়ক, নায়িকার সহিত মিলিত হইল, দুইটি প্রাণ যেন মিলিয়া একটি হইয়া গেল, উভয়ের বলে উভয়ে বলীয়ান হইয়া আবার নূতন উৎসাহে জীবনের আহবে ঝাঁপ দিল । যুবক, ওই দেখ, কখনও ঘোরতর যুদ্ধ করিতেছেন, কখনও পদস্থলিত হইতেছেন, আবার পুনরায় উঠিয়া বিপুল ষিক্রনে শত্রুকুল নিশূল করিতেছেন । এ দৃশ্য কি ভীষণ, এ অভিনয় কি তেজোপূর্ণ, তোমার যদি Capital বা Excellent বলিয়া হাঁক মারিবার ইচ্ছা থাকে, তাহা হইলে এই সময়েই সে সাধ পূরণ কর, আর করতালি প্রদানই যদি অভিনয়ের ঔৎকর্ষ জ্ঞাপক হয়, তাহা হইলে এ সময়েই একবার সজোরে শব্দ করিয়া লও, কারণ এই অঙ্কে ও ইহার গর্ভাঙ্ক প্রেম পিরীতের ছড়াছড়ি, নয়নবাণের হানাহানি



বিরহ বিচ্ছেদের কাঁদাকাঁদি এবং আদান প্রদানের বাড়াবাড়ি হুড়াহুড়ি সমস্তই আছে—আবার যুদ্ধক্ষেত্র, ভীষণ সংগ্রাম, “হাহতোস্মি” উত্থান পতন, লক্ষন, ঝ্পন—তাহাও আছে ।

দেখিতে দেখিতে দ্বিতীয় দৃশ্য অদৃশ্য হইল, ভবিষ্যের যবনিকা উন্মোচিত হইয়া জীবন নাটকের তৃতীয় দৃশ্য তোমার দৃষ্টিপথে পতিত হইল । ইহাতেও সেই দম্পতি নায়ক নায়িকা ; তবে নায়ক নায়িকার চলনে বলনে, গমনে উপবেশনে পূর্ব ভাবের কিঞ্চিৎ পরিবর্তন লক্ষিত হইতেছে । আর যেন সে তেজ, সে উৎসাহ, সে উত্তম নাই ; বিষাদ কালিমায় মুখশ্রী শ্রীভ্রষ্ট, গভীর চিন্তায় কপোল কুঞ্চিত, আর সর্বাবয়বে যেন কি মরম বেদনার মন্বাস্তিক ভাব মাথান রহিয়াছে । “এখন বিষম বিষাদ বিষে জর্জরিত হইয়া দম্পতি দারুণ কষ্টে অগ্রসর হইতেছেন, কক্ষে কতকগুলি শিশু সন্তান,—তথাপি কিন্তু পশ্চাদপদ নহেন, প্রাণ-পণে অরাতি নিধন সাধন করিতে করিতে স্থীয় গন্তব্য পথে অগ্রসর হইতেছেন । কখনও অতিশয় শ্রান্ত ক্লান্ত হইয়া ক্লণকাল উপবেশন করিতেছেন ; আবার সুকুমারগণের প্রতি স্নেহে দৃষ্টিপাত করিয়া আবার যেন নূতন বলে বলীয়ান হইতেছেন । এ দৃশ্যে নায়কের নিত্য নূতন সাজ সজ্জা সরঞ্জাম ; অবস্থানুসারে তাঁহাকে কত রকম সাজ পোষাক, চলন, বলন, ও অঙ্গ ভঙ্গিমার ব্যবস্থা করিতে হইতেছে । ইহার অভিনয়ে, ওই দেখ, কখনও পাষণ গলিতেছে, আবার কখনও হাসির ফোয়ারা ফুটিতেছে ।

কিয়ৎক্ষণ পরে এ দৃশ্যপট দৃষ্টির অতীত হইল, আবার নূতন অঙ্কের অভিনয় । ওই দেখ পলিতকায়, শুভ্র কেশ বৃদ্ধ সুখশয়নে শায়িত হইয়া সহস্র বদনে সমাগত জনগণের সহিত কত গল্প গুজব ও মুহুমূহু ধুম পান করিতেছেন—রণক্লান্ত মহাবীর ভীষ্ম যেন শরশয্যায় শয়ন করিয়া সমাগত আত্মীয়বর্গকে রাজধর্ম শিক্ষা দিতেছেন, আর মধ্যে মধ্যে মহিমার্গবের মাহাত্ম্য বর্ণনায় বর্ণনাভীত সুখের আশ্বাদ লাভ করিতেছেন । এদৃশ্যে নায়কের সে কোশল, সে কার্য্য পটুতা, সে উত্তম উৎসাহ, সে রঙ্গ ভঙ্গ কিছুই নাই, আছে কেবল—সুদীর্ঘ অভিজ্ঞতার

অভিনয় হইতেছে, তাহা কি কখনও দেখিয়াছ’? এই বিশাল বিশ্বের বিস্তৃত রঙ্গক্ষেত্রে প্রকৃতির অত্যন্ত পট-পরিবর্তনে আমাদের জীবন নাটকের যে জীবন্ত অভিনয় হইতেছে, তাহা কি কখনও সন্দর্শন করিয়াছ’? এ অভিনয়ে যে হাঁসি কান্না, চূর্ষ বিষাদ, ও সুখ দুঃখের বিচিত্র সমাবেশ আছে, তাহা দেখিয়া কখন কি কাঁদিয়াছ, হাঁসিয়াছ’? সংসারের এ অভিনয়ের নিত্য নূতন অভিনব অঙ্কে রং তামাসা সকলই যুগ্মমান । যদি এই মরজগতের মরম বেদনায় স্বীয় মন্বাস্তিক শীথিল করিবার বাঞ্জা থাকে, যদি বিধ প্রেমিকের প্রেম প্রবাহিত পবিত্র করিবার সাধ থাকে, যদি অসার সংসারের সার বস্তুর রসাস্বাদ করিবার ইচ্ছা থাকে, যদি পরাংপরের পবিত্র প্রেমের সুধা আশ্বাদনে অগ্রসর হইতে চাও, তাহা হইলে এই প্রকৃতির পট পরিবর্তনে মানব জীবনের যে অভিনয় অহরহ হইতেছে, তাহা একবার প্রাণ ভরিয়া সন্দর্শন কর ।

ঐ দেখ, হীরক খচিত সুনীল চন্দ্রাতপের নিম্নে বিশাল বিশ্ব মঞ্চ বিস্তৃত রহিয়াছে, আর ওই প্রদীপ্ত দীপশিখা নীল চন্দ্রাতপে নীল থাকিয়া উজ্জল আলোকে রঙ্গক্ষেত্র আলোকিত করিতেছে, ঐ আলোকে প্রতিফলিত হইয়া চন্দ্রাতপের চন্দ্র সদৃশ হীরক খণ্ড সমূহ কেমন ধক্ ধক্ জ্বলিতেছে ! আর ওই যে প্রকৃতি দৃশ্য পট কত নদ নদী সরিৎ-সাগর বন উপবন প্রান্তর পুলিন বক্ষে ধারণ করিয়া ভাবুক দর্শকের দর্শনে-দ্রিয়ের পরিভূষ্টি সাধন করিতেছে, নিম্নে দেখ কলকণ্ঠে কুজনকারী বিহঙ্গকুল স্তমধুর সুরতান লয়ে তান ধরিয়। ঐক্যতান বাদ্যে উৎসুক দর্শকবৃন্দের উৎসাহ বর্ধন করিতেছে ।

কালের আবর্তনে একটীর পর একটী করিয়া প্রকৃতির দৃশ্য পট উঠিতেছে ও পড়িতেছে, আর এই ব্যবধান সময়ের মধ্যে মানব জীবনের এক একটী অঙ্কের অভিনয় হইয়া যাইতেছে ! ক্ষণেক অপেক্ষা কর, এই জীবন নাটকের অভিনয়ে কত “তাজ্জব ব্যাপার” কত “পঞ্চরং” কত “আনন্দ রহো” কত “নিরানন্দ রহো” আর কত রকম “বিভ্রাট” দেখিয়া তোমার চিত্ত বিভ্রম জন্মিবে, তখন বুঝিতে

পারিবে, ইহাতে কত “হৃদ মজা” কত প্রফুল্লতা, কত ডিগ্রী “ডিশ্‌মিস্” আর রং বেরঙ্গের প্রহসন নিহীত আছে ।

অভিনয় দর্শন করিবার পূর্বে নাটক খানির কিঞ্চিৎ পরিচয় আবশ্যক, অন্তথা অভিনয় দর্শনের আমোদ সম্যক অনুভূত হয় না ।

আমাদের “জীবন নাটক” খানি প্রধানতঃ পাঁচ অঙ্কে বিভক্ত, তবে প্রত্যেক অঙ্কেই অবশ্য কতিপয় গর্ভাঙ্ক আছে । নাটক খানির প্রারম্ভে আশা, উৎসাহ, উদ্যমের সম্যক আবেগ আছে ; মধ্যে ভীষণ সংগ্রাম, বিভিন্ন প্রকারের সমাবেশ ও অনেক রকম প্রহসনের প্রবাহ আছে, কিন্তু শেষে নাটক খানি বিয়োগান্ত নাটকেই “Tragedy” পর্য্যবসিত হয় । ইহার শেষাঙ্ক বড়ই Pathetic.

আমাদের জীবন নাটকের অভিনয়ে প্রোগ্রাম, হ্যাণ্ডবিল্ প্রভৃতিরও বিশেষ বন্দোবস্ত আছে, আর সেই হ্যাণ্ডবিলে নাট্যকারের নাম ধাম সুবর্ণ অঙ্করে খোদিত আছে । কাল, সকাল, সন্ধ্যায়, প্রাস্তরে, পর্বতে, পুলিনে এমন কি গৃহে গৃহে সেই সুন্দর সজ্জিত প্রোগ্রাম সকলের চক্ষের সামনে ধরিয়া দিতেছে ; কিন্তু হায় আমরা তাহা পড়িতে পারি না—আমরা সে অঙ্কর চিনি না—আমরা সেই মহান্ নাট্যকারের প্রতি-বিশ্ব প্রোগ্রামের গাত্র, হ্যাণ্ডবিলের প্রত্যেক ছত্রে অঙ্কিত দেখিয়াও তাহাকে চিনিতে পারি না ।

ওই দেখ, প্রথম দৃশ্য পট উখিত হইয়াছে ; দেখ দেখি, স্নেহময়ী, স্বর্গীয় সরলতার আদর্শরূপিনী ওই মোহিনী মূর্তির অঙ্কে কেমন সুন্দর স্নেহের পুতলী আপন আমোদে আপনি বিভোর হইয়া ক্ষুদ্র হস্ত পদ সঞ্চালনে কেমন ক্রীড়া করিতেছে, আর মধ্যে মধ্যে পরমেশ প্রেম প্রকাশক পরম পীযুষ পান করিয়া পরমানন্দে নৃত্য করিতেছে ; আহা কি স্বর্গীয় ভাব ! স্বার্থত্যাগে কি সুন্দর দৃশ্য, স্নেহের কি সুন্দর বিকাশ, স্বভাবের কি সুন্দর সৃষ্টি ! জননী ওই স্নেহের পুতলীকে, দেখ কত সযতনে লালন পালন করিতেছেন, কত আদরে কত সোহাকে তাহার সাস্তনা বিধান করিতেছেন । এই স্বাভাবিক দৃশ্য কি মনোহর নয় ?

সার গর্ভ উপদেশ—আর আছে—বিশুদ্ধ ঐশী প্রেম, বিমল আনন্দ ; আর বিগত বিষয়ের অনুতাপ । ফল কথা এ দৃশ্যের অভিনয়ে দর্শনীয় অপেক্ষা শিক্ষনীয় বিষয়ই অধিক । অতএব তুমি মনোযোগের সহিত সেই মনোহর মধুর অভিনয় দর্শন ও শ্রবণ কর ।

অর্ধৈর্য্য হইওনা, এই বার জীবন নাটকের শেষাঙ্ক অভিনীত হইবে । কিন্তু অহো ! সে দৃশ্য—সে শোকাভিনয় আর দেখিয়া কাঁপ নাই ; শেষ না দেখিলে—তোমার অভিনয় দর্শন অপূর্ণ থাকিবে । অতএব আর একটু অপেক্ষা করিয়া “জীবনের চরম অবস্থা” আমাদের “শেষের সে দিন” দর্শন কর ।

যে স্নেহের পুতলীকে সবত্রে মাতৃ অঙ্কে পরিবর্দ্ধিত হইতে দেখিয়াছিল, যে সুন্দর সুপুরুষ যুবাযুগকে সংসারের ভীষণ সংগ্রামে উন্মত্ত হইতে দেখিয়াছিল, যে শাস্ত দান্ত গম্ভীর প্রোচকে সোণার সংসারের মধ্যে সুখ শয়নে শায়িত দেখিয়াছিল, আজ সেই দেহ, জীর্ণ শীর্ণ ধুলব-লুপ্তিত ;—সংসারের খেলা সাক্ষ হইয়াছে । সাজান বাগান পড়িয়া রহিল, পুত্র কলত্র নেত্রনীরে ভানিতে লাগিল, আর প্রাণ পাখী দেহ-পিঞ্জর পরিত্যাগ করিয়া উড়িয়া গেল, ওই দেখ মৃত দেহ মুহাম্মশানে আনীত হইল, চিতাগ্নি জলিয়া উঠিল—আর ক্ষণেকের মধ্যে এই ক্ষণ ভঙ্গুর দেহের অবমান হইল—সব ফুরাইল—পঞ্চভূতের বিচিত্র ব্যাপারে অনন্ত কাল সাগরে যে জলবিষটী উখিত হইয়াছিল, তাহা কিয়ৎক্ষণ পরে কাল সাগরেই লীন হইল—যাহাতে উৎপত্তি, তাহাতেই নিবৃত্তি ; যেমন ভাবে গঠিত হইয়াছিল, আবার তেমনি করিয়া মিশিয়া গেল ।

চিতাগ্নি নিবিল—পাঁচে পঞ্চ মিশাইল, আত্মীয় স্বজন, শেষের সম্বল সেই “হরিনাম” উচ্চারণ করিয়া গৃহে প্রতি নিবৃত্ত হইল, আমাদের জীবননাটকের অভিনয়ও শেষ হইল ।

এই অভিনয় সম্বন্ধে একটু মন্তব্য প্রকাশ করিয়াই তোমাকে বাটী যাইতে দিব, কারণ রাত্রি অনেক হওয়ায় বোধ হয়, তুমি অত্যন্ত অর্ধৈর্য্য হইয়াছ । অবস্থা ভেদে এই জীবন নাটকের অভিনয় হইয়া থাকে, তোমাকে যাহা দেখাইলাম, প্রত্যেক অভিনয়েই যে ঠিক এইরূপ হয়

তাহা মনে করিও না। তবে যাহা সচরাচর অভিনীত হয়, তাহাই  
অল্প তোমাকে দেখাইলাম ।

শ্রীবিনোদলাল চট্টোপাধ্যায় ।

## স্বরলিপি ।

## ভৈরবী—যৎ ।

কথা—শ্রীগিরিশ্চন্দ্র ঘোষ ।

সুর—শ্রীরামতারণ সান্যাল ।

ছাড়ি যদি দাগা বাজী কৃষ্ণ পেলেও পেতে পারি ।

আমি কি পারবো বাবা দেখি বেয়ে পারি হারি ॥

যদি কেউ বাংলে দিতো, এমন লোক দেখলে হতো,

দাগাবাজীর উপর বাজী খেলা বড় বিষম ভারি ॥

## আস্বায়ী ।

গ গ | গ ঙ্গ | সাঁ | নি | নি সা | ঙ্গ ঙ্গ | ঙ্গ  
ছা ড়ি | . . . . . য দি . . . . . দা গা বা

সাঁ | সা সাঁ সা ঙ্গ | গ ঙ্গ | ঙ্গ ঙ্গ ঙ্গ  
জী | ক ক . . . . . পে লে . . . . . ও

গ গ | ঙ্গ গ | গ ঙ্গ সা সা সা | সাঁ সাঁ  
পে তে | পা রি . . . . . আ মি কি পার

ঙ্গ | ঙ্গ ঙ্গ | ঙ্গ ঙ্গ | ঙ্গ ঙ্গ | ঙ্গ  
বো . . . . . বা বা . . . . . দে খি বে

ঙ্গ ঙ্গ | ঙ্গ ঙ্গ | গ ঙ্গ | সাঁ সাঁ  
রে . . . . . পা রি হা . . . . . রি

অন্তরা ।

স্ব সা নি ষ নি নি সা স্ব সা নি  
ব দি কে উ বাৎ লে দি

স সা সা স্ব গ ম ম ম গ গ গ  
তো এ মন্ লো ক দেখ লে

স্ব সা সা ষ ষ ষ স্ব ম ম ম  
হ তো দা গা বা জী র উ প

ম ম স্ব ম ম ম গ গ গ গ ম গ স্ব  
র বা জী খে লা ব ড

স্ব গ স্ব স্ব স্ব সা সা  
বি ষ ম ভা রি

শ্রীদক্ষিণাচরণ সেন ।

# বীণাপানি ।

## মাসিকপত্রিকা ও সমালোচনী ।

“বীণা-পুস্তক-রঞ্জিত হস্তে । ভগবতি, ভারতি দেবি নমস্তে ।”

৪র্থ খণ্ড । } কার্তিক, ১৩০৪ সাল । } ১০ম সংখ্যা ।

### ৩ যোগেন্দ্রনাথ বন্দ্যোপাধ্যায় ।

আজ আমরা অতিশয় শোচনীয় সংবাদ বক্ষে করিয়া আমাদের সহৃদয় পাঠক-পাঠিকাগণ সমীপে উপস্থিত হইলাম। আমাদের কার্য্যাধ্যক্ষ বন্ধুবর যোগেন্দ্রনাথ আর ইহ জগতে নাই—বিগত ৭ই কার্তিক তারিখে আত্মীয়, স্বজন বন্ধু-বান্ধবের মায়া পরিত্যাগ করিয়া, পাপ, তাপ প্রপীড়িত এই ধরাধাম হইতে তিনি চিরশান্তি নিকেতনে প্রস্থান করিয়াছেন। তাঁহার আত্মীয়-স্বজন ও আমরা তাঁহার হতভাগ্য বন্ধুগণ শোক করিবার জন্ত এখানে পড়িয়া রহিয়াছি।

বন্ধুবর যোগেন্দ্র, বাল্যকাল হইতেই অতি ধীর, পরোপকারী, নম্র প্রকৃতি ও মিষ্ট-ভাষী লোক ছিলেন। তাঁহার সহিত যঁহার পরিচয় হইয়াছে, তিনিই তাঁহার এই সুন্দর স্বভাবের সুখ্যাতি না করিয়া থাকিতে পারেন নাই।

বন্ধুবর ১২৭৬ সালে মাঘ মাসে জেলা বাঁকুড়া'র অন্তর্গত অবন্তিকা গ্রামে জন্ম গ্রহণ করেন। বাল্যকাল হইতে পাঠে তাঁহার প্রগাঢ় ভক্তি ছিল, তিনি বর্তমান সময়ে বি-এ, পড়িতে ছিলেন। অতি

বাল্যকালে তাঁহার মাতার মৃত্যু হয়। সেই অবধি তিনি তাঁহার উদার-চেতা পিতা কাশীবল্লভের রক্ষণাবেক্ষণে লালিত পালিত হইয়া আনেন। যোগেন্দ্রের বয়স যখন ১০ কি ১১ বৎসর, তখন তাহার পিতা, একমাত্র সন্তান যোগেন্দ্রের সংসার-সৃষ্টি রক্ষার জন্ত অগত্যা দ্বিতীয় বার দার-পরিগ্রহে বাধ্য হন। ১২৯৯ সালে ৬ই আষাঢ়, যোগেন্দ্রের পিতার মৃত্যু হয়। যোগেন্দ্র তখন এফ-এ, পড়িতেছেন। এই অল্প বয়সে যোগেন্দ্রের মস্তকে সংসারের গুরুভার পড়ে। পিতার জীবিত অবস্থায় ১৫।১৬ বৎসর বয়সে যোগেন্দ্রের বিবাহ হয়; বিমাতা ও স্ত্রীকে লইয়া যোগেন্দ্রকে অর্থাভাবে কিছুমাত্র কষ্ট পাইতে হয় নাই। কারণ, যোগেন্দ্রের পিতা যোগেন্দ্রকে প্রভূত ধনের উত্তরাধিকারী করিয়া যান, হৃদয়বল্লভ নামে যোগেন্দ্রের এক খুড়া আছেন, যোগেন্দ্র তাহারই উপর তাহার বিষয়-সম্পত্তির ভার দিয়া কলিকাতার পাঠদশায় কালযাপন করিতেছিলেন। পিতার মৃত্যুর পর বৎসরে (১৩০০, শ্রাবণ) যোগেন্দ্রের স্ত্রীর মৃত্যু হয়। যোগেন্দ্র আত্মীয়-স্বজনের অভিমতে ১৩০১ সালের ১২ই বৈশাখে পুনরায় দার পরিগ্রহ করেন। ইহার পর বৎসর (১৩০২, জ্যৈষ্ঠ) যোগেন্দ্রের বিমাতা, জেলা বালেশ্বরের অধীন বালুহস্তা নামক স্থানে স্বর্গলাভ করেন। এখন আর যোগেন্দ্রকে আপনার বলিবার কেহ রহিল না।

এইরূপে ২১ বৎসর কাটিয়া গেল, একদা যোগেন্দ্র শুনিলেন, তাঁহার বিষয়-সম্পত্তির উপর দেনা হইয়াছে; ইহার কারণ কিছুই অবগত হইতে না পারিয়া, তথ্যানুসন্ধানে প্রবৃত্ত হন। পরে খুড়ার হস্তে বিষয়-সম্পত্তির ভার রাখা যুক্তিযুক্ত মনে করিলেন না। এই কারণে তাহার পিতৃব্যের সহিত নানাপ্রকার গোলযোগ হইতে লাগিল। গত গ্রীষ্মাবকাশ ও পূজাবকাশ এই গোলমালে অতি-বাহিত হইয়া যায়। পরে শ্রীশ্রী কালীপূজার বাজার করিয়া যখন তিনি কলিকাতা হইতে স্বীয় বর্তমান বাসস্থান জেলা বাঁকুড়ায় অধীন রামসাগর যাইতে ছিলেন, পথিমধ্যে নফরডাঙ্গা নামক স্থানে বোধ হয়, কোনও অনৈসর্গিক কারণে তাঁহার মৃত্যু সংঘটিত হয়। পুলিশ

ঘটনাস্থলে উপস্থিত ছিলেন, কিন্তু তাঁহার কর্তৃপক্ষ কাহাকেও না দেখাইয়া লাস ফেলিয়া দেয়। নানা কারণে লোক নানাপ্রকার সন্দেহ করিতেছেন; তদন্ত এখনও চলিতেছে। আমরা এই সংবাদে মম্বাহত হইরাছি। আমাদের পাঠক-পাঠিকাগণও বোধ হয়, এ সংবাদে হুঃখ প্রকাশ না করিয়া থাকিতে পারিবেন না।

এখন আমাদের ঈশ্বর স্থানে এই প্রার্থনা—যেন তাহার ইহ-জগতে পবিত্র জীবন, পর জগতেও পবিত্রতা লাভ করে। তাহার যুবতী স্ত্রী শোক করিতে এই নশ্বর জগতে রহিল, পরমেশ্বর হত-ভাগিনীর মতিগতি স্থিরতর রাখিয়া তাহার হৃদয়ে শান্তি প্রদান করুন।

## ঈশ্বরোপাসনা।

[ পূর্ব-প্রকাশিতের পর ]

অহংগ্রহরূপে ব্রহ্মোপাসনার অধিকারী যে-সে হইতে পারে না। যিনি যথাবিধি বেদ বেদান্ত অধ্যয়ন করতঃ অর্থাৎ ব্রহ্ম জিজ্ঞাসা ব্যতিরিক্ত নিখিল বেদার্থ অবগত হইয়াছেন, যিনি বর্তমান জন্মে ও পূর্ব জন্মানিতে কাম্য নিষিদ্ধ কর্ম বর্জন পূর্বক নিত্য নৈমিত্তিক উপাসনা দ্বারা উন্নিত হইয়াছেন; যিনি সাধন চতুষ্টয় সম্পন্ন এবং যিনি আচারাদি লঙ্ঘন করেন না, বেদান্তে তাহাকেই নিগুণ ব্রহ্মোপাসনার অধিকারী বলিয়া বর্ণন করা হইয়াছে। ব্রহ্মস্বরূপাবস্থানকে ইহারা উপাসনার চরম ফল বলিয়াছেন, ইহারা বলেন,—“ব্রহ্মাদি তৃণ পর্য্যন্তঃ মায়া কল্পিতং জগৎ । সত্যমেকং পরং ব্রহ্ম বিদিত্বৈবং সুখী ভব।” “জ্ঞানং লক্ষ্যং পরাং শান্তিং অচিরে নাধিগচ্ছতি । সর্বং কর্ম্মাখিলং পার্থ জ্ঞানে পরিসমাপ্যতে ॥” “নাশ্রুপহা বিদ্বতে” ইত্যাদি প্রকরণে ব্রহ্মজ্ঞান প্রাপ্তিকেই অদ্বৈত-বাদিগণ পরম পুরুষার্থ সাধন বলিয়া নির্দেশ করিয়াছেন। অহং-গ্রহ উপাসনা দ্বারা প্রোক্তরূপ অদ্বৈত জ্ঞানের প্রকাশ হয়।

ছান্দোগ্য উপনিষদে শ্বেতকেতুর উপাখ্যানে “তত্ত্বমসি” প্রভৃতি মহাবাক্য দ্বারা অদ্বৈত-জ্ঞান উদ্বোধিত হইতে দেখা যাইতেছে; এবং অগ্নি শ্রুতি ও তাহার অনুবর্তন করিয়াছে। “ন প্রতীকেন হি সঃ” সূত্রে ও তাহার অর্থই সমর্থন করিতেছে। অগ্নিদাদির মত এই যে, উক্তরূপ উপাসনা দ্বারা “তত্ত্বমসি” রূপ অপরোক্ষানু-ভূতিই পরমপুরুষার্থসাধন। অহংজ্ঞান ব্রহ্মবগ্নাহী হওয়াই ব্রহ্ম-জ্ঞান। ইহা গুণাতীত, নির্ভয়, অদ্বয়, ছন, একরূপ আনন্দ ও চৈতন্য স্বরূপ। ইহাতে জড়ত্বের লেশমাত্রও নাই। এ তত্ত্বের পর আর জাতব্য তত্ত্ব নাই; বিদেহকৈবল্যই মানব সাধনার চূড়ান্ত নিষ্পত্তি।

প্রতীকোপাসকদিগের মধ্যেও নানা মতভেদ দৃষ্ট হয়। বিশিষ্টা-দ্বৈতবাদী রামানুজ বলেন,—উপাসনা পাঁচ প্রকার; যথা (১) অভিগমন বা ভগবন্মন্দিরাদি মার্জন, (২) উপাদান বা গন্ধপুষ্প ধূপদীপাদি দান, (৩) ইজ্যা বা পূজা, (৪) স্বাধ্যায় বা মন্ত্রজপ, স্তোত্র পাঠ ও ভাগবৎ শাস্ত্রের অভ্যাস, এবং (৫) যোগ বা একাগ্রচিত্তে ভগবদনুসন্ধান। ইহারা বলেন,—এই পাঁচ প্রকার উপাসনা দ্বারা ভক্তিতত্ত্ব উদ্ভাসিত হইলে মানব আত্মিকরূপ আনন্দ-ময় বৈকুণ্ঠধাম প্রাপ্ত হয়। ইহারা আরও বলেন,—অহংগ্রহোপা-সনার তত্ত্বমসি প্রভৃতি মহাবাক্যে ভগবত্তত্ত্ব সাক্ষাৎকারের অনুপ-যোগী। ইহাদের মতে ভক্তিই ভগবৎ-প্রাপ্তির অনন্তোপায়। কিন্তু তিনি একথা পুনঃ পুনঃ বলিয়াছেন,—বৈরাগ্য ব্যতীত পরা-ভক্তিশ্চারণের কোনও সম্ভাবনা নাই। ভাগবতস্মরণ ও তৎসম্বন্ধীয় ভক্তিশাস্ত্র এবম্বিধ মতাবলম্বনেই উদ্ভব হইয়াছে। “শ্রবণং কীর্তনং বিষ্ণোঃ স্মরণং পাদসেবনং। অর্চনং বন্দনং দাস্ত্রং সৌখ্যমাত্ম-নিবেদনং ॥” ভাগবৎ ধর্মের অন্তর্গত ভক্তির নয়টি লক্ষণ নির্দিষ্ট হইয়াছে। রামানুজ ও বল্লভাচার্য্য প্রভৃতির সময় হইতেই জগতে ভক্তি শাস্ত্রের সমধিক মহিমা প্রচার হইয়াছে। কি বেদে, কি উপনিষদে, কি দ্বৈত দর্শনশাস্ত্রের কোথাও শ্রদ্ধা, কি একনিষ্ঠা শব্দ ভিন্ন ‘ভক্তি’ কথাটির পর্য্যন্ত উল্লেখ দৃষ্ট হয় না। পৌরাণিক সময়

হইতেই ভক্তি পথাবলম্বনে উপাসনার সূত্রপাত হইয়া দ্বৈত সম্প্রদায়-প্রবর্তক রামানুজ, মাধবাচার্য্য, নিম্বাদিত্য ও বল্লভাচার্য্যের সময়ে ইহার পূর্ণতালাভ হইয়াছিল। নারদীয় ভক্তিসূত্র, সাণ্ডিল্যসূত্র, নারদপঞ্চরাত্র ও শ্রীমদ্ভাগবৎ প্রভৃতি অতুলনীয় গ্রন্থ ভক্তি-উপবনের ফুটন্ত কুসুমরূপে অত্যাপিও জগতের প্রীতিপ্রদ হইয়া রহিয়াছে। প্রতীক-রূপ তুঙ্গশৃঙ্গ হইতে উপাসনার বেগবতী মন্দাকিনী নানা-পথে প্রবাহিত হইয়া, মুখ্য ভক্তিরূপ শত শত মুখে যেন সেই এক অদ্বৈত মহাসাগরে মিলিত হইবার জন্তই নিরতিশয় বহুবতী হইয়াছে। ফলত, অধিকারীভেদে মুখ্যভক্তি পথও যে উপাসনার অগ্র শ্রেষ্ঠতর আলম্বন, সে বিষয়ে অগ্নিদাদির কিছুমাত্র সন্দেহ নাই।

সাধক প্রবর শ্রীরামকৃষ্ণদেব বলিতেন,—যেমন মই, বাঁস, দড়ি বা অগ্নি কোন আলম্বনে এক ছাঁদে সকলেই উঠিতে পারগ হয়, সেরূপ সমরস অদ্বৈততত্ত্বে পৌঁছিতে সংস্কার ও শিক্ষারূপ প্রতীক অবলম্বন করিলেই হয়। দেশ কাল ও পাত্রানুসারে প্রতীক উপা-সকদিগের আলম্বন পরিকর্তিত হইতে দেখা যায়। ইহার প্রমাণ আমরা সর্বত্রই দেখিতে পাই। যোগশাস্ত্রেও “পূর্ব পূর্বভূমিঃ জিহ্বা উত্তরোত্তর ভূমিমভ্যাং” ইত্যাদি উপদেশ দৃষ্ট হয়।

আপাততঃ বিষম-বৈষম্য ঘোর ঝঞ্জাবাতের মধ্যেও সাম্য-বিহ্বল-ষণ সময় সময় আমাদিগকে উৎসাহিত করে। সে সাম্যভাব প্রদর্শন করিতে জগতের নানাস্থানে সময়োপযোগী বিভিন্ন মহাপুরুষ জন্ম গ্রহণ করেন। তাঁহারা ঈশ্বরকল্প বা ঈশ্বরবতার বলিয়া কথিত হন। অধিকাংশ স্থলেই উক্তরূপ বৈষম্য-সাম্যকারী মহাপুরুষগণ উপাসনার প্রতীকরূপে পরিগৃহীত হইয়াছেন। কৃষ্ণ, রাম, শিব, চৈতন্য, বুদ্ধ, ঈশা ও মুসা যে প্রতীকরূপে গৃহীত হইয়াছেন, তাহাদের সমধিক বিভূতি-বিকাশমানতা ও সাম্যকরণীয়তাই তাহার কারণ। সময়ের গতি পর্য্যালোচক সূক্ষ্মদর্শী পণ্ডিতগণও বিভিন্ন সময়ে বিভিন্ন প্রতীকাবলম্বনের উপযোগীতা প্রদর্শন করিয়া-ছেন। অনেকে মনে করিল, সময়ের পরিবর্তনের সঙ্গে সঙ্গে আমরা

অধঃপতিত হইয়া উপাসনার নিম্নাধিকারী হইয়া পড়িয়াছি । এ কথার মূলভিত্তি কি ? জানি না । আমাদের সমাজ গঠন, ধর্ম, নীতি, বিদ্যাবত্তা ও অন্যান্য যে সকল বিষয়ের পরিবর্তন হইতেছে, সেই সকল পরিবর্তনই সময় নামক কল্পিত আদর্শে অধ্যস্ত করিয়া আমরা সময়ের পরিবর্তন নির্ধারণ করিতেছি । ভাবিয়া দেখুন, সময় আপনারই কল্পনা বই অথ কিছুই নহে । তাই বলিতে- ছিলাম, সময়ে কিছুই পরিবর্তন হইতেছে না । আমরাই অবিচ্ছিন্ন কল্পিত, স্মৃতরাং অনতিক্রমণীয় পরিবর্তনরূপ অবস্থা অতিক্রমণ করিয়া ক্রমশই অবশু-লভ্য একতত্ত্বে অগ্রসর হইতে চেষ্টা করিতেছি । স্মৃতরাং আমরা সকলেই নিম্নাধিকারী, কি সকলেই মধ্যমাধিকারী, কিম্বা সকলেই উচ্চাধিকারী, এরূপ কল্পনা ভ্রান্তি কল্পিত উন্মাদের প্রলাপ বই আর কিছুই বলা যায় না । সকলের একাধিকারিত্বে অবস্থাপিত হওয়া অনৈসর্গিক । সকলে একাবস্থায় থাকিতে পারে না । তবে এই পর্য্যন্ত স্বীকার করা যায় যে, মানব সমাজের পরিবর্তনরূপ স্রোতের অব্যাহতগতিকে যখন অধিকাংশ মানবই (Majority) একরূপ দৈন্ত্যাবস্থাপন্ন হয়, প্রকৃতির ছল্লজ্য শাসনের বশবর্তী হইয়া তখনই অলঙ্কিতে কোন এক মহাপুরুষ বা অবতার জন্মগ্রহণ করিয়া ধর্মসংস্থাপন করিয়া থাকেন, এবং তিনি সে সময়ে সর্বত্র প্রতীকরূপে গৃহীত হইয়া পূজিত হন ।

সৌভাগ্যের বিষয় এই যে, ধর্মপ্রাণ ভারতে তাদৃশ জীবন্ত প্রতীকের কোন কালেও বৈরল্য দৃষ্ট হয় নাই । প্রেমাবতার শ্রীচৈতন্য দেবের অপ্রকট হওয়ার পর, অস্মদেশে যখন ধর্মভাব নিতান্ত বিকৃত অবস্থা হইয়া পড়িল, যখন পাশ্চাত্য জড়বাদ চৈতন্য সহ ভারতের রুদ্ধকক্ষে দস্যুরমত অনূন সান্নিহিত বর্ষ পর্য্যন্ত ভীষণ আক্রমণ করিতে আরম্ভ করিল, ভারতের এ হেন ঘোর ঘনঘটাচ্ছন্ন অমানিশার কামকাঞ্চনাসক্ত জগতের ঘোর দুর্দশা ত্রিযামার স্মপ্রভাত সূচনা করিবার জন্ত, পুণ্যক্ষেণে শ্রীকামার পুকুরে আবার সেই পুরুষোত্তমাদি ৬ দিগন্ত উদ্ভাসিত করিয়া

পুনরুদিত হইলেন । অধিকারীভেদে তাঁহার শ্রীচরণাশ্রিত শিষ্য ও ভক্তমণ্ডলীকে তিনি উপাসনার উপযোগী যে যে পস্থা প্রদর্শন করিয়া গিয়াছেন । অধুনাতন জগতে তাহাই একমাত্র কল্যাণকর ও অবলম্বনীয় বলিয়া আমার দৃঢ় বিশ্বাস । লিপিবদ্ধ ব্যতীত উপাসনা বিষয়ে সাক্ষাৎ সম্বন্ধে তদীয় শ্রীমুখবাণী আমার শ্রুতি-গোচর হয় নাই । স্মৃতরাং তদ্যতীত উপাসনা প্রণালী তাঁহার পদাশ্রিত ভক্তগণের নিকটই আমাদের সম্যক শিক্ষার বিষয় হই-  
যাচ্ছে । যদি তিনি সমগ্র জগতে সর্ব ধর্মের সমন্বয় করিয়া পূর্ণতা স্থাপন করিতেই আসিয়াছিলেন, যদি নিরক্ষর হইয়াও বেদান্ত সিদ্ধান্ত গভীর তত্ত্বগুলি করামলকম্বৎ সর্বজনসমক্ষে প্রত্যক্ষ দৃশ্য পদার্থের ছায় সরল কথায় বুঝাইয়া দিয়া গিয়া থাকেন, এবং যদি তাহার ভবিষ্যদ্বাণী অক্ষরে অক্ষরে পূর্ণতা লাভ করিয়া থাকে, তবে আমরা যে যেরূপ কেন অধিকারী হই না, তাহারই সর্বোচ্চাদর্শ শ্রীরামকৃষ্ণ চরণাশ্রিত কোন না কোন ভক্তগণে নিশ্চয়ই দেখিতে পাইব । যদি অস্মদাদির ছায় অধিকারীর প্রতীকা-  
বলম্বনে উপাসনার প্রয়োজনীয়তা থাকে, তবে আর বৃথা কালক্ষেপ না করিয়া পূর্বজন্মার্জিত সংস্কারাহরূপ যে কোন ভাবাবলম্বনে শ্রীশ্রীরামকৃষ্ণ দেবের সাম্যাতিসাম্যমূর্তির ধ্যানাবলম্বন, তাঁহার অদ্বুত লীলাখ্যান শ্রবণ এবং তদগত প্রাণ হইয়া তাহাতে আত্ম সমর্পণ এ সময়ে জনসাধারণের পরমপুরুষার্থ লাভের অনন্ত সাধন বলিয়া আমার অবিচলিত ধারণা হইয়াছে । অলমিতি বিস্তরণ ।

শ্রীশরচ্ছন্দ্র চক্রবর্তী ।

## দরিদ্রের কি আছে সম্বল ?

দরিদ্রের কি আছে সম্বল ?

স্বমেরু সমান আশ, নৈরাশ্রের দীর্ঘ শ্বাস,

অভাব—ভাবনা সদা নয়নের জল ;

নত আঁখি নত মুখ, বিষাদের হাসি টুক,

মলিন অধর প্রান্তে বিরাজে কেবল ।

হিংসার সংসারে হায়, কেহ নাহি ফিরে চায়,

দরিদ্র নিন্দার ভাগী প্রশংসা বিরল ;

হেরিলে বিপন্ন জন, কেবল ব্যাকুল মন,

শুধু অশ্রুজল ভিন্ন নাহি অণু বল ।

কাতরে আকুল মনে, যাপে কাল নিরঞ্জে,

লুকায়ে ভাবনা ভাবে যাতনা কেবল ;

দরিদ্রের কি আছে সম্বল ?

সুত সুতা যদি হায়, বিলাস সামগ্রী চায়,

তাঁহে বুক ফাটে প্রাণ ব্যর্থায় বিকল ।

লজ্জা, ক্ষুধা নিবারণে, দুর্বল জীবন পণে,

সাঁতারে সংসার সিন্ধু বিষাদে বিহ্বল ;

দরিদ্রের কি আছে সম্বল ?

শ্রীসারদাপ্রসাদ সেন গুপ্ত ।

## মহামায়া ।

[ পূর্ব প্রকাশিতের পর । ]

( ১৪ )

সারদা প্রতিবেশিণীগণের সহিত সাক্ষাৎ করিয়া ফিরিয়া আসিয়া গুনিল, কৃষ্ণধন আসিয়াছে । সে অমনি তাঁহাকে একটা গড় করিয়া আসিল । বেশী কোন কথা না কহিয়া, শুদ্ধমাত্র শ্রামসুন্দরের কুশল সংবাদ লইয়াই কার্যব্যাপদেশে আবার নীচে নামিয়া গেল ।

কৃষ্ণধনও তাহাকে অণু কিছু জিজ্ঞাসা করিবার অবসর পাইলেন না । তাঁহার হৃদয়ে তখন নানাবিধ চিন্তা আসিয়া উপস্থিত হইয়াছিল ।

একটু অধিক রাতে কৃষ্ণধন আহারে বসিলেন । সারদা তাহাকে বাতাস করিবার জন্ত একখান পাখা লইয়া তাঁহার কাছে বসিল । আর কৃষ্ণধনের সঙ্গে কিরূপ ভাবে কথা কহিবে, তাহার একটা ধাঁজ মনে মনে গাড়িতে লাগিল । সে মহামায়ার কাছে আনু-পূর্বিক সমস্ত ঘটনা গুনিয়াছিল ।

সারদা পাছে কণ্ঠার কথা পাড়িয়া একটা আদার তুলিয়া বসে, এই ভাবিয়া কৃষ্ণধনও মনে মনে সারদার মুখ বন্ধ করিবার উপায় নির্ধারণ করিতেছিলেন । কোন মতে রাত্রি প্রভাত দেখিলেই তিনি নিশ্চিত হন । পরদিন শ্রামসুন্দর ও তাহার ভাবী-শুভর আসিয়া পড়িলেই, সারদা নূতন মেয়েটার জন্ত আর তাহাকে বড় একটা জেদ করিতে পারিবে না, এটা তাহার বিশ্বাস ছিল ।

কৃষ্ণধন রমাপ্রসাদের ও তাহার মাতার কুশলাদি জিজ্ঞাসা করিলেন । সারদা সংক্ষেপে উত্তর দিল । রমাপ্রসাদ আজিও আসিতে পারিল না বলিয়া, কৃষ্ণধন দুঃখ প্রকাশ করিলেন । বৃদ্ধা মাতাকে গৃহে ফেলিয়া বিদেশে চাকরী করিতে পড়িয়া থাকা রমাপ্রসাদের মত সন্তানের তিনি উপযুক্ত কার্য বিবেচনা করিলেন না । স্বাধীনভাবে যে জীবিকা অর্জন করিতে শিখিয়াছে, সে কেন পরের অনুগ্রহ ভিখারী হইবার জন্ত লালায়িত—স্বাধীন ভাবে যে প্রভূত ধন উপার্জন করিতে পারে, নানাবিধ সংকার্য করিয়া, যে দেশের শ্রীবৃদ্ধি সাধনে সক্ষম,—বাড়ীঘর, আত্মীয়স্বজন, প্রতিবেশীমণ্ডলী সকলকে লইয়া সুখে স্বচ্ছন্দে দিন কাটাইতে তার কেন প্রবৃত্তি হইতেছে না ? হুই একদিন ছুটির জন্ত আজিও পর্যন্ত কেন যে সে হাঁ করিয়া সাহেবের মুখ চাহিয়া বসিয়া থাকে ? কৃষ্ণধন কিছুতেই বুঝিতে পারিলেন না । রমাপ্রসাদের কথা হইতে চাকরীর কথা হইল—চাকরীর দোষগ্রাম ষড়্জ হইতে আরম্ভ করিয়া মপ্তমে উঠিল ; বড় বড় বাক্য যোজনায়, বড় বড়



পদবিশ্রাসে, চাক্চিক্যময় অলঙ্কার প্রয়োগে, স্বাধীন জীবনকে স্বর্গের চূড়ায় তুলিয়া দেওয়া হইল! শ্রামসুন্দরকে যাহাতে আর চাকরী করিয়া না খাইতে হয়, তাহারও একটা বিশেষ চেষ্টা করিতে হইবে, এটাও সারদাসুন্দরীকে শুনান হইল। সারদা শুধু শুনিতে লাগিল, উত্তর করিল না। এ-কথা হইতে ও-কথা—এইরূপ কথার পর কথায় কৃষ্ণধন বহুক্ষণ সারদাকে চুপ করাইয়া রাখিলেন। তিনি বাক্যচ্ছলে সারদাকে এমন আবদ্ধ করিয়া ফেলিয়াছিলেন যে, সারদা কৃষ্ণাটীর কথা তাঁহার কাছে কাল পাড়িবেই স্থির করিল, আজ আর কথা কহিবার বাগ দেখিল না। কিন্তু বিধির নিৰ্ব্বন্ধ কৃষ্ণধন নিজেই বিপদ ডাকিয়া উপস্থিত করিলেন।

ব্যঞ্জনাদি কৃষ্ণধনের মুখে আজ বড়ই সুস্বাদু বোধ হইল। কৃষ্ণধন বলিলেন,—“রাঁধুনী কি সাতদিনের মধ্যেই হাত পাকাইয়া ফেলিয়াছে। সে এমন রান্না কেমন করিয়া রাঁধিল?”

সারদা বলিল,—“রাঁধুনীর জ্বর হইয়াছে। সে বাড়ী গিয়াছে।”

কৃষ্ণধন। এ ত মহামায়ার রান্না নয়। তা হইলে এতগুলো ব্যঞ্জন মুখে দিলাম, এখনও একটাতে লবনের স্বাদ পাইলাম না কেন?

সারদা। তার শরীর অসুস্থ, তাহাকে রাঁধিতে দিই নাই।

কৃষ্ণধন। তুই রাঁধিয়াছিস্?

সারদা। আমার স্বামী ডাক্তার। তাঁহার মতে ব্যঞ্জন সুসিদ্ধ না করিলে, ও তাহাতে মসলার আধিক্য থাকিলে, অল্প অজীর্ণাদি নানা রোগের উৎপত্তি হইয়া থাকে। তাহার আদেশ পালন করিলে আমি শুদ্ধ তরকারী সিদ্ধ করিতে ও আঁকাইয়া ফেলিতে শিখিয়াছি। রাঁধিতে তুলিয়া গিয়াছি। স্বাশুড়ী পর্য্যন্ত আর আমার হাতে খাইতে চান না।

কৃষ্ণধন অনেকদূর অগ্রসর হইয়াছেন, এখন কথার মীমাংসা না করিয়া কেমন করিয়া চুপ করিবেন। তাই বলিলেন,—“তবে বুঝি পাড়ার কেহ?”

সারদা বলিল,—“পাড়ার সহিত মহামায়ার সদ্ভাব নাই। মহামায়া নাকি আর তাহাদের খোঁজ লয় না।”

কৃষ্ণধন বড় ফাঁপরে পড়িলেন। সারদা বুঝিতে পারিল। বুঝিয়া মুখ নামাইয়া টিপিয়া টিপিয়া হাসিল।

কৃষ্ণধন আবার জিজ্ঞাসা করিলেন,—“তবে কে? আমি এমন রান্না আর কখন মুখে তুলিয়াছি, এমন আমার মনে হয় না।” কৃষ্ণধনের জানিবার কৌতুহল বাড়িয়া গেল। সাগ্রহে বলিলেন,—“তবে কি মা আসিয়াছেন?”

সারদার মনে আনন্দ যেন তোলপাড় করিয়া উঠিল, সেই সঙ্গে গর্ক আসিল। কৃষ্ণধনের মুখগানে চাহিয়া সারদা গর্কভরে বলিল,—“যথার্থই মা আসিয়াছে। মা কমলা আমাদের গৃহে অধিষ্ঠিতা হইয়াছেন।”

কৃষ্ণধন সব বুঝিয়া নীরব হইলেন। আবার তাহার মুখ গম্ভীর হইল। সারদা বুঝিতে পারিল—আর কোন কথা কহিল না।

কৃষ্ণধন অবনত মুখে অন্তরপাত্রে হস্ত রাখিয়া গম্ভীর স্বরে সারদাকে বলিলেন,—“সারদা!—কলিকাতার গণ্য-মাণ্ড অনেক ভদ্রলোকের সাক্ষাতে প্রতিজ্ঞাবদ্ধ হইয়া আসিয়াছি। মিথ্যা কথা কত শাস্তি দিরাছি, তার সংখ্যা নাই। বৃদ্ধকালে নিজে কি সেই মিথ্যার আশ্রয় গ্রহণ করিব?”

সারদা কথা বুঝিতে পারিল না—কোন উত্তরও করিল না।

( ১৫ )

রাত্রে কৃষ্ণধন মহামায়ার কাছে বালিকার সমস্ত পরিচয়ই পাইলেন। মহামায়াও কৃষ্ণধনের কাছে শ্রামসুন্দরের সম্বন্ধের সমস্ত কথা অবগত হইলে বুঝিল, কলিকাতার ভবানন্দ চৌধুরী বলিয়া একজন জমিদার আছে, তাহার একমাত্র পুত্র তারিণীচরণ। সেই একমাত্র পুত্রের একমাত্র কন্যা নলিনী। বিষয় অনেক, সঞ্চিত অর্থ যথেষ্ট, কলিকাতায় তাহার মান সম্রমের অবধি নাই। শ্রাম-

সুন্দর কালে সেই সব সম্পত্তির কার্যতঃ অধিকারী হইবে। আপাততঃ ভুবানন্দ শ্রামসুন্দরকে বিংশ সহস্র মুদ্রা নগদ দিবে। শ্রামসুন্দর বিদ্যাশিক্ষার জন্ত যতদিন কলিকাতায় থাকিবে, ততদিন তার বিদ্যাশিক্ষার সমস্ত ব্যয়ভার গ্রহণ করিবে। শ্রামসুন্দর গাড়ি ঘোড়া চড়িবে, ভবিষ্যতে চাকরীর ভাবনা ভাবিবার তার বংশাবলীর আর প্রয়োজন হইবে না। কৃষ্ণধন এখন হইতে যাহা উপার্জন করিবে, মহামায়া তাহা ছুই হাতে খরচ করিতে পারিবে। কৃষ্ণধনের তাহাতে আর বিন্দুমাত্রও আপত্তি নাই।

কৃষ্ণধন ইহা ছাড়া মহামায়াকে আরও অনেক কথা বুঝাইলেন। সহসা কোন কাজ করিতে নাই, ভাবিয়া চিন্তিয়া কাজ না করিলে, ভবিষ্যতে অনেক বিপদে ঠেকিতে হয়, মহামায়াকে উদাহরণ স্বরূপ করিয়া কৃষ্ণধন অনেকক্ষণ ধরিয়া বক্তৃতা করিলেন। মহামায়া বড় একটা জবাব দিতেছিল না, কেবল “হুঁ”—“তাত বটে”—“বুঝিয়াছি”—ইত্যাদি কথাই মায় দিতে ছিল। কৃষ্ণধন বুঝিলেন—মহামায়া এতকাল পরে ভালমন্দ কাহাকে বলে বুঝিয়াছে। একজন শিক্ষিত পদস্থ ব্যক্তির স্ত্রীর যোগ্য হইয়াছে। কৃষ্ণধন এত তর্কবিতর্ক, এত বক্তৃতা করিতেছিলেন, শুধু কি মহামায়াকে বুঝাইবার জন্ত? মহামায়াকে বুঝাইবার জন্ত কখন ত তার এত কথার প্রয়োজন হয় নাই। তবে এত বক্তৃতা বাগাড়ম্বর কেন? বালিকার মুখ দেখিয়া অবধি কৃষ্ণধন নিজেই কতকটা আত্মহারা হইয়া পড়িয়াছিলেন। তাহার নিজের মনটাই বিশেষরূপ অবাধ্য হইয়া পড়িয়াছিল।

কৃষ্ণধন সেই অবাধ্য মনকে মহামায়া স্থানীয় করিয়া প্রবোধ দিতেছিলেন। নিজে শ্বশুরের বিষয়ে অধিকারী হইয়া, লুদ্ধ শ্রামসুন্দরকেও পরের অধিকারী করিবার লোভ সামলাইতে পারিতেছিলেন না। এক দিকে লোভ, অত্র দিকে অন্তরাধিষ্ঠিতা নবাগত বালিকা, তাহার হিতাহিত জ্ঞান লইয়া লড়াই করিতেছিল। কলিকাতার নলিনীও সুন্দরী, কিন্তু এ পোড়ার মুখো মেয়েটা যে

রূপের সাগর। তাহার উপর এ হতভাগা মেয়ে শ্বশুর স্বাশুড়ী গুরুজনের সেবার জন্ত প্রস্তুত হইয়াছে—শুধু শিথিতে আসে নাই, শিখাইতে আসিয়াছে। ব্যঞ্জনের মিষ্ট-স্বাদ তখনও পর্য্যন্ত কৃষ্ণধনের মুখে লাগিয়াছিল। সহরে মেয়ে—বিশেষতঃ সহরে ধনী মেয়ে শুধু পড়িতে জানে—কেমন করিয়া রাখিতে হয়, পুস্তকে দেখিয়াছে—হাঁড়ি দেখিয়াছে কি? সে হইবে স্বামীর সঙ্গিনী; এ হইবে সংসারের স্বেচ্ছা প্রণোদিতা বিনা মাহিনার দাসী।

“হউক আর নাই হউক, নলিনীকে দেখিয়া কৃষ্ণধনের সে বিশ্বাসটা হৃদয়ে বন্ধমূল হইয়া গিয়াছিল। বাহাই হউক, অনেক তর্কবিতর্কের পর লোভেরই জয় হইল। মহামায়া তাহার কার্যের অনুমোদন করিয়াছে ভাবিয়া, তিনি ধীরে ধীরে বালিকাকে মন হইতে সরাইয়া দিলেন।—মহামায়া যখন বশে আসিল, তখন মারদা আসিতে কতক্ষণ?—কৃষ্ণধন বক্তৃতা শেষ করিয়া মহামায়াকে জিজ্ঞাসা করিলেন,—“বল দেখি, কাষটা কি মন্দ করিয়াছি?”

মহামায়ার উত্তর শুনিয়া কৃষ্ণধনের প্রীতি চমকিয়া উঠিল। মহামায়া বলিল,—“কোন কাষ?”

“কোন কাষ কি মহামায়া!—এতক্ষণ তবে কি করিতেছিলে?”

“একটা কথা ভাবিতেছিলাম।”

কৃষ্ণধন বুঝিলেন,—এতক্ষণ তিনি ভস্মে ঘী ঢালিয়াছেন। তিনি আর কোন কথা না কহিয়া, একটা চুরুট ধরাইয়া মুখে ধরিলেন। রাগে তাহার অঙ্গ জ্বলিয়া গেল। এতো দেখিতেছি সেই মহামায়া! সংসার-জ্ঞান-বিরহিতা, পর-দুঃখ-কাতরা, সদাই অগ্র মনস্ক দর্শনাশী মহামায়া!

মহামায়া উপযাচিকা হইয়া জিজ্ঞাসা করিল,—“তাহারা কি কুলীন?”

কৃষ্ণধন উত্তর করিলেন না।

মহামায়া। বল না, চূপ করিলে কেন?

কৃষ্ণধন। আমি তোমার মত নিরোধ স্ত্রীলোকের সঙ্গে কথা কহিতে চাহিনা।

মহামায়া ক্ষমা প্রার্থনা করিল। বলিল,—“অশ্রমনস্ক ছিলাম, শুনিতে পাই নাই।”

কৃষ্ণধন তখন আবার বলিতে আরম্ভ করিলেন,—“তবানন্দ চৌধুরীর পৌত্রী—সুন্দর কন্যা, প্রকাণ্ড জমিদারী, অনেক টাকা, সুন্দর বাড়ী, সুন্দর বাগান, গাড়ি-ঘোড়া, লোক-লস্কর, মান-সম্মত।” এক দিকে কুল, অশ্রু দিকে এই সমস্ত প্রলোভন। কুলকে লসু দেখাইবার জন্য কৃষ্ণধন পতি কথাটার জোর দিয়া বলিতে লাগিলেন।

মহামায়া কথায় বাধা দিয়া বলিল,—“সমস্তই হ'ল, কুলটী ত ভাঙ্গিয়া যাইবে।”

কৃষ্ণধন একটু উগ্রভাবে বলিলেন,—“ক্ষতি কি? বেরূপ কাল পড়িয়াছে, তাহাতে আর কুল-গর্ক করদিন থাকিবে? তবানন্দ বুদ্ধ বলিয়া কুলের মর্যাদা রাখিতেছে। পুত্র তারিণীচরণের কাছে কুলের এত মূল্য হইত কি?”

মহামায়া অনেকক্ষণ চুপ করিয়া রহিল,—তারপর একটা দীর্ঘ নিশ্বাস ফেলিয়া বলিল—“কুলই যদি ভাঙ্গিতে হইল, তবে মেদিনীপুরের হতভাগা ব্রাহ্মণ কন্যা কি অপরাধ করিয়াছিল?”

কৃষ্ণধন বুঝিয়াছিলেন, তাহার ভিতরে ক্রোধের সঞ্চয় হইয়াছে, শিক্ষিত, বুদ্ধিমান, বিজ্ঞ স্বভাবতঃ ধীর—তিনি আশ্রু-সংযমের চেষ্টা করিতেছিলেন। মহামায়ার কথায় তাহার সে চেষ্টা গুড়াইয়া গেল। ক্রোধে আশ্রু-বিস্মৃত—বলিয়া উঠিলেন,—“ধন-সম্পত্তি আমার উপার্জন, গর্ক-অহঙ্কার সমস্তই তোমার হইতে পারে, ঘর-জামাইয়ের সঙ্গে এ সবের সম্পর্ক কি? কিন্তু কুল আমার, তোমার পিতার নয়; সে আমার ইচ্ছায় থাকিবে—আমার ইচ্ছায় ভাঙ্গিবে।”

“কি করিলে,—তুচ্ছ কথায় আমার বাপ তুলিলে?”

কহিতে কহিতে মহামায়ার কণ্ঠরুদ্ধ হইয়া আসিল। চক্ষু দিয়া শ্রাবণের ধারায় জল ছুটিল। বসিতে পারিল না। আর কোনও কথা না কহিয়া নিশকে ধীর-পদ-সঞ্চারে ঘর হইতে বাহির হইয়া গেল।

মুহূর্তমধ্যে প্রকৃতিস্থ কৃষ্ণধন আপনা আপনি বলিয়া উঠিলেন, “কি করিলাম!”—কিছুক্ষণ স্তম্ভিত হইয়া বসিয়া রহিলেন; মহামায়াকে ফিরাইতে তাঁর সাহস হইল না।

\* \* \* \* \*

বসিয়া বসিয়া রাত্রি কাটিয়া গেল। কৃষ্ণধনের তখন চমক ভাঙ্গিল, তখন দেখিলেন—উখালোক ধীরে ধীরে গৃহে প্রবেশ করিতেছে, শুনিলেন—দৈরাল ডাকিতেছে, দাস-দাসীগণ গৃহকার্য্যে ব্যাপৃত হইয়াছে। মহামায়ার, সারদার কণ্ঠস্বর ক্রমে ক্রমে তাঁর কর্ণে গেল। তিনি সারদাকে ডাকিলেন। সারদা আসিলে বলিলেন,—“মহামায়াকে ডাকিয়া দে।”—কথার ভাবে ও কৃষ্ণধনের মুক্তি দেখিয়া সারদা বুঝিল, রাত্রে কিছু গোল বাধিয়াছে। সারদা মহামায়ার কাছে ছুটিল—প্রভাতালোকে মহামায়ার মুখ দেখিল।—মহামায়া এমন স্বকৌশলে মুখ খানি হাসির আবরণে ঢাকিয়াছিল, কিছুতেই সারদা তাহাতে ভাব-বিকার দেখিতে পাইল না—তবু একবার রাত্রির কথা জিজ্ঞাসা করিল। বলিল,—“রাত্রে দাদাব সহিত বুঝি ঝগড়া করিয়াছিস?”

মহামায়া। কখন দেখিয়াছিস কি?

সারদা। তবে দাদাকে কেমন কেমন দেখিলাম কেন?

মহামায়া। তোমার দাদার অদৃষ্ট। তুমি ত চিরকালই তাহাকে কেমন-কেমন দেখ।

সারদা। তুমি কি নলিনী সম্বন্ধে কোনও কথা তুল নাই?

মহামায়া। তুলিয়াছিলাম।

সারদা। তারপর?

মহামায়া। ভবিতব্য।

সারদা। সে'কি কথা।

মহামায়া। আমি কেবল এইমাত্র বলিতে পারি, নলিনীকে কন্যা বলিয়াছি, মায়ের চক্ষে তাহাকে চিরকাল দেখিব,—আদর যত্নের কিছুমাত্র ক্রটি করিব না।

সারদা । সে কি আমি পারিব না? আমার পুত্র কত নাই, কতাই গ্রহণ করিবার জন্ত আমি মহামায়ার কাছে আসি নাই। মহামায়ার পুত্র দীর্ঘজীবী হইয়া থাক, তা'র আর কত আর প্রয়োজন কি?”

রাগে সারদা ফুলিয়া উঠিল—মুখ ফিরাইল, কিয়দূর চলিয়া গেল। ঘাইতে ঘাইতে বলিল,—“শীঘ্র যাও, তোমার স্বামী কি জন্ত তোমায় ডাকিতেছেন।” তারপর মহামায়া গেল কি না গেল, আর ফিরিয়াও দেখিল না।

মহামায়া বরাবর স্বামীর কাছে গেল। কৃষ্ণধন মহামায়াকে গৃহ প্রবেশা দেখিয়াই উঠিয়া দাঁড়াইয়া সাগ্রহে তাহার হাত ধরিলেন, আর বলিলেন,—“মহামায়া! আমি অকৃতজ্ঞ নরাদম,—তুমি করিয়াছি—আমায় ক্ষমা কর।”

মহামায়া স্বামীর পদ-ধূলি গ্রহণ করিয়া বলিল,—“ও কি বলিতেছ, তুমি কি পাগল হইয়াছ!”

কৃষ্ণধন। বাস্পাবরুদ্ধ কণ্ঠে বলিল,—“বল, এখনই কলিকাতার ঘাইয়া নিষেধ করিয়া আদি কি?”

মহামায়া বলিল,—“ছি! তা'র করিলে লোকনিন্দা হইবে। তোমার মানসম্ভ্রম, আমরা স্ত্রীলোক কি বুঝি?”

কৃষ্ণধন সাগ্রহে বলিলেন,—“অনেক ভদ্রলোকের নাক্ষাতে প্রতিজ্ঞা-বদ্ধ হইয়া আসিয়াছি। আমি পুত্রকে কলিকাতার রাখিবার জন্ত স্থান নির্দিষ্ট করিয়াছিলাম, তাহার জোর করিয়া তাহাকে তাহাদের গৃহে লইয়াগিয়াছে। পুত্রের আদরে রাখিয়াছে। বল এখন আর কি করিতে পারি?”

মহামায়া বলিল,—“আর কিছুই করিতে হইবে না। প্রজাপতির নিরীক কে খণ্ডন করিতে পারে?”

[ ক্রমশঃ ]

শ্রীক্ষীরোদপ্রসাদ ভট্টাচার্য্য ।

## আর যা'ব না ।\*

আর যা'ব না বকুল-বনে তোমার সাথে একা ।  
কেমন তোমার স্বভাব ভাই, নিতুই এক খেলা ছাই,  
একেলা পেয়ে মুখের পানে কেবলি চেয়ে থাকা;  
আর যা'ব না বকুল-বনে তোমার সাথে একা ।

আর যা'ব না বকুল-বনে তোমার সাথে একা ।  
তুমি থাক' অমনি চেয়ে, আমিও ঘাই কেমন হ'য়ে,  
বুঝি না ও মুখ খানিতে কি যে আছে লেখা;  
আর যা'ব না বকুল-বনে তোমার সাথে একা ।

আর যা'ব না বকুল-বনে তোমার সাথে একা ।  
ভুলিয়ে-ভালিয়ে কোলে নিয়ে, গাল ছ'খানি দাও রাঙ্গিয়ে,  
বড় ছুঁ নষ্ট তুমি, বানিয়ে দাও বোকা;  
আর যা'ব না বকুল-বনে তোমার সাথে একা ।

আর যা'ব না বকুল-বনে তোমার সাথে একা ।  
গেলে তুমি দাও না ধর শুধু আঁচল বেড়ে,  
কোথা দিয়ে যায় যে পদ, পড়ে সাঁঝের রেখা;  
আর যা'ব না বকুল-বনে তোমার সাথে একা ।

আর যা'ব না বকুল-বনে তোমার সাথে একা ।  
ফিরে আসতে অন্ধকারে, কাঁটা বনে পথের ধারে,  
আঁচল বেধে হুঁচুটে খেয়ে বিষম দায়ে ঠেকা;  
আর যা'ব না বকুল-বনে তোমার সাথে একা ।

আর যা'ব না বকুল-বনে তোমার সাথে একা ।  
চোরের মতন ফিরি বাড়ী, লাজে কিছু বলতে নাবি,  
আঁচলে ঢাকি আদরের সে গালের রান্ধা ছেকা ।  
আর যা'ব না বকুল-বনে তোমার সনে একা ॥

শ্রীচারুচন্দ্র বন্দ্যোপাধ্যায় ।

\* শ্রীযুক্ত গোবিন্দচন্দ্র দাসের কবিতা “এই এক নূতন খেলার” উত্তর ।

## পল্লী-প্রবাসীর পত্র ।

প্রিয় স্বরেন বাবু!—

কোন বিশেষ কার্যসূত্রে আবদ্ধ হইয়া আমি এবার পূজার ছুটিতে বাটী বাইতে পারি নাই। “বারদিবস অবকাশ দায়িনী” জর্গোৎসব পর্ক্সাহে আমাদের সেই সোণার সহরের নব্য সভা সুহৃদবর্গের সদালাপ ও সভ্যজনোচিত আমোদ প্রমোদে বঞ্চিত হইয়া এবার আমাকে এই সুদূর পূর্ব-বঙ্গের সামান্ত পল্লীতেই পূজার অবকাশ অতিবাহিত করিতে হইল। আমাদের বন্ধুবর্গকে এবং সমিতির সভ্য, সভ্যা, সভাপতী ও পল্লীগণকে আমার সাদর সন্তাষণ দিবে। আমাদের “উন্নতি বিধায়িনী” সভার কার্য কেমন চলিতেছে? মিস মনোরমা গাঙ্গুলী মহাশয়া আমাদের “পবিত্র-প্রেম-বিধায়িনী” সমিতির সহিত কিরূপ সহানুভূতি দেখাইতেছেন, তাহার সংক্ষিপ্ত সংবাদ প্রদানে আমি সন্তোষিত করিবে। আমি অগত্যা কিছু দিবসের জন্ত কলিকাতা হইতে দূরে থাকিতে বাধ্য হইয়াছি বলিয়া, আমি যেন তাঁহাদের অন্তর হইতে অন্তর না হই। দূরে থাকিলেও আমি কিন্তু আমাদের কর্তব্য—আমাদের জীবনের ব্রত বিন্মত হই নাই। আমি এই পল্লীগ্রামে বাস করিয়া, বিশেষতঃ এবার পূজায় এখানে থাকিয়া পল্লী বাসিগণের রীতি নীতি, আচার ব্যবহার, আহার বিহার সমস্তই সুতীক্ষ্ণ দৃষ্টির সহিত Study (পাঠ) করিতেছি। ভাই! ভারতের পল্লীগ্রাম সমূহের নৈতিক অধোগতি, অসভ্যতা-বৃদ্ধি ও অশ্লীলতার উন্নতি দেখিয়া বাস্তবিকই আমি মন্থাহত হইয়াছি। শিক্ষিত যুবক যে এখানে আদৌ নাই, তাহা বলিতে পারি না; কিন্তু উপযুক্ত সভা সমিতির অভাবে ইহারা সভ্যতার সুপথে অগ্রসর হইতে পারিতেছে না। এই সকল অসভ্য বর্কর গুলিকে অসভ্যতার ঘোর অন্ধকার হইতে আলোকে আনিতে এবং সাম্যভাবের সুধায় তাহাদিগের মন প্রাণ মাতাইতে না পারিলে

আমাদের জীবনের ব্রত অসম্পূর্ণ ও অসম্পন্ন থাকিয়া যাইবে। তাই আমি তোমাদের নিকট প্রার্থনা করিতেছি যে, তোমরা সকলে এক মনে, এক প্রাণে, এক তানে, আমার সহিত সহানুভূতি করিলে আমি এখানে একটি “শাখা-সমিতির” প্রতিষ্ঠা করিয়া এই অন্ধ-তমসচ্ছন্ন পল্লীগুলিকে সভ্যতার সূর্যালোকে আলোকিত করি। এ বিষয়ে অবশ্য প্রথমে কিছু ব্যয় আছে, আমি মনে করিতেছি “যদি সভ্য সভ্যাগণের মত হয়” তাহা হইলে গত বর্ষে আমরা যে ফিজীদীপের দরিদ্রগণের সাহায্যার্থ চাঁদা আদায় করিয়া ছিলাম, তাহা হইতে আপাততঃ কিছু এই শুভ উদ্দেশ্যে ব্যয়িত হউক; আর কামস্কাটকায় চাউল প্রেরণের যে প্রস্তাব হইয়াছিল, তাহা আপাততঃ কার্যে পরিণত না হইলেও চলে, কারণ তোমরা সকলেই বোধ হয় জান Charity begins at home. তোমাদের গায় উচ্চ-মনার পক্ষে সমগ্র সংসারই গৃহ—বন্ধুবাসী সকলেই তোমাদের আত্মীয়।

ভাই! এবার পূজার অবকাশ এখানে অতিবাহিত করিয়া, আমি পল্লীবাসিগণের দুর্দশা ও পাশবিকতার প্রত্যক্ষ করিয়া, অনেকটা বহুদর্শীতা লাভ করিতে সমর্থ হইয়াছি। আমার এই কয়েকদিন এখানে অবস্থানে আমি বেশ বুঝিয়াছি যে, পল্লীগ্রাম সমূহ অসভ্যতার ঘোর অন্ধকারে আচ্ছন্ন। ইহারা অর্থের সদ্যবহার আদৌ জানে না, পদে পদে অলসতার প্রশ্রয় দেয় আর Old fool গণের পদাঙ্ক অনু-সরণ করিয়া অনেক আপদ বিপদ আনয়ন করিয়া আমাদের গায় উন্নতিশীল যুবকবৃন্দের উন্নতির পথের কষ্টক স্বরূপ হইয়া দাঁড়ায়। ভাই! এবার পূজায় এখানে যেরূপ বীভৎসকাণ্ড দেখিলাম, তাহার কিয়দংশ তোমাকে না জানাইলে আমি স্মৃতির হইতে পারিতেছি না। বিবরণটি পাঠ করিলেই তোমরা জানিতে পারিবে—পল্লীগ্রামের অসভ্য বর্করগুলা কিরূপ নির্বোধ ও কিরূপ অপরিমিতব্যয়ী, অর্থের, অর্থবোধ ইহাদের আদৌ নাই। পল্লীগ্রামে পূজায় যে কেবল কতকগুলো ভূতভোজন হয়, তাহা তুমি আমার পত্রে বেশ বুঝিতে

পারিবে ; আর আশা করি, ব্যাপার বুঝিয়া প্রতিকারের চেষ্টায় অগ্রসর হইতে কুণ্ঠিত হইবে না।

আমি যে গ্রামে রহিয়াছি, সেখানকার ঘোষেরা বেশ বড় লোক। বৃদ্ধ ঘোষজ মহাশয়ের আয় ব্যয় দুই যথেষ্ট বটে, কিন্তু দুই সমান। পরিবার, দাস দাসী, সন্তান সন্ততি প্রভৃতিতে অনেকগুলি। তিনটি সন্তান বেশ শিক্ষিত ও উপার্জনক্ষম ; তাঁহারা বিদেশে চাকরী করেন, কিন্তু যথেষ্ট আয় থাকিতেও অর্দ্ধাঙ্গ-ভাগিনীগণকে সঙ্গে রাখেন না, যাহা উপার্জন করেন, সমস্তই সেই বৃদ্ধ সেকেলে অসভ্য পিতার হাতে দিয়া লাভে মূলে হাবাৎ হন। এক কথায় ইহারা যেন সেই বৃদ্ধের ক্রীতদাস। বৃদ্ধা গৃহিনীই সংসারের সর্বময়ী। তাঁহার আর পুত্রবধূগণ যেন বাটীর চাকরানী। এই যুবক-দম্পতীগণের মাথায় যে কিছুমাত্র পদার্থ আছে, সে বিশ্বাস আমার আদৌ নাই ; থাকিলে তাঁহারা কখনই এই বিস্তৃত সংসারের ভূতভোজন ব্যাপারে এত অর্থনাশ ও প্রেম-প্রতিমাগণের স্বাস্থ্য নাশের ব্যবস্থায় স্বীকৃত হইতেন না। ভাই ! বল দেখি, আমাদের সুসভ্য কলিকাতা সহরে একরূপ বর্কের কয়জন আছে ?

যাই হউক, এখন এই বাটীর পূজার ব্যাপার শুন। এই গ্রামের চতুপার্শ্ববর্তী ৩৪ ক্রোশের মধ্যে আর কোন গ্রামেই পূজা নাই। এই এক খানি মাত্র পূজার খাতিরে এখানকার কত লোক বিদেশ হইতে—এমন কি কলিকাতা সহর পরিত্যাগ করিয়া, সেই সাহেব ভোজন, নাচ, থিয়েটার প্রভৃতির স্বর্গীয় বিমল আনন্দ অবহেলা করিয়া কেন যে এই কু-পল্লীতে দৌড়িয়া আসিয়াছে, তাহার অর্থ আমি কিছুই বুঝিতে পারিলাম না !

পূজার প্রায় একমাস পূর্ব হইতে বৃদ্ধ ঘোষজ মহাশয় আহাৰ নিদ্রা পরিত্যাগ পূর্বক নানাবিধ দ্রব্যাদির আয়োজনে নিযুক্ত হইলেন। যেখানে যে ভাল জিনিষ পাওয়া যায়, অকাতরে অর্থ ব্যয় করিয়া তিনি তৎসমুদয় সংগ্রহ করিতে লাগিলেন। বিবিধ সুরম্য উপাদেয় খাদ্য বস্তুতে গৃহ পরিপূর্ণ হইতে লাগিল। পূজার কয়েকদিবস পূর্ব

হইতে গ্রামস্থ কতকগুলি বিকটাকার ব্রাহ্মণ আসিয়া মহানন্দে বিবিধ ঘৃতপক মিষ্টান্নাদি প্রস্তুত করিতে লাগিল। পরম উপাদেয় ইংরাজ-পছন্দ দ্রব্য সমুদয় দেখিয়া আমি আগে মনে করিয়াছিলাম—বোধ হয়, ঘোষজ মহাশয়ের বাটীতে এই পূজা উপলক্ষে কতকগুলি সাহেব-সুবো ও ইংরাজী-শিক্ষিত নব্য-সভ্যবৃন্দের শুভাগমন হইবে। তাঁহাদের সহিত আমাদের মার্জিত রুচির গোটা কতক কথা বার্তা কহিয়া মনের আক্ষেপ মিটাইব। ভাই ! বলিব কি এখানে আসিয়া পর্য্যন্ত মন খুলিয়া আমাদের সেই অপূর্ব-মিশ্র বাঙ্গালায় কথা কহিবার সুখ আদৌ পাইলাম না। যদি কখনও কোন ভদ্রলোকের সান্নিধ্য আলাপ করিতে যাই, কি জানি কেন তাঁহারা আমার সমস্ত কথা প্রকৃত মর্মে গ্রহ করিতে পারে না।

পূজার পূর্ব দিবসেই নিমন্ত্রিত আগন্তুকগণের জনতার ঘোষজ মহাশয়ের সুবৃহৎ বাটী পরিপূর্ণ হইয়া গেল। গ্রামস্থ অনেকেই বাটীতে তাল লাগাইয়া সপরিবারে এখানে আসিয়া অবতীর্ণ হইলেন। যিনি না আসিলেন, ঘোষজ মহাশয় যাইয়া তাঁহাকে ডাকিয়া আনিতে লাগিলেন। আমি পূর্বেই পূজার সুসভ্য লোকের শুভাগমন আশা করিয়া ছিলাম, তাহার একটীও দেখিতে পাইলাম না ; কেবল কতকগুলি অর্দ্ধ-উলঙ্গ বিকটাকার ব্রাহ্মণ ও কতকগুলি ইতর লোকে সেই সকল উপাদেয় দ্রব্যজাত উদরসাৎ আরম্ভ করিল। এক এক জনের আহাৰ দেখিলে তোমরা নিশ্চয়ই মুচ্ছিত হইতে। সে গুলি মানুষ কি রান্ধস, সে বিষয়ে আমার বিলক্ষণ সন্দেহ আছে।

অষ্টমী পূজার দিন সন্ধ্যার পর যে একটা বীভৎস ভোজন ব্যাপার আমি স্বচক্ষে অবলোকন করিয়াছি, তাহার বিবরণ তোমায় যথা-যথ লিখিতেছি, তুমি ত অবশ্যই পাঠ করিবে, আর আমাদের বন্ধুবর্গকেও শুনাইও ; কিন্তু সাবধান ! যেন আমাদের সভা সমিতির সভ্য ও সভাপত্নীগণের কর্ণে এ কথা প্রবেশ করিতে না পায় ! এ বীভৎস বর্ণনা তাঁহাদের কর্ণে প্রবেশ করিলে তাহাদের নিশ্চয়ই ফিট হইবে। আর তুমি একেলা সকল গুলির শুশ্রূষা করিয়া উঠিতে পারিবে না।

ব্যাপারটী এই,—আরতীর পর, আগন্তুক প্রতিমা দর্শকগণকে সাদর সম্বোধনে ও উপাদেয় আহার্যাদানে পরিতৃপ্ত করিয়া বৃদ্ধ ঘোষজ মহাশয় যখন জল যোগ করিবার জন্ত বাটীর মধ্যে যাইবেন, এমন সময় হঠাৎ “চক্রবর্তী মহাশয় আসিতেছেন”—বলিয়া চারিদিকে যেন একটা কোলাহল পড়িয়া গেল। বলা বাহুল্য যে, বৃদ্ধ ঘোষজ মহাশয় পূজার তিন দিবসই প্রত্যুষে স্নান করিয়া চণ্ডীমণ্ডপে উপবিষ্ট হন এবং স্বয়ং অনিন্দিতগণের ভোজন ব্যাপার তত্ত্বাবধান করিয়া আরতীর পর অস্তঃপুরে গমন করতঃ জলযোগ করেন। গৃহিণীর জলযোগ সূতরাং কর্তার জলযোগেরও পরে। চক্রবর্তী মহাশয় আসিতেছেন শুনিয়া ঘোষজ মহাশয় হস্ত-মুখে করজোড়ে দ্বারের দিকে অগ্রসর হইলেন এবং এক বিকাটাকার ঘোর ক্রুদ্ধ বর্ণ ব্রাহ্মণকে প্রণাম করিয়া সমস্ত চণ্ডীমণ্ডপে বসাইলেন। উপস্থিত ব্যক্তিবর্গ চতুর্দিকে সমবেত হইল, পুত্রগণ একে একে আসিয়া সেই অসভ্য বর্ষরের ফাটা পায়ের ধূলি লইয়া মাথায় দিতে লাগিল। উপরে স্ত্রীলোকগণও তাঁহাকে দেখিবার জন্ত জানলার নিকট জনতা করিয়া আসিয়া এই ব্যাপারের কিছুই বুঝিতে না পারিয়া বড় বাবুকে জিজ্ঞাসা করিয়া জানিলাম—ইহার নাম হরেরাম চক্রবর্তী, ইনি প্রতিবর্ষে জুষ্টি পূজার দিন রাত্রে এখানে পদার্পণ করিয়া জলযোগ করেন এবং জল যোগের দক্ষিণা বা বৃত্তি পাঁচ টাকা গ্রহণ করিয়া আশীর্বাদ করিয়া চলিয়া যান।

কিয়ৎক্ষণ ঘোষজ মহাশয়ের সহিত কথাবার্তা করিয়া চক্রবর্তী মহাশয় বলিয়া উঠিলেন, ভাই! এবার ভাতুড়ে মন্দাগ্নিতে বড়ই কষ্ট পাইয়াছি; আহার আর আদৌ নাই বলিলেই হয়, তবে তোমাকে একবার আশীর্বাদ করিতে না আসিলে মনটা কেমন করে তাই আসা। ভাই! ভাতুড়ে মন্দাগ্নির জ্বালায় এ বয়সে আমাকে প্রথম ঔষধি সেবন পর্য্যন্ত করিতে হইয়াছে। গীড়ার অত্যন্ত কাতর হইয়া যখন আহার একবারে কমিয়া গেল, তখন একদিন অনেক ভাবিয়া বৈষ্ণবপুরের কবিরাজ বাড়ী ঔষধ আনিতে গেলাম। পথে বেলা অধিক হওয়ায় সূবর্ণ গ্রামের সামস্তদের বাটীতে অতিথি হইলাম। স্নানাহ্নিক সারিয়া

রন্ধন করিতে গিয়া দেখি—আদ সের খানেক চাউল ও কিছু তরিতরকারীর আয়োজন রহিয়াছে। দাদা তুমি ত জানই, আমার চাউল জল খাওয়া অভ্যাসটা অনেক দিনের, তবে সে সময় মন্দাগ্নির প্রকোপ ছিল বলিয়া, ওই আদসের চাউলে যো যা করিয়া, চাউল জলটা সারিয়া লইলাম। কিয়ৎক্ষণ পরে একজন ভৃত্য পান লইয়া আসিয়া আমাকে চুপ করিয়া বসিয়া থাকিতে দেখিয়া অবাক হইল। আমি তাহাকে বলিলাম, বাপু হে! তোমরা যে কয়টা চাউল দিয়া গিয়াছিলে তাহাতেই আমি জোগেজোগে চাউল জলের কাষটা সারিয়া লইয়াছি; তবে রন্ধনের চাউল না পাইয়া কাষেই বসিয়া আছি। ভৃত্য শুনিয়া কহিল,—“ঠাকুর! রন্ধনের জন্ত কতগুলি চাউল আনিব অনুমতি করুন” আমি কহিলাম—“বাপু! আমি মাসেক কারণ মন্দাগ্নিতে ভুগিতেছি, আহার আর নাই, তাই বেশী দরকার নাই—সের দশেক চাউল ও তত্পযুক্ত তরিতরকারী আনাইয়া দিলেই যথেষ্ট হইবে।” ভৃত্য তৎক্ষণাৎ উক্ত জিনিষগুলি আনিয়া দিল। আমি পাকশাক সমাপন করিয়া ভোজনে বসিয়াছি এমন সময়ে বাটীর কর্তাবাবু আমার সমুখে উপস্থিত হইয়া বিশেষ শিষ্টাচার প্রদর্শন করিলেন। আর বলিয়াদিলেন—“মহাশয়ের প্রত্যাগমন সময়ে যেন একবার এখানে পায়ের ধূলা পড়ে।” কিন্তু দাদা সে পথ দিয়া না আসায় আর সেখানে যাওয়া হইল না।

কথাটা শুনিয়া উপস্থিত সকলেই হো হো করিয়া হাসিয়া উঠিলেন, আমি কিন্তু এই নর-রাক্ষসের কথা শুনিয়া অবাক হইয়া গেলাম।

কিয়ৎক্ষণ পরেই ঘোষজ মহাশয় অতি বিনীত ভাবে তাঁহাকে চরণ ধৌত করিতে বলিলেন। তিনি বার কয়েক হাঁই তুলিয়া তুড়ি দিয়া যেন নিতান্ত অনিচ্ছায় পদ প্রক্ষালনপূর্বক আসরে উপবেশন করিলেন। ভাই! বলিব কি, এই রাক্ষস কেবল জলযোগে প্রায় দশ সের দরি ১ খান, প্রায় ৫ সের ক্ষীর, সন্দেশ প্রায় ৩ সের ও কয়েক প্রকার ফল দেখিতে দেখিতে উদরসাৎ করিয়া ফেলিল এবং একটু হরিতকী চর্ষণ করিতে করিতে ৫টা টাকা দক্ষিণা বা বৃত্তি লইয়া চলিয়া গেল। ভাই! এইরূপ নর-রাক্ষস গুণার অন্ত না করিতে

পারিলে কখনই ভারতের দারিদ্র্য দূর হইবে না, আর যাহারা এরূপ উদরপরায়ণ অলসগণের আলম্বে প্রশ্রয় দেয়, তাহাদিগেরও গুরুতর শাস্তির প্রয়োজন; এজন্য আমাদের উন্নতি বিধায়িনী সভায় একটা নিয়ম বৃদ্ধি করিলে হয় না?

এইরূপে পূজার তিন দিনই কতকগুলো অসভ্য বর্করকে ভোজন করান হইল। কেবল ভোজন কেন বলি, সপ্তমীর দিন ঘোষজ মহা-শয় ও তদীয় গৃহিণী গ্রামের প্রায় সমস্ত লোককেই নূতন বস্ত্র প্রদান করিলেন। দেখ দেখি ভাই! কি বর্করতা!! কি অর্থের অপব্যবহার। এসব কুসংস্কারাপন্ন লোক থাকিতে আমাদের সমাজ কখনই উন্নতির পথে অগ্রসর হইতে পারিবে না।

রাত্রে নাচ থিয়েটারের নাম গন্ধও নাই। সে সব বিস্তৃত আমোদে আজ পর্য্যন্ত ইহারা বঞ্চিত রহিয়াছে, সঙ্কীতের মধ্যে দেখিলাম কতকগুলো বিকটাকার পুরুষ নিশীথের নিস্তব্ধতা ভঙ্গ করিয়া বিকট-নৃত্য ও বিকট চীৎকারে কর্ণ বধির প্রায় করিয়া দিল। এই অশ্লীলতা-পূর্ণ বর্কর আমোদকে ইহারা “কবি” বলে।

ভাই পত্রে আর কত লিখিব? এ স্থানে আমি বেশী দিন থাকিতে পারিব বলিয়া বোধ হয় না, সত্বর তোমাদের সহিত সাক্ষাৎ করিয়া আদ্যোপান্ত কীর্তন করিবার প্রবল ইচ্ছা মনে রাখিয়া, আজ এ স্থলেই ‘ইতি’ দিতে বাধ্য হইলাম।

তোমারই ফেলারাম।

শ্রীবিনোদলাল চট্টোপাধ্যায়।

# বীণাপাণি।

মাসিকপত্রিকা ও সমালোচনী।

“বীণা-পুস্তক-রঞ্জিত হস্তে। ভগবতি, ভারতি দেবি নমস্তুে।”

৪র্থ খণ্ড। } অগ্রহায়ণ, ১৩০৪ সাল। } ১১শ সংখ্যা।

## হরি-নাগ।

লণ্ঠন দোলা দেখিয়া ঘড়ী সৃষ্টি হয়, সময়ের মাপ কার্য; সূর্য্য পূর্ব্বদিকে ছিল—পশ্চিমে যাইল, দিনের পর রাত্রি আসিল, আবার সূর্য্য উদয় হইল, এই কার্যের দ্বারা সময় মাপ হইয়া থাকে; ইহা ব্যতীত আর সময়ের অনুভব নাই। ঘড়ীর অভাবে—অন্ধকার রজনীতে আমাদের আপন কার্যের দ্বারা সময় নির্ণয় করি। সন্ধ্যার সময় বসিয়াছিলাম, এত পাতা পাঠ করিয়াছি, সূত্রাং সময় এইরূপ হওয়া সম্ভব। কার্য যদি সময়ের পরিমাণ হয়, তাহা হইলে কোন এক মন্তব্য-সাধনের নিমিত্ত কতটা কার্যের প্রয়োজন, তাহাই দেখা আবশ্যিক। সহস্র সহস্র বৎসরে উপস্থিত স্বাভাবিক নিয়মে অর্থাৎ ধীর কার্য-প্রবাহে খনির মধ্যে হীরা প্রস্তুত হয়; কিন্তু সেই হীরক রাসায়নিক যন্ত্রে দুই তিন দিনের ভিতর প্রস্তুত হইতেছে, গুনা যায়। ইহাতে বুঝায় যে, ধীরে ধীরে যুগ্ম হইতেছিল,—অল্প কার্যের দ্বারা যে ফল কলিতেছিল, যে সমস্ত কার্যের দ্বারা হীরক প্রস্তুত হয়, বিজ্ঞানবলে সেই সকল কার্য



অল্প সময়ের ভিতর একত্র সংঘত হইয়া হীরা প্রস্তুত করিয়াছে। বাহু জগতে যদি ধীর ও দ্রুত কার্যের ফলাফল প্রভেদ হয়, যদি কোটী বৎসরের কার্যের ফল পাঁচদিনে দ্রুত কার্যে সম্পাদিত হয়, বাহু জগতে যদি এরূপ নিয়ম দেখা যায়, অন্তর্জগতেও সেইরূপ। ইহা সকলেই দেখিয়াছেন যে, একজন বালক এক ঘণ্টায় যে সমস্ত পাঠ কণ্ঠস্থ করে, আর একজন তাহা ছয় মাসেও পারে না! আমি দেখিতাম—একটি বালক তাহার পাঠ্য পুস্তক অভ্যাস করিত। “হি র্যাণ্ শ্যাট্ হার” ভাল করিয়া আবৃত্তি করিতে পারিত না, “হি রেণ আটার” বলিত। প্রতিদিন সমস্ত রাত্রি “হি রেণ আটার” “হি রেণ আটার” করিয়া এক বৎসরে তাহার পাঠ সমাপ্ত হইল না। বিদ্যা উপার্জনে যেরূপ, ধর্ম উপার্জনেও ঠিক সেইরূপ হয়। আজীবন প্রাতঃস্নান, পূজা, ত্রিসন্ধ্যা, সন্ধ্যা হরিনামের ছাব, একাহারী, ধর্মকথা, ধর্মচর্চা করিয়া মনের মালিন্য কিছুমাত্র দূর হইল না, দেখা যায়। বরঞ্চ কার্যে অনুভব হয় যে, বয়সের সহিত দিন দিন দুর্বলি প্রবল হইয়াছে। নিজের গুরু—অজ্ঞান, পৃথিবীর লোক পাপীঠ, সাধু-শাস্ত্র পেটের দায়ে, সাধু কোথায় নাই, সংসার ধর্ম যেরূপ তিনি একশত টাকায় পঁচাত্তর টাকা সুদ লইয়া পরিবারবর্গকে এক সন্ধ্যা খাওয়াইয়া, ভিক্ষুককে ভিক্ষা না দিয়া, কাহাকে কখনও মার্জনা না করিয়া, সন্ধ্যার পর তাঁহার সমজ্ঞানী বৈষ্ণবীর সহিত ধর্মচর্চা করিয়া, প্রচুর মাল অর্থ ষ্টেট সংগ্রহ পূর্বক যেরূপ তিনি সংসারধর্ম নির্বাহ করিতেছেন, তাহাই সারধর্ম; যদি কাহাকেও ত্যাগী দেখেন, সে ভণ্ড; যদি কেহ ভিক্ষার জন্ত আইসে সে যোচ্চোর; দয়া প্রভৃতি সদগুণচর্চা বাহা শাস্ত্র উপদেশ দেয়, সে সমস্ত বুঝিয়া স্মৃতিয়া করিতে হয়, নতুবা চোরকে প্রশ্রয় দেওয়া হয়। এক কথায় তিনি ও তাঁহার ধর্ম সহায়িনী বৈষ্ণবী ব্যতীত আর ধার্মিক কেহ নাই, এই ধারণা। দীনভাবে চৌরাস্তায় বসিয়া কুঁড়োজালি জপ করিতে থাকেন,—এই তাঁহার আজীবন ধর্মচর্চার ফল। আবার অপর

দিকে যদিচ বিরল, কিন্তু এরূপ দৃষ্টান্ত পাওয়া যায়, ঘোর সংসারী মহা-সংসার কার্যে লিপ্ত, ঘোর নাস্তিক, এক দিনও দেবতার নাম লয় নাই, সহসা সর্বত্যাগী হইল। অল্প অপরাধে পূর্বে যে শত্রুকে গুলি করিতে যাইত, ভৃত্যকে চাবুক প্রহার ভিন্ন অপর সম্ভাষণ করিতে জানিত না, সেই ব্যক্তিকে প্রেমে গদ গদ হইতে দেখা গিয়াছে,—মস্তক হইতে ইকুন খঁসিয়া পড়িলে পুনর্বার মস্তকে রাখে। এঁ টং নয়, ছল নয়, লোককে দেখাইবার নিমিত্ত নয়, তাহার লোকের সহিত কথা কহিবার সাবকাশ নাই, লোকের প্রশংসা-বাদ গুনিবার সাবকাশ নাই, এমন কি আহাের সাবকাশ নাই। সদাই ভয়, যে কার্য করিবেন, সেই কার্যেই উচ্চধনিত হরি-নাম করার বিরাম পড়িবে। এরূপ মহাপুরুষ স্বচক্ষে দেখিয়াছি। অতি স্বল্প সময়ে ছরস্ত দানব, দেবত্ব প্রাপ্ত হইয়াছিলেন। এই সকল দৃষ্টান্তে অনুমান হয় যে, সূর্যের গতা-গতি ধরিয়া যে সময় আমরা নির্ণয় করি, সে সময় পরিমাণে মনের পরিবর্তন নির্ণয় করা যুক্তিসঙ্গত নয়। মনে অধিক পরিমাণে কার্য হইলে, কয়লা মন হীরা হয়, যেমন বাহু জগতে দেখিতে পাওয়া যায়। এবং কোটী কোটী জন্ম মালা ফিরাইয়া জ্ঞান পথে কিছুমাত্র অগ্রসর হইবে না, তাহাও সম্পূর্ণ সম্ভব। যেমন বাহু জগতে কোটী কোটী বৎসর কয়লা থাকিয়া কয়লাই রহিয়াছে, তাহাতে হীরকত্বের আভাস নাই। দেখা যায়—মনের যে কার্যে মন নিম্নল হয়, সেই কার্যে যে পরিমাণে হইবে, সেই পরিমাণে স্বল্প সময়ে মন নিম্নল হইবে। নাস্তিক সংসারিক হঠাৎ একদিন বুঝিল, যে নিজ কার্যে জগতের সমস্ত লোককে শত্রু করিয়াছে, নিজ বুদ্ধি ভেলা সংসার তরলে ডুবু হইয়াছে। উপায় হীন ছরস্ত পাথার! গুরুর কৃপায় বুঝিল, দয়াময় ঈশ্বর আছেন, ডাকিলেই তাঁহাকে পাওয়া যায়, বিশ্বাস জন্মিল, সংসার-তাড়িত নাস্তিকের আনন্দের আর সীমা রহিল না, সংসার সাগর গোপ্পদ জ্ঞান হইল। জগৎ কর্তা ঈশ্বর আছেন, ডাকিলে তাঁহাকে পাওয়া যায়! ঈশ্বরপদে

হৃদয় আকৃষ্ট হইল, ঈশ্বর ধ্যান-জ্ঞান জীবন হইয়া উঠিল, ক্ষণ-মাত্র ঈশ্বর অন্তরে থাকিতে সাহস হয় না, তাহা হইলেই ঘোর অন্ধকার নরক দর্শন হয়। নাস্তিক তরল সাগর হইতে উঠিয়া অটল শৈলাননে বসিল। একদিনেই পরিবর্তন,—একদিনেই চিত্ত-শুদ্ধি—তাহা আর সময় সাপেক্ষ নহে। ঈশ্বর তাহার জীবনের পূর্ণ অবলম্বন হইলেন, কিছুই বাকী রহিল না। অপর এক ব্যক্তি পাপের জ্বালায় অস্থির। আত্মীয় পরিত্যক্ত, দেশ হইতে নিক্কাসত ব্যবস্থাপকেরা তুষানল বা উত্তপ্ত ঘৃত পান ব্যবস্থা দিয়াছেন, এমন সময়ে প্রফুল্লকান্তি দেবমূর্তি সন্ন্যাসীর মুখে অভাগা শুনিল, “একবার হরি-নাম কর, তোমার পাপ থাকিবে না।” অত্যাগা, আশ্বাস বাক্যে আত্মহারা হইল, নাম প্রভাবে হৃদয়গ্রহী ভেদ হইল, উন্মাদ-আনন্দে বিভোর হইয়া গেল, এক নামে হরিগত প্রাণ, সাধু! তাঁহার পদস্পর্শে শত শত লোক সাধু হইতে লাগিল, সেই অপবিত্র ব্যক্তি যে স্থলে চলিয়া যায়, সেই স্থল পবিত্র হইতে লাগিল, এক নামে মহাপাপী উদ্ধার হইল।

মুমূর্ষু রোগের তাড়নায় অধীর, বৈষ্ণু আশা ত্যাগ করিয়াছে, পলে পলে মৃত্যু অগ্রসর হইতেছে, পীড়ার তাড়নায় অনুভব করিতেছে, জীবনের পাপ সমুদর ভীষণ বেশ ধারণ করিয়া সম্মুখে মৃত্যু করিতেছে, ইন্দ্রিয় শৈথিল্য প্রযুক্ত রিপু সকল স্থির হইয়াছে। অদূর ভবিষ্যতে মৃত্যু! তারপর কি হইবে, হৃদয় শিহরিতেছে। মহাভয়ার্তের নিকট মহাপুরুষ দাঁড়াইয়া বলিলেন,—“ভয় কি হরি নাম কর।” হরি-নাম করিল, অমনি অলকানন্দার পূতবারি তাঁহার হৃদয় বিধৌত করিয়া স্বর্গের উপযোগী করিল, হরি-নাম করিয়া মরিল, কি হইল তাহা আর দেখিতে পাইলাম না সত্য, কিন্তু দর্শক সমূহের মধ্যেই নিশ্চিত হইল যে সে হরি-পাদ-পদ্মে স্থান পাইয়াছে, তাহাতে আর সন্দেহ নাই। বালককালে একজন ব্রাহ্মণের কথা শুনিয়াছিলাম; আমাদের পাড়ায় সে কথা বহুদিন প্রচার ছিল, ব্রাহ্মণের চরম সময় উপস্থিত, তীরস্থ করিয়াছে, ইতিপূর্বে

বেশালয়ে হাত কাটা গিয়াছিল, হাত জুড়িবার ক্ষমতা নাই, ধীরে ধীরে মা গঙ্গাকে সম্বোধন করিয়া বলিতে লাগিল, “মা! ব্রাহ্মণকূলে জন্মগ্রহণ করিয়াছিলাম, কোনও ছুক্ষ্ম করিতে ক্রটি করি নাই, ভরসা পতিতপাবনী তুমি আছ, এক্ষণে শরণাগত পতিতকে পাণ্ডে স্থান দাও” ব্রাহ্মণ গঙ্গার গর্ভে প্রাণত্যাগ করিল। এই ঘটনা যাহারা দেখিয়াছিল, যাহারা শুনিয়াছিল, সকলেরই মনে মনে আশার সঞ্চার হইল, যে ব্রাহ্মণ চরম কালে পরম গতি লাভ করিয়াছে। যদি শাস্ত্র সত্য হয়, যদি মহাপুরুষের বাক্য সত্য হয়, মানব হৃদয়ে এ আশা মহাফলপ্রদ। দেবতার স্থানে আশা বিফল হয় না, এই ঋষির মৃত্যুর দর্শনে বা শ্রবণে যাহাদের মনে মা গঙ্গার পাদপদ্ম লাভ আশা জন্মিয়াছিল, সে আশা—কল্পলতিকা জন্মনী পূর্ণ করিয়াছেন সন্দেহ নাই। কিন্তু আশ্চর্যের বিষয় এই এমন হৃদয়-কুল্লকর কথাও কাহারও কাহারও বিরক্তিজনক হইয়া উঠে। অন্তিমকালে বিশ্বাসের ফল তাঁহারা স্বীকারই করেন না। দৃষ্টান্ত দেন, মহাপাতকী মুমূর্ষু অবস্থার ভয়ে দেবতা স্তব করিল কোন কারণে তাহার মৃত্যু না হইয়া আরোগ্য লাভ করিল, তাহাকে পুনর্বার পাপ করিতে দেখা যায়, যদি চরম কালে দেবতার নাম উচ্চারণ করিলে পাপ হইতে নিষ্কৃতি পায়, তবে আবার তাহার পাপে মতি হইল কেন? এইরূপ বহুপৃষ্ঠব্যাপী তর্ক করিয়া থাকেন। ইহা দেখা যায় সত্য; বাসনা অতি ছুর্দম—সবল দেহে অধিক প্রবল হইয়া উঠে, পাপে মতি হয়, কিন্তু চরম অবস্থায় যাহা দেখিয়াছিল তাহা কখনও স্মৃতি হইতে উঠিয়া যায় না, দিনে দিনে দেহ ক্ষয়ের সহিত সে স্মৃতি বৃদ্ধি হয়, সন্দেহ নাই। কিন্তু অভাগা শুনে নাই যে, ঈশ্বরের নামে পাপের ক্ষয় হয়, যদিও শুনিয়া থাকে, বিরোধী যুক্তি তাহাতে সন্দেহ উপস্থিত করিয়াছে, ভয়ে ঈশ্বরের নাম করিয়াছিল সত্য; কিন্তু সে নামে তাহার রুচি জন্মায় নাই, সে জানে না যে, দয়াময় তাঁহার নাম বিলাইয়াছেন, যে নামে মহাপাতকী নিস্তার পায়, যদি একবার তার

হৃদয়ে ধারণা হয় যে, তাহার ঠায় মহাপাতকীর নিমিত্তই নাম, নামে দয়ামাথা—সে দয়ার অবধি নাই, তাহা হইলে তাহার চিত্ত আকৃষ্ট হয়। মানুষের স্বভাব—কোনও দাতার কথা শুনিলে প্রফুল্ল হয় না, এমন ব্যক্তি অতি বিরল, তবে দাতারাম ভগবানের নামে তাহার হৃদয় প্রফুল্ল হইবে না কেন? দয়াল রামকে দিন দিন মনে পড়িতে থাকে—অপার করুণা দিন দিন উপলব্ধি করে। বাসনার বল ক্রমে কমিয়া যাওয়াই সম্ভব, নামে রুচি হওয়া অতি উৎকৃষ্ট সাধনের ফল। এ স্থলেও আপত্তি আছে, আপত্তি-কারী এক দণ্ডও নিশ্চিত নাই, তিনি পাণ্ডিত্য অভিমানে বলিতে থাকেন—“এ কথা সত্য হইলেও প্রকাশ করিতে নাই, ইহাতে জগতের ক্ষতি হয়, একবার ঈশ্বরের নাম লইয়া মুক্তিলাভ হইবে, মানুষের এ ধারণা থাকিলে দুষ্কর্ম হইতে কখনই নিবৃত্ত হইবে না, দেখ না কেন, ব্রাহ্মণের কথাতে প্রকাশ “মা গঙ্গা! তুমি আছ বলিয়া বিস্তর পাপ করিয়াছি।” সেইরূপ অনেকেরই পাপে মতি হইবে। সত্য দ্বারা অনিষ্ট হয়, এ কথা আমরা স্বীকার পাই না। \* ব্রাহ্মণের কথায় কি প্রকাশ পাইতেছে? যে দিন তাহার গঙ্গাভক্তি জন্মিয়াছিল, সেই দিনই তাহার পাপের প্রতি দৃষ্টি পড়ে। আপনাকে দীনহীন পাতকী জানা মহাসাধন—এই সাধন তাহার হইতেছিল, যাহাকে ঈশ্বর বিশ্বাস দেন—তাহাকেই কিঞ্চিৎ তাড়নাও করিয়া থাকেন; ব্রাহ্মণের অল্প তাড়নায় হয় নাই, বেঙ্গালয়ের আমোদের ফলে তাহার ছিন্ন হস্তে বিরাজিত ছিল, দিন দিন সেই ছিন্ন হস্ত অনুতাপ আনিত, অনুতাপানলে যেরূপ হৃদয় নিশ্চল হয়, অভিমানের সহিত কোটী কোটী বৎসর মালা জপিয়া তাহা হয় না। নামে রুচি হইলেই ঈশ্বরের দয়া ও আপনার দীনতা সম্পূর্ণ উপলব্ধি

\* অধিকারী ভেদে উপদেশ দেওয়া যুক্তিযুক্ত, কিন্তু মধুর হরি নামে অধিকারী নাই, এমন দীনহীন কেহ নাই, দীনের জন্ম হরি নাম সে নামে সকলেরই অধিকার।

হয়, এই উপলব্ধিই জ্ঞান সূর্যের উষা, এই উপলব্ধির পর জ্ঞান সূর্যের উদয়ের বিলম্ব থাকে না, অজ্ঞান অন্ধকার দূর হয়. এই সকল তর্কিকদের আমার গুরুর নামে বলি, নামে রুচি হউক, নিজের হীনতার প্রতি লক্ষ্য হউক। 'সন্দেহ জড়িত তর্ক যুক্তি দূর হইবে, তৎপরিবর্তে আনন্দ লাভ করিবে, নামে রুচি হউক, যিনি আমার এ আশীর্বাদ করেন তিনি আমার গুরু।

আপত্ত্য উঠিতে পারে যে, যাহারা একবার হরি-নাম করিয়া ফল লাভ করিয়াছে, সে ফল তাহাদের বিশ্বাসের—হরি-নামের নহে, মহাপুরুষের কথায় বিশ্বাসের ফল। মহাপুরুষ হরি-নাম দিয়াছিলেন, সেই নিমিত্ত অমৃত ফল ফলিয়াছিল, ইহাতে হরি নামের গুণ কি? আমরা উত্তর করি, যাহারা যে বস্তু লইয়া চর্চা করেন, সেই বস্তুর গুণ তাহারা বিশেষ অবগত। হরিগত প্রাণ মহাপুরুষেরাই হরি-নামের গুণ যথার্থ ব্যাখ্যা করিতে সক্ষম। যদি কেহ শাস্ত্র-বাক্য মহাপুরুষ-বাক্য জ্ঞানে হরি-নামে প্রত্যয় করে, তাহারও হরি-নামের ফল ফলিবে সন্দেহ নাই।

[ক্রমশঃ]

শ্রীগিরীশচন্দ্র ঘোষ।

## আশা ।

হাত বাড়িয়ে ধ'রতে গেলে  
আশায় গগন-চাঁদে,  
লাফিয়ে চাঁদা পালিয়ে গেল  
পা' দিলে না ফাঁদে ;  
অবাক হ'য়ে ভেকার মত  
ঘরে ফিরে আসি,  
হেমকালে জুটল এসে  
আবার আশার রাশি ;

আশার আশে হাঁফ ছুটিয়ে  
যেখানেতেই যাই,  
সেই খানেতেই আশা চাঁদা  
ধরা দেয় না ভাই!  
ধোরে তোমায় দেবো ব'লে  
কত সুহৃদ জোটে,  
ছুটে পোড়ে শেষকালেতে  
মূল ধনটা লোটে।

লুঠ-তছরূপে সকল গেল  
নাইক কিছু আর,  
হাঁ ক'রে তাই রইলু ব'সে  
আশাই স্মধু নার ;  
তবু কেন আশার আশা  
ছাড়তে নাহি পারি,  
যুরে ফিরে আশার ফাঁসে  
পা' জড়িয়ে মরি ;  
ইচ্ছা করে—আশায় ছেড়ে  
অণু দিকে ধাই,  
চারদিকেতে আশার বেড়া  
রাস্তা কোথা পাই ?

যদি—বল “বেড়া ভেঙ্গে  
যাও না কেন চ'লে,”  
কোন্ দিকেতে কোথায় যা'ব  
কেবা দেবে ব'লে ?  
যে জন আমায় দেবে ব'লে  
পাই না ত তার দেখা,  
কাষেই আমায় ব'লতে হ'ল  
অদৃষ্টের ফল লেখা ;  
দোব দিতে হয় তারেই দোব'  
সেই ব্যাটা এর গোড়া,  
অসার আশার সংসারেতে  
সবাই আশায় বোড়া ।  
শ্রীউপেন্দ্রনাথ সিংহ ।

## প্রাণের জ্বালা ।

কাঁচা বাঁশে ঘৃণ ধরিয়াছে । এই কয়দিন পৃথিবীতে আসিয়াছি, ইহারই মধ্যে এত জ্বালা কোথা হইতে আসিল ? জ্বালার উপর জ্বালা অতি বিষম, জ্বালায় প্রাণ মন অস্থির হইয়া পড়িয়াছে । শীত নাই, গ্রীষ্ম নাই, বসন্ত নাই, দিন নাই, রাত্রি নাই, অবিরাম অনিবার জ্বালায় জলিয়া মরিতেছি ; কিন্তু কি জ্বালা—কিসের জ্বালা—কিছুই জানি না । দিনে কার্যের অবসরে,—রাত্রিতে নিদ্রার প্রাক্কালে, যখনই মন এলাইয়া পড়ে, তখনই জ্বালা দ্বিগুণীত হইয়া উঠে, তখন প্রাণ আরও অস্থির হইয়া পড়ে । বল দেখি, কিসের এ জ্বালা ?—কিসে এ জ্বালা জুড়ায় ?

সংসার ! তোমাতে কত কি আছে,—কত মহান, কত বৃহৎ, কত উচ্চ, কত সামান্য, কত ক্ষুদ্র, কত নীচ ব্যাপার আছে ; ইহারই মাঝে পড়িয়া আমি জ্বালায় জলিয়া মরিতেছি । পৃথিবীতে

কত কি আছে, তাহাদের তুলনায় আমি কি ? বিশাল সাগর গর্ভে একটা কীটানুর তায়—দিগন্ত ব্যাপিনী নীল কাদম্বিনী কোলে ক্ষুদ্র চাতকটির তায়—অনন্ত অসীম আকাশপটে ঘৃণাকরের তায় আমি একটা ক্ষুদ্রাদপি ক্ষুদ্র ব্যাপার !—সংসার ! তোমার বিশাল ক্রোড়ে কোথায় এতটুকু স্থান অধিকার করিয়া পড়িয়া রহিয়াছি, তাহাতেও এত জ্বালা ! সংসার ! বলিতে পার, এত ক্ষুদ্রে এত জ্বালা কেন ? কিসের এ জ্বালা ?

কে জানে কিসের জ্বালা ! কে বলিবে, এত ক্ষুদ্রে এত জ্বালা কেন ? জ্বালায় জলিয়া সংসারের যেরূপে চাহিয়া দেখি; দেখিতে পাই, সেই দিকেই আমারই মত জ্বালা ধরার—ঘৃণ ধরার ব্যাপার অহরহ ঘটতেছে । দেখিতে পাই, জ্বালা বাড়িবার কারণ যথেষ্ট আছে, জ্বালা শান্তির কিছু আছে কি না—দেখিতে পাই না । যে দিন হইতে প্রাণে জ্বালা ধরিয়াছে, সেই দিন হইতে কতবার আমি অপেক্ষা বেশীদিনের পুরাতন জ্বালাগ্রস্তকে জিজ্ঞাসা করিয়াছি,—আমাদের এ জ্বালা কিসের ? তাহারা যাহা বলে, তাহার অর্থ বুঝি না, ভাব পাই না, স্মরণে আমার প্রশ্নের সমাধান হয় না, বাসনার পরিতৃপ্তি হয় না, আশা মিটে না । তাহারা বলে,—এ বিশাল বিশ্বে আসিয়া যাহা করিয়াছি, তাহারই ফলে আমার এত জ্বালা । নীতির বন্ধনে বাঁধিয়া, বাসনাগুলিকে নিয়ন্ত্রিত করিতে পারি নাই, স্মরণে আমার চরিত্র গড়িয়া উঠে নাই, তাই সেই অনিয়ন্ত্রিত বাসনায়, সেই অগঠিত চরিত্রে যাহা করিয়াছি, তাহারই ফলে এত জ্বালা ঘটতেছে । যতদিন না বাসনাগুলিকে নীতিদ্বারা নিয়ন্ত্রিত করিতে না পারিব, যতদিন না সেই নিয়ন্ত্রিত বাসনার সাহায্যে আমার চরিত্র গড়িয়া তুলিব, ততদিন আমার কার্য এইরূপ উচ্ছৃঙ্খল থাকিবে, আর এই জ্বালা—এই মহত্ব বিবধের বিষ জ্বালা—ভোগ করিতেই হইবে ।—বিশেষতঃ মন দিয়া এই কথাগুলি শুনিয়াছি, শান্তির আশায়, অসহ জ্বালার হস্তে পরি-  
ত্রাণের আশায় এই কথাগুলি শুনিয়াছি ; কিন্তু যাহা শুনিলাম,

তাহাও আমার কাছে, আবার কতকগুলি নূতন প্রহেলিকা উপস্থিত করিল, তাহার অর্থ বুঝিলাম না, জালা জুড়াইল না, বরং আবার নূতন সন্দেহ—নূতন জালা হৃদয়ে স্থান পাইল। কার্য কি? বাসনা কি? নীতি কি? চরিত্র গঠনই বা কি? আমি যাহা করিয়াছি, তাহারই ফলে আমার এ জালা ভোগ হইতেছে। আমি কি করিয়াছি? পৃথিবীর যাবতীয় ব্যাপারের সংঘর্ষে পড়িয়া কলের ত্রায় আমার দ্বারা যে সকল পার্থিব ক্রিয়া নিষ্পন্ন হইতেছে, তাহাই কি আমার কার্য? কে বলিল?—সে কার্য আমার, তাহা কে বলিল? যখন জন্মিয়াছিলাম, তখন আমার কার্য কোথা? গর্ভে কোন কার্য ছিল কি? শরীর ও মন ছিল বটে; কিন্তু কার্য ছিল কি? কেহ বলে ছিল, কেহ বলে ছিল না। যাহারা বলে ছিল না, তাহাদের সহিত কোন কথা নাই। যাহারা বলে ছিল, তাহারা কেন বলে, বুঝি না। মন নিষ্ক্রিয় নহে, শরীর অচল নহে, পূর্ব জন্মের কার্যের ফল বিনষ্ট হইবার নহে, সুতরাং গর্ভেও কার্য নষ্ট হয় না। পূর্বজন্ম!—প্রতি পূর্বজন্ম ধরিয়ৱা বিচার করিতে গেলে, কেহ বলিতে পারে না—আমার এ জন্মের পূর্বে আর কয়টা জন্ম হইয়াছিল। হিন্দু শাস্ত্রকার কেহ কেহ বলেন, ইহাই যদি আমার প্রথম মানব জন্ম হয়, তবে ইহার পূর্বে আমার অগ্নিবিধ জন্ম চৌরশী লক্ষবার হইয়া গিয়াছে। এসব কথাও “যদির” উপর স্থাপিত, সুতরাং মীমাংসা কোথায়? তাহার পর চৌরশী লক্ষবার জন্ম ধরিলেও একটা আদি জন্ম—জন্ম—প্রথম জন্ম স্বীকার করিতে হয়, সে জন্মে আমার আর পূর্বজন্ম ছিল না, পূর্বজন্মের কার্য ছিল না, মননিষ্ক্রিয় এবং শরীর অচল ছিল। সে জন্মের কার্য কিসের দ্বারা নিয়ন্ত্রিত হইয়াছিল? কে বলিয়া দিবে? আদিজন্ম স্বীকার না করিলে চলে না। কারণ, যাহারা বলে, চৌরশী লক্ষবার জন্মের পর মানব জন্ম লাভ হয়, তাহারাই বলে, শিব নিত্য, জীব নিত্য নহে। কাজেই বুঝি না, গর্ভাবস্থায় আমার কার্য কিরূপ ছিল। কেহ বলেন, তুমি

ভাবিতেছ, তোমার এ জন্মের জালা কেন ঘটয়াছে; তাহার মীমাংসার জন্ত তুমি আদি জন্ম ধরিতে যাও কেন? তোমার এ জন্মের পূর্বে যে জন্ম হইয়াছিল, তাহারই কার্য ফলে তোমার এত জালা ঘটতেছে, ইহাই বিশ্বাস কর। বিশ্বাসই যদি করিতে হয়, তবে কারণানুসন্ধান করি কেন? একটা পূর্বজন্মই বা ধরি কেন? শুদ্ধ বর্তমান জন্মের কথা লইয়া বিচার করিলেও হয়। বিশ্বাস লইয়া কথা, বিশ্বাস কারণের উপর করিতে পারি, অকারণের উপরও করিতে পারি; কিন্তু সে বিশ্বাসই বা হয় না কেন? বিশ্বাস হয় না বলিয়াই এত প্রশ্ন, এত সন্দেহ, এত জালা, আবার বিশ্বাসেরই বা মূর্ত্তি এত বিভিন্ন কেন? তোমরা দুই জনেই বিশ্বাসী; কিন্তু কৈ, তোমাদের দুই জনের বিশ্বাস একরূপ কৈ? তুমি কন্মে বিশ্বাস কর, তিনি দৈবে বিশ্বাস করেন, আর উনি দৈব ও পুরুষাকার উভয়েই বিশ্বাস করেন। বিশ্বাসের একরূপ ভেদ কেন হয়? দেখিতেছি পাত্র বা আধার-ভেদেই বিশ্বাসের বিভিন্ন মূর্ত্তি খটে। তবে কি আধারের প্রকৃতির উপর বিশ্বাসের প্রকৃতি নির্ভর করে না? যদি তাহা না হয়, তবে কি? তোমরা কেহ কি তাহার উত্তর দিতে পার? আবার পূর্বজন্মের কথা কার্যফলের কথা, তদ্ভাব সমন্বিত মনের কথা, আর তদনুযায়ী বিশ্বাসের কথা তুলিবে, তাহাতে কি হইবে? প্রমাণের সূক্ষ্মত্ব প্রতিপাদন কি তাহাতে হয়?

বুঝিলাম না, তোমার কার্যের কারণ কোথায়? যে যাহা বলে, সে নিজের বিশ্বাসানুসারে—বুদ্ধি অনুসারে বলিয়া থাকে। আমার ভাব অপরের প্রাণে আসিবে কেন? তৈল জলে মিশে না। এই উত্তর প্রত্যুত্তরে বুঝিলাম, অপরের মীমাংসা, অপরের সিদ্ধান্ত লইয়া নিজের ভৃপ্তি হয় না, নিজের প্রাণে নিজে তর্ক-বিতর্ক করিয়া যতক্ষণ না স্থির করিতে পারিব, ততক্ষণ প্রাণের ক্ষোভ মিটিবে না, আশা পূরিবে না। এই জন্তই গ্রন্থকারে টীকাকারে ও ভাষ্যকারে মতভেদ দেখা যায়, গুরুশিষ্যে মতভেদ থাকে।

এই সকল ভাবিয়া নিজেই নিজের জ্বালায় কারণ খুঁজিতে লাগিলাম দেখিলাম; জন্মকালে আমার মন শরীর যে অবস্থায় ছিল, ভূমিষ্ট হইবা মাত্র আমার জন্ম স্থানের তন্মূহুর্তের বাহু জগতের যে অবস্থা, তাহার সহিত এক সংঘর্ষ ঘটিল। এ সংঘর্ষে আমার শরীর ও মনে যে পরিবর্তন ঘটিল, তাহাতেই আমার প্রথম পার্থিবকার্য সৃচিত হইল, প্রথম মল মূত্র নিঃসারণ ইচ্ছা, চেষ্টা ও ত্যাগ ক্ষমতা হইল, ক্ষুধাবোধ, খাওয়াভাবে কষ্ট—কষ্টে ক্রন্দন পর্য্যন্ত হইল। জন্মিবামাত্র যাহার দেহ ও মনের উপর প্রকৃতি প্রভাবে এতটা পরিবর্তন ঘটাইল, তাহার তখন নিজের অবস্থা কি; সে কি নিজে একাধ্য করিল, না নৈসর্গিক-বলে তাহাকে করাইল? নৈসর্গিক প্রভাব যদি না হয় তবে কি বলিব,—তাহা জানি না, ভাবিয়া পাইনা। তাহার নৈসর্গিক বস্তুর সহিত আমার দেহ ও মনের যতই ঘনিষ্ঠতা ও পরিচয় হইতে লাগিল, ততই আমার নানাবিধ জ্ঞান-ইন্দ্রিয়-জ্ঞান জন্মিতে লাগিল। এই জ্ঞান লাভে জীবের স্বাধীনতা কোথা; দেশ কাল পাত্র ভেদে ইন্দ্রিয়-জ্ঞান বিভিন্নাকার হয়। ইংরাজ নস্তান ইংরাজি শব্দ বুঝিতে পারে, বাঙ্গালা শব্দ পারে না। এই ইন্দ্রিয়-জ্ঞান নৈসর্গিক শিক্ষা ব্যতীত আর কি? ইন্দ্রিয়-জ্ঞান হইতেই কার্য-শক্তির বিকাশ হয়, সুতরাং কার্য শক্তিও নৈসর্গিক প্রভাকেই নিয়ন্ত্রিত বলিতে বাধ্য। তাহার পর ইচ্ছার কথা—যাহা থাকাতে জীবকে স্বাধীনবলিয়া বোধ হয়, সেই অপূর্ব শক্তির কথা।—ইচ্ছা মনের কার্য, মনেই ইচ্ছার প্রকাশ হয়। জন্মকালে মানসিক অবস্থা যেরূপ থাকে—ইচ্ছার বিকাশও সেইরূপ হইয়া থাকে। আমার উৎপত্তিকালে পিতার মাতার মনের অবস্থা যাহা ছিল, আমার মনের অবস্থা কতকটা নির্ভর তাহারই উপর করে, (শরীরের অবস্থা এই কারণের উপর যতটা নির্ভর করে, মনের অবস্থাও ততটাই নির্ভর করে, তবে তর্ক স্থলে, ততটা স্বীকার না কর, ক্ষতি নাই।) সুতরাং মনের বা শরীরের গঠনের উপর আমার স্বাধীন চেষ্টা কিছুই নাই। তারপর Carlyleএর কথাটাও ঠিক অতিমাত্র সত্য—যেরূপ সমাজে জন্মগ্রহণ করা যায়, চরিত্র গঠনের মূলে সেই সমাজের সামাজিক

অবস্থার কার্যকারিতা দেখা যায়—সুতরাং যে সমাজে জন্মিলাম, সে সমাজের তদানীন্তন সামাজিক অবস্থা আমার ইচ্ছাগত নহে; সুতরাং তাহার সংস্পর্শে আমার যে মানসিক পরিবর্তন বা শিক্ষা হইতে লাগিল, তাহাও আমার ইচ্ছাগত নহে। এইরূপে আমার অস্বাধীন অবস্থায় আমার ইচ্ছা-শক্তি যেরূপ গঠিত ও বিকশিত হইতে লাগিল, তাহাতে আমার কোন ক্ষমতা দেখা গেল না। তাহার আরও সংক্ষেপ করিয়া ধরিলে, যে পরিবারে জন্মিলাম, সেই পরিবারের অবস্থা, শিক্ষা, আচার-ব্যবহার আমাকে এমন ভাবে নিয়ন্ত্রিত করিয়া ফেলিল যে, আমি আমার অজ্ঞাতসারে ঠিক একটা ছাঁচের পুতুল হইতে লাগিলাম। আমার মন, বুদ্ধি, অহঙ্কার, শিক্ষা সবই সেই ছাঁচের ত্রায় হইল। এ ছাঁচ আমার ইচ্ছামত নহে। অতএব প্রথমতঃ পিতামাতার শরীর ও মন হইতে প্রাপ্ত শরীর ও মন লইয়া ভূমিষ্ট হইবার সময় দেশকালের নৈসর্গিক পরিবর্তনের বশীভূত থাকিয়া, যে সমাজে জন্মিয়াছি, তাহার তদানীন্তন নিয়মাদির অধীনে পৈতৃক অবস্থা শিক্ষা ও আচার ব্যবহারের ছাঁচে পড়িয়া আমি যে জ্ঞান বা ইচ্ছাশক্তি বিশিষ্ট হইলাম, তাহার পরিশুদ্ধতা, শ্রেষ্ঠতা বা মহত্ত্ব সম্বন্ধে আমার কি বিন্দুমাত্রও স্বাধীনতা ছিল? সেইরূপে গঠিত ইচ্ছাশক্তি দ্বারা আমি যে কার্য করিতে লাগিলাম, তাহা কি নৈসর্গিক প্রভাবের ফল নহে? এইরূপে অজ্ঞাত ছাঁচে ঢালা মন, ইচ্ছা—কার্যশক্তি লইয়া যাহা করিতে লাগিলাম, তাহা কি পরম পবিত্র, বিশুদ্ধ, “আমি” নামক জীবের কার্য? অথবা সেই “আমির” উপর কতকগুলি নৈসর্গিক প্রভাবের যৌথ ফল? কেহ বলিতে পার ইহার স্বরূপ কি? আমার ক্ষুধাবোধ হইলে কাঁদি—ইহা যেমন স্বাভাবিক, অর্থহীনতায় চুরি করাও তেমনি স্বাভাবিক নহে কেন? আমি যদি এমন কোন সমাজে জন্মিতাম যে, তাহাতে চুরি বলিয়া একটা কার্য কেহ জানে না, তাহা হইলে কি আমি চুরি শিখিতে পারিতাম? আমার সমাজে চুরি আছে, অবস্থার বশে শিক্ষার দোষে চুরি করিয়াছি, আবার

আমার সমাজেই চুরির শাস্তি আছে, চোরের প্রতি ঘৃণা আছে, তাই শাস্তিও পাইয়াছি, ঘৃণাও হইয়াছি; কিন্তু বল দেখি—আমার এই চুরি কার্যের জন্ত দায়ী কে? আমি, না আমার সমাজ? বলিতে পার, আমার স্বাধীনতা এখানে কতটুকু? আমার সমাজে হিতাহিত জ্ঞানও আছে, আবার প্রলোভনও আছে। আমি হিত-জ্ঞান লাভ করিয়া প্রলোভন দূর করিতে পারি, তবু করি না, বা করিতে পারি না। হিতজ্ঞান স্বত্বেও প্রলোভনে পড়ি, ইহার কি কোন কারণ নাই? তুমি হয়ত একটা ছোট কথা বলিয়া আমায় শাস্ত করিবে যে—‘কুশিক্ষা বা অশিক্ষা’। আমি যদি বলি—তোমার কুশিক্ষাই বা হয় কেন, আর আমারই বা অশিক্ষা হয় কেন? তাহার এমন কোন উত্তর দিতে পারিবে না যে, তাহা কেবলই আমার দোষে ঘটয়াছে, আমার পৈতৃক অবস্থা, সামাজিক অবস্থা, অন্ততঃ আমার পিতা মাতা তাহার জন্ত দোষী নহেন। আবার সমাজের পক্ষ হইতে, পিতা মাতার পক্ষ হইতে, এগুলি বিচার করিলে এইরূপেই দেখিতে পাইব যে, পিতা মাতাও আমারই মত ঘটনার দাস, সমাজও ঘটনাময়। এখন যদি স্থির করা যায় যে, এই ঘটনাগুলি ঘটায় কে? আমার মতে যাহার পৃথিবী—তাঁহারই এ ঘটনা। সেই সর্ব্বঘটে বিরাজমান অচিন্ত্যশক্তি প্রভাবে যেমন সৌরজগৎ নিয়ন্ত্রিত হইয়া চলিতেছে, তেমনি তুমি আমি তত্বুলনার কীটাদিপি কীট হইলেও তোমার আমার দৈনিক—দৈনিক কেন, প্রতিক্ষণের কার্যও নিয়ন্ত্রিত হইতেছে। সৌরজগতে সমস্ত শৃঙ্খলা স্বত্বে যেমন সময়ে সময়ে গ্রহ-সংঘর্ষ উপস্থিত হয়, যদি তাহাকে অনিয়ম বা বিশৃঙ্খলা বল, তবে এই জীবের কার্য প্রণালীর মধ্যে যে পাপ-পুণ্য কল্পনা, ইহাও সেইরূপ বিশৃঙ্খলা বলিতে পার। এই জন্তই গীতাকার পার্থিব-ব্যাপারে আকুলিত, মায়ামোহিত, পাপ-পুণ্যভীত জীবকে শ্রীকৃষ্ণের মুখ দিয়া বলাইয়াছেন;—

“কর্মণ্যেবিকারস্তে মা ফলেষু কদাচন।

ইতিহাসে কর্মফল হেতুত্বা তে সঙ্গোহ স্বকর্মণি ॥ গীতা ২।২।

মহানাটককারও রাবণের ত্রায় প্রসিদ্ধ অকর্মকং পাপাত্মার মুখ দিয়া পাপীদিগের সাধনার জন্ত বলাইয়াছেন;—

“জ্ঞানামি ধর্মং নচ মে প্রবৃত্তিঃ;

জ্ঞানাম্যধর্মং নচ মে নিবৃত্তিঃ।

ত্বয়া হৃষীকেশ হৃদিস্থিতেন,

যথা নিযুক্তোহস্মি তথা করোমি ॥”


এই অপূর্ব নির্ভরতা না থাকিলে জীব এতদিন কি হইত কে জানে? যে ভগবান্ সর্ব্বনিয়ন্তা, সর্ব্বশক্তিমান, সে ভগবানের ইচ্ছার বিরুদ্ধে জীব যে কার্য করিতে পারে বা তাহার ফলভাগী হইতে পারে, ইহা বিশ্বাস করাই পাগলামী নহে কি?—এই নির্ভরতা যেদিন প্রতি জীবের হৃদয়ে সেই ভগবান্ কর্তৃক উদ্ভাসিত হইবে, সেই দিন তাহাদের “প্রাণের জ্বালা” দূর হইবে, কর্মভয় ঘুচিবে—কর্ম বন্ধনও ঘুচিবে। ভক্তি ভিন্ন নির্ভরতা আসে না, ভগবান্ না দিলে ভগবদ্ভক্তিও জাগে না। সাধনায় ভক্তি হয়, কিন্তু ভগবান্ না দয়া করিলে সাধনা পথে অগ্রসর হয় কে? সাধনায় সিদ্ধিলাভ করে কে?

শ্রীব্যোমকেশ মুস্তকী।

“সুশীল।”

প্রথম পল্লব।

বিমল বিভাতী বায়,  
মন্দ আন্দোলিয়া কায়,  
ধীরে ধীরে কুঞ্জবনে করিতেছে কেলি  
পাখীগুলি শাখী-পরে,  
মনোহারীতান ধরে,  
গাহিতেছে নানারবে মধুর কাকলী;



থরে থরে ফুল কুল,  
ধরায় নাহিক তুল,  
সৌরভ অমিয়া ঢেলে করে মন চুরি,  
কুসুম কলিকা বালা,  
হের ওই করে খেলা,  
মন্দ মন্দ সমীরণে উঠিবে মুঞ্জরি।

মনোরম কুঞ্জবন,  
মনোরম নিকেতন,  
আহা কি সুরম্য হৃদয় নয়ন শোভন !  
সুসঙ্গীত গৃহ সব,  
মরি কিবা ধব্ ধব্ ! [ হন ;  
আলেখ্য শোভিছে তায় মন বিমো-  
কার্কাণ্ড্য বিনিম্বিত,  
মধুমলে বিমণ্ডিত, [ সারি,  
সাজান আসনাবলী শোভে সারি  
প্রতিবিশ্ব ধরিবারে,  
সুন্দর দেউল পরে,  
সুন্দর মুকুর রাজে, প্রতিবিশ্ব ধারী ।  
সমুখেতে সরোবর,  
হের স্বচ্ছ মনোহর,  
দিয়াছে নিকুঞ্জবনে অপরূপ সাজ ;  
ফুটেছে নলিনী কুল,  
তায় ছোটে অলিকুল,  
মানব সুন্দরী সবে পাইতেছে লাজ ;  
রাজহংস করে কেলি,  
সত্তরিছে মীনাবলী,  
মলয়া হিল্লোলে নাচে সরসী সুন্দরী,  
তীর'পরে ঝাউ গাছ,  
সারি সারি টাপা গাছ,  
করিয়াছে সরোবরে মন মুগ্ধকারী ।  
এ হেন নিকুঞ্জ বনে,  
খেলে শিশু ফুলমনে,  
পাছেপাছে ফিরিতেছে দাসদাসীগণ,  
কভু হাসে, কভু কাঁদে,

দিনমানে চায় চাঁদে,  
কভু বা গস্তীর ভাবে যোগে নিমগন  
ফুল নবনীত কায়,  
অলঙ্কার শোভা পায়,  
কটিদেশে কটিবন্ধ, গলে হেম হার,  
মাথে হের বাঁধা চূড়া,  
যেন বৃন্দাবন চূড়া, [ ভার ।  
হেলে ছলে করে খেলা নাহি চিন্তা-  
অতীব সৃজন পিতা,  
তায় গুণবতী মাতা,  
সযতনে করিতেছে সন্তান পালন ;  
প্রফুল্লিত শিশু চিত্ত,  
তায় অতি সুশোভিত,  
প্রফুল্লিত পিতা মাতা রহে অনুক্ষণ ;  
প্রফুল্ল শিশু বালকে,  
“সুশীল” বলিয়া ডাকে,  
প্রফুল্ল সুশীল শোভে প্রফুল্লিত মনে ;  
সরসী লহরী সম,  
হের শোভা মনোরম,  
হাসির ফোয়ারা ছোটে শিশুর বদনে  
এইরূপে করে খেলা,  
বাড়িছে নবীন বেলা,  
সুমধুর বাল্যকাল একে একে গত ;  
বাল্য সনে ধূলা খেলা,  
হাসির দে মহানীলা,  
হতেছে বিলীন ক্রমে কৈশোর আগত  
কৈশোরেতে অধ্যয়ন,  
করে শিশু প্রাণপণ,

প্রতিভা কানন মাঝে ক্রমে অগ্রসর  
জ্ঞান-পুষ্প বিশোভক,  
প্রদানিছে নবালোক,  
নবালোকে আলোকিত সুশীল সুন্দর  
বিদ্যালয় বিদ্যাভ্যাস,  
সুশীলের বার মাস,  
সর্বোচ্চ প্রধান স্থান আছে অধিকার  
সুশীল সুবোধ অতি,  
তায় মাতা গুণবতী,  
সাজায়েছে তারে দিয়া নানা অলঙ্কার  
লভিবারে জ্ঞান রত্ন,  
কৈশোরে সদাই যত্ন,  
সদাই প্রমত্ত থাকে জ্ঞান অন্বেষণে ;  
বিদ্যা শিক্ষা নানা মত,  
করিতেছে অবিরত,  
বিজ্ঞান সাহিত্য-সেবা বিবিধ বিধানে  
পরীক্ষা মন্দিরে যায়,  
কভু না বিফল হয়,  
ভাগ্যলক্ষ্মী সুপ্রসন্না সদা তা'র প্রতি  
যে কন্ঠে সুশীল ধায়,  
কৃতকার্য্য স্থনিশ্চয়,  
জ্ঞানমার্গে বিশেষত অতি দ্রুতগতি ;  
ধনীর সন্তান বটে,  
এ হেন কভু না ঘটে,  
দীনের সন্তান প্রতি করা অবহেলা ;  
সকলেরে মিষ্টভাষে,

সুশীল সদাই তোষে,  
সরল সবা'র প্রতি নাহি কোন ছলা,  
বিদ্যা শিক্ষা অধ্যয়নে,  
কৈশোর কাটিল ক্রমে,  
সরল যৌবন আসে মৃহ মন্দ গতি ;  
যেন কোন দেব বালা,  
করে লয়ে ফুল মালা,  
ধীরে ধীরে পদক্ষেপে সুশীলের প্রতি,  
লাবণ্য উথলে যায়,  
গণ্ড গোলাপের প্রায়,  
সুশীল যৌবন রাগে অতি মনোরম ;  
শুভ পরিণয় তরে,  
পিতা মাতা যত্ন করে,  
সুন্দরী বালিকা খোঁজে ফুলবালা সম ।  
যৌবনের সনে সনে,  
সুখলিপ্সা মনে মনে, [ প্রাপ্ত,  
থেকে থেকে জেগে উঠে সুশীলের  
তীব্র বিষাদের রেখা,  
দিয়াছে আননে দেখা,  
চিন্তা কুহকিনী ঘন ঢেকেছে বদনে ;  
সে সুখমা নাহি আর,  
শুকায়েছে ফুল হার,  
তাই বুঝি বহুকণ নিভূতে কাটার ;  
যখন সমুখে আসে,  
হাসিতে বয়ান ভাসে, [ জানায় ।  
কিন্তু সে যে বৃথা হাসি আঁখিতে

[ ক্রমশঃ ]

কিরণ ।





## সুধাংশু ।

[ ১ ]

শ্রাম তৃণ পূর্ণ বিস্তীর্ণ প্রান্তরের এক প্রান্তে, যুৎ প্রবাহিনী রক্তসলিলা চিত্রার তীরে, যন বনান্তরালে ত্রিবাটী গ্রাম। রাধিকা-প্রসাদ ত্রিবাটীর জমিদার। কথিত আছে, এক সময়ে তাঁহার পরাক্রমে 'বাবে গরুতে এক ঘাটে জল পান করিত'।

রাধিকাপ্রসাদের দুইটা সন্তান। প্রথম—কণ্ঠা, নাম মেহ; দ্বিতীয়—পুত্র, নাম শশীশেখর। মেহের, কনিষ্ঠের প্রতি আন্তরিক মেহ; সেই মেহের বশীভূত হইয়াই মেহ অনেক সময় স্বপ্নবাতী যাইতে চাহে না; শশীশেখর সেটা বুঝিতে পারে, সূতরাং জননী অপেক্ষা ভগিনীর নিকট সমধিক বাধ্য।

শশীশেখর কিশোর-যুবা, সুন্দর, বলিষ্ঠ; অত্য়াপি অবিবাহিত। মেহের সেটা ভাল লাগে না, তাহাই ভ্রাতার বিবাহের জন্ত মध्ये মধ্যে পিতা মাতার নিকটে অনেক অনুনয় করিয়া থাকে।

ভ্রাতা, ভগিনীর কেবল এই কার্যে বড় সন্তুষ্ট নহে, তবে পিতা মাতা, বিবাহের কথায় ততটা কর্ণপাত করেন না, সূতরাং ভ্রাতার বিরক্তিভাব প্রকাশ করিবার বিশেষ প্রয়োজন হয় না।

রাধিকাপ্রসাদ বড় একজন জমিদার, তাঁহার একান্ত ইচ্ছা পুত্রের বিবাহে একটা বিরাট ব্যাপারের অনুষ্ঠান করিবেন, সূতরাং কণ্ঠার কথায় ভাল মন্দ কিছুই বলেন না।

[ ২ ]

‘ওগো! আমার ছেড়ে দাও’—

চিত্রার তীরে সায়াহ্নের সুমন্দ পবনে কাননাভ্যন্তর হইতে একটা যুবকের শ্রবণ পথে এই কয়টা কথা প্রবেশ করিল— স্বরটী বড় কোমল ও করুণ—যুবা দ্রুতবেগে কানন মধ্যে প্রবেশ করিল।

যুবা কানন পথে স্বর লক্ষ্য করিয়া ছুটিল এবং কিস্কদূর গমন

করিয়া যাহা দেখিল, তাহাতে ক্রোধে তাহার সর্বাঙ্গ কম্পিত হইতে লাগিল। তাহার সম্মুখে অদূরে একটা দীর্ঘাকৃতি পুরুষ একটা অনুমান চতুর্দশ বর্ষীয়া বালিকার হস্ত ধারণ করিয়া দণ্ডায়মান রহিয়াছে, বালিকার মস্তকে ধানের একটা বোঝা। বালিকা বহু আয়াসেও পুরুষটীর হস্ত হইতে আপনার হস্ত মুক্ত করিতে না পারিয়া, এক একবার ইতস্ততঃ সক্রুণ দৃষ্টিতে এবং পূর্বোক্ত কথাগুলি বলিয়া চীৎকার করিতেছে। যুবা সহসা তাহাদিগের সম্মুখে যাইয়া দাঁড়াইল।

যে পুরুষটী বালিকার হস্ত ধারণ করিয়াছিল সে যুবককে দেখিয়াই সসম্মমে নমস্কার করিল এবং ব্যাগ্রভাবে জিজ্ঞাসা করিল, “বাবু! এখানে কি মনে করে?”

বালিকার মস্তক হইতে সহসা ধানের বোঝা ভূপতিত হইল, এবং শত ছিন্ন মলিন বসন দ্বারা সে স্বীয় অঙ্গ আবৃত করিবার প্রয়াস পাইল—কিন্তু সে চেষ্টা বৃথা হইল—প্রথমতঃ কিশোরী বালিকার বিকাশোন্মুখ অঙ্গ-প্রত্যঙ্গ আবৃত করিবার ততটা আয়তন সে বস্ত্রের নাই; দ্বিতীয়তঃ সেই কোমলাঙ্গের তরল মেঘাচ্ছন্ন শশাক্কাতি কিছুতেই লুকাইবার নহে। যুবার কিন্তু সেদিকে দৃষ্টি নাই, তাহার তীব্র কটাক্ষ সেই পুরুষের উপর পতিত।

পুরুষটী বালিকার হস্ত মুক্ত করিয়া দিয়াছে, সূতরাং অবসর পাইয়া বালিকা পলাইবার চেষ্টা করিল, পুরুষটী পুনরায় তাহার হস্ত ধারণ করিল, যুবক গম্ভীর স্বরে বনভূমি কাঁপাইয়া বলিল— “রতন! বালিকার হাত ছাড়িয়া দাও এবং ব্যাপার কি আমাকে বল।”

রতন বালিকার হাত ছাড়িয়া দিল, এবং বলিল, “বাবু! এ যেয়েটা চোর, এ রোজ ধান চুরি করে নিয়ে যায়, একে ধরিচি, এই দেখুন না, এক বোঝা ধান চুরি করে নিয়ে যাচ্ছিল, আমি একে আজ কাছারিতে ধরে নিয়ে যাব—নায়েবের হুকুম।”

• যুবক বলিল—আমার হুকুম তুমি এই দণ্ডেই এ স্থান হইতে প্রস্থান কর, তোমার যাহা ক্ষতি হইয়াছে আমি দায়ী।

রতন আর দ্বিতীয় বাক্য না বলিয়া ধীরে ধীরে চলিয়া গেল।  
বালিকা দাঁড়াইয়া কি ভাবিতে লাগিল।

[ ৩ ]

যুবকের নাম শশীশেখর, রতন জনৈক গ্রাম্য মণ্ডল।

বালিকা শশীশেখরকে চিনিয়াছে, স্মরণে সজ্জায় ও অভিমাণে  
কিংকর্তব্যবিমূঢ় হইয়া পড়িয়াছে।

শশীশেখর ধীরে ধীরে অগ্রসর হইয়া বলিল,—“আপনি কে?  
আপনার বাড়ী কোথায়? কি জন্য এই ধানের বোঝা মাথায়  
করিয়া যাইতেছিলেন?”

টপ্ টপ্ করিয়া বালিকার গণ্ড বহিয়া অশ্রুবিন্দু ভূতলে পড়িল;  
এত মধুর সম্ভাষণ তাহার জীবনে বৃষ্টি এই প্রথম—কে জানে  
শেষ কি না।

বালিকা কিছু না বলিয়া ধীরে ধীরে ধানের বোঝা আপনার  
মাথায় তুলিল এবং ধীরে ধীরে অগ্রসর হইল—শশীশেখর নীরবে  
তাহার পশ্চাৎ পশ্চাৎ চলিল, তাহার অত্যন্ত কৌতূহল হইয়াছে,  
ত্রিবাটীতে এ বালিকা কে? সে যে কাঙ্গালিনী, কিন্তু এত রূপ  
ত কোন দেব কন্তারও নাই।

বালিকা কিয়দূর যাইয়া গ্রামের প্রান্তভাগে ক্ষুদ্র একটি আম্র-  
কানন মধ্যে একখানি ক্ষুদ্র কুটার দ্বারে আসিল, ধীরে ধীরে  
কুটারের দ্বার খুলিল—শশীশেখর প্রাঙ্গণে স্থাপুৎ নিশ্চল ভাবে  
দাঁড়াইয়া রহিল—বালিকা তাহা দেখিল—কিন্তু কিছু বলিল না।

সন্ধ্যা উত্তীর্ণ প্রায়, বালিকা কুটার মধ্যে প্রবেশ করিয়া অন্ধকারেই  
একপার্শ্বে ধানের বোঝা নামাইল—অল্প একটু শব্দ হইল, সেই শব্দে কে  
ক্ষীণ কর্তে বলিল, কে—আ—আ—পু—পু—এ—লি—বালিকা ‘হ্যাঁ’  
বলিয়া দ্রুত প্রদীপ জ্বালিল—শশীশেখর সকল শুনিল এবং প্রাঙ্গণ  
পার হইয়া দাঁড়াইয়া উঠিয়া দাঁড়াইল।

মুহূর্ত্ত মধ্যে পুষ্প কাঁদিতে কাঁদিতে বাহিরে আসিল এবং

শশীশেখরকে বলিল,—“আপনি আজ আমাকে যখন রতনের হস্ত  
হইতে উদ্ধার করিয়াছেন, তখন আর একটু কষ্ট করিয়া কুটির  
মধ্যে আগমন করুন—আমার মা বোধ হয়, আর বাঁচিবেন না!”

শশীশেখর পুষ্পের সহিত কুটিরাভ্যন্তরে প্রবেশ করিল। যাহা  
দেখিল তাহাতে তাহার চোখ ফাটিয়া জল আসিল। পুষ্পের মাতা  
যথার্থই মৃত্যু-শয্যায় শায়িত।

পুষ্প জননীর কাণের কাছে যাইয়া উচ্চকণ্ঠে বলিল,—“মা  
শশীশেখর—”

পুষ্পের জননী অতি কষ্টে “তো—মা—রই”—এই কয়টি কথা  
বলিয়াই চিরনিদ্রাভিত্ত হইল, পুষ্প শশীশেখরের দিকে চাহিয়া  
চক্ষু মুছিল—শশীশেখর তাহার অর্থ বুঝিল, এবং বৃদ্ধার মৃতদেহ  
স্পর্শ করিয়া পুষ্পের হস্ত ধরিয়া বলিল—“পুষ্প শশীশেখর তোমারই—”

পুষ্প ও শশীশেখর উভয়ে মিলিয়া মৃতের সংকার করিল—  
রাত্রি শেষে উভয়ের অনেক কথা হইল, পরদিন প্রত্যুষে শশীশেখর  
গৃহে ফিরিল। পুষ্প দরিদ্রের কন্যা বলিয়া এত বয়সেও তাহার  
বিবাহ হয় নাই।

[ ক্রমশঃ ]

শ্রীশ্যামলাল মজুমদার।

## সমালোচনা ও মতামত।

তিতুমীর—বা নারিকেল বেড়িয়ার লড়াই। শ্রীযুক্ত  
বিহারীলাল সরকার কর্তৃক সংকলিত। পুস্তকখানি তিতুর জীবনী স্থায়ী  
হইবার সম্ভাবনায় প্রকাশিত হইয়াছে। বঙ্গ সাহিত্যে উপেক্ষিত  
হইয়াও বেহারী বাবুর রূপায় তিতুর জীবনী বঙ্গ সাহিত্যে স্থায়ী লাভ  
করিল, দেখিয়া আমরা যৎপরোনাস্তি আনন্দ লাভ করিলাম। তিতুর  
জীবনী অতি সংক্ষিপ্ত হইলেও ইহাতে দেখিবার শিথিবার অনেক জিনিস

আছে। ইহার মূল্য অতি সামান্য ১/০ আনা মাত্র। আশা করি নাটক নভেল প্রাবিত বঙ্গদেশে তিতুর সংক্ষিপ্ত জীবনী অনাদৃত হইবে না। দেবত্বে পশুত্বে মিশিয়া লোকের কি সর্বনাশ হইতে পারে, তাহা স্থিরচিত্তে দৃঢ়দৃষ্টিতে লক্ষ্য করিয়া দেখিতে পারিলে লোকের জ্ঞানের উন্মেষন হয়, চৈতন্যের উদ্দীপনা হয়।

**বসন্ত**—গার্হস্থ্য উপন্যাস। শ্রীযুক্ত শ্যামলাল নজুমদার প্রণীত; ক্যাকশিয়ালী হইতে গ্রন্থকার কর্তৃক প্রকাশিত। মূল্য ১ টাকা। গ্রন্থকার ক্রমেই বঙ্গ সাহিত্যে পরিচিত হইয়া উঠিতেছেন, ক্রমেই তাহার চরিত্র চিত্রণ ক্ষমতা বাড়িয়া উঠিতেছে। হস্তগত “বসন্ত” পাঠ করিয়া আমরা বড়ই আনন্দিত হইলাম। উপন্যাসের প্রত্যেক চরিত্রই বেশ ফুটিয়া উঠিয়াছে। গ্রন্থকার পুস্তকের অঙ্গ-সৌষ্ঠবের দিকেও দৃষ্টি রাখিতে ক্রটি করেন নাই। আমরা সাধারণ্যে “বসন্তকে” অদৃত হইতে দেখিলে সুখী হইব।

**নবীন কুমুম ও সারদীয়াঞ্জলি**—হুঁখানি “কবিতা ও গান” সম্বলিত পুস্তিকা। শ্রীযুক্ত রাজকুমার সেনগুপ্ত প্রণীত। বেঙ্গল মেডিকেল লাইব্রেরী হইতে প্রকাশিত। গ্রন্থকার নূতন কবি। চর্চা রাখিলে উন্নতি হইতে পারে—হস্তগত পুস্তিকা হুঁখানি পড়িয়া আমরা সে আশা করিতে পারি। মধ্যে মধ্যে হুঁই একটা কবিতায় কিছু কিছু কবিত্ব আছে। গ্রন্থকার উৎসাহ পাইবার পাত্র। পুস্তক হুঁখানির মূল্য যথাক্রমে ১০ চারি আনা ও ১/০ এক আনা মাত্র।

# বীণাপাণি।

মাসিকপত্রিকা ও সমালোচনী।

“বীণা-পুস্তক-রঞ্জিত হস্তে। ভগবতি, ভারতি দেবি নমস্তে।”

৪র্থ খণ্ড। } পৌষ, ১৩০৪ সাল। } ১২শ সংখ্যা।

## ফুল।

বহুদিন বিরহের পরে  
মিলনের অপূর্ণ আবেশে,  
হুঁইজনে আঁখি জলে ভেলে,  
জানায় রে, যে ব্যথা অন্তরে!  
সেই মধু-মাথা অশ্রু-নীর,  
জমে যায় প্রকৃতির কোলে,  
নিত্য তা'ই উষার হিল্লোলে,  
ফুল রূপে ফুটে অবনীর,  
বাড়ায় রে, সৌন্দর্য্য অপার!  
তা'ই ফুল মধুর আধার।

শ্রীসারদাপ্রসাদ সেনগুপ্ত।

## হরি-নাম ।

[ পূর্ব-প্রকাশিতের পর । ]

আপত্য রহিল বিশ্বাস,—বহু সাধনে বিশ্বাস জন্মে । ভ্রান্ত, অভ্রান্ত, জান্তে অজান্তে হরি-নাম লইলে মুক্ত হয়, এ কথা স্বার্থকতা কোথায়? বিশ্বাসের সহিত স্বেচ্ছায় হরি-নাম করিলে মুক্তি হইতে পারে, এ কথা বরং সম্ভব, কিন্তু বিশ্বাস নাই—একবার হরি-নাম করিলে তাহাতে কি ফল?

যদি কোন ব্যক্তি আজন্ম ঈশ্বর-দেবী হইয়া জীবন কাটাইয়া থাকে, কবে একদিন হরি-নাম বলিয়াছিল, তাহার কি ফল ফলিবে? সেইরূপ জীবন—একবার কল্পনা করিয়া দেখা যাক । যতদূর অবিশ্বাস জীবনে থাকুক, যতদূর মনের ভিতর দৃঢ়ীকৃত করিয়াছিল—যে মৃত্যুর পর সকলই ফুরাইয়া যাইবে, ঈশ্বর নাই, শাস্ত্র-শাসন—বাক্য মাত্র, মরণকালে সে জ্ঞান প্রায়ই বড় দৃঢ় থাকে না, সন্দেহ চুপি চুপি বলে যে মৃত্যুর পর বা যমরাজের রাজ্যে জীবনের হিসাব দিতে বাইতে হয়; সেই মহাভয়ের সময় যে ধর্মফল জনিত ভয় পায় না, এমন ব্যক্তি কল্পনা করা যায় না । সেই মহাভীত ব্যক্তি জীবন সমালোচনা করিয়া দেখে যে, সমস্ত অন্ধকারময়—পাপপূর্ণ, কেবল একটা স্থান উজ্জ্বল রহিয়াছে,—একদিন হরি বলিয়াছে । হরি-নামের গুণে হৃদয়ে বিশ্বাস আসিল । মহাভয়ে আর উপায় নাই, সেই একবার হরি-নামেই আশ্রয়, আর আশ্রয় নাই । নামের গুণে বিশ্বাস, ও সেই বিশ্বাসে হরি-নামে অনন্ত ফল ফলিবে সন্দেহ নাই ।

কর্মক্ষয় ভিন্ন মুক্তি নাই, অর্থাৎ যে ব্যক্তি নির্বাসনা না হইবে, তাহার চিত্ত অবিচ্ছিন্ন ভাবে ঈশ্বরে সংলগ্ন থাকিতে পারে না । কাশীতে মরিলে শিব হয়, একজন মহাপুরুষের নিকট গুনিয়াছি, তিনি কাশীধামে ভাব-দৃষ্টিতে দেখিয়াছিলেন, মনিকর্ণিকার

ঘাটে মহাশ্মশানে, মহাদেব জীবকে তারকব্রহ্ম নাম দিতেছেন । মহাপুরুষের বাক্যে বিশ্বাস হয়, কাশীর মাহাত্ম্যে কাশীধামে মৃত্যু হইলে শিবত্ব লাভ হয় । কিন্তু সঙ্গে সঙ্গে কথা আছে—মুক্তি হইবে সত্য, শিবত্ব লাভ হইবে সত্য; কিন্তু কালভৈরবের যাতায় নিষ্পেষিত হইয়া কর্মক্ষয় ব্যতীত মুক্তিলাভ হইবে না । ঈশ্বর লাভ নিশ্চয় কঠিন, কর্মক্ষয় ব্যতীত হয় না । হরি-নামেও কর্মক্ষয় হওয়া আবশ্যিক, নতুবা কিরূপে সে ব্যক্তি পরম-পদ লাভ করিবে? এ আপত্য যুক্তি-সঙ্গত । কিন্তু বিবেচনা করিয়া দেখুন—বার বার সংসারে তাড়িত না হইয়া কাহারও সংসার বাসনা দূর হয় না । আমরা যে দৃষ্টান্ত দিয়াছি—যে ব্যক্তির প্রতি তুষানল বা তপ্তস্বত পান ব্যবস্থা হইয়াছিল, তাহার সংসার বাসনা তখন মলিন সন্দেহ নাই, মহাভয়ে ব্যাকুল হইয়া উপায় অনুসন্ধান করিতেছে, উপায় পাইল, ধীরে ধীরে কর্মক্ষয় হইতে লাগিল, যখনই সংসার বাসনা উদয় হয়, লোকের তাড়না মনে পড়ে, মহাপুরুষকে মনে পড়ে, হরি-নাম মনে পড়ে, আর সংসার তাহাকে আকর্ষণ করিতে পারে না, হরির কৃপায় কর্মক্ষয় হইয়া যায় । আমরা অপর দৃষ্টান্তে বলিয়াছি—সে জীবনে একবার হরি-নাম করিয়াছিল । মুমূর্ষুর স্মরণ হইল, মৃত্যু যাতনায়, আর কালভৈরবের যাতার পেষনে; একরূপ তীব্র অবস্থায় মুহূর্ত্ত মধ্যে কোটা জন্মের কার্য হইয়া যায় । এই স্থলে আপত্য হইতে পারে যে, হরি-নাম করিবার উপযুক্ত হইয়া হরি-নাম করিলে তবে ফল হয় । এ কথা সত্য হইলেও হরি-নামের গুণ গেল না । সকলই অবস্থা-সাপেক্ষ নিশ্চয় । মনুষ্য জন্ম একটা অবস্থা, যথায় হরি-নাম হয়, এমন স্থলে জন্ম দ্বিতীয় অবস্থা, যে জাতি হরি-নাম করে, তাহার মধ্যে বাস করা তৃতীয় অবস্থা, হরি-নাম শেখা চতুর্থ অবস্থা, ইচ্ছায় হোক, অনিচ্ছায় হোক, নাম লইবার অবসরে পঞ্চম অবস্থা । এ সকল অবস্থা কেহ গড়িতে পারে না, ভাগ্যোদয় ব্যতীত এ সব অবস্থার সম্ভাবনা নাই । নিম্ন যোনি ভ্রমণ, নানাস্থানে জন্মগ্রহণ, নানা অবস্থায় জীবন

যাপনের পর যিনি একবার হরি-নামে মন না দিতে চান, এত কষ্টে ও যার ঈশ্বর ছুরারাধ্য—এ ভাবের স্বার্থকতা না হইয়াছে, তাহারা বন্দীক-রাশির মধ্যে বসিয়া কোটী কল্প জপ করুন—যতদিন ঈশ্বর ছুরারাধ্য ভাবের তৃপ্তি না জন্মায়, ততদিন ও তত জন্ম জপ করিতে থাকুন। কিন্তু যাহাদের হরি-নামে বিশ্বাস, তাহারা হরি-নাম করিয়া হৃদয়ে শান্তি লাভ করিবেন সন্দেহ নাই।

কিন্তু এ সকল যুক্তি দ্বারা যাহাদের মনে তৃপ্তি না জন্মায়, তিনিও সত্য বলেন, ভগবান্ ছুরারাধ্য হউন, বা না হউন, আমরা ছুরারাধ্য। কল্পনা করুন, ভগবান্ আসিয়া আরাধনা করিতেছেন, “এস আমার কাছে এস, কেন ত্রিতাপে দগ্ন হইতেছ? বারবার দেখিতেছ যাহা করিতেছ তাহা যন্ত্রণা মাত্র। তবে আর কেন, আমার কাছে এস, তোমার পরম শান্তি দিব।” এ কথায় কি আমরা ভুলি? ছুরারাধ্য বিষয়-জড়িত চিত্ত এ আরাধনায় প্রসন্ন হয় না। ইন্দ্রিয়েরা তাহাকে বলিতেছে, এই যে সুখ, এই যে আনন্দ, এই সকল পাইবার চেষ্টা কর, বারবার চেষ্টা বিফল হইতেছে, তাহাতে কি আসিয়া গেল, পাইলে ত সুখ হইবে, বহু যত্নে মাকাল ফল পাইলাম, ব্যস্ত হইয়া কামড়াইয়া দেখি তিত্ত, মজ্জা বিষ্ঠাপূর্ণ। এটা কেমন করিয়া তিত্ত হইয়াছে—অণু ফলের চেষ্টা করি; বারবার মাকাল ফল পাইয়া নিরাশা আসিল না, মন ক্ষান্ত হইল না, ইন্দ্রিয়েরা বারবার উত্তেজনা করিতেছে, ছুরারাধ্য চিত্ত প্রসন্ন হইল না, এ কথাটা আমার জীবনে প্রত্যক্ষ। পরমহংসদেবকে কেহ অবতার বলিয়া স্বীকার করুন বা না করুন, অনেকে মহাপুরুষ বলিয়া স্বীকার করেন। তাঁর নিকট যে যতক্ষণ থাকিত, সে সময়ে তাহাদেরই মধ্যে জীবনুক্ৰাবস্থা অনেকেরি হইত। তিনি কখন কখন বলিতেন, “আনি কল্পতরু হইয়াছি কি চাও বল?” কিন্তু বাসনা জড়িত মন সে সময়ে নিরাসনা হইত, মনের কোন প্রার্থনা থাকিত না, এরূপ অবস্থা বারবার হইয়াছে, আমারও হইয়াছিল; তথাপি তিনি চক্ষের জল ফেলিয়া বলিতেন, “তুমি কেন আমার

কাছে এস না? অনুরোধ করি তিনটি দিন এস।” ছুরারাধ্য চিত্ত যাইতে চাহিত না। তিনিই আসিতেন, যে সময়ে সাবকাশ সেই সময় আসিতেন। আনন্দ—বাটীতে বৃষ্টিতাম; তথাপি তাহার সঙ্গ লিপ্সা জন্মিলনা, ইহাতে আমার সম্পূর্ণ অনুভব হয়, যে মহাপুরুষ বাক্য সত্য, হস্তস্থিত আমলকীর ন্যায়—ঈশ্বর আমাদের সঙ্গে সঙ্গে আছেন, আমরা তাঁহাকে চাহিনা বলিয়া কাছে আসিতে পারেন না। একজন মুসলমান সাধু ঈশ্বর লাভের পর বলিয়া ছিলেন যে, “হে ভগবান! তুমি আমার সঙ্গে সঙ্গে আছ, তাহা আমি চল্লিশ বৎসরে অনুভব করিতে পারি নাই।” ঈশ্বর ছুরারাধ্য বলিয়া তাঁহাকে পাই নাই এরূপ নয়, আমরাই ছুরারাধ্য—বহু আরাধনায় প্রসন্ন হই না—তাঁহাকে দেখিতে চাহিনা, তাঁহার কথা শুনিতে চাহি না। মালিনীর মালঞ্চ কিরূপে মেছনী বাইয়া নিদ্রা বাইবে? অনবরত ফুলের সৌরভ—মাছের আঁঠে গন্ধ নাই, নিদ্রা হওয়া অনন্তব। যদি কোনও নরুধ্য উচ্চ-পদে অভিষিক্ত হয়, তাহাদের মনে মনে প্রায়ই বাসনা যে সমস্ত নিম্নস্থ বস্তু তাহার কৃতদাস ভাবে থাকে—ইচ্ছায় বা অনিচ্ছায় তাহার নিকট উপস্থিত থাকে, গোলামী করে, ভগবানের স্বভাব সেরূপ নহে, তিনি গোলামী চান না। পরমহংসদেব বলিতেন—“ভগবান খেলুড়ে—তিনি খেলা করিতে ভালবাসেন,” যেমন রাখালের সহিত শ্রীকৃষ্ণ, যেমন আমাদের সহিত রামকৃষ্ণ পরমহংস। ভগবান গোলামী চান না। স্বেচ্ছায় যে তাঁহার উপাসনা করিবে, যে নিজের আনন্দের নিমিত্ত তাঁহার উপাসনা করিবে, সেই উপাসনা তাঁহার প্রিয়। প্রিয় ভক্তের নিমিত্ত, তাঁর নিমিত্ত নয়। আনন্দময় আপনাকে বিলাইয়া দিবেন এই নিমিত্ত প্রিয়, তাঁর আনন্দের নিমিত্ত নয়, তিনি আনন্দময়। যদি মানব জীবনে মহাখেদের কথা কিছু থাকে, তাহা এই—যে উপাসনা করিতে সক্ষম হইয়া উপাস্য ব্যক্তির উপাসনা করিল না, মৃত্তিকার শরীর ভাল বাসিলাম, আমার অন্তরাত্মা ভগবানকে ভাল বাসিলাম না, আজীবন কি করিলাম তাহা বৃষ্টিতে পারিলাম না, মুখে বলি আনন্দ চাই, কিন্তু আনন্দের স্বরূপ দেখিলাম না।

আপত্য হইতে পারে যে, যদি একবার হরি-নামে মোক্ষ লাভ হয়, তাহা হইলে উল্লিখিত দৃষ্টান্তে যে ব্যক্তি আজন্ম সর্বাঙ্গ হরি-নামাঙ্কিত করিল, তাহার ফল ফলিল না কেন? উত্তর এই যে ভাবের ঘরে চুরি, ভাবের দ্বারা লাভ হয়। হরি-নাম ভ্রান্তে অভ্রান্তে জানতে অজানতে ফলপ্রদ হয় সত্য। আমাদের সকল দৃষ্টান্তেই প্রকাশ হইতেছে যে লাভ ভাবের দ্বারাই। এস্থলে সেই ভাবের ঘরে চুরি। যে সরিষা দিয়া ভূত ছাড়াইবে সেই সরিষাকে ভূতে পাইয়াছে। হরি-নাম ফলিবে, কাশীতে মৃত্যু হইবে, কিন্তু কাল ভৈরবের ধাতায় পেষিত হওয়া চাই। এই কপট, যার ভাবের ঘরে চুরি, সে সংসারে দিন দিন উন্নতি করিয়াছে, টাকা স্বেদে খাটিতেছে, শোক তাপ কিছুই পায় নাই, বৈষ্ণবীর সহিত দিব্য সদ্ভাব, সংসারের তাড়না সহ করিতে হয় নাই; সুতরাং হরি-নামে তার বিশেষ প্রয়োজন নাই। এক প্রয়োজন লোক দেখান—সেটা হয়। আর হরি-নামে আবশ্যিক কি? কল্প-তরু হরি-নামের তলায় যে ফল চাহিয়াছে, তাহাই পাইয়াছে। ভবরোগ এখনও অনুভব হয় নাই, যন্ত্রণা হয় বটে। কিন্তু যে, সে যন্ত্রণা ঘোর নরক যন্ত্রণার প্রারম্ভ তা সে জানে না। মুহূর্তের নিমিত্ত পরকাল চিন্তা করে না। সুতরাং হরি-নামও ফলে না। বিশেষরূপে যখন যম-যন্ত্রণা অনুভব হইতে থাকিবে, বৈষ্ণবীকে আর দেখিতে পাইবে না। মহিষের গলঘণ্টা ধ্বনি কর্ণ বধির করিয়াছে, বৈষ্ণবীর কথা আর শোনা যায় না, সে সময়ে সে ভাব চোরের চুরি বিচা আর প্রবল থাকিবে না। যদি ভ্রান্ত হইত, তাহার ভ্রান্তি ছুটিত, কি এ চোর। ভাবের ঘরে চুরি অপেক্ষা চুরি নাই, এরূপ মহাপাপও নাই, সম্ভবত সে চোরও নামের আশ্রয় লইবে, আশ্রয় লইলে যে ফল-প্রাপ্তি হইবে, তার আর সন্দেহ কি?

আবার আপত্য অনেকেই হরি-নাম করে, সকলেই কি ফল পাইবে? উত্তর—যদি শাস্ত্রে বিশ্বাস রাখিতে হয়, যে শাস্ত্রে বিশ্বাস করিয়া আপত্তিকার ঈশ্বর ছুরাধ্য জানিয়াছেন, কঠিন সাধনে

প্রবৃত্ত হইয়াছেন, তাহা হইলে হরি-নাম ফলপ্রদ হইবে। সাংসারিক নিয়ম স্বতন্ত্র হইতে পারে, সংসারে দোষের মার্জনা না থাকিতে পারে, কিন্তু ঈশ্বর রাজ্যের দরজায় উন্টা চাবি। পুণ্যভূমি ভারত-বর্ষে জন্মগ্রহণ, সাধু মুখে হরি-নাম শ্রবণ, পবিত্র হরি-নাম উচ্চারণ, পূর্বে বলিয়াছি ইহা সাধারণ যোগাযোগ নহে, যখন যোগাযোগ হইয়াছে, বারুদ প্রস্তুত রহিয়াছে, রৌদ্রে শুকাইয়াছে, অগ্নিস্ফুলিঙ্গ পতনেই মহাবেগে জ্বলিয়া যাইবে, জলস্থল কম্পিত করিয়া, আঘ আলোড়িত করিয়া ঘোর শব্দে দগ্ন হইয়া যাইবে, অগ্নিস্ফুলিঙ্গ-হরি-নামে, পূর্বজন্ম সঞ্চিত পাপরূপ বারুদরাশী মুহূর্তে ভস্মীভূত হইয়া যাইবে।

কেহ এ সকল কথা, ভক্তির কথা বলিয়া ঘৃণা করিতে পারেন। যাহারা ভক্তি বিদেষী তাহারা মনে করেন—জ্ঞান ও ভক্তি স্বতন্ত্র পদার্থ। দুর্বলচিত্ত, তর্ক যুক্তি অক্ষমচিত্ত, বিচারে পরাস্থখ চিত্ত ভক্তি অবলম্বন করে। জ্ঞানস্বর্যের কিরণ তাহাদের অসহ। এরূপ ভক্তি-নিন্দুকের জ্ঞানগর্ভ অপেক্ষা অজ্ঞানতা আর নাই। বস্ত-জ্ঞানে ভক্তি হয়। গোলাপ ফুটিয়াছে, সৌরভ ছুটিতেছে, নয়ন রঞ্জন করিতেছে, আনন্দ জন্মিল, গোলাপদর্শক যুক্তি করিল না সত্য, কিন্তু যুক্তির কার্য তাহাতে হইয়াছে। যে ব্যক্তি গোলাপ না দেখিয়া গোলাপের সুন্দর রং শুনিয়া ও সৌরভের কথা পুস্তকে উল্লেখ দেখিয়া গোলাপ আনন্দপ্রদ হয় কিনা, এই বিষয় বিচার করিতে বিতণ্ডায় প্রবৃত্ত হয়, ভক্তি-নিন্দুক জ্ঞানের অবস্থা ঠিক সেইরূপ। ঈশ্বরজ্ঞান জন্মিয়াছে, ভক্তি আসিবে না, এতদূর ভ্রমাত্মক কথা কখনও অক্ষরে গঠিত হয় নাই। সকলে বলে—বিবেকানন্দ জ্ঞান প্রচার করিতেছেন, কিন্তু তাঁর মুখে বারবার শুনিবে শ্রদ্ধা, শ্রদ্ধার প্রতি তাঁহার এরূপ শ্রদ্ধা যে, তিনি বহু ভাষাজ্ঞ হইয়াও তাহার প্রতি-কথা জানেন না। শ্রদ্ধা কথা লইয়া বৈদান্তিক বিবেকানন্দ উন্নত—ভক্তরা যেরূপ উন্মাদ হইয়া থাকে—সেইরূপ উন্মাদ। ভক্তরা যেরূপ বলেন, তিনিও বলেন, 'শ্রদ্ধাবলে নরত্ব ঘুচিয়া দেবত্ব হয়, শ্রদ্ধাই সার, যার শ্রদ্ধা আছে, তিনিই শ্রেষ্ঠ।' এস্থলে কূট-

তार्কিক বিজয়ী বিবেকানন্দের তর্ক নাই, কেবল বলেন শ্রদ্ধা ।  
কথার অর্থ বলিতে সক্ষম নন, বলেন শ্রদ্ধা । জ্ঞান-গর্ভিত ব্যক্তির  
এই শ্রদ্ধাবান্ মহাপুরুষের শ্রদ্ধার উপর শ্রদ্ধা রাখিলে আর জ্ঞান-  
ভক্তি লইয়া বিবাদ থাকে না । তিনি ভক্তকে পরম জ্ঞানী জানিয়া  
তাঁহার পদানত হইবেন ।

একটী গল্প বলিয়া আমার প্রবন্ধটী শেষ করি । কাশীধামে  
বিশ্বেশ্বর দর্শনের নিমিত্ত একজন মহাপুরুষ প্রচ্ছন্নভাবে নিত্য  
আসিতেন, কোন ব্যক্তি, কিরূপে তাঁহাকে ধরা যায়—ভাবিতে  
লাগিলেন, একজন ঋষি উপদেশ দিলেন, বিশ্বেশ্বরের মন্দিরের দ্বারে  
কাশীপ্রাপ্ত ব্যক্তির শবদেহ একটী ফেলিয়া রাখিও । যিনি সেই  
শবদেহ দর্শন করিয়া আর বিশ্বেশ্বর দর্শনে যাইবেন না, তিনিই  
সেই মহাপুরুষ । যিনি শবদেহ দর্শনে ফিরিবেন, তাহার তাৎপর্য্য  
এই যে, তাঁহার শিববাক্যে দৃঢ় বিশ্বাস । কাশীর শবদেহ শিবত্ব প্রাপ্ত  
হইয়াছে । শিববাক্যে বিশ্বাস বা শাস্ত্র শ্রদ্ধা একটী ভক্তি বা জ্ঞানের  
পরিচয় । শ্রোতৃবর্গের নিকট আমার প্রার্থনা, আমি যথাসাধ্য প্রবন্ধে  
একবার হরি-নাম বলার গুণ ব্যাখ্যা করিবার চেষ্টা পাইয়াছি,  
সকলে আশীর্বাদ করুন, যেন হরি-নামের গুণ আমাতে ফলবান হয় ।

শ্রীগিরীশচন্দ্র ঘোষ ।

## “সুশীল ।”

দ্বিতীয় পল্লব ।

নর নারী সম্মিলন,  
করে যা'রা অহুক্ষণ,  
আনিল কুমারী এক সুরবালা সম,  
রূপেগুণে অতুলনা,  
সুধাময়ী সে ললনা,  
মন্দার কলিকা সম অতি মনোরম ;

শুভ পরিণয়-ক্ষেত্রে,  
মিলন বিবাহ-স্থত্রে,  
বরমাল্য দেয় বালা সুশীলের গলে,  
সুশীলের পাশে বালা,  
তমালেতে তরুবালা,  
অথবা চন্দ্রমা যেন সরসীর জলে ।

মনোরমা, মনোরমা,  
হৃদি ব্যাথা হরে বামা,  
সুশীলের মলিনতা ঘুচায় যতনে,  
ফুল মনে করে খেলা,  
আনন্দের মহামেলা,  
আঁগিতে থাকে সদাই হৃৎজনে ;  
যুবক-যুবতী সনে,  
করে কেলি ফুল মনে,  
ভুলে আছে বাহিরের সংসার ব্যাপার  
রসেতে অলস তা'রা,  
প্রেম-মদে মাতোয়ারা,  
সদাই প্রফুল্ল মনে করিছে বিহার ।  
এ হেন রূপের খেলা,  
আনন্দের মহামেলা,  
সহিল না বিগ্নি হৃদে, ঘটে পরমাদ,  
ঘুচিল সেরূপ খেলা,  
ভাঙ্গিল সে মহামেলা,  
অকস্মাৎ বিধি আসি সাধিল গো বাদ  
সুশীল সরল মতি,  
হেরিয়ে সবার প্রতি,  
দংশিল কুসঙ্গ-কাল-কণি—ভয়ঙ্কর,  
বিমোহিনী ফণাহার,  
ঢালিল বিষের ধার,  
সুশীল সরল মতি বিধে ছর ছর ।  
প্রলোভন নামে বালা,  
দশ দিশি ক'রে আলা,  
ছুটাইল মারাবিনী রূপের তরঙ্গ,  
সুশীল সুন্দর হায়,

ভায় হাবুডুন্ খায়,  
বিশ্ব-বিমোহিনী খেলা যৌবনের রঙ্গ  
সুশীল কু-নঙ্গী সহ,  
ভ্রমিতেছে অহরহ,  
সাধের সে কুঞ্জবন নর্তকী আলয়,  
যে কুহুমে দেব নেবা,  
আজি বিলাসিনী-সেবা,  
কি পরিবর্তন হের সঙ্গ বিনিময় !  
ধন মান আদি যত,  
ক্রমে হের পলায়িত,  
ক্রমে ক্রমে পলাইল শৈশব ভূষণ,  
মধু মাথা সুধা হাসি,  
আর কভু নাহি আসি,  
সাজাবে সে সুধালয় সুশীল-আনন ;  
সরলতা, কপটতা,  
মধুরতা, কঠিনতা,  
শৈশবে যৌবনে হের কত বিনিময়,  
এক চন্দ্রমার হাসি,  
রবির কিরণ রাশি,  
মধুরে কঠোর কত বিভিন্নতা হয় ?  
মিথ্যাচার, ব্যাভিচার,  
হইয়াছে অলঙ্কার,  
রূপ-জীবনী-প্রণয় কঠোর ভূষণ,  
পবিত্র দেবী মুরতি,  
আহা মনোরমা সতী,  
না পায় হৃদয়ে স্থান ঝরিছে নয়ন ;  
পতি ভালবাসা ধনি,  
মনোরমা দীমন্তিনী,

পেয়েছিল হায় তাহা কোথায় এখন ?  
 এখন দেখিলে তা'রে,  
 সুশীল প্রহার করে,  
 শুভদৃষ্টি যা'র সনে বিষের নয়ন।  
 অলক্ষে নয়ন জলে,  
 ভাসায় সুগুস্থলে,  
 সমুখেতে দীর্ঘশ্বাস হয়েছে সম্বল,  
 সোহাগের সোহাগিনী,  
 আজি হের বিধাদিনী,  
 উদাসিনী সম সদা আঁখি ছিল ছল।  
 সতীর-সে অপমানে,  
 লাগিল বিধির প্রাণে,  
 হের শোকবাণ ত্যজে সুশীলের প্রতি  
 অব্যর্থ শর সন্ধান,  
 বধিল পিতার প্রাণ,  
 লয়ে যায় দিব্যধামে অতি দ্রুতগতি।  
 কিন্তু হায় একি রীত,  
 হিতে হল বিপরীত।  
 বাড়িল আনন্দ মাত্রা পিতার মরণে,  
 গৃহে আর নাহি যায়,  
 বাহিরে বাহিরে রয়,  
 সাধের সে কুঞ্জবন নাহি লয় মনে ;  
 কুঞ্জবন বন তুল্য,  
 নহে তাহা মহামূল্য,  
 হতাদর করে সবে কাছে নাহি যায়,  
 দিব্য স্থান ছিল যাহা,  
 আজি হের ঘণ্য তাহা,

সংসারের মহামেলা হৃদগে ফুরায়  
 মনোরমা একাকিনী,  
 কুঞ্জবনে বিধাদিনী,  
 সুশীল জননী হায় ত্যজেছে জীবন,  
 একে একে সব গেল,  
 সব খেলা ফুরাইল,  
 ইচ্ছাময় তব ইচ্ছা হউক পূরণ ;  
 সুশীলের বন্ধু যারা,  
 ক্রমে হের সবে তারা,  
 মধুচক্র ভেঙ্গে গেলে ভৃঙ্গ নাহি রয়,  
 আজি হের পথে পথে,  
 কোন বন্ধু নাহি সাথে,  
 ঐশ্বর্যের অনাদরে এইরূপ হয়।  
 কুঞ্জবনে ওকে ধায়,  
 লাল আঁখি মত্ত প্রায়,  
 কারে হের মারে লাথি বুক ফেটে যায়  
 সতী সাধ্বী মনোরমা,  
 প্রাণ বায়ু ত্যজে বামা,  
 ছিন্ন ব্রততীর মত ভূমেতে লুটায় ;  
 সাধের বাসর হায়,  
 অকালে ভাঙ্গিয়া যায়,  
 হাঃ হাঃ২ অটুহাস্তে সুশীল হাসিল,  
 অবশেষে বাপীজলে,  
 সুশীল পরাণ চালে, [ ভাকিল ?  
 “সুশীল” বলিয়া তোরে কেনরে  
 কি কুক্ষণে পিতামাতা ও-নাম রাখিল।  
 কিরণ।

## সুধাংশু।

[ পূর্ব প্রকাশিতের পর। ]

[ ৪ ]

শশীশেখর গৃহে আসিয়া প্রথমেই স্নেহের নিকট গমন করিল,  
 স্নেহ আপনার কক্ষে বসিয়া অশ্রুপাত করিতেছিল, জাতাকে সম্মুখে  
 দেখিয়া অঞ্চল দ্বারা অশ্রু মুছিল।

শশীশেখর স্নেহের চক্ষে অশ্রু দেখিয়া প্রমাদ গণিল এবং ধীরে  
 বলিল, ‘দিদি! আমি কাল আসিনি বলে কাঁদচ?’

স্নেহ বলিল “হ্যাঁ ভাই! শুধু তাই নয়—রতন এসে বাবাকে  
 কাল রাত্রে অনেক কথা বলে গেল। তুমি সরকারী কাবের  
 ক্ষতি করেছ, বাবা আর তোমার মুখ দেখবেন না।”

শশীশেখর আত্মোপান্ত ব্যাপার বুঝিল, এবং স্নেহের পদতলে  
 পড়িয়া বলিল দিদি! তুমি?—মা? বাপের বাড়ী চলে গেলেন,  
 তোমাকেও সেই—

স্নেহ। তুমি যা' বলবে।

শশী। কিছু বলবো না—আমি চল্লম;—

স্নেহ। কোথায়?

শশী। যেখানে পিতার অধিকার নাই;—

স্নেহ। পুস্প?

শশী। তাকে সঙ্গে করে নিয়ে যাবো;—

স্নেহ। কাল পুস্পের সঙ্গে কি কথা হ'ল?

শশী। কাল তাঁর জননীর মৃত্যু হয়েছে—সারারাত্রি জাগিয়া  
 তাঁহার সংকার করিয়াছি;—

স্নেহ। তারপর?

শশী। পুস্পের জনীর মৃতদেহ স্পর্শ করিয়া শপথ করিয়াছি,  
 “পুস্প আমার।”



স্নেহ। পুষ্প কি নতুনই তোর ?

শশী। তুমি ভগিনী—দিদি, নতুবা অল্প কেহ ও-কথা বলিলে জন্মে তাহার মুখ দেখিতাম না।

স্নেহ। তবে সে ধান কোথায় পেলে ?

শশী। স্নেহ-দিদি তোমার তা জানা উচিত, কেন না, তুমি আমার বড়, তুমি অনেক দিন ত তাদের বাড়ী গেছ ?

স্নেহ। পুষ্প স্বর্গের পারিজাত—দানবের অত্যাচার স্বর্গ-শ্রীহীন হইলেও পারিজাতের গন্ধ ও শোভা তেমনই আছে।

শশী। দিদি! বাবা তার পিতার সর্বনাশ করিয়াছেন তাই পুষ্পের এই দশা—সে দরিদ্র হইয়াছে—কিন্তু ভিক্ষা করিতে জানে না, কাহার সাহায্যও চাহে না। যতদিন তাহার জননী শরীরে বল ছিল, পুষ্প ঘরে বসিয়া খাইতে পাইত, কিন্তু আজ কয়মাস—তিনি শয্যাগত ছিলেন, পুষ্প মাঠে পথে যে ধান কাহার বোঝা হইতে খসিয়া পড়িত, তাহাই কুড়াইয়া বোঝা বাঁধিয়া ঘরে লইয়া যাইত—এবং তদ্বারা নিজের ও জননীর আহার চালাইত

স্নেহ। পুষ্পকে তুমি প্রথমেই চিনিয়াছিলে কি ?

শশী। না, তাহার কুটির দেখিয়া চিনিয়াছিলাম।

স্নেহ। এখন কিছূ খা ?

শশী। না দিদি চলিলাম—এ বাটীতে আর আমার স্থান নাই আমি পুষ্পের নিকট ভয়ানক ষড়যন্ত্রের কথা শুনিলাম। পিতা এখন পুষ্পের প্রাণ নাশের চেষ্টায় আছেন, আমাকেও ছলে কোন কুঠিতে আবদ্ধ করিয়া রাখিবেন, কেন না আমার অপরাধ—আমি পিতার পাপকার্যে সহায়তা করি না—তিনি লোকের সর্বনাশ করিয়া বিষয় বৃদ্ধি করেন—আমি তাহাতে বাধা দিই। আহা! অনাথিনী পুষ্প! বাবার জন্ত তাহার এই দশা! কিন্তু দিদি! আমি পুত্র হইয়া পিতাকে সে পাপ হইতে মুক্ত করিব। অতাই পুষ্পকে লইয়া এ গ্রাম পরিত্যাগ করিব, তাহা হইলে পিতা আর নারী-হত্যা-জনিত পাপে পতিত হইবেন না, তাহার

এখন আমি তিন্ন আর কেহ নাই। দিদি! আমি চলিলাম, বিদায়,—যদি কখন দিন পাই আবার দেখা হইবে, নতুবা এই পর্য্যন্ত।”—এই বলিয়া শশীশেখর দ্রুতপদে চলিয়া গেলেন।

স্নেহের মুখে কথা সরিল না, কেবল চক্ষু দিয়া ছ'এক ফোঁটা অশ্রু জল গগুহুল বহিয়া পড়িতে লাগিল।

[ ৫ ]

শশীশেখর বরাবর পুষ্পের কুটিরে গমন করিয়া সেই দিনই তাহাকে সঙ্গে লইয়া গ্রামান্তরে যাইয়া বাস করিল এবং অশোচান্তে ব্রাহ্মণ আনাইয়া ধর্ম্য সাক্ষ্য করিয়া তাহার পাণি-গ্রহণ করিল—পুষ্প এখন শশীশেখরকে দেখিলে কিঞ্চিৎ লজ্জা না করিয়া থাকিতে পারে না।

শশীশেখর এতদিন নিজ-খরচ হইতে যে অর্থ সঞ্চয় করিয়াছিলেন, তাহাতেই বেশ সুখে দিন কাটাইতে লাগিল, পুষ্প এখন সন্ত-বিকশিত গোলাপ ফুলের প্রায় হইয়া উঠিল।

অপর পক্ষে রাধিকাপ্রসাদের কি হইল—স্নেহই বা এখন কি করিতেছে ? শশীশেখর অমন করিয়া চলিয়া যাইবে, স্নেহ ততটা ভাবে নাই—সুতরাং ভ্রাতার অবিভ্রমানে তাহার দেহ মন জীর্ণ-নীর্ণ হইয়া পড়িল, ইহার উপর অল্পদিন পরেই তাহার স্বামীবিয়োগ ঘটিল—তথাপি স্নেহ শশীশেখরের জন্ত বাঁচিয়া রহিল—স্নেহের জননী বন্ধ-উন্মাদিনী হইলেন। রাধিকাপ্রসাদ কিঞ্চিৎ অশ্রমস্ব হইলেন।

ঘরে অগ্নি লাগিয়া রতন মণ্ডল গহশূন্য ও সর্বস্বান্ত হইল—সেই বিষম অগ্নিকাণ্ডে তাহার একমাত্র পুত্র পুড়িয়া মরিল—রতন তখন শশীশেখর ও পুষ্পের জন্ত কাঁদিতে আরম্ভ করিল—কিন্তু তাহাদের উভয়ের সংবাদ দ্রিবাঙ্গীতে কেহ জানে না।

রতন বুঝিল—এ সকলই তাহার প্রভু-দ্রোহিতা এবং সরলা বালিকা পুষ্পের সর্বনাশ সাধনের সমুচিত প্রতিফল; সুতরাং সে মনে মনে একটা প্রায়শ্চিত্তের ব্যবস্থা স্থির করিল—রতন, শশী-শেখরের সন্ধানে চলিল।

[ ৬ ]

যেখানে শশীশেখর পুষ্পকে লইয়া বাস করিতেছেন, সে স্থান ত্রিবাটী হইতে প্রায় দশ পনর ক্রোশ দূরে; রতন কিন্তু অল্পসন্ধানে বহির্গত হইয়া প্রায় পঞ্চাশ ক্রোশ দূরে ঘাইয়া পড়িল।

শশীশেখর ও পুষ্প একত্রে আর চারি বৎসর সুখ-সন্তোষ করিল, ইতি মধ্যে পুষ্পের একটা পুত্র হইয়াছে—স্বামী ও স্ত্রী, মধ্যে মধ্যে পুত্রের প্রতি চাহিয়া চাহিয়া অশ্রুপাত করেন। কিন্তু শশীশেখরকে আর বড় অধিক দিন এ যন্ত্রণা ভোগ করিতে হইল না।

শশীশেখর প্রতি মাসে প্রচ্ছন্ন বেশে, এক একবার অস্বারোহণে ত্রিবাটী গমন করেন। এবারেও গমন করিলেন, কিন্তু প্রত্যাগমন সময়ে পথিমধ্যে অন্ধকারে পথ হারা হইয়া অশ্ব সহিত একটা কূপে পতিত হইলেন, এবং সমস্ত রাত্রি সংজ্ঞা-হীন অবস্থায় পড়িয়া রহিলেন—প্রভাতে একজন লোক আসিয়া তাহাকে উঠাইল—এবং পাকী আনাইয়া গৃহে লইয়া গেল।

এই আঘাতে শশীশেখর অসুস্থ হইলেন, এবং এক মাস পরে তাহার মৃত্যু হইল—পুষ্পের দশা এইবার কি হইল তাহা বর্ণনাভীত!

[ ৭ ]

প্রায় তিন মাস পরে একদিন রতন শশীশেখরের সন্ধানে ভ্রমণ করিতে করিতে পুষ্পের বাটী আসিল—পুষ্প তখন পুত্রটাকে ক্রোড়ে লইয়া বাটীর দ্বারদেশে দাঁড়াইয়া আছে। রতন পুষ্পকে দেখিল—কিন্তু চিনিতে পারিল না—পুষ্পও তাহাকে চিনিল না। রতন ধীরে ধীরে অগ্রসর হইয়া বলিল “মা!—আমি আজ কয়দিন পথশ্রমে বড় ক্লান্ত হইয়াছি, যতপি আমাকে আশ্রয় দেন, তবে বড় উপকৃত হই—আর এই গ্রামে কি শশীশেখর নামে কেহ বাস করেন?—আমি যে গ্রামে যাইতেছি, সেই গ্রামে প্রত্যেকেই এই কথা জিজ্ঞাসা করিয়া আসিতেছি।”

পুষ্প এতক্ষণে রতনকে চিনিল, এবং ভয়ে গৃহ মধ্যে পলায়ন করিল। রতন ভাবিল—রমণী তাহাকে দেখিয়া কিছু না বলিয়া পলাইল কেন? ভাবিতে ভাবিতে তাহার পুষ্পের কথা মনে পড়িল, তখন সে বাটীর প্রাঙ্গণে প্রবেশ করিয়া কাতর-কণ্ঠে বলিল মা—পুষ্প! আমি তোমায় চিনিয়াছি, তুমি আমাদের ত্রিবাটীর পুষ্প। আর ভয় নাই মা! একবার গৃহের বাহির হইয়া ভাল করিয়া দেখ, রতনের কি দশা হইয়াছে—তোমাদের অনু-সন্ধানে আমি আজ কয় বৎসর পথে পথে ফিরিয়াছি—আমার পাপের প্রায়শ্চিত্ত হইয়াছে—আমার গৃহ অগ্নিতে ভস্মসাৎ করিয়াছে—আমার পুত্রকে বিনাশ করিয়াছে—আমি এখন পথের কাঙ্গালি—কিন্তু পাপের প্রায়শ্চিত্ত এখনও যাহা বাকী আছে, তাহা শেষ করিব। এস মা—আমার ত্রিবাটীর যোত্র-জমা তোমাকে দেওয়াইব—রতনের কথায় রাধিকাপ্রসাদ অমত করিবে না—এখন এস এবং বল শশীশেখর কোথায়?—সেই দরিদ্রের ‘মা বাপ’ শশী-শেখরকে দেখাও।”

এই সময় গৃহ মধ্যে হইতে অফুট ক্রন্দন ধ্বনি রতনের কর্ণে প্রবেশ করিল। রতন সে ক্রন্দনের মর্ম্ম বুঝিল, তাহার মর্ম্ম স্থান বিদ্ধ হইল—রতন ভূমে পড়িয়া বালকের ছায় কাঁদিতে লাগিল—পুষ্প আর গৃহ মধ্যে থাকিতে পারিল না—বাহিরে আসিয়া রতনকে বলিল;—

“রতন!—আর কাঁদিও না,—তোমাদের প্রভু স্বর্গে গিয়াছেন, কিন্তু তাহার পরিবর্তে এ শিশুকে গ্রহণ কর—যতপি ইচ্ছা হয়, ইহাকেই তোমাদের প্রভু বলিয়া মনকে সান্ত্বনা কর।—

রতন দ্রুত ঘাইয়া শিশুকে ক্রোড়ে লইল—শিশু রতনের ক্রোড়ে আসিয়া ‘দা’ ‘দা’ বলিয়া তাহার নাকটী কামড়াইতে লাগিল—রতন ক্ষণেকের জন্ত সকল শোক বিস্মৃত হইল। পুষ্প রতনকে পূর্ক্কাপর সকল কথা বলিল।

রতন সেই কথা শুনিয়া শিশুকে আদর করিতে করিতে

বলিল,—“মা!—এখানে থেকে আর কি করবি—চল ত্রিবাটা যাই—  
ত্রিবাটার শিশু জমিদারকে এখানে কে আদর বহু করবে?”

পুষ্প কাঁদিয়া বলিল—“রতন! যে পরের ধান চুরি করিয়া জীবন  
ধারণ করিত—তাহার পুত্রকে ত্রিবাটার লোক খাওয়াইবে কেন?”

রতন পুষ্পের পদতলে পড়িল—পুষ্প সরিয়া দাঁড়াইল এবং  
বলিল,—“রতন! আমি আজ তিনদিন অনাহারে আছি, এবং

অনাহারেই থাকিব—এ কথা কাহাকেও বলিতাম না, কেবল এই  
শিশুর জন্মই বলিতেছি। তুমি আজ থাক, কাল শ্রাতে ত্রিবাটা

যাইয়া স্নেহ দিদিকে সকল কথা বলিও—যদি তাহার পিতার মত  
হয়—ইহাকে লইয়া যাইও—আর ত্রিবাটাতে শেষদিন যে ধানের

বোঝা চুরি করিয়াছিলাম, তাহাও রাখিয়া দিয়াছি—তোমাকে ঐ  
সঙ্গে তাহাও দিব—উহা তোমাদের মৃত প্রভুর জীবনের মূল্য;

সুতরাং উহা ত্রিবাটার লোকেরই প্রাপ্য—আমি কেবল পোড়া  
পেটের জ্বালায় পথে পথে কুড়াইয়া একত্রিত করিয়াছিলাম।”

রতন বলিল “মা—! এখন চলিলাম—পারি—কাল মধ্যাহ্নে এখানে  
আসিয়া যাহা ভাল বুঝিব করিব।”

এই বলিয়া আর উত্তরের অপেক্ষা না করিয়া রতন দ্রুতবেগে  
বাটার বাহির হইয়া গেল। পুষ্প আসিয়া গৃহের দ্বার বন্ধ করিয়া  
শয়ন করিল।

[ ৮ ]

পল্লীগামে প্রত্যেক গৃহস্থেরই দুই একটি ঘোটক থাকে—সে  
সকল ঘোটক অনেক সময় দিবারাত্র মাঠে, পথে চরিয়া বেড়ায়।

রতন পুষ্পের বাটা হইতে কিয়দূর গমন করিয়া একটা অশ্ব  
দেখিতে পাইল এবং ধীরে ধীরে নিকটে যাইয়া তাহার উপর

চড়িয়া বসিল, এবং প্রায় ৪।৫ ঘণ্টা পরে ত্রিবাটা আসিয়া উপ-  
স্থিত হইল। তখন অপ্রয়োজন বোধে অশ্বটিতে ছাড়িয়া দিল,

এবং দ্রুতগতিতে রাধিকাপ্রসাদের গৃহাভিমুখে চলিল, পথে পূর্বোক্ত

সহিত সাক্ষাৎ হইল, রতন তাহার সহিত বাক্যালাপও  
করিল না—রতন বরাবর যাইয়া রাধিকাপ্রসাদের বিশ্রামক্ষেত্র গমন

করিল, এবং তাহাকে সম্মুখে দেখিতে পাইয়া নমস্কার করিয়া  
বলিল,—“বাবু! আমি এসেছি।”

রাধিকাপ্রসাদ করতলে মস্তক রাখিয়া কি ভাবিতেছিলেন—  
রতনের স্বর তাহার মস্তক স্পর্শ করিল এবং চমকিত হইয়া চাহিয়া

দেখিলেন—রতন মগল! তাহার আপাদমস্তক কাঁপিয়া উঠিল—  
রতন আবার বলিল “বাবু! একবার আপনার কণ্ঠা স্নেহকে এই

রাধিকাপ্রসাদ বিস্মিত হইয়া বলিলেন—“কেন রতন? এতদিন  
কোথায় ছিলে?”

‘শশী বাবুর অহুস্কানে’ এই বলিয়া রতন স্বয়ং একজন  
চাকরকে ডাকিয়া স্নেহকে ডাকিয়া আনিতে বলিল—চাকর তাহাকে

ডাকিতে চলিয়া গেল।  
রাধিকাপ্রসাদ বসিয়াছিলেন, রতনের কথা শুনিয়া উঠিয়া

দাঁড়াইলেন—রতন ফিরিয়া আসিয়া তাহার সম্মুখে দাঁড়াইল।—  
রাধিকাপ্রসাদ বলিলেন—“রতন! কোথায় গিয়াছিলে বলিলে?”

রতন দৃঢ়স্বরে বলিল—“শশী বাবুর অহুস্কানে—তাহাকে দেশে  
ফিরাইতে—”

রাধিকাপ্রসাদ তীব্র স্বরে বলিলেন,—“শশীশেখর আমার পুত্র  
হইয়া আমার শত্রু, আমার উন্নতির পথের কণ্টক, আবার—

আমার শত্রুর কণ্ঠাকে বিবাহ করিয়া আমার বখেষ্ট অপমানিত  
করিয়াছে—তুমি তাহাকে আবার আনিতে গিয়াছিলে, সুতরাং

তুমিও আমার শত্রু!”  
এই সময় স্নেহ সেই ক্ষেত্র প্রবেশ করিল, রতন রাধিকা-

প্রসাদের কথার কোন উত্তর না দিয়া স্নেহকে লক্ষ্য করিয়া  
বলিল;—মা স্নেহ! একটা অনাথ শিশুর ভার গ্রহণ করিতে

পারিবে কি?

স্নেহ বলিল,—“পারিব ।”

রতন । আগে সকল কথা শোন, উত্তর বলিও ।

স্নেহ । তবে বল ।

রতন । ত্রিবাটীর প্রবল জমিদার রাধিকাপ্রসাদের একমাত্র পুত্র-মৃত শশীশেখরের পুত্র অনাথ শিশু আজ তিন দিন অনাহারে মৃত প্রায় ।

রাধিকাপ্রসাদ ও স্নেহ উভয়েই সংজ্ঞাহীন হইয়া ভূতলে পতিত হইল ।

[ ৯ ]

রাধিকাপ্রসাদ শীঘ্র সংজ্ঞানাভ করিল, কিন্তু স্নেহ মৃতকল্প পড়িয়া রহিল—রতন অনেক বহু তাহার চৈতন্য সম্পাদন করিল । স্নেহ ধীরে ধীরে উঠিয়া বসিল, এবং “বাবা! তোমার ত্রিবাটী রহিল আমি চলিলাম”—এই বলিয়া রতনকে সঙ্গে লইয়া কক্ষ হইতে নিষ্ক্রান্ত হইল । রাধিকাপ্রসাদ বিদ্যুৎবেগে তাহাদের পশ্চাতে গমন করিলেন এবং স্নেহকে সম্মুখে পাইয়া বলিলেন ;—

“মা স্নেহ! কোথায় যাও?”

স্নেহ কাতরকণ্ঠে বলিল,—“কোথানে পুষ্প শশীশেখরের পুত্রকে লইয়া অনাহারে আছে?”

রাধিকা । তাহার পর?

স্নেহ । বাহাতে ত্রিবাটীর অধিকার প্রাপ্ত হয়, তাহাই চেষ্টা করিব ।

রাধিকা । আমি স্বেচ্ছায় তাহা দিব—এই রাত্রেই আশ্রিত ত্রিবাটীর মণ্ডল, প্রজা, পাইক লইয়া সেই স্থানে যাইব—আমি কি চাও?

এই বলিয়া তিনি রতনকে সেই রাত্রেই সকলকে ডাকিয়া গমনের আয়োজন করিতে বলিলেন । রতন আপনার কার্য্যে গমন করিল ।

স্নেহ আসিয়া পিতার পদতলে পড়িয়া কাঁদিতে কাঁদিতে বলিল, “বাবা! আমাদের শশী?—”

রাধিকা । স্নেহ—আর কেন? আমার পাপের প্রতিফল যথেষ্ট হইয়াছে ।

এই বলিয়া উভয়েই নিম্নে গমন করিলেন । অল্পক্ষণ পরেই পাকী, বেহারা, পাইক, প্রহরী, সকলেই আসিল—রাধিকাপ্রসাদ সদলবলে পুষ্পানয়নার্থে গমন করিলেন । রতন সকলের অগ্রে অগ্রে চলিল ।

[ ১০ ]

পরদিন পূর্বোক্ত পুষ্পের বাটীর অদূরে বিষম কোলাহল সমুখিত হইল । পুষ্প শিশুটিকে ক্রোড়ে করিয়া ভূমে পড়িয়া অনাহারের ভাবনা ভাবিতেছিল, এমন সময় এ স্বর তাহার কর্ণে প্রবেশ করিল । ব্যাপার কি জানিবার জন্ত সে উঠিয়া বসিল—কিন্তু শরীর বিষম দুর্বল বলিয়া শুইয়া পড়িল—এমন সময় রতন আসিয়া ডাকিল, “মা—লক্ষ্মি! এই দেখ কে এসেছে?”

পুষ্প বুঝিল রতন আসিয়াছে, স্মৃতরাং অতি কষ্টে উঠিয়া দ্বার বসিয়া পড়িল । স্নেহ যাইয়া তাহাকে ধরিয়া বসিল—পুষ্প স্নেহের সুকোমল স্পর্শে যেন কিঞ্চিৎ বল পাইল, এবং ক্ষীণকণ্ঠে বলিল—“স্নেহ! তুমি এসেছ? এই শিশুটিকে ধর—এটা তোমার ।”

স্নেহ স্নেহভরে বলিল—“হ্যাঁ! ভাই এসেছি, বাবা এসেছেন, ত্রিবাটীর তোমার অধিকাংশ প্রজাই আসিয়াছে । এই বলিয়া শিশুটিকে ক্রোড়ে লইয়া বারম্বার তাহার মুখ চুম্বন করিল—এবং স্বীয় নয়ন জলে তাহাকে স্নান করাইল ।—

এই সময় রাধিকাপ্রসাদ ও অত্যাগত সকলেই সেই গৃহ-প্রাঙ্গণে আসিল—স্নেহ শিশুটিকে লইয়া পিতার হস্তে প্রদান করিল—রাধিকাপ্রসাদ নির্নিমেঘে তাহাকে দেখিতে লাগিলেন । ইহার পর

মধ্যাহ্নে সেই স্থানে সকলেই আহাৰাদি সমাপন করিলেন—  
অপরাহ্নে সকলেই ত্রিবাটী ফিরিলেন ।

স্নেহ ঘরে আসিয়া পুষ্পকে বলিলেন—“ছেলের কি নাম রাখি-  
য়াছিস ।” পুষ্প—“বলিল কিছুই না ।” স্নেহ বলিল আমি এ ছেলের  
নাম রাখিলাম—সুধাংশু ।

শ্রীশ্যামলাল মজুমদার ।

## সমালোচনা ও মতামত ।

মীমাংসা-তত্ত্ব—প্রথম ভাগ, শ্রীযুক্ত নবকুমার দেবশর্মা  
নিরোগী কর্তৃক প্রণীত । মূল্য ১ টাকা মাত্র ।

পাশ্চাত্য-শিক্ষা-প্রাপ্ত মহোদয়গণের হিন্দুত্ব ও হিন্দুধর্মের  
বিরুদ্ধে উপর্যুপরি লেখনী চালন, অধার্মিকগণের অজ্ঞ-অযথা  
বাদান্তবাদ (যাহা হিন্দুধর্ম বরাবরই গা'পাতিয়া সহিয়া আসিতেছে)  
তাহার একটা মীমাংসা করিবার জন্ত গ্রন্থকার অনেক যত্ন, পরিশ্রম  
ও অর্থ ব্যয় করিয়া এই “মীমাংসা-তত্ত্ব” প্রচার করিয়াছেন । পূজা-  
পাদ নবকুমার বাবুর এই অভিনব ও সর্কজন প্রীতিপ্রদ চেষ্টা দেখিয়া  
আমরা বাস্তবিকই অত্যন্ত আফ্লাদিত হইয়াছি । গ্রন্থে শিবপূজা যে  
আধুনিক পুরাণ ও তন্ত্র হইতে হয় নাই ; শৈবেরা মহাভারত আশ্রয়  
করিয়া তাহাদের দেবতাকে বড় করেন নাই, বৈষ্ণবদিগের গ্রন্থে  
ব্রহ্মা শিবকে বিষ্ণুর ভক্ত বলিয়া ও বিষ্ণু ব্রহ্মাকে শিবের ভক্ত বলিয়া  
নির্দেশ করিয়াছেন, বেদে সাকার উপাসনা ও প্রতিমা পূজা লিখিত  
নাই, বেদে জাতিভেদ নাই—এই সকল পাশ্চাত্য শিক্ষাভিমানি-  
গণের সমালোচনা আলোচনার—মীমাংসা করিয়া তাহার অসাধারণ  
চিন্তা-শক্তির পরিচয়ের সহিত হিন্দু সাধারণের বিশেষ উপকার সাধন  
করিয়াছেন । নাটক-নভেলাদি-প্লাবিত বঙ্গদেশে এই ধর্ম-মূলক  
অতি সারবান গ্রন্থের আদর হইবে কি না বলিতে পারি না ।